



大眾閱藏經典彙編 CBETA2018 版

大方廣佛華嚴經

唐于闐国三藏沙门实叉难陀译

(八十卷•之四：第 061 卷至第 080 卷)

汇编说明

佛教經典分經律論三藏，佛陀一生言教就保存在經藏中，閱藏讀經仿佛得預法會，親聆聖音，是學習佛法最直接的途徑，具足無量功德。能遍閱三藏，把一代聖教盡數熏入八識田中，直至成佛永為道種，更是古今眾多佛子的畢生心願。但人們往往以為閱藏是一項高不可攀的工程，要棲身藏經樓、多年足不出戶方能成功，廣大普通佛子只能望洋興嘆。大眾閱藏的目標是通過合理規劃及輔助工作降低閱藏難度，讓普通人也能閱藏，也能讀完大藏經、讀懂大藏經！

本汇编是大众阅藏 5.4 版佛經汇编共 12 辑之外的 11 部大经之一的《大方广佛华严经》。

本汇编采用台湾中华电子佛典协会（CBETA）2018 电子版《大正新修大藏经》第 10 册 No. 279 唐于阗国三藏实叉难陀翻译的《大方广佛华严经》（80 卷）为底本。本汇编按顺序 20 卷为一册，共 4 册。

CBETA 為中華電子佛典協會（Chinese Buddhist Electronic Text Association）的簡稱，成立於 1998 年，免費提供電子佛典資料庫供各界作非營利性使用，其發佈的電子佛典資料庫可在網路上下載。編輯過程中我們也做了一些校勘，如有修改處在頁底加校勘記說明。

宗旨：本佛宗经，闻思正见。

理念：阅藏很重要，大众能做到，活动无中心，引导有僧宝。

目标：圆满聞思修，共入福慧海！

大众阅藏邮箱：yuezang@vip.163.com。

大众阅藏官网网址：<http://www.yuezang.org>；

佛經安置須知

- 一、經典應恭敬放在清淨高處以及其他書籍的上面，不可隨意扔放床上、座椅上等不淨處。
- 二、凡經書等法寶閱畢，可輾轉流通，贈送其他道友，不可任意燒毀或丟棄。
- 三、如手捧或裝于口袋攜帶時，不得低於腰部，不可挾腋下。
- 四、不得口吹經上灰塵，應以專用淨布拭去。
- 五、不可在經典所在的地方，有種種污穢行為。

讀誦佛經須知

- 一、經典乃三世諸佛之師，如來法身舍利，亦當作真佛看，不可作紙墨等看。禮誦持念，種種修持，皆當以誠敬為主。
- 二、不可躺著看經書，以口水沾指翻經頁，不可以汙手觸經。
- 三、經書上不可塗寫。不得一邊散心雜話，一邊看經書。
- 四、中斷不看時，應夾放紙條、書簽做記號。不可折頁、折角，或經書面朝下作“人”字形擱置。

保甯勇禪師示看經警策文

夫看經之法後學須知：當淨三業。若三業無虧，則百福俱集。三業者，身、口、意業也。

- （一）端身正坐，如對聖容，則身業淨也。
- （二）口無雜言，斷諸嬉笑，則口業淨也。
- （三）意不散亂，屏息萬緣，則意業淨也。

內心既寂，外境俱捐。方契悟於真源，庶研窮于法理，可謂水澄珠瑩，雲散月明。義海湧于胸襟，智岳凝於耳目。輒莫容易，實非小緣。心法雙忘，自他俱利。若能如是，真報佛恩。

閱藏儀軌

零、閱藏準備：

- 一、關閉手機，淨手等
- 二、準備經本、法器等
- 三、焚香後，靜坐 5 分鐘清淨身口意三業準備閱藏

壹、前行：

一、頂禮三寶（三拜/三問訊）

二、淨三業真言

唵，娑嚩，婆嚩秫馱，娑嚩達摩娑嚩，婆嚩秫度憾。（三遍）

三、發願（三遍）

稽首禮諸佛 及法比丘僧 我今為自利 亦利諸有情
與諸善同修 正聞大藏經 傳承三聖學 令正法久住

四、稱佛號 南無本師釋迦牟尼佛（三稱）

五、開經偈 無上甚深微妙法 百千萬劫難遭遇 我今見聞得受持 願解如來真實義

貳、正行：深入經藏 慎勿放逸

叁、結行：

一、補闕真言 南謨喝啰怛那，哆啰夜耶。佉啰佉啰。俱住俱住。
摩啰摩啰。虎啰，吽。賀賀，蘇怛拏，吽。潑抹拏，娑婆訶。（三遍）

二、七佛滅罪真言 離婆離婆帝。求訶求訶帝。陀羅尼帝。尼訶囉
帝。毗黎你帝。摩訶伽帝。真陵乾帝。娑婆訶。（三遍）

三、回向 閱藏功德殊勝行 無邊勝福皆回向 普願沉溺諸眾生 速
往無量光佛刹 十方三世一切佛 一切菩薩摩訶薩 摩訶般若波羅蜜

祈願 佛日增輝 法輪常轉 僧寶紹隆 國道遐昌

祈願 一切善業 三寶加被 順緣具足 廣度群生

四、三皈依 自皈依佛 當願眾生 體解大道 發無上心

自皈依法 當願眾生 深入經藏 智慧如海

自皈依僧 當願眾生 統理大眾 一切無礙 和南聖眾

五、禮謝三寶（三拜/三問訊）

（注：此閱藏儀軌可以根據需要增加香贊、別回向等）

目 录

大方廣佛華嚴經卷第六十一.....	1
入法界品第三十九之二.....	1
大方廣佛華嚴經卷第六十二.....	14
入法界品第三十九之三.....	14
大方廣佛華嚴經卷第六十三.....	30
入法界品第三十九之四.....	30
大方廣佛華嚴經卷第六十四.....	45
入法界品第三十九之五.....	45
大方廣佛華嚴經卷第六十五.....	59
入法界品第三十九之六.....	59
大方廣佛華嚴經卷第六十六.....	73
入法界品第三十九之七.....	73
大方廣佛華嚴經卷第六十七.....	90
入法界品第三十九之八.....	90
大方廣佛華嚴經卷第六十八.....	104
入法界品第三十九之九.....	104
大方廣佛華嚴經卷第六十九.....	123
入法界品第三十九之十.....	123
大方廣佛華嚴經卷第七十.....	141
入法界品第三十九之十一.....	141
大方廣佛華嚴經卷第七十一.....	158

入法界品第三十九之十二.....	158
大方廣佛華嚴經卷第七十二.....	177
入法界品第三十九之十三.....	177
大方廣佛華嚴經卷第七十三.....	193
入法界品第三十九之十四.....	193
大方廣佛華嚴經卷第七十四.....	208
入法界品第三十九之十五.....	208
大方廣佛華嚴經卷第七十五.....	219
入法界品第三十九之十六.....	219
大方廣佛華嚴經卷第七十六.....	242
入法界品第三十九之十七.....	242
大方廣佛華嚴經卷第七十七.....	260
入法界品第三十九之十八.....	260
大方廣佛華嚴經卷第七十八.....	286
入法界品第三十九之十九.....	286
大方廣佛華嚴經卷第七十九.....	305
入法界品第三十九之二十.....	305
大方廣佛華嚴經卷第八十.....	317
入法界品第三十九之二十一.....	317

大方廣佛華嚴經卷第六十一

于闐國三藏實叉難陀奉 制譯

入法界品第三十九之二

爾時，普賢菩薩摩訶薩普觀一切菩薩眾會，以等法界方便、等虛空界方便、等眾生界方便，等三世、等一切劫、等一切眾生業 yè、等一切眾生欲、等一切眾生解、等一切眾生根、等一切眾生成熟時、等一切法光影方便，為諸菩薩以十種法句開發、顯 xiǎn 示、照明、演說此師子頻申三昧。何等為十？所謂：

演說能示現等法界一切佛剎微塵中，諸佛出興 xīng 次第、諸剎成壞 huài 次第法句；

演說能示現等虛空界一切佛剎中，盡 jìn 未來劫讚歎 tàn 如來功德音聲法句；

演說能示現等虛空界一切佛剎中，如來出世無量無邊成正覺門法句；

演說能示現等虛空界一切佛剎中，佛坐道場菩薩眾會法句；

演說於一切毛孔，念念出現等三世一切佛變化身充滿法界法句；

演說能令一身充滿十方一切剎海，平等顯 xiǎn 現法句；

演說能令一切諸境界中，普現三世諸佛神變法句；

演說能令一切佛剎微塵中，普現三世一切佛剎微塵數佛種種神變經無量劫法句；

演說能令一切毛孔出生三世一切諸佛大願海音，盡未來劫開發化導 dǎo 一切菩薩法句；

演說能令佛師子座量同法界，菩薩眾會道場莊嚴等無差別，盡未來劫轉於種種微妙法輪法句。佛子！此十為首，有不可說佛剎微塵數法句，皆是如來智慧境界。

爾時，普賢菩薩欲重宣此義，承佛神力，觀察如來，觀察眾會，觀察諸佛難思境界，觀察諸佛無邊三昧，觀察不可思議諸世界海，觀察不可思議如幻法智，觀察不可思議三世諸佛悉皆平等，觀察一切無量無邊諸言辭 cí 法，而說頌言：

「一一毛孔中，	微塵數刹海，
悉有如來坐，	皆具菩薩眾。
一一毛孔中，	無量諸刹海，
佛處菩提座，	如是遍法界。
一一毛孔中，	一切刹塵佛，
菩薩眾圍遶，	為說普賢行。
佛坐一國土，	充滿十方界，
無量菩薩雲，	咸來集其所。
億刹微塵數，	菩薩功德海，
俱從會中起，	遍滿十方界。
悉住普賢行，	皆遊法界海，
普現一切刹，	等入諸佛會。
安坐一切刹，	聽 tīng 聞一切法；
一一國土中，	億劫修諸行。
菩薩所修行，	普明法海行，
入於大願海，	住佛境界地。
了達 dá 普賢行，	出生諸佛法，
具佛功德海，	廣現神通事。
身雲等塵數，	充遍一切刹，
普雨甘露法，	令眾住佛道。」

爾時，世尊欲令諸菩薩安住如來師子頻申廣大三昧故，從眉間白毫相放大光明，其光名：普照三世法界門，以不可說佛刹微塵數光明而為眷屬，普照十方一切世界海諸佛國土。時，逝多林菩薩大眾，悉見一切盡法界、虛空界一切佛刹一一微塵

中，各有一切佛刹微塵數諸佛國土，種種名、種種色、種種清淨、種種住處、種種形相。如是一切諸國土中，皆有大菩薩坐於道場師子座上成等正覺，菩薩大眾前後圍遶，諸世間主而為供養；或見於不可說佛刹量大眾會中，出妙音聲充滿法界，轉正法輪；或見在天宮殿、龍宮殿、夜叉宮殿，乾闥婆、阿脩羅、迦樓羅、緊那羅、摩睺羅伽、人、非人等諸宮殿中，或在人間村邑聚落、王都大處，現種種姓、種種名、種種身、種種相、種種光明，住種種威儀，入種種三昧，現種種神變，或時自以種種言音，或令種種諸菩薩等在於種種大眾會中種種言辭 cí 說種種法。

如此會中，菩薩大眾見於如是諸佛如來甚深三昧大神通力；如是盡法界、虛空界，東、西、南、北、四維、上、下一切方海中，依於眾生心想而住，始從前際至今現在，一切國土身、一切眾生身、一切虛空道，其中一一毛端量處，一一各有微塵數刹種種業起次第而住，悉有道場菩薩眾會，皆亦如是見佛神力，不壞 huài 三世，不壞世間，於一切眾生心中現其影像，隨一切眾生心樂出妙言音，普入一切眾會中，普現一切眾生前，色相有別，智慧無異 yì，隨其所應開示佛法，教化調伏一切眾生未曾休息。其有見此佛神力者，皆是毘盧遮那如來於往昔時善根攝受，或昔曾以四攝所攝，或是見聞憶念親近之所成熟，或是往昔教其令發阿耨多羅三藐三菩提心，或是往昔於諸佛所同種善根，或是過去以一切智善巧方便教化成熟，是故皆得入於如來不可思議甚深三昧；盡法界、虛空界大神通力，或入法身，或入色身，或入往昔所成就行，或入圓滿諸波羅蜜，或入莊嚴清淨行輪，或入菩薩諸地，或入成正覺力，或入佛所住三昧無差別大神變，或入如來力、無畏智，或入佛無礙辯才海。

彼諸菩薩以種種解、種種道、種種門、種種入、種種理趣、

種種隨順、種種智慧、種種助道、種種方便、種種三昧，入如是等十不可說佛刹微塵數佛神變海方便門。云何種種三昧？所謂：普莊嚴法界三昧、普照一切三世無礙àì 境界三昧、法界無差別智光明三昧、入如來境界不動轉三昧、普照無邊虛空三昧、入如來力三昧、佛無畏勇猛奮 fèn 迅莊嚴三昧、一切法界旋轉藏三昧、如月普現一切法界以無礙音大開演三昧、普清淨法光明三昧、無礙àì 繒 zēng 法王幢三昧、一一境界中悉見一切諸佛海三昧、於一切世間悉現身三昧、入如來無差別身境界三昧、隨一切世間轉大悲藏三昧、知一切法無有迹三昧、知一切法究竟寂滅三昧、雖無所得而能變化普現世間三昧、普入一切刹三昧、莊嚴一切佛刹成正覺三昧、觀一切世間主色相差別三昧、觀一切眾生境界無障礙三昧、能出生一切如來母三昧、能修行入一切佛海功德道三昧、一一境界中出現神變盡未來際三昧、入一切如來本事海三昧、盡未來際護持一切如來種性三昧、以決定解力令現在十方一切佛刹海皆清淨三昧、一念中普照一切佛所住三昧、入一切境界無礙際三昧、令一切世界為一佛刹三昧、出一切佛變化身三昧、以金剛王智知一切諸根海三昧、知一切如來同一身三昧、知一切法界所安立悉住心念際三昧、於一切法界廣大國土中示現涅槃三昧、令住最上處三昧、於一切佛刹現種種眾生差別身三昧、普入一切佛智慧三昧、知一切法性相三昧、一念普知三世法三昧、念念中普現法界身三昧、以師子勇猛智知一切如來出興次第三昧、於一切法界境界慧眼圓滿三昧、勇猛趣向十力三昧、放一切功德圓滿光明普照世間三昧、不動藏三昧、說一法普入一切法三昧、於一法以一切言音差別訓釋三昧、演說一切佛無二法三昧、知三世無礙際三昧、知一切劫無差別三昧、入十力微細方便三昧、於一切劫成就一切菩薩行不斷絕三昧、十方普現身三昧、於法界自在成正覺三

昧、生一切安隱受三昧、出一切莊嚴具莊嚴虛空界三昧、念念中出等眾生數變化身雲三昧、如來淨空月光明三昧、常見一切如來住虛空三昧、開示一切佛莊嚴三昧、照明一切法義燈三昧、照十力境界三昧、三世一切佛幢想三昧、一切佛一密藏三昧、念念中所作皆究竟三昧、無盡福德藏三昧、見無邊佛境界三昧、堅住一切法三昧、現一切如來變化悉令知見三昧、念念中佛日常出現三昧、一日中悉知三世所有法三昧、普音演說一切法性寂滅三昧、見一切佛自在力三昧、法界開敷 **fū** 蓮華三昧、觀諸法如虛空無住處三昧、十方海普入一方三昧、入一切法界無源底三昧、一切法海三昧、以寂靜身放一切光明三昧、一念中現一切神通大願三昧、一切時一切處成正覺三昧、以一莊嚴入一切法界三昧、普現一切諸佛身三昧、知一切眾生廣大殊勝神通智三昧、一念中其身遍法界三昧、現一乘淨法界三昧、入普門法界示現大莊嚴三昧、住持一切佛法輪三昧、以一切法門莊嚴一法門三昧、以因陀羅網願行攝一切眾生界三昧、分別一切世界門三昧、乘蓮華自在遊步三昧、知一切眾生種種差別神通智三昧、令其身恒現一切眾生前三昧、知一切眾生差別音聲言辭海三昧、知一切眾生差別智神通三昧、大悲平等藏三昧、一切佛入如來際三昧、觀察一切如來解脫處師子頻申三昧……。菩薩以如是等不可說佛剎微塵數三昧，入毘盧遮那如來念念充滿一切法界三昧神變海。

其諸菩薩皆悉具足大智神通，明利自在，住於諸地，以廣大智普觀一切；從諸智慧種性而生，一切智智常現在前，得離癡翳 **yì** 清淨智眼，為諸眾生作調御師；住佛平等，於一切法無有分別；了達境界，知諸世間性皆寂滅無有依處；普詣一切諸佛國土而無所著，悉能觀察一切諸法而無所住，遍入一切妙法宮殿而無所來；教化調伏一切世間，普為眾生現安隱處；智慧

解脫，為其所行；恒以智身住離貪際，超諸有海，示真實際；智光圓滿，普見諸法；住於三昧，堅固不動；於諸眾生恒起大悲，知諸法門悉皆如幻，一切眾生悉皆如夢，一切如來悉皆如影，一切言音悉皆如響，一切諸法悉皆如化；善能積 jī 集殊勝行願，智慧圓滿，清淨善巧，心極寂靜；善入一切總 zǒng 持境界，具三昧力，勇猛無怯 qiè；獲 huò 明智眼，住法界際，到一切法無所得處；修習無涯智慧大海，到智波羅蜜究竟彼岸，為般若波羅蜜之所攝持；以神通波羅蜜普入世間，依三昧波羅蜜得心自在；以不顛倒智知一切義 yì，以巧分別智開示法藏，以現了智訓釋文辭 cí，以大願力說法無盡 jìn，以無所畏大師子吼；常樂觀察無依處法，以淨法眼普觀一切，以淨智月照世成壞 huài，以智慧光照真實諦；福德智慧如金剛山，一切譬喻所不能及；善觀諸法，慧根增長；勇猛精進，摧伏眾魔；無量智慧，威光熾 chì 盛；其身超出一切世間，得一切法無礙智慧，善能悟解盡、無盡際；住於普際，入真實際，無相觀智常現在前；善巧成就諸菩薩行，以無二智知諸境界，普見一切世間諸趣，遍往一切諸佛國土；智燈圓滿，於一切法無諸暗障，放淨法光照十方界；為諸世間真實福田，若見若聞所願皆滿，福德高大超諸世間，勇猛無畏摧諸外道；演微妙音遍一切刹，普見諸佛心無厭足；於佛法身已得自在，隨所應化而為現身，一身充滿一切佛刹；已得自在清淨神通，乘大智舟，所往無礙 ài，智慧圓滿周遍法界；譬如日出普照世間，隨眾生心現其色像；知諸眾生根性欲樂，入一切法無諍境界；知諸法性無生無起，能令小大自在相入；決了佛地甚深之趣，以無盡句說甚深義，於一句中演說一切修多羅海；獲大智慧陀羅尼身，凡所受持永無忘失；一念能憶無量劫事，一念悉知三世一切諸眾生智；恒以一切陀羅尼門，演說無邊諸佛法海，常轉不退清淨法輪，令

諸眾生皆生智慧；得佛境界智慧光明，入於善見甚深三昧；入一切法無障礙際，於一切法勝智自在，一切境界清淨莊嚴；普入十方一切法界，隨其方所靡 mǐ 不咸至；一一塵 chén 中現成正覺，於無色性現一切色，以一切方普入一方。其諸菩薩具如是等無邊福智功德之藏，常為諸佛之所稱歎 tàn，種種言辭 cí 說其功德不能令盡，靡不咸在逝多林中，深入如來功德大海，悉見於佛光明所照。

爾時，諸菩薩得不思議正法光明，心大歡喜，各於其身及以樓閣、諸莊嚴具，并其所坐師子之座，遍逝多林一切物中，化現種種大莊嚴雲，充滿一切十方法界。所謂：於念念中放大光明雲，充滿十方，悉能開悟一切眾生；出一切摩尼寶鈴雲，充滿十方，出微妙音，稱揚讚歎三世諸佛一切功德；出一切音樂雲，充滿十方，音中演說一切眾生諸業果報；出一切菩薩種種願行色相雲，充滿十方，說諸菩薩所有大願；出一切如來自在變化雲，充滿十方，演出一切諸佛如來語言音聲；出一切菩薩相好莊嚴身雲，充滿十方，說諸如來於一切國土出興次第；出三世如來道場雲，充滿十方，現一切如來成等正覺功德莊嚴；出一切龍王雲，充滿十方，雨一切諸香；出一切世主身雲，充滿十方，演說普賢菩薩之行；出一切寶莊嚴清淨佛剎雲，充滿十方，現一切如來轉正法輪。是諸菩薩以得不思議法光明故，法應如是，出興 xīng 此等不可說佛剎微塵數大神變莊嚴雲。

爾時，文殊師利菩薩，承佛神力，欲重宣此逝多林中諸神變事，觀察十方而說頌言：

「汝應觀此逝多林，	以佛威神廣無際，
一切莊嚴皆示現，	十方法界悉充滿。
十方一切諸國土，	無邊品類大莊嚴，
於其座等境界中，	色像分明皆顯現。

從諸佛子毛孔出，
及發如來微妙音，
寶樹華中現妙身，
從禪定起而遊步，
如來一一毛孔內，
皆如普賢大菩薩，
逝多林上虛空中，
普說三世諸菩薩，
逝多林中諸寶樹，
演說一切諸群生，
林中所有眾境界，
一一皆起大神通，
十方所有諸國土，
悉入如來毛孔中，
所有莊嚴皆現佛，
一一咸放大光明，
香焰眾華及寶藏，
摩 mǐ 不廣大等虛空，
十方三世一切佛，
於此園林境界中，
一切普賢諸佛子，
其數無量等眾生，
種種莊嚴寶焰雲，
遍滿十方一切刹。
其身色相等梵王，
進止威儀恒寂靜。
常現難思變化身，
種種諸相為嚴好。
所有莊嚴發妙音，
成就一切功德海。
亦出無量妙音聲，
種種業海各差別。
悉現三世諸如來，
十方刹海微塵數。
一切刹海微塵數，
次第莊嚴皆現覩 dǔ。
數等眾生遍世間，
種種隨宜化群品。
一切莊嚴殊妙雲，
遍滿十方諸國土。
所有莊嚴妙道場，
一一色像皆明現。
百千劫海莊嚴刹，
莫不於此林中見。」

爾時，彼諸菩薩以佛三昧光明照故，即時得入如是三昧，一一皆得不可說佛刹微塵數大悲門，利益安樂一切眾生；於其身上一一毛孔，皆出不可說佛刹微塵數光明；一一光明，皆化現不可說佛刹微塵數菩薩。其身形相如世諸主，普現一切眾生之前，周匝 zā 遍滿十方法界，種種方便教化調伏，或現不可說佛刹微塵數諸天宮殿無常門，或現不可說佛刹微塵數一切眾生

受生門，或現不可說佛刹微塵數一切菩薩修行門，或現不可說佛刹微塵數夢境門，或現不可說佛刹微塵數菩薩大願門，或現不可說佛刹微塵數震動世界門，或現不可說佛刹微塵數分別世界門，或現不可說佛刹微塵數現生世界門，或現不可說佛刹微塵數檀波羅蜜門，或現不可說佛刹微塵數一切如來修諸功德種種苦行尸波羅蜜門，或現不可說佛刹微塵數割截肢體羼 chàn 提波羅蜜門，或現不可說佛刹微塵數勤修毘梨耶波羅蜜門，或現不可說佛刹微塵數一切菩薩修諸三昧禪定解脫門，或現不可說佛刹微塵數佛道圓滿智光明門，或現不可說佛刹微塵數勤求佛法為一文一句故捨無數身命門，或現不可說佛刹微塵數親近一切佛諮問一切法心無疲厭門，或現不可說佛刹微塵數隨諸眾生時節 jié 欲樂往詣 yì 其所方便成熟令住一切智海光明門，或現不可說佛刹微塵數降伏眾魔制諸外道顯 xiǎn 現菩薩福智力門，或現不可說佛刹微塵數知一切工巧明智門，或現不可說佛刹微塵數知一切眾生差別明智門，或現不可說佛刹微塵數知一切法差別明智門，或現不可說佛刹微塵數知一切眾生心樂差別明智門，或現不可說佛刹微塵數知一切眾生根行、煩惱、習氣明智門，或現不可說佛刹微塵數知一切眾生種種業明智門，或現不可說佛刹微塵數開悟一切眾生門……。以如是等不可說佛刹微塵數方便門，往詣一切眾生住處而成熟之。所謂：或往天宮，或往龍宮，或往夜叉、乾闥婆、阿脩羅、迦樓羅、緊那羅、摩睺羅伽宮，或往梵王宮，或往人王宮，或往閻羅王宮，或往畜生、餓鬼、地獄之所住處，以平等大悲、平等大願、平等智慧、平等方便攝諸眾生。或有見已而調伏者，或有聞已而調伏者，或有憶念而調伏者，或聞音聲而調伏者，或聞名號而調伏者，或見圓光而調伏者，或見光網而調伏者；隨諸眾生心之所樂，皆詣其所令其獲 huò 益。

佛子！此逝多林一切菩薩，為欲成熟諸眾生故，或時現處種種嚴飾諸宮殿中，或時示現住自樓閣寶師子座，道場眾會所共圍遶，周遍十方皆令得見，然亦不離此逝多林如來之所。

佛子！此諸菩薩，或時示現無量化身雲，或現其身獨一無侶。所謂：或現沙門身，或現婆羅門身，或現苦行身，或現充盛身，或現醫王身，或現商主身，或現淨命身，或現妓樂身，或現奉事諸天身，或現工巧技術身。往詣一切村營城邑、王都聚落、諸眾生所，隨其所應，以種種形相、種種威儀、種種音聲、種種言論、種種住處，於一切世間猶如帝網行菩薩行。或說一切世間工巧事業，或說一切智慧照世明燈，或說一切眾生業力所莊嚴，或說十方國土建立諸乘位，或說智燈所照一切法境界，教化成就一切眾生，而亦不離此逝多林如來之所。

爾時，文殊師利童子從善住樓閣出，與無量同行菩薩，及常隨侍衛 wèi 諸金剛神、普為眾生供養諸佛諸身眾神、久發堅誓願常隨從諸足行神、樂聞妙法主地神、常修大悲主水神、智光照耀主火神、摩尼為冠主風神、明練十方一切儀式主方神、專 zhuān 勤除滅無明黑暗主夜神、一心匪 fěi 懈闡 chǎn 明佛日主晝 zhòu 神、莊嚴法界一切虛空主空神、普度眾生超諸有海主海神、常勤積 jī 集趣一切智助道善根高大如山主山神、常勤守護一切眾生菩提心城主城神、常勤守護一切智智無上法城諸大龍王、常勤守護一切眾生諸夜叉王、常令眾生增長歡喜乾闥婆王、常勤除滅諸餓鬼趣鳩槃荼王、恒願拔濟 jì 一切眾生出諸有海迦樓羅王、願得成就諸如來身高出世間阿脩羅王、見佛歡喜曲躬恭敬摩睺羅伽王、常厭生死恒樂見佛諸大天王、尊重於佛讚歎 tàn 供養諸大梵王。文殊師利與如是等功德莊嚴諸菩薩眾，出自住處，來詣佛所，右遶世尊，經無量匝 zā，以諸供具種種供養；供養畢已，辭 cí 退南行，往於人間。

爾時，尊者舍利弗承佛神力，見文殊師利菩薩，與諸菩薩眾會莊嚴，出逝多林，往於南方，遊行人間；作如是念：「我今當與文殊師利俱往南方。」時，尊者舍利弗與六千比丘，前後圍遶，出自住處，來詣佛所，頂禮佛足，具白世尊；世尊聽tīng許，右遶三匝 zā，辭退而去，往文殊師利所。此六千比丘是舍利弗自所同住，出家未久，所謂：海覺比丘、善生比丘、福光比丘、大童子比丘、電生比丘、淨行比丘、天德比丘、君慧比丘、梵勝比丘、寂慧比丘……。如是等，其數六千，悉曾供養無量諸佛，深植善根，解力廣大，信眼明徹，其心寬博，觀佛境界，了法本性，饒益眾生，常樂勤求諸佛功德，皆是文殊師利說法教化之所成就。

爾時，尊者舍利弗在行道中觀諸比丘，告海覺言：「海覺！汝可觀察文殊師利菩薩清淨之身相好莊嚴，一切天人莫能思議。

「汝可觀察文殊師利圓光映徹，令無量眾生發歡喜心。

「汝可觀察文殊師利光網莊嚴，除滅眾生無量苦惱。

「汝可觀察文殊師利眾會具足，皆是菩薩往昔善根之所攝受。

「汝可觀察文殊師利所行之路，左右八步，平坦莊嚴。

「汝可觀察文殊師利所住之處，周迴十方常有道場隨逐而轉。

「汝可觀察文殊師利所行之路，具足無量福德莊嚴，左右兩邊有大伏藏，種種珍寶自然而出。

「汝可觀察文殊師利曾供養佛，善根所流，一切樹間出莊嚴藏。

「汝可觀察文殊師利，諸世間主雨供具雲，頂禮恭敬以為供養。

「汝可觀察文殊師利，十方一切諸佛如來將說法時，悉放眉間白毫相光來照其身，從頂上入。」

爾時，尊者舍利弗為諸比丘稱揚讚歎、開示演說文殊師利童子有如是等無量功德具足莊嚴。彼諸比丘聞是說已，心意清淨，信解堅固，喜不自持，舉身踊躍 yuè，形體 tǐ 柔軟，諸根悅豫，憂 yōu 苦悉除，垢障咸盡 jìn，常見諸佛，深求正法，具菩薩根，得菩薩力，大悲大願皆自出生，入於諸度甚深境界，十方佛海常現在前，於一切智深生信樂；即白尊者舍利弗言：「唯願大師將引我等，往詣於彼勝人之所。」時，舍利弗即與俱行，至其所已，白言：「仁者！此諸比丘，願得奉覲 jìn。」

爾時，文殊師利童子，無量自在菩薩圍遶并其大眾，如象王迴觀諸比丘。時，諸比丘頂禮其足，合掌恭敬，作如是言：「我今奉見，恭敬禮拜，及餘所有一切善根。唯願仁者文殊師利、和尚舍利弗、世尊釋迦牟尼，皆悉證知！如仁所有如是色身、如是音聲、如是相好、如是自在，願我一切悉當具得。」

爾時，文殊師利菩薩告諸比丘言：「比丘！若善男子、善女人，成就十種趣大乘法，則能速入如來之地，況菩薩地！何者為十？所謂：積 jī 集一切善根，心無疲厭 yàn。見一切佛承事供養，心無疲厭。求一切佛法，心無疲厭。行一切波羅蜜，心無疲厭。成就一切菩薩三昧，心無疲厭。次第入一切三世，心無疲厭。普嚴淨十方佛刹，心無疲厭。教化調伏一切眾生，心無疲厭。於一切刹一切劫中成就菩薩行，心無疲厭。為成熟一眾生故，修行一切佛刹微塵數波羅蜜，成就如來十力；如是次第，為成熟一切眾生界，成就如來一切力，心無疲厭。」

「比丘！若善男子、善女人，成就深信，發此十種無疲厭心，則能長養一切善根，捨離一切諸生死趣，超過一切世間種姓，不墮聲聞、辟支佛地，生一切如來家，具一切菩薩願，學

習一切如來功德，修行一切菩薩諸行，得如來力，摧伏眾魔及諸外道，亦能除滅一切煩惱，入菩薩地，近如來地。」

時諸比丘聞此法已，則得三昧，名無礙眼見一切佛境界。得此三昧故，悉見十方無量無邊一切世界諸佛如來，及其所有道場眾會；亦悉見彼十方世界一切諸趣所有眾生；亦悉見彼一切世界種種差別；亦悉見彼一切世界所有微塵；亦悉見彼諸世界中，一切眾生所住宮殿，以種種寶而為莊嚴；及亦聞彼諸佛如來種種言音演說諸法文辭訓釋，悉皆解了；亦能觀察彼世界中一切眾生諸根心欲；亦能憶念彼世界中一切眾生前後十生；亦能憶念彼世界中過去、未來各十劫事；亦能憶念彼諸如來十本生事、十成正覺、十轉法輪、十種神通、十種說法、十種教誡、十種辯才；又即成就十千菩提心、十千三昧、十千波羅蜜，悉皆清淨；得大智慧圓滿光明，得菩薩十神通，柔軟微妙，住菩提心，堅固不動。

爾時，文殊師利菩薩勸 quàn 諸比丘住普賢行；住普賢行已，入大願海；入大願海已，成就大願海。以成就大願海故，心清淨；心清淨故，身清淨；身清淨故，身輕利；身清淨、輕利故，得大神通無有退轉；得此神通故，不離文殊師利足下，普於十方一切佛所悉現其身，具足成就一切佛法。

大方廣佛華嚴經卷第六十一

大方廣佛華嚴經卷第六十二

于闐國三藏實叉難陀奉 制譯

入法界品第三十九之三

爾時，文殊師利菩薩勸諸比丘發阿耨多羅三藐三菩提心已，漸次南行，經歷 lì 人間，至福城東，住莊嚴幢娑羅林中，往昔諸佛曾所止住教化眾生大塔廟 miào 處，亦是世尊於往昔時修菩薩行能捨無量難 nán 捨之處；是故，此林名稱普聞無量佛刹，此處常為天、龍、夜叉、乾闥 tà 婆、阿脩 xiū 羅、迦樓羅、緊那羅、摩睺羅伽、人與非人之所供養。

時，文殊師利與其眷屬到此處已，即於其處說普照法界修多羅，百萬億那由他修多羅以為眷屬。說此經時，於大海中有無量百千億諸龍而來其所；聞此法已，深厭龍趣，正求佛道，咸捨龍身，生天人中。一萬諸龍，於阿耨多羅三藐三菩提得不退轉；復有無量無數眾生，於三乘中各得調伏。

時，福城人聞文殊師利童子在莊嚴幢娑羅林中大塔廟處，無量大眾從其城出，來詣 yì 其所。

時，有優 yōu 婆塞，名曰：大智，與五百優婆塞眷屬俱，所謂：須達多優婆塞、婆須達多優婆塞、福德光優婆塞、有名稱優婆塞、施名稱優婆塞、月德優婆塞、善慧優婆塞、大慧優婆塞、賢 xián 護 hù 優婆塞、賢勝 shèng 優婆塞……如是等五百優婆塞俱，來詣文殊師利童子所，頂禮其足，右遶三匝，退坐一面。

復有五百優婆夷，所謂：大慧優婆夷、善光優婆夷、妙身優婆夷、可樂身優婆夷、賢優婆夷、賢德優婆夷、賢光優婆夷、幢光優婆夷、德光優婆夷、善目優婆夷……如是等五百優婆夷，來詣文殊師利童子所，頂禮其足，右遶三匝，退坐一面。

復有五百童子，所謂：善財童子、善行童子、善戒童子、善威儀童子、善勇猛童子、善思童子、善慧童子、善覺童子、善眼童子、善臂童子、善光童子……如是等五百童子，來詣文殊師利童子所，頂禮其足，右遶三匝，退坐一面。

復有五百童女，所謂：善賢童女、大智居士女童女、賢稱童女、美顏童女、堅慧童女、賢德童女、有德童女、梵授童女、德光童女、善光童女……如是等五百童女，來詣文殊師利童子所，頂禮其足，右遶三匝，退坐一面。

爾時，文殊師利童子知福城人悉已來集，隨其心樂現自在身，威光赫 **hè** 奕 **yì** 蔽諸大眾；以自在大慈令彼清涼，以自在大悲起說法心，以自在智慧知其心樂，以廣大辯才將為說法。復於是時，觀察善財以何因緣而有其名？知此童子初入胎時，於其宅內自然而出七寶樓閣，其樓閣下有七伏藏，於其藏上，地自開裂，生七寶芽，所謂：金、銀、瑠璃、玻瓈、真珠、磲磤 **qú**、碼碯 **nǎo**。善財童子處胎十月然後誕生，形體 **tǐ** 肢分端正具足；其七大藏，縱 **zòng** 廣高下各滿七肘 **zhǒu**，從地涌出，光明照耀。復於宅中自然而有五百寶器，種種諸物自然盈滿。所謂：金剛器中盛一切香，於香器中盛種種衣，美玉器中盛滿種種上味飲食，摩尼器中盛滿種種殊異 **yì** 珍寶，金器盛銀，銀器盛金，金銀器中盛滿瑠璃及摩尼寶，玻瓈器中盛滿磲磤，磲磤器中盛滿玻瓈，碼碯器中盛滿真珠，真珠器中盛滿碼碯，火摩尼器中盛滿水摩尼，水摩尼器中盛滿火摩尼……。如是等五百寶器，自然出現。又雨眾寶及諸財物，一切庫藏悉令充滿。以此事故，父母親屬及善相師共呼此兒，名曰：善財。又知此童子，已曾供養過去諸佛，深種善根，信解廣大，常樂親近諸善知識，身、語、意業皆無過失，淨菩薩道，求一切智，成佛法器，其心清淨猶如虛空，迴向菩提無所障礙 **ài**。

爾時，文殊師利菩薩如是觀察善財童子已，安慰開諭，而為演說一切佛法。所謂：說一切佛積 jī 集法，說一切佛相續 xù 法，說一切佛次第法，說一切佛眾會清淨法，說一切佛法輪化導 dǎo 法，說一切佛色身相好法，說一切佛法身成就法，說一切佛言辭 cí 辯才法，說一切佛光明照耀法，說一切佛平等無二法。爾時，文殊師利童子為善財童子及諸大眾說此法已，慍懃勸 quàn 諭，增長勢力，令其歡喜，發阿耨多羅三藐三菩提心，又令憶念過去善根；作是事已，即於其處，復為眾生隨宜說法，然後而去。

爾時，善財童子從文殊師利所聞佛如是種種功德，一心勤求阿耨多羅三藐三菩提，隨文殊師利而說頌曰：

「三有為城廓 kuò， 憍 jiāo 慢為垣 yuán 牆，
諸趣為門戶， 愛水為池塹 qiàn。
愚癡闇 àn 所覆， 貪恚火熾 chì 然，
魔王作君主， 童蒙依止住。
貪愛為徽 huī 纏， 諂誑為轡 pèi 勒 lè，
疑惑蔽其眼， 趣入諸邪道。
慍嫉憍 jiāo 盈故， 入於三惡處，
或墮諸趣中， 生老病死苦。
妙智清淨日， 大悲圓滿輪，
能竭煩惱海， 願賜少觀察！
妙智清淨月， 大慈無垢輪，
一切悉施安， 願垂照察我！
一切法界王， 法寶為先導 dǎo，
遊空無所礙， 願垂教敕 chì 我！
福智大商主， 勇猛求菩提，
普利諸群生， 願垂守護 hù 我！

身被忍辱甲， 手提智慧劍 jiàn，
自在降魔軍， 願垂拔濟 jì 我！
住法須彌 mí 頂， 定女常恭侍，
滅惑阿脩羅， 帝釋願觀我！
三有凡愚宅， 惑業地趣因；
仁者悉調伏， 如燈示我道！
捨離諸惡趣， 清淨諸善道；
超諸世間者， 示我解脫門！
世間顛倒執， 常樂我淨想；
智眼悉能離， 開我解脫門！
善知邪正道， 分別心無怯 qiè；
一切決了人， 示我菩提路！
住佛正見地， 長佛功德樹，
雨佛妙法華， 示我菩提道！
去來現在佛， 處處悉周遍，
如日出世間， 為我說其道！
善知一切業， 深達諸乘行；
智慧決定人， 示我摩訶衍 yǎn！
願輪大悲轂 gǔ， 信軸堅忍鍤 xiá，
功德寶莊校， 令我載此乘！
總 zǒng 持廣大箱， 慈愍莊嚴蓋 gài，
辯才鈴震響， 使我載此乘！
梵行為茵蓐 rù， 三昧為采女，
法鼓震妙音， 願與我此乘！
四攝無盡藏， 功德莊嚴寶，
慚愧為羈 jī 鞅 yāng， 願與我此乘！
常轉布施輪， 恒塗淨戒香，

忍辱牢莊嚴，令我載此乘！
禪定三昧箱，智慧方便輒è，
調伏不退轉，令我載此乘！
大願清淨輪，總 zǒng 持堅固力，
智慧所成就，令我載此乘！
普行為周校，悲心作徐轉，
所向皆無怯 qiè，令我載此乘！
堅固如金剛，善巧如幻化，
一切無障礙，令我載此乘！
廣大極清淨，普與眾生樂，
虛空法界等，令我載此乘！
淨諸業惑輪，斷諸流轉苦，
摧魔及外道，令我載此乘！
智慧滿十方，莊嚴遍法界，
普洽 qià 眾生類，令我載此乘！
清淨如虛空，愛見悉除滅，
利益一切眾，令我載此乘！
願力速疾行，定心安隱住，
普運諸含識 shí，令我載此乘！
如地不傾動，如水普饒益，
如是運眾生，令我載此乘！
四攝圓滿輪，總持清淨光；
如是智慧日，願示我令見！
已入法王城，已著智王冠，
已繫 xì 妙法繒，願能慈顧 gù 我！」

爾時，文殊師利菩薩如象王迴，觀善財童子，作如是言：
「善哉善哉！善男子！汝已發阿耨多羅三藐三菩提心，復欲親

近諸善知識，問菩薩行，修菩薩道。善男子！親近供養諸善知識，是具一切智最初因緣，是故於此勿生疲厭 yàn。」

善財白言：「唯願聖者廣為我說，菩薩應云何學菩薩行？應云何修菩薩行？應云何趣菩薩行？應云何行菩薩行？應云何淨菩薩行？應云何入菩薩行？應云何成就菩薩行？應云何隨順菩薩行？應云何憶念菩薩行？應云何增廣菩薩行？應云何令普賢行速得圓滿？」

爾時，文殊師利菩薩為善財童子而說頌言：

「善哉功德藏，	能來至我所，
發起大悲心，	勤求無上覺。
已發廣大願，	除滅眾生苦，
普為諸世間，	修行菩薩行。
若有諸菩薩，	不厭生死苦，
則具普賢道，	一切無能壞 huài。
福光福威力，	福處福淨海；
汝為諸眾生，	願修普賢行。
汝見無邊際，	十方一切佛，
皆悉聽聞法，	受持不忘失。
汝於十方界，	普見無量佛，
成就諸願海，	具足菩薩行。
若入方便海，	安住佛菩提，
能隨導 dǎo 師學，	當成一切智。
汝遍一切剎，	微塵等諸劫，
修行普賢行，	成就菩提道。
汝於無量剎，	無邊諸劫海，
修行普賢行，	成滿諸大願。
此無量眾生，	聞汝願歡喜，

皆發菩提意，願學普賢乘。」

爾時，文殊師利菩薩說此頌已，告善財童子言：

「善哉善哉！善男子！汝已發阿耨多羅三藐三菩提心，求菩薩行。善男子！若有眾生能發阿耨多羅三藐三菩提心，是事為難 nán；能發心已，求菩薩行，倍更為難。

「善男子！若欲成就一切智智，應決定求真善知識。善男子！求善知識勿生疲懈，見善知識勿生厭足，於善知識所有教誨皆應隨順，於善知識善巧方便勿見過失。

「善男子！於此南方有一國土名為：勝 shèng 樂；其國有山名曰：妙峯 fēng；於彼山中有一比丘名曰：德雲。汝可往問：菩薩云何學菩薩行？菩薩云何修菩薩行？乃至菩薩云何於普賢行疾得圓滿？德雲比丘當為汝說。」

爾時，善財童子聞是語已，歡喜踊躍 yuè，頭 tóu 頂禮足，遶無數匝 zā，慇 yīn 懃 qín 瞻仰，悲泣流淚 lèi。辭退南行，向勝樂國，登妙峯山，於其山上東西南北四維上下觀察求覓 mì，渴仰欲見德雲比丘。經于七日，見彼比丘在別山上徐步經行。見已往詣 yì，頂禮其足，右遶三匝，於前而住，作如是言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩行？乃至應云何於普賢行疾得圓滿？我聞聖者善能誘誨，唯願垂慈，為我宣說：云何菩薩而得成就阿耨多羅三藐三菩提？」

時，德雲比丘告善財言：「善哉善哉！善男子！汝已能發阿耨多羅三藐三菩提心，復能請問諸菩薩行。如是之事，難 nán 中之難。所謂：求菩薩行，求菩薩境界，求菩薩出離道，求菩薩清淨道，求菩薩清淨廣大心，求菩薩成就神通，求菩薩示現解脫門，求菩薩示現世間所作業 yè，求菩薩隨順眾生心，求菩薩生死涅槃門，求菩薩觀察有為、無為心無所著 zhuó。

「善男子！我得自在決定解力，信眼清淨，智光照曜 yào，普觀境界，離一切障，善巧觀察，普眼明徹，具清淨行，往詣十方一切國土，恭敬供養一切諸佛，常念一切諸佛如來，總持一切諸佛正法，常見一切十方諸佛。所謂：見於東方一佛、二佛、十佛、百佛、千佛、百千佛、億佛、百億佛、千億佛、百千億佛、那由他億佛、百那由他億佛、千那由他億佛、百千那由他億佛，乃至見無數、無量、無邊、無等、不可數、不可稱、不可思、不可量、不可說、不可說不可說佛，乃至見閻浮提微塵數佛、四天下微塵數佛、千世界微塵數佛、二千世界微塵數佛、三千世界微塵數佛、佛剎微塵數佛，乃至不可說不可說佛剎微塵數佛；如東方，南、西、北方，四維、上、下，亦復如是。一一方中所有諸佛，種種色相、種種形貌、種種神通、種種遊戲 xì、種種眾會莊嚴道場、種種光明無邊照耀、種種國土、種種壽命，隨諸眾生種種心樂，示現種種成正覺門，於大眾中而師子吼。

「善男子！我唯得此憶念一切諸佛境界智慧光明普見法門，豈 qǐ 能了知諸大菩薩無邊智慧清淨行門？所謂：

「智光普照念佛門，常見一切諸佛國土種種宮殿悉嚴淨故；
「令一切眾生念佛門，隨諸眾生心之所樂，皆令見佛得清淨故；

「令安住力念佛門，令入如來十力中故；
「令安住法念佛門，見無量佛，聽聞法故；
「照耀諸方念佛門，悉見一切諸世界中等無差別諸佛海故；
「入不可見處念佛門，悉見一切微細境中諸佛自在神通事故；

「住於諸劫念佛門，一切劫中常見如來諸所施為無暫捨故；
「住一切時念佛門，於一切時常見如來，親近同住不捨離

故；

「住一切剎念佛門，一切國土咸見佛身超過一切無與等故；

「住一切世念佛門，隨於自心之所欲樂普見三世諸如來故；

「住一切境念佛門，普於一切諸境界中見諸如來次第現故；

「住寂滅念佛門，於一念中見一切剎一切諸佛示涅槃故；

「住遠離念佛門，於一日中見一切佛從其所住而出去故；

「住廣大念佛門，心常觀察一一佛身充遍一切諸法界故；

「住微細念佛門，於一毛端有不可說如來出現，悉至其所而承事故；

「住莊嚴念佛門，於一念中見一切剎皆有諸佛成等正覺現神變 biàn 故；

「住能事念佛門，見一切佛出現世間放智慧光轉法輪故；

「住自在心念佛門，知隨自心所有欲樂，一切諸佛現其像故；

「住自業念佛門，知隨眾生所積集業，現其影像令覺悟故；

「住神變念佛門，見佛所坐廣大蓮華周遍法界而開敷故；

「住虛空念佛門，觀察如來所有身雲莊嚴法界、虛空界故。

而我云何能知能說彼功德行？

「善男子！南方有國名曰：海門；彼有比丘名為：海雲。汝往彼問：菩薩云何學菩薩行、修菩薩道？海雲比丘能分別說發起廣大善根因緣。善男子！海雲比丘當令汝入廣大助道位，當令汝生廣大善根力，當為汝說發菩提心因，當令汝生廣大乘光明，當令汝修廣大波羅蜜，當令汝入廣大諸行海，當令汝滿廣大誓願輪，當令汝淨廣大莊嚴門，當令汝生廣大慈悲力。」

時，善財童子禮 德雲比丘足，右遶觀察，辭 cí 退而去。

爾時，善財童子一心思惟善知識教，正念觀察智慧光明門，

正念觀察菩薩解脫門，正念觀察菩薩三昧門，正念觀察菩薩大海門，正念觀察諸佛現前門，正念觀察諸佛方所門，正念觀察諸佛軌 guǐ 則門，正念觀察諸佛等虛空界門，正念觀察諸佛出現次第門，正念觀察諸佛所入方便門。漸次南行，至海門國，向海雲比丘所頂禮其足，右邊畢 bì 已，於前合掌，作如是言：「聖者！我已先發阿耨多羅三藐三菩提心，欲入一切無上智海，而未知菩薩云何能捨世俗家，生如來家？云何能度生死海，入佛智海？云何能離凡夫地，入如來地？云何能斷生死流，入菩薩行流？云何能破生死輪，成菩薩願輪？云何能滅 miè 魔境界，顯 xiǎn 佛境界？云何能竭愛欲海，長大悲海？云何能閉眾難 nàn 惡趣門，開諸天涅槃門？云何能出三界城，入一切智城？云何能棄 qì 捨一切玩好之物，悉以饒益一切眾生？」

時，海雲比丘告善財言：「善男子！汝已發阿耨多羅三藐三菩提心耶？」

善財言：「唯！我已先發阿耨多羅三藐三菩提心。」

海雲言：「善男子！若諸眾生不種善根，則不能發阿耨多羅三藐三菩提心。要得普門善根光明，具真實道三昧智光，出生種種廣大福海，長白淨法無有懈怠，事善知識不生疲厭，不顧 gù 身命，無所藏積 jī，等心如地無有高下，性常慈愍一切眾生，於諸有趣專念不捨，恒樂觀察如來境界；如是，乃能發菩提心。發菩提心者。所謂發大悲心，普救一切眾生故；發大慈心，等祐一切世間故；發安樂心，令一切眾生滅諸苦故；發饒益心，令一切眾生離惡法故；發哀愍心，有怖畏者咸守護故；發無礙心，捨離一切諸障礙故；發廣大心，一切法界咸遍滿故；發無邊心，等虛空界無不往故；發寬博心，悉見一切諸如來故；發清淨心，於三世法智無違故；發智慧心，普入一切智慧海故。

「善男子！我住此海門國十有二年，常以大海為其境界。

所謂：思惟大海廣大無量，思惟大海甚深難測，思惟大海漸次深廣，思惟大海無量眾寶奇妙莊嚴，思惟大海積 jī 無量水，思惟大海水色不同不可思議，思惟大海無量眾生之所住處，思惟大海容受種種大身眾生，思惟大海能受大雲所雨之雨，思惟大海無增無減。

「善男子！我思惟時，復作是念：『世間之中，頗有廣博過此海不？頗有無量過此海不？頗有甚深過此海不？頗有殊特過此海不？』」

「善男子！我作是念時，此海之下，有大蓮華忽然出現，以無能勝 shèng 因陀羅尼羅寶為莖，吠瑠璃寶為藏，閻浮檀金為葉，沈水為臺 tái，碼瑙 nǎo 為鬚，芬敷 fēn 布濩 hù，彌 mí 覆大海。百萬阿脩羅王執持其莖，百萬摩尼寶莊嚴網彌 mí 覆其上，百萬龍王雨以香水，百萬迦樓羅王銜 xián 諸瓔珞及寶繒帶周匝垂下，百萬羅刹王慈心觀察，百萬夜叉王恭敬禮拜，百萬乾闥 tà 婆王種種音樂讚歎供養，百萬天王雨諸天華，天鬘、天香、天燒香、天塗香、天末香、天妙衣服、天幢幡蓋 gài，百萬梵王頭頂禮敬，百萬淨居天合掌作禮，百萬轉輪王各以七寶莊嚴供養，百萬海神俱時出現恭敬頂禮，百萬味光摩尼寶光明普照，百萬淨福摩尼寶以為莊嚴，百萬普光摩尼寶為清淨藏，百萬殊勝摩尼寶其光赫 hè 奕 yì，百萬妙藏摩尼寶光照無邊，百萬閻浮幢摩尼寶次第行列，百萬金剛師子摩尼寶不可破壞清淨莊嚴，百萬日藏摩尼寶廣大清淨，百萬可樂摩尼寶具種種色，百萬如意摩尼寶莊嚴無盡 jìn 光明照耀。此大蓮華，如來出世善根所起，一切菩薩皆生信樂，十方世界無不現前，從如幻法生、如夢法生、清淨業生，無諍法門之所莊嚴，入無為印，住無礙門，充滿十方一切國土，隨順諸佛甚深境界，於無數百千劫歎 tàn 其功德不可得盡 jìn。

「我時見彼蓮華之上，有一如來結跏趺坐，其身從此上至有頂。寶蓮華座不可思議，道場眾會不可思議，諸相成就不可思議，隨好圓滿不可思議，神通變化不可思議，色相清淨不可思議，無見頂相不可思議，廣長舌相不可思議，善巧言說不可思議，圓滿音聲不可思議，無邊際力不可思議，清淨無畏不可思議，廣大辯才不可思議。又念彼佛往修諸行不可思議，自在成道不可思議，妙音演法不可思議，普門示現種種莊嚴不可思議，隨其左右見各差別不可思議，一切利益皆令圓滿不可思議。

「時，此如來即伸右手而摩我頂，為我演說普眼法門，開示一切如來境界，顯 xiǎn 發一切菩薩諸行，闡 chǎn 明一切諸佛妙法，一切法輪悉入其中，能淨一切諸佛國土，能摧一切異道邪論，能滅一切諸魔軍眾，能令眾生皆生歡喜，能照一切眾生心行，能了一切眾生諸根，隨眾生心悉令開悟。我從於彼如來之所聞此法門，受持讀誦，憶念觀察。假使有人，以大海量墨，須彌聚筆 bǐ，書 shū 寫 xiě 於此普眼法門，一品中一門，一門中一法，一法中一義，一義中一句，不得少分，何況能盡！

「善男子！我於彼佛所千二百歲 suì 受持如是普眼法門，於日日中，以聞持陀羅尼光明，領受無數品；以寂靜門陀羅尼光明，趣入無數品；以無邊旋陀羅尼光明，普入無數品；以隨地觀察陀羅尼光明，分別無數品；以威力陀羅尼光明，普攝無數品；以蓮華莊嚴陀羅尼光明，引發無數品；以清淨言音陀羅尼光明，開演無數品；以虛空藏陀羅尼光明，顯示無數品；以光聚陀羅尼光明，增廣無數品；以海藏陀羅尼光明，辨析無數品。若有眾生從十方來，若天、若天王，若龍、若龍王，若夜叉、若夜叉王，若乾闥婆、若乾闥婆王，若阿脩羅、若阿脩羅王，若迦樓羅、若迦樓羅王，若緊那羅、若緊那羅王，若摩睺羅伽、若摩睺羅伽王，若人、若人王，若梵、若梵王，如是一

切來至我所，我悉為其開示解釋、稱揚讚歎 tǎn，咸令愛樂、趣入、安住此諸佛菩薩行光明普眼法門。

「善男子！我唯知此普眼法門。如諸菩薩摩訶薩深入一切菩薩行海，隨其願力而修行故；入大願海，於無量劫住世間故；入一切眾生海，隨其心樂廣利益故；入一切眾生心海，出生十力無礙智光故；入一切眾生根海，應時教化悉令調伏故；入一切剎海，成滿本願嚴淨佛剎故；入一切佛海，願常供養諸如來故；入一切法海，能以智慧咸悟入故；入一切功德海，一一修行令具足故；入一切眾生言辭海，於一切剎轉正法輪故。而我云何能知能說彼功德行？」

「善男子！從此南行六十由旬，楞伽道邊有一聚落名為：海岸；彼有比丘名曰：善住。汝詣彼問：菩薩云何淨菩薩行？」

時，善財童子禮 lǐ 海雲足，右遶瞻仰，辭 cí 退而去。

爾時，善財童子專 zhuān 念善知識教，專念普眼法門，專念佛神力，專持法句雲，專入法海門，專思法差別，深入法漩渦 fú，普入法虛空，淨治法翳 yì 障，觀察法寶處。漸次南行，至楞伽道海岸聚落，觀察十方，求覓善住。見此比丘於虛空中來往經行，無數諸天恭敬圍遶，散諸天華，作天妓樂，幡幢繒綺悉各無數，遍滿虛空以為供養；

諸大龍王，於虛空中興 xīng 不思議沈水香雲，震雷激電以為供養；

緊那羅王奏眾樂音，如法讚美以為供養；

摩睺羅伽王以不思議極微細衣，於虛空中周迴布設，心生歡喜，以為供養；

阿脩羅王興不思議摩尼寶雲，無量光明種種莊嚴，遍滿虛空以為供養；

迦樓羅王作童子形，無量采女之所圍遶，究竟成就無殺害心，於虛空中合掌供養；

不思議數諸羅刹王，無量羅刹之所圍遶，其形長大，甚可怖畏，見善住比丘慈心自在，曲躬合掌瞻仰供養；

不思議數諸夜叉王，各各悉有自眾圍遶，四面周匝恭敬守護；不思議數諸梵天王，於虛空中曲躬合掌，以人間法稱揚讚歎；不思議數諸淨居天，於虛空中與宮殿俱，恭敬合掌發弘誓願。

時善財童子見是事已，心生歡喜，合掌敬禮，作如是言：「聖者！我已先發阿耨多羅三藐三菩提心，而未知菩薩云何修行佛法？云何積 jī 集佛法？云何備 bèi 具佛法？云何熏習佛法？云何增長佛法？云何總 zǒng 攝佛法？云何究竟佛法？云何淨治佛法？云何深淨佛法？云何通達佛法？**我聞聖者善能誘誨，唯願慈哀為我宣說：**菩薩云何不捨見佛，常於其所精勤修習？菩薩云何不捨菩薩，與諸菩薩同一善根？菩薩云何不捨佛法，悉以智慧而得明證？菩薩云何不捨大願，能普利益一切眾生？菩薩云何不捨眾行，住一切劫心無疲厭？菩薩云何不捨佛刹，普能嚴淨一切世界？菩薩云何不捨佛力，悉能知見如來自在？菩薩云何不捨有為亦復不住，普於一切諸有趣中猶如變化，示受生死，修菩薩行？菩薩云何不捨聞法，悉能領受諸佛正教？菩薩云何不捨智光，普入三世智所行處？」

時，善住比丘告善財言：「善哉善哉！善男子！汝已能發阿耨多羅三藐三菩提心，今復發心求問佛法、一切智法、自然者法。

「**善男子！我已成就菩薩無礙解脫門**，若來若去，若行若止，隨順思惟，修習觀察，即時獲得智慧光明，名：究竟無礙。得此智慧光明故，知一切眾生心行無所障礙，知一切眾生沒生

無所障礙，知一切眾生宿命無所障礙，知一切眾生未來劫事無所障礙，知一切眾生現在世事無所障礙，知一切眾生言語音聲種種差別無所障礙，決一切眾生所有疑問無所障礙，知一切眾生諸根無所障礙，隨一切眾生應受化時悉能往赴無所障礙，知一切剎那、羅婆、牟呼栗_{li}多、日夜時分無所障礙，知三世海流轉次第無所障礙，能以其身遍往十方一切佛剎無所障礙。何以故？得無住無作神通力故。善男子！我以得此神通力故，於虛空中或行、或住、或坐、或臥、或隱_{yǐn}、或顯_{xiǎn}，或現一身，或現多身，穿度牆壁猶如虛空；於虛空中結跏趺坐，往來自在猶如飛鳥；入地如水，履_{lǚ}水如地，遍身上下普出煙_{yān}焰如大火聚。或時震動一切大地，或時以手摩觸日月，或現其身高至梵宮。或現燒香雲，或現寶焰雲，或現變化雲，或現光網雲，皆悉廣大彌覆十方。或一念中過於東方一世界、二世界、百世界、千世界、百千世界，乃至無量世界，乃至不可說不可說世界；或過閻浮提微塵數世界，或過不可說不可說佛剎微塵數世界。於彼一切諸佛國土佛世尊前聽_{tīng}聞說法，一一佛所現無量佛剎微塵數差別身，一一身雨無量佛剎微塵數供養雲，所謂：一切華雲、一切香雲、一切鬘雲、一切末香雲、一切塗香雲、一切蓋_{gài}雲、一切衣雲、一切幢雲、一切幡雲、一切帳雲，以一切身雲而為供養。一一如來所有宣說，我皆受持；一一國土所有莊嚴，我皆憶念。如東方，南、西、北方，四維、上、下，亦復如是。如是一切諸世界中所有眾生，若見我形，皆決定得阿耨多羅三藐三菩提。彼諸世界一切眾生，我皆明見，隨其大小、勝劣、苦樂，示同其形，教化成就。若有眾生親近我者，悉令安住如是法門。

「善男子！我唯知此普速疾供養諸佛成就眾生無礙解脫門。如諸菩薩持大悲戒、波羅蜜戒、大乘戒、菩薩道相應戒、

無障礙戒、不退墮戒、不捨菩提心戒、常以佛法為所緣戒、於一切智常作意戒、如虛空戒、一切世間無所依戒、無失戒、無損戒、無缺戒、無雜戒、無濁戒、無悔戒、清淨戒、離塵戒、離垢戒；如是功德，而我云何能知能說？

「善男子！從此南方有國名：達 dá里鼻荼 tú，城名：自在；其中有人名曰：彌 mí伽。汝詣彼問：菩薩云何學菩薩行、修菩薩道？」

時，善財童子頂禮其足，右邊瞻仰，辭退而行。

大方廣佛華嚴經卷第六十二

大方廣佛華嚴經卷第六十三

于闐國三藏實叉難陀奉 制譯

入法界品第三十九之四

爾時，善財童子一心正念法光明法門，深信趣入，專念於佛，不斷三寶，歎 tòn 離欲性，念善知識普照三世，憶諸大願普救眾生，不著有為，究竟思惟諸法自性，悉能嚴淨一切世界，於一切佛眾會道場心無所著。漸次南行，至自在城，求覓 mì 彌 mí 伽。乃見其人於市肆中，坐於說法師子之座，十千人眾所共圍遶，說輪字莊嚴法門。時，善財童子頂禮其足，遶無量匝，於前合掌，而作是言：「聖者！我已先發阿耨多羅三藐三菩提心，而我未知菩薩云何學菩薩行？云何修菩薩道？云何流轉於諸有趣常不忘失菩提之心？云何得平等意堅固不動？云何獲清淨心無能沮 jǔ 壞 huài？云何生大悲力恒不勞疲？云何入陀羅尼普得清淨？云何發生智慧廣大光明，於一切法離諸暗障？云何具無礙解辯才之力，決了一切甚深義藏？云何得正念力，憶持一切差別法輪？云何得淨趣力，於一切趣普演諸法？云何得智慧力，於一切法悉能決定分別其義？」

爾時，彌伽告善財言：「善男子！汝已發阿耨多羅三藐三菩提心耶？」

善財言：「唯！我已先發阿耨多羅三藐三菩提心。」

彌伽遽 jù 即下師子座，於善財所五體投地，散金銀華無價寶珠，及以上妙碎末栴檀、無量種衣以覆其上，復散無量種種香華、種種供具以為供養，然後起立而稱歎言：「善哉善哉！善男子！乃能發阿耨多羅三藐三菩提心。善男子！若有能發阿耨多羅三藐三菩提心，則為不斷一切佛種，則為嚴淨一切佛刹，則為成熟一切眾生，則為了達一切法性，則為悟解一切業種，

則為圓滿一切諸行，則為不斷一切大願，則如實解離貪種性，則能明見三世差別，則令信解永得堅固，則為一切如來所持，則為一切諸佛憶念，則與一切菩薩平等，則為一切賢聖讚喜，則為一切梵王禮覲 jìn，則為一切天主供養，則為一切夜叉守護，則為一切羅刹侍衛 wèi，則為一切龍王迎接，則為一切緊那羅王歌詠讚歎 tàn，則為一切諸世間主稱揚慶 qìng 悅，則令一切諸眾生界悉得安隱 wěn。所謂：令捨惡趣故，令出難 nán 處故，斷一切貧窮根本故，生一切天人快樂故，遇善知識親近故，聞廣大法受持故，生菩提心故，淨菩提心故，照菩薩道故，入菩薩智故，住菩薩地故。

「善男子！應知菩薩所作甚難 nán，難出難值，見菩薩者倍更難有。菩薩為一切眾生恃怙 hù，生長成就故；為一切眾生拯濟 jì，拔諸苦難 nán 故；為一切眾生依處，守護世間故；為一切眾生救護，令免怖畏故。菩薩如風輪，持諸世間不令墮落惡趣故；如大地，增長眾生善根故；如大海，福德充滿無盡故；如淨日，智慧光明普照故；如須彌，善根高出故；如明月，智光出現故；如猛將，摧伏魔軍故；如君主，佛法城中得自在故；如猛火，燒盡眾生我愛心故；如大雲，降霑 zhù 無量妙法雨故；如時雨，增長一切信根芽故；如船師，示導 dǎo 法海津濟處故；如橋梁，令其得度生死海故。」

彌伽如是讚歎 tàn 善財，令諸菩薩皆歡喜已，從其面門出種種光，普照三千大千世界。其中眾生遇斯光已，諸龍神等乃至梵天悉皆來至彌伽之所。彌伽大士即以方便，為開示、演說、分別、解釋輪字品莊嚴法門。彼諸眾生聞此法已，皆於阿耨多羅三藐三菩提得不退轉。

彌伽於是還昇本座，告善財言：「善男子！我已獲得妙音陀羅尼，能分別知三千大千世界中諸天語言，諸龍、夜叉、乾

闍婆、阿脩羅、迦樓羅、緊那羅、摩睺羅伽、人與非人及諸梵天所有語言。如此三千大千世界，十方無數乃至不可說不可說世界，悉亦如是。

「善男子！我唯知此菩薩妙音陀羅尼光明法門。如諸菩薩摩訶薩，能普入一切眾生種種想海、種種施設海、種種名號海、種種語言海，能普入說一切深密法句海、說一切究竟法句海、說一所緣中有一切三世所緣法句海、說上法句海、說上上法句海、說差別法句海、說一切差別法句海，能普入一切世間呪術海、一切音聲莊嚴輪、一切差別字輪際；如是功德，我今云何能知能說？

「善男子！從此南行，有一聚落名曰：住林；彼有長者名曰：解脫。汝詣彼問：菩薩云何修菩薩行？菩薩云何成菩薩行？菩薩云何集菩薩行？菩薩云何思菩薩行？」

爾時，善財童子以善知識故，於一切智法，深生尊重，深植淨信，深自增益；禮彌伽足，涕泗悲泣，遶無量匝，戀慕瞻仰，辭退而行。

爾時，善財童子思惟諸菩薩無礙解陀羅尼光明莊嚴門，深入諸菩薩語言海門，憶念諸菩薩知一切眾生微細方便門，觀察諸菩薩清淨心門，成就諸菩薩善根光明門，淨治諸菩薩教化眾生門，明利諸菩薩攝眾生智門，堅固諸菩薩廣大志樂門，住持諸菩薩殊勝志樂門，淨治諸菩薩種種信解門，思惟諸菩薩無量善心門；誓願堅固，心無疲厭；以諸甲冑 zhòu 而自莊嚴，精進深心不可退轉，具不壞信；其心堅固，猶如金剛及那羅延，無能壞者；守持一切善知識教，於諸境界得不壞 huài 智；普門清淨，所行無礙；智光圓滿，普照一切；具足諸地總持光明，了知法界種種差別，無依無住，平等無二；自性清淨而普莊嚴，

於諸所行皆得究竟，智慧清淨離諸執著；知十方差別法，智無障礙；往十方差別處，身不疲懈；於十方差別業，皆得明了；於十方差別佛，無不現見；於十方差別時，悉得深入；清淨妙法充滿其心，普智三昧明照其心，心恒普入平等境界；如來智慧之所照觸，一切智流相續不斷，若身若心不離佛法；一切諸佛神力所加，一切如來光明所照；成就大願，願身周遍一切剎網，一切法界普入其身。漸次遊行十有二年，至住林城，周遍推求解脫長者。既得見已，五體投地，起立合掌白言：「聖者！我今得與善知識會，是我獲得廣大善利。何以故？善知識者，難 nán 可得見，難可得聞，難可出現，難得奉事，難得親近，難得承接，難可逢值，難得共居，難令喜悅，難得隨逐。我今會遇，為得善利。

「聖者！我已先發阿耨多羅三藐三菩提心，為欲事一切佛故，為欲值一切佛故，為欲見一切佛故，為欲觀一切佛故，為欲知一切佛故，為欲證一切佛平等故，為欲發一切佛大願故，為欲滿一切佛大願故，為欲具一切佛智光故，為欲成一切佛眾行故，為欲得一切佛神通故，為欲具一切佛諸力故，為欲獲 huò 一切佛無畏故，為欲聞一切佛法故，為欲受一切佛法故，為欲持一切佛法故，為欲解一切佛法故，為欲護一切佛法故，為欲與一切諸菩薩眾同一體故，為欲與一切菩薩善根等無異故，為欲圓滿一切菩薩波羅蜜故，為欲成就一切菩薩所修行故，為欲出生一切菩薩清淨願故，為欲得一切諸佛菩薩威神藏故，為欲得一切菩薩法藏無盡智慧大光明故，為欲得一切菩薩三昧廣大藏故，為欲成就一切菩薩無量無數神通藏故，為欲以大悲藏教化調伏一切眾生皆令究竟到邊際故，為欲顯 xiǎn 現神變藏故，為於一切自在藏中悉以自心得自在故，為欲入於清淨藏中以一切相而莊嚴故。

「聖者！我今以如是心、如是意、如是樂、如是欲、如是希求、如是思惟、如是尊重、如是方便、如是究竟、如是謙下，至聖者所。我聞聖者善能誘誨諸菩薩眾，能以方便闡 chǎn 明所得，示其道路，與其津梁，授其法門；令除迷倒障，拔猶豫箭，截疑惑網，照心稠林，澣 huàn 心垢濁，令心潔 jié 白，使心清涼，正心諂 chǎn 曲，絕心生死，止心不善，解心執著；於執著處令心解脫，於染愛處使心動轉，令其速入一切智境，使其疾到無上法城；令住大悲，令住大慈，令入菩薩行，令修三昧門，令入證位，令觀法性，令增長力，令修習行，普於一切，其心平等。唯願聖者為我宣說：菩薩云何學菩薩行、修菩薩道？隨所修習，疾得清淨，疾得明了！」

時，解脫長者以過去善根力、佛威神力、文殊師利童子憶念力故，即入菩薩三昧門，名：普攝一切佛刹無邊旋陀羅尼。入此三昧已，得清淨身。於其身中，顯 xiǎn 現十方各十佛刹微塵數佛，及佛國土、眾會、道場、種種光明、諸莊嚴事，亦現彼佛往昔所行神通變化、一切大願、助道之法、諸出離行、清淨莊嚴，亦見諸佛成等正覺、轉妙法輪、教化眾生。如是一切，於其身中悉皆顯現，無所障礙；種種形相、種種次第，如本而住，不相雜 zá 亂 luàn，所謂：種種國土、種種眾會、種種道場、種種嚴飾。其中諸佛現種種神力、立種種乘道、示種種願門，或於一世界處兜率宮而作佛事，或於一世界沒 mò 兜率宮而作佛事；如是，或有住胎，或復誕生，或處宮中，或復出家，或詣道場，或破魔軍，或諸天、龍恭敬圍遶，或諸世主勸請說法，或轉法輪，或般涅槃，或分舍利，或起塔廟。彼諸如來於種種眾會、種種世間、種種趣生、種種家族、種種欲樂、種種業行、種種語言、種種根性、種種煩惱隨眠習氣諸眾生中，或處微細道場，或處廣大道場，或處一由旬量道場，或處十由旬量道場，

或處不可說不可說佛刹微塵數由旬量道場，以種種神通、種種言辭 cí、種種音聲、種種法門、種種總持門、種種辯才門，以種種聖諦海、種種無畏大師子吼，說諸眾生種種善根、種種憶念，授種種菩薩記，說種種諸佛法。彼諸如來所有言說，善財童子悉能聽受，亦見諸佛及諸菩薩不可思議三昧神變。

爾時，解脫長者從三昧起，告善財童子言：「善男子！我已入出如來無礙莊嚴解脫門。善男子！我入出此解脫門時，即見東方閻浮檀金光明世界，龍自在王如來、應、正等覺，道場眾會之所圍遶，毘盧遮那藏菩薩而為上首；

「又見南方速疾力世界，普香如來、應、正等覺，道場眾會之所圍遶，心王菩薩而為上首；

「又見西方香光世界，須彌燈王如來、應、正等覺，道場眾會之所圍遶，無礙心菩薩而為上首；

「又見北方袈裟幢世界，不可壞 huài 金剛如來、應、正等覺，道場眾會之所圍遶，金剛步勇猛菩薩而為上首；

「又見東北方一切上妙寶世界，無所得境界眼如來、應、正等覺，道場眾會之所圍遶，無所得善變化菩薩而為上首；

「又見東南方香焰光音世界，香燈如來、應、正等覺，道場眾會之所圍遶，金剛焰慧菩薩而為上首；

「又見西南方智慧日普光明世界，法界輪幢如來、應、正等覺，道場眾會之所圍遶，現一切變化幢菩薩而為上首；

「又見西北方普清淨世界，一切佛寶高勝幢如來、應、正等覺，道場眾會之所圍遶，法幢王菩薩而為上首；

「又見上方佛次第出現無盡世界，無邊智慧光圓滿幢如來、應、正等覺，道場眾會之所圍遶，法界門幢王菩薩而為上首；

「又見下方佛光明世界，無礙智幢如來、應、正等覺，道場眾會之所圍遶，一切世間刹幢王菩薩而為上首。

「善男子！我見如是等十方各十佛刹微塵數如來。彼諸如來不來至此，我不往彼。我若欲見安樂世界阿彌陀如來，隨意即見；我若欲見栴檀世界金剛光明如來、妙香世界寶光明如來、蓮華世界寶蓮華光明如來、妙金世界寂靜光如來、妙喜世界不動如來、善住世界師子如來、鏡光明世界月覺如來、寶師子莊嚴世界毘盧遮那如來，如是一切，悉皆即見。然彼如來不來至此，我身亦不往詣 yì 於彼。知一切佛及與我心，悉皆如夢；知一切佛猶如影像，自心如水；知一切佛所有色相及以自心，悉皆如幻；知一切佛及以己心，悉皆如響 xiǎng。我如是知，如是憶念：所見諸佛，皆由自心。

「善男子！當知菩薩修諸佛法，淨諸佛刹，積集妙行，調伏眾生，發大誓願，入一切智自在遊戲不可思議解脫之門，得佛菩提，現大神通，遍往一切十方法界，以微細智普入諸劫；如是一切，悉由自心。

「是故，善男子！應以善法扶助自心，應以法水潤澤自心，應於境界淨治自心，應以精進堅固自心，應以忍辱坦蕩自心，應以智證潔 jié 白自心，應以智慧明利自心，應以佛自在開發自心，應以佛平等廣大自心，應以佛十力照察自心。

「善男子！我唯於此如來無礙 ài 莊嚴解脫門而得入出。如諸菩薩摩訶薩得無礙智住無礙行，得常見一切佛三昧，得不住涅槃際三昧，了達 dá 三昧普門境界，於三世法悉皆平等，能善分身遍一切刹，住於諸佛平等境界，十方境界皆悉現前，智慧觀察無不明了，於其身中悉現一切世界成壞 huài，而於己身及諸世界不生二想；如是妙行，而我云何能知能說？

「善男子！從此南行至閻浮提畔，有一國土名摩利伽羅；彼有比丘名曰：海幢。汝詣彼問：菩薩云何學菩薩行、修菩薩道？」

時，善財童子頂禮解脫長者足，右邊觀察，稱揚讚歎 tàn，思惟戀仰，悲泣流淚 lèi——一心憶念：依善知識，事善知識，敬善知識，由善知識見一切智；於善知識不生違 wéi 逆，於善知識心無諂 chǎn 誑，於善知識心常隨順；於善知識起慈母想，捨離一切無益法故；於善知識起慈父想，出生一切諸善法故。——辭退而去。

爾時，善財童子一心正念彼長者教，觀察彼長者教，憶念彼不思議菩薩解脫門，思惟彼不思議菩薩智光明，深入彼不思議法界門，趣向彼不思議菩薩普入門，明見彼不思議如來神變，解了彼不思議普入佛刹，分別彼不思議佛力莊嚴，思惟彼不思議菩薩三昧解脫境界分位，了達彼不思議差別世界究竟無礙，修行彼不思議菩薩堅固深心，發起彼不思議菩薩大願淨業。漸次南行，至閻浮提畔摩利聚落，周遍求覓海幢比丘。乃見其在經行地側結跏趺坐，入于三昧，離出入息，無別思覺，身安不動。從其足下，出無數百千億長者、居士、婆羅門眾，皆以種種諸莊嚴具莊嚴其身，悉著寶冠，頂繫 xì明珠，普往十方一切世界，雨一切寶、一切瓔珞、一切衣服、一切飲食如法上味、一切華、一切鬘、一切香、一切塗香、一切欲樂資生之具，於一切處救攝一切貧窮眾生，安慰一切苦惱眾生，皆令歡喜心意清淨，成就無上菩提之道。

從其兩膝 xī，出無數百千億刹帝利、婆羅門眾，皆悉聰 cōng 慧，種種色相、種種形貌、種種衣服上妙莊嚴，普遍十方一切世界，愛語、同事攝諸眾生。所謂：貧者令足，病者令愈，危者令安，怖者令止，有憂苦者咸使快樂；復以方便而勸 quàn 導 dǎo 之，皆令捨惡，安住善法。

從其腰間，出等眾生數無量仙人，或服草衣或樹皮衣，皆

執 zhí 澡瓶，威儀寂靜，周旋往返十方世界，於虛空中，以佛妙音，稱讚如來，演說諸法；或說清淨梵行之道，令其修習，調伏諸根；或說諸法皆無自性，使其觀察，發生智慧；或說世間言論軌則，或復開示一切智智出要方便，令隨次第各修其業。

從其兩脇 xié，出不思議龍、不思議龍女，示現不思議諸龍神變，所謂：雨不思議香雲、不思議華雲、不思議鬘雲、不思議寶蓋 gài 雲、不思議寶幡雲、不思議妙寶莊嚴具雲、不思議大摩尼寶雲、不思議寶瓔珞雲、不思議寶座雲、不思議寶宮殿雲、不思議寶蓮華雲、不思議寶冠雲、不思議天身雲、不思議采女雲，悉遍虛空而為莊嚴，充滿一切十方世界諸佛道場而為供養，令諸眾生皆生歡喜。

從胸前卐字中，出無數百千億阿脩 xiū 羅王，皆悉示現不可思議自在幻力，令百世界皆大震動，一切海水自然涌沸，一切山王互相衝 chōng 擊 jī，諸天宮殿無不動搖，諸魔光明無不隱蔽，諸魔兵眾無不摧伏；普令眾生，捨憍 jiāo 慢心，除怒害心，破煩惱山，息眾惡法，長無鬪 dòu 諍，永共和善；復以幻力，開悟眾生，令滅罪惡，令怖生死，令出諸趣，令離染著，令住無上菩提之心，令修一切諸菩薩行，令住一切諸波羅蜜，令入一切諸菩薩地，令觀一切微妙法門，令知一切諸佛方便。如是所作，周遍法界。

從其背上，為應以二乘而得度者，出無數百千億聲聞、獨覺；為著我者，說無有我；為執 zhí 常者，說一切行皆悉無常；為貪行者，說不淨觀；為瞋行者，說慈心觀；為癡行者，說緣起觀；為等分行者，說與智慧相應境界法；為樂著境界者，說無所有法；為樂著寂靜處者，說發大誓願普饒益一切眾生法。如是所作，周遍法界。

從其兩肩，出無數百千億諸夜叉、羅刹王，種種形貌、種

種色相，或長或短，皆可怖畏，無量眷屬而自圍遶，守護 hù 一切行善眾生，并諸賢聖、菩薩眾會，若向正住及正住者；或時現作執金剛神，守護諸佛及佛住處，或遍守護一切世間。有怖畏者，令得安隱 wěn；有疾病者，令得除差 chài；有苦惱者，令得免離；有過惡者，令其厭 yàn 悔；有災 zāi 橫者，令其息滅 miè。如是利益一切眾生，皆悉令其捨生死輪轉正法輪。

從其腹，出無數百千億緊那羅王，各有無數緊那羅女前後圍遶；又出無數百千億乾闥婆王，各有無數乾闥婆女前後圍遶。各奏無數百千天樂，歌詠讚歎諸法實性，歌詠讚歎一切諸佛，歌詠讚歎發菩提心，歌詠讚歎修菩薩行，歌詠讚歎一切諸佛成正覺門，歌詠讚歎一切諸佛轉法輪門，歌詠讚歎一切諸佛現神變門，開示演說一切諸佛般涅槃門，開示演說守護一切諸佛教門，開示演說令一切眾生皆歡喜門，開示演說嚴淨一切諸佛刹門，開示演說顯示一切微妙法門，開示演說捨離一切諸障礙門，開示演說發生一切諸善根門。如是周遍十方法界。

從其面門，出無數百千億轉輪聖王，七寶具足，四兵圍遶，放大捨光，雨無量寶；諸貧乏者悉使充足，令其永斷不與取行；端正采女無數百千，悉以捨施心無所著，令其永斷邪淫之行；令生慈心，不斷生命；令其究竟常真實語，不作虛誑無益談說；令攝他語，不行離間；令柔軟語，無有龐 cū 惡；令常演說甚深決定明了之義，不作無義 yì 綺飾言辭 cí；為說少欲，令除貪愛，心無瑕 xiá 垢；為說大悲，令除忿怒，意得清淨；為說實義，令其觀察一切諸法，深入因緣，善明諦理，拔邪見刺，破疑惑山，一切障礙悉皆除滅。如是所作，充滿法界。

從其兩目，出無數百千億日輪，普照一切諸大地獄及諸惡趣，皆令離苦；又照一切世界中間，令除黑暗；又照一切十方眾生，皆令捨離愚癡翳 yì 障；於垢濁國土放清淨光，白銀國土

放黃金色光，黃金國土放白銀色光，瑠璃國土放玻瓈色光，玻瓈國土放瑠璃色光，磤磤 qú 國土放碼磤 nǎo 色光，碼磤國土放磤磤色光，帝青國土放日藏摩尼王色光，日藏摩尼王國土放帝青色光，赤真珠國土放月光網藏摩尼王色光，月光網藏摩尼王國土放赤真珠色光，一寶所成國土放種種寶色光，種種寶所成國土放一寶色光，照諸眾生心之稠林，辦 bàn 諸眾生無量事業，嚴飾一切世間境界，令諸眾生心得清涼生大歡喜。如是所作，充滿法界。

從其眉間白毫相中，出無數百千億帝釋，皆於境界而得自在，摩尼寶珠繫 xì 其頂上，光照一切諸天宮殿，震動一切須彌山王，覺悟一切諸天大眾；歎 tàn 福德力，說智慧力，生其樂力，持其志力，淨其念力，堅其所發菩提心力，讚樂見佛；令除世欲，讚樂聞法；令厭世境，讚樂觀智；令絕世染，止脩羅戰，斷煩惱諍，滅怖死心，發降魔願，興 xīng 立正法須彌山王，成辦 bàn 眾生一切事業。如是所作，周遍法界。

從其額上，出無數百千億梵天，色相端嚴，世間無比，威儀寂靜，言音美妙，勸 quàn 佛說法，歎 tàn 佛功德，令諸菩薩悉皆歡喜，能辦 bàn 眾生無量事業，普遍一切十方世界。

從其頭上，出無量佛刹微塵數諸菩薩眾，悉以相好莊嚴其身，放無邊光，說種種行。所謂：

讚歎布施，令捨慳貪，得眾妙寶莊嚴世界；

稱揚讚歎持戒功德，令諸眾生永斷諸惡，住於菩薩大慈悲戒；說一切有悉皆如夢，說諸欲樂無有滋味，令諸眾生離煩惱縛 fù；

說忍辱力，令於諸法心得自在；讚金色身，令諸眾生離瞋恚 huì 垢，起對治行，絕畜生道；

歎精進行，令其遠離世間放逸，皆悉勤修無量妙法；

又為讚歎禪波羅蜜，令其一切心得自在；

又為演說般若波羅蜜，開示正見，令諸眾生樂自在智拔諸見毒；

又為演說隨順世間種種所作，令諸眾生雖離生死，而於諸趣自在受生；

又為示現神通變化，說壽命自在，令諸眾生發大誓願；

又為演說成就總 zǒng 持力、出生大願力、淨治三昧力、自在受生力；

又為演說種種諸智，所謂：普知眾生諸根智、普知一切心行智、普知如來十力智、普知諸佛自在智。如是所作，周遍法界。

從其頂上，出無數百千億如來身，其身無等，諸相隨好，清淨莊嚴，威光赫 hè 奕 yì 如真金山，無量光明普照十方，出妙音聲充滿法界，示現無量大神通力，為一切世間普雨法雨。所謂：為坐菩提道場諸菩薩，雨普知平等法雨；

為灌頂位諸菩薩，雨入普門法雨；

為法王子位諸菩薩，雨普莊嚴法雨；

為童子位諸菩薩，雨堅固山法雨；

為不退位諸菩薩，雨海藏法雨；

為成就正心位諸菩薩，雨普境界法雨；

為方便具足位諸菩薩，雨自性門法雨；

為生貴位諸菩薩，雨隨順世間法雨；

為修行位諸菩薩，雨普悲愍法雨；

為新學諸菩薩，雨積集藏法雨；

為初發心諸菩薩，雨攝眾生法雨；

為信解諸菩薩，雨無盡境界普現前法雨；

為色界諸眾生，雨普門法雨；

為諸梵天，雨普藏法雨；為諸自在天，雨生力法雨；
為諸魔眾，雨心幢法雨；為諸化樂天，雨淨念法雨；
為諸兜率天，雨生意法雨；為諸夜摩天，雨歡喜法雨；
為諸忉利天，雨疾莊嚴虛空界法雨；
為諸夜叉王，雨歡喜法雨；
為諸乾闥婆王，雨金剛輪法雨；
為諸阿脩羅王，雨大境界法雨；
為諸迦樓羅王，雨無邊光明法雨；
為諸緊那羅王，雨一切世間殊勝智法雨；
為諸人王，雨無樂著法雨；
為諸龍王，雨歡喜幢法雨；
為諸摩睺羅伽王，雨大休息法雨；
為諸地獄眾生，雨正念莊嚴法雨；
為諸畜生，雨智慧藏法雨；
為閻羅王界眾生，雨無畏法雨；
為諸厄難處眾生，雨普安慰法雨。悉令得入賢聖眾會。
如是所作，充滿法界。

海幢比丘又於其身一切毛孔，一一皆出阿僧祇佛刹微塵數光明網，一一光明網具阿僧祇色相、阿僧祇莊嚴、阿僧祇境界、阿僧祇事業，充滿十方一切法界。

爾時，善財童子一心觀察海幢比丘，深生渴仰，憶念彼三昧解脫，思惟彼不思議菩薩三昧，思惟彼不思議利益眾生方便海，思惟彼不思議無作用普莊嚴門，思惟彼莊嚴法界清淨智，思惟彼受佛加持智，思惟彼出生菩薩自在力，思惟彼堅固菩薩大願力，思惟彼增廣菩薩諸行力。如是住立，思惟觀察，經一日一夜，乃至經於七日七夜、半月、一月乃至六月，復經六日。過此已後，海幢比丘從三昧出。善財童子讚言：「聖者！

希有奇特！如此三昧最為甚深，如此三昧最為廣大，如此三昧境界無量，如此三昧神力難思，如此三昧光明無等，如此三昧莊嚴無數，如此三昧威力難制，如此三昧境界平等，如此三昧普照十方，如此三昧利益無限，以能除滅一切眾生無量苦故。所謂：能令一切眾生離貧苦故，出地獄故，免畜生故，閉諸難難門故，開人、天道故，令人、天眾生喜樂故，令其愛樂禪境界故，能令增長有為樂故，能為顯示出有樂故，能為引發菩提心故，能使增長福智行故，能令增長大悲心故，能令生起大願力故，能令明了菩薩道故，能使莊嚴究竟智故，能令趣入大乘境故，能令照了普賢行故，能令證得諸菩薩地智光明故，能令成就一切菩薩諸願行故，能令安住一切智智境界中故。聖者！此三昧者，名為何等？」

海幢比丘言：「善男子！此三昧名：普眼捨得，又名：般若波羅蜜境界清淨光明，又名：普莊嚴清淨門。善男子！我以修習般若波羅蜜故，得此普莊嚴清淨三昧等百萬阿僧祇三昧。」

善財童子言：「聖者！此三昧境界究竟唯如是耶？」

海幢言：「善男子！入此三昧時，了知一切世界，無所障礙；往詣一切世界，無所障礙；超過一切世界，無所障礙；莊嚴一切世界，無所障礙；修治一切世界，無所障礙；嚴淨一切世界，無所障礙；見一切佛，無所障礙；觀一切佛廣大威德，無所障礙；知一切佛自在神力，無所障礙；證一切佛諸廣大力，無所障礙；入一切佛諸功德海，無所障礙；受一切佛無量妙法，無所障礙；入一切佛法中修習妙行，無所障礙；證一切佛轉法輪平等智，無所障礙；入一切諸佛眾會道場海，無所障礙；觀十方佛法，無所障礙；大悲攝受十方眾生，無所障礙；常起大慈充滿十方，無所障礙；見十方佛心無厭足，無所障礙；入一切眾生海，無所障礙；知一切眾生根海，無所障礙；知一切眾

生諸根差別智，無所障礙。

「善男子！我唯知此一般若波羅蜜三昧光明。如諸菩薩入智慧海，淨法界境，達一切趣，遍無量刹，總持自在，三昧清淨，神通廣大，辯才無盡，善說諸地，為眾生依；而我何能知其妙行，辨其功德，了其所行，明其境界，究其願力，入其要門，達其所證，說其道分，住其三昧，見其心境，得其所有平等智慧？」

「善男子！從此南行，有一住處名曰：海潮；彼有園林，名：普莊嚴；於其園中，有優婆夷，名曰：休捨。汝往彼問：菩薩云何學菩薩行、修菩薩道？」

時，善財童子於海幢比丘所，得堅固身，獲 huò 妙法財，入深境界，智慧明徹，三昧照耀，住清淨解，見甚深法，其心安住諸清淨門，智慧光明充滿十方，心生歡喜，踊躍無量；五體投地，頂禮其足，遶無量匝，恭敬瞻仰，思惟觀察，諮嗟 jiē 戀慕，持其名號，想其容止，念其音聲，思其三昧及彼大願所行境界，受其智慧清淨光明；辭退而行。

大方廣佛華嚴經卷第六十三

大方廣佛華嚴經卷第六十四

于闐國三藏實叉難陀奉 制譯

入法界品第三十九之五

爾時，善財童子蒙善知識力，依善知識教，念善知識語，於善知識深心愛樂，作是念言：「因善知識，令我見佛；因善知識，令我聞法。善知識者是我師傅 fù，示導 dǎo 於我諸佛法故；善知識者是我眼目，令我見佛如虛空故；善知識者是我津濟 jì，令我得入諸佛如來蓮華池故。」漸漸南行，至海潮處，見普莊嚴園，眾寶垣 yuán 牆周匝圍遶，一切寶樹行列莊嚴；一切寶華樹，雨眾妙華，布散其地；一切寶香樹，香氣氛氲 yūn，普熏十方；一切寶鬘樹，雨大寶鬘，處處垂下；一切摩尼寶王樹，雨大摩尼寶，遍布充滿；一切寶衣樹，雨種種色衣，隨其所應，周匝敷 fū 布；一切音樂樹，風動成音，其音美妙，過於天樂；一切莊嚴具樹，各雨珍玩奇妙之物，處處分布，以為嚴飾。

其地清淨無有高下，於中具有百萬殿堂，大摩尼寶之所合成；百萬樓閣，閣浮檀金以覆其上；百萬宮殿，毘盧遮那摩尼寶間錯莊嚴；一萬浴池，眾寶合成；七寶欄楯 shǔn，周匝圍遶；七寶階 jiē 道，四面分布；八功德水，湛然盈滿，其水香氣如天栴檀，金沙布底，水清寶珠周遍間錯；鳧 fú 鴈 yàn、孔雀、俱枳 zhī 羅鳥遊戲其中，出和雅音；寶多羅樹周匝行列，覆以寶網，垂諸金鈴，微風徐搖，恒出美音；施大寶帳，寶樹圍遶，建立無數摩尼寶幢，光明普照百千由旬。其中復有百萬陂 bēi 池，黑栴檀泥凝積其底，一切妙寶以為蓮華敷 fū 布水上，大摩尼華光色照耀園中。

復有廣大宮殿名：莊嚴幢，海藏妙寶以為其地，毘瑠璃寶以為其柱，閻浮檀金以覆其上，光藏摩尼以為莊嚴，無數寶王光焰熾 chī 然，重樓挾閣種種莊飾；阿盧那香王、覺悟香王，皆出妙香普熏一切。其宮殿中，復有無量寶蓮華座周迴布列，所謂：照耀十方摩尼寶蓮華座、毘盧遮那摩尼寶蓮華座、照耀世間摩尼寶蓮華座、妙藏摩尼寶蓮華座、師子藏摩尼寶蓮華座、離垢藏摩尼寶蓮華座、普門摩尼寶蓮華座、光嚴摩尼寶蓮華座、安住大海藏清淨摩尼王寶蓮華座、金剛師子摩尼寶蓮華座。

園中復有百萬種帳所謂：衣帳、鬘帳、香帳、華帳、枝帳、摩尼帳、真金帳、莊嚴具帳、音樂帳、象王神變帳、馬王神變帳、帝釋所著摩尼寶帳……如是等，其數百萬。有百萬大寶網彌覆其上，所謂：寶鈴網、寶蓋 gài 網、寶身網、海藏真珠網、紺 gàn 瑠璃摩尼寶網、師子摩尼網、月光摩尼網、種種形像眾香網、寶冠網、寶瓔珞網……如是等，其數百萬。**有百萬大光明之所照耀，所謂：**焰光摩尼寶光明、日藏摩尼寶光明、月幢摩尼寶光明、香焰摩尼寶光明、勝藏摩尼寶光明、蓮華藏摩尼寶光明、焰幢摩尼寶光明、大燈摩尼寶光明、普照十方摩尼寶光明、香光摩尼寶光明……如是等，其數百萬。常雨百萬莊嚴具，百萬黑栴檀香出妙音聲，百萬出過諸天曼陀羅華而以散之，百萬出過諸天瓔珞以為莊嚴，百萬出過諸天妙寶鬘帶處處垂下，百萬出過諸天眾色妙衣，百萬雜 zá 色摩尼寶妙光普照，百萬天子欣樂瞻仰頭 tóu 面作禮，百萬采女於虛空中投身而下，百萬菩薩恭敬親近常樂聞法。

時，休捨優婆夷坐真金座，戴海藏真珠網，冠挂出過諸天真金寶釧 chuàn，垂紺 gàn 青髮，大摩尼網莊嚴其首，師子口摩尼寶以為耳璫 dāng，如意摩尼寶王以為瓔珞，一切寶網垂覆其身，百千億那由他眾生曲躬恭敬。東方有無量眾生來詣 yì

其所，所謂：梵天、梵眾天、大梵天、梵輔天、自在天，乃至一切人及非人；南、西、北方，四維、上、下，皆亦如是。其有見此優婆夷者，一切病苦悉得除滅，離煩惱垢，拔諸見刺，摧障礙山，入於無礙清淨境界，增明一切所有善根，長養諸根；入一切智慧門，入一切總 zǒng 持門；一切三昧門、一切大願門、一切妙行門、一切功德門，皆得現前；其心廣大，具足神通，身無障礙，至一切處。

爾時，善財童子入普莊嚴園，周遍觀察，見休捨優婆夷坐於妙座，往詣其所，頂禮其足，遶無數匝，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

休捨告言：「善男子！我唯得菩薩一解脫門，若有見聞憶念於我，與我同住，供給我者，悉不唐捐。善男子！若有眾生不種善根，不為善友之所攝受，不為諸佛之所護 hù 念，是人終不得見於我。善男子！其有眾生得見我者，皆於阿耨多羅三藐三菩提獲 huò 不退轉。

「善男子！東方諸佛常來至此，處於寶座為我說法；南、西、北方，四維、上、下，一切諸佛悉來至此，處於寶座為我說法。善男子！我常不離見佛聞法，與諸菩薩而共同住。善男子！我此大眾，有八萬四千億那由他，皆在此園與我同行，悉於阿耨多羅三藐三菩提得不退轉；其餘眾生住此園者，亦皆普入不退轉位。」

善財白言：「聖者發阿耨多羅三藐三菩提心為久近耶？」

答言：「善男子！我憶過去，於然燈佛所，修行梵行，恭敬供養，聞法受持；次前，於離垢佛所，出家學道，受持正法；次前，於妙幢佛所；次前，於勝須彌佛所；次前，於蓮華德藏佛所；次前，於毘盧遮那佛所；次前，於普眼佛所；次前，於

梵壽佛所；次前，於金剛齋qí佛所；次前，於婆樓那天佛所。善男子！我憶過去，於無量劫無量生中，如是次第三十六恒河沙佛所，皆悉承事，恭敬供養，聞法受持，淨修梵行。於此已往，佛智所知，非我能測。

「善男子！菩薩初發心無有量，充滿一切法界故；菩薩大悲門無有量，普入一切世間故；菩薩大願門無有量，究竟十方世界故；菩薩大慈門無有量，普覆一切眾生故；菩薩所修行無有量，於一切剎一切劫中修習故；菩薩三昧力無有量，令菩薩道不退故；菩薩總 zǒng 持力無有量，能持一切世間故；菩薩智光力無有量，普能證入三世故；菩薩神通力無有量，普現一切剎網故；菩薩辯才力無有量，一音一切悉解故；菩薩清淨身無有量，悉遍一切佛剎故。」

善財童子言：「聖者久如當得阿耨多羅三藐三菩提？」

答言：「善男子！菩薩不為教化調伏一眾生故發菩提心，不為教化調伏百眾生故發菩提心，乃至不為教化調伏不可說不可說轉眾生故發菩提心；不為教化一世界眾生故發菩提心，乃至不為教化不可說不可說轉世界眾生故發菩提心；不為教化閻浮提微塵 chén 數世界眾生故發菩提心，不為教化三千大千世界微塵數世界眾生故發菩提心，乃至不為教化不可說不可說轉三千大千世界微塵數世界眾生故發菩提心；不為供養一如來故發菩提心，乃至不為供養不可說不可說轉如來故發菩提心；不為供養一世界中次第興 xīng 世諸如來故發菩提心，乃至不為供養不可說不可說轉世界中次第興世諸如來故發菩提心；不為供養一三千大千世界微塵數世界中次第興世諸如來故發菩提心，乃至不為供養不可說不可說轉佛剎微塵數世界中次第興世諸如來故發菩提心；不為嚴淨一世界故發菩提心，乃至不為嚴淨不可說不可說轉世界故發菩提心；不為嚴淨一三千大千世界

微塵數世界故發菩提心，乃至不為嚴淨不可說不可說轉三千大千世界微塵數世界故發菩提心；不為住持一如來遺 yí 法故發菩提心，乃至不為住持不可說不可說轉如來遺法故發菩提心；不為住持一世界如來遺法故發菩提心，乃至不為住持不可說不可說轉世界如來遺法故發菩提心；不為住持一閻浮提微塵數世界如來遺法故發菩提心，乃至不為住持不可說不可說轉佛刹微塵數世界如來遺法故發菩提心。如是略說，不為滿一佛誓願故，不為往一佛國土故，不為入一佛眾會故，不為持一佛法眼故，不為轉一佛法輪故，不為知一世界中諸劫次第故，不為知一眾生心海故，不為知一眾生根海故，不為知一眾生業 yè 海故，不為知一眾生行海故，不為知一眾生煩惱海故，不為知一眾生煩惱習海故，乃至不為知不可說不可說轉佛刹微塵數眾生煩惱習海故，發菩提心。

「欲教化調伏一切眾生悉無餘故發菩提心，欲承事供養一切諸佛悉無餘故發菩提心，欲嚴淨一切諸佛國土悉無餘故發菩提心，欲護 hù 持一切諸佛正教悉無餘故發菩提心，欲成滿一切如來誓願悉無餘故發菩提心，欲往一切諸佛國土悉無餘故發菩提心，欲入一切諸佛眾會悉無餘故發菩提心，欲知一切世界中諸劫次第悉無餘故發菩提心，欲知一切眾生心海悉無餘故發菩提心，欲知一切眾生根海悉無餘故發菩提心，欲知一切眾生業海悉無餘故發菩提心，欲知一切眾生行海悉無餘故發菩提心，欲滅一切眾生諸煩惱海悉無餘故發菩提心，欲拔一切眾生煩惱習海悉無餘故發菩提心。善男子！取要言之，菩薩以如是等百萬阿僧祇方便行故發菩提心。

「善男子！菩薩行普入一切法皆證得故，普入一切刹悉嚴 yán 淨故。是故，善男子！嚴淨一切世界盡 jìn，我願乃盡；拔一切眾生煩惱習氣盡，我願乃滿。」

善財童子言：「聖者！此解脫名為何等？」

答言：「善男子！此解脫名：離憂 yōu 安隱幢。善男子！我唯知此一解脫門。如諸菩薩摩訶薩，其心如海，悉能容受一切佛法；如須彌山，志意堅固，不可動搖；如善見藥 yào，能除眾生煩惱重病；如明淨日，能破眾生無明闇 àn 障；猶如大地，能作一切眾生依處；猶如好風，能作一切眾生義 yì 利；猶如明燈，能為眾生生智慧光；猶如大雲，能為眾生雨寂滅法；猶如淨月，能為眾生放福德光；猶如帝釋，悉能守護 hù 一切眾生。而我云何能知能說彼功德行？」

「善男子！於此南方海潮之處有一國土名：那羅素；中有仙人名：毘目瞿沙。汝詣 yì 彼問：菩薩云何學菩薩行、修菩薩道？」

時，善財童子頂禮其足，遶無數匝，慇懃瞻仰，悲泣流淚，作是思惟：「得菩提難 nán，近善知識難 nán，遇善知識難，得菩薩諸根難，淨菩薩諸根難，值同行善知識難，如理觀察難，依教修行難，值遇出生善心方便難，值遇增長一切智法光明難。」作是念已，辭退而行。

爾時，善財童子隨順思惟菩薩正教，隨順思惟菩薩淨行，生增長菩薩福力心，生明見一切諸佛心，生出生一切諸佛心，生增長一切大願心，生普見十方諸法心，生明照諸法實性心，生普散一切障礙心，生觀察法界無闇 àn 心，生清淨意寶莊嚴心，生摧伏一切眾魔心。漸漸遊行，至那羅素國，周遍推求毘目瞿沙。見一大林，阿僧祇樹以為莊嚴，所謂：種種葉樹扶疎 shū 布濩 hù，種種華樹開敷 fū 鮮榮，種種果樹相續成熟，種種寶樹雨摩尼果，大栴檀樹處處行列，諸沈水樹常出好香，悅意香樹妙香莊嚴，波吒 zhà 羅樹四面圍遶，尼拘律樹其身聳 sǒng

擢 zhuó，閻浮檀樹常雨甘果，優 yōu 鉢羅華、波頭 tóu 摩華以嚴 yán 池沼。

時，善財童子見彼仙人在栴檀樹下敷草而坐，領徒一萬，或著鹿皮，或著樹皮，或復編草以為衣服，髻 jì 環 huán 垂鬢，前後圍遶。善財見已，往詣其所，五體投地，作如是言：「我今得遇真善知識。善知識者，則是趣向一切智門，令我得入真實道故；善知識者，則是趣向一切智乘，令我得至如來地故；善知識者，則是趣向一切智船，令我得至智寶洲故；善知識者，則是趣向一切智炬，令我得生十力光故；善知識者，則是趣向一切智道，令我得入涅槃城故；善知識者，則是趣向一切智燈，令我得見夷險 xiǎn 道故；善知識者，則是趣向一切智橋，令我得度險惡處故；善知識者，則是趣向一切智蓋 gài，令我得生大慈涼故；善知識者，則是趣向一切智眼，令我得見法性門故；善知識者，則是趣向一切智潮，令我滿足大悲水故。」作是語已，從地而起，遶無量匝，合掌前住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

時，毘目瞿沙顧 gù 其徒眾，而作是言：「善男子！此童子已發阿耨多羅三藐三菩提心。善男子！此童子普施一切眾生無畏，此童子普興 xīng 一切眾生利益，此童子常觀一切諸佛智海，此童子欲飲一切甘露法雨，此童子欲測一切廣大法海，此童子欲令眾生住智海中，此童子欲普發起廣大悲雲，此童子欲普雨於廣大法雨，此童子欲以智月普照世間，此童子欲滅世間煩惱毒熱，此童子欲長含識一切善根。」

時，諸仙眾聞是語已，各以種種上妙香華散善財上，投身作禮，圍遶恭敬，作如是言：「今此童子，必當救護一切眾生，必當除滅諸地獄苦，必當永斷諸畜生道，必當轉去閻羅王界，

必當關 guān 閉諸難 nàn 處門，必當乾 gān 竭諸愛欲海，必令眾生永滅苦蘊，必當永破無明黑闇 àn，必當永斷貪愛繫 xì 縛 fù，必以福德大輪圍山圍遶世間，必以智慧大寶須彌顯示世間，必當出現清淨智日，必當開示善根法藏，必使世間明識險 xiǎn 易。」

時，毘目瞿沙告群仙言：「善男子！若有能發阿耨多羅三藐三菩提心，必當成就一切智道。此善男子已發阿耨多羅三藐三菩提心，當淨一切佛功德地。」

時，毘目瞿沙告善財童子言：「善男子！我得菩薩無勝幢解脫。」

善財白言：「聖者！無勝幢解脫境界云何？」

時，毘目仙人即申右手，摩善財頂，執 zhí 善財手。即時，善財自見其身往十方十佛刹微塵數世界中，到十佛刹微塵數諸佛所，見彼佛刹及其眾會、諸佛相好、種種莊嚴；亦聞彼佛隨諸眾生心之所樂而演說法，一文一句皆悉通達 dá，各別受持無有雜 zá 亂 luàn；亦知彼佛以種種解淨治諸願；亦知彼佛以清淨願成就諸力；亦見彼佛隨眾生心所現色相；亦見彼佛大光明網，種種諸色清淨圓滿；亦知彼佛無礙智慧大光明力；又自見身於諸佛所，經一日夜或七日夜、半月、一月、一年、十年、百年、千年，或經億年，或阿庾多億年，或那由他億年，或經半劫，或經一劫、百劫、千劫，或百千億乃至不可說不可說佛刹微塵數劫。

爾時，善財童子為菩薩無勝幢解脫智光明照故，得毘盧遮那藏三昧光明；為無盡智解脫三昧光明照故，得普攝諸方陀羅尼光明；為金剛輪陀羅尼門光明照故，得極 jí 清淨智慧心三昧光明；為普門莊嚴藏般若波羅蜜光明照故，得佛虛空藏輪三昧

光明；為一切佛法輪三昧光明照故，得三世無盡 jìn 智三昧光明。

時，彼仙人放善財手，善財童子即自見身還在本處。

時，彼仙人告善財言：「善男子！汝憶念耶？」

善財言：「唯！此是聖者善知識力。」

仙人言：「善男子！我唯知此菩薩無勝幢解脫。如諸菩薩摩訶薩成就一切殊勝三昧，於一切時而得自在，於一念頃出生諸佛無量智慧，以佛智燈而為莊嚴普照世間，一念普入三世境界，分形遍往十方國土，智身普入一切法界，隨眾生心普現其前觀其根行而為利益，放淨光明甚可愛樂；而我云何能知能說彼功德行、彼殊勝願、彼莊嚴刹、彼智境界、彼三昧所行、彼神通變化、彼解脫遊戲 xì、彼身相差別、彼音聲清淨、彼智慧光明？」

「善男子！於此南方有一聚落名伊沙那；有婆羅門名曰：勝 shèng 熱 rè。汝詣彼問：菩薩云何學菩薩行、修菩薩道？」

時，善財童子歡喜踊躍 yuè，頂禮其足，遶無數匝，慇懃瞻仰，辭退南行。

爾時，善財童子為菩薩無勝幢解脫所照故，住諸佛不思議神力，證菩薩不思議解脫神通智，得菩薩不思議三昧智光明，得一切時熏修三昧智光明，得了知一切境界皆依想所住三昧智光明，得一切世間殊勝智光明；於一切處悉現其身，以究竟智說無二無分別平等法，以明淨智普照境界；凡所聞法皆能忍受，清淨信解，於法自性決定明了；心恒不捨菩薩妙行，求一切智永無退轉，獲 huò 得十力智慧光明，勤求妙法常無厭足，以正修行入佛境界，出生菩薩無量莊嚴，無邊大願悉已清淨；以無窮盡智知無邊世界網，以無怯 qiè 弱心度無量眾生海；了無邊

菩薩諸行境界，見無邊世界種種差別，見無邊世界種種莊嚴，入無邊世界微細境界，知無邊世界種種名號，知無邊世界種種言說，知無邊眾生種種解，見無邊眾生種種行，見無邊眾生成熟行，見無邊眾生差別想；念善知識。漸次遊行，至伊沙那聚落，見彼勝熱修諸苦行求一切智。四面火聚猶如大山，中有刀山高陵 jùn 無極 jí，登彼山上投身入火。

時，善財童子頂禮其足，合掌而立，作如是言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

婆羅門言：「善男子！汝今若能上此刀山，投身火聚，諸菩薩行悉得清淨。」

時，善財童子作如是念：「得人身難 nán，離諸難 nán 難 nán，得無難 nán 難 nán，得淨法難，得值佛難，具諸根難，聞佛法難，遇善人難，逢真善知識難，受如理正教難，得正命難，隨法行難。此將非魔、魔所使耶？將非是魔險惡徒黨 dǎng，詐現菩薩善知識相，而欲為我作善根難、作壽命難，障我修行一切智道，牽我令入諸惡道中，欲障我法門、障我佛法？」

作是念時，十千梵天，在虛空中，作如是言：「善男子！莫作是念！莫作是念！今此聖者得金剛焰三昧光明，發大精進，度諸眾生，心無退轉；欲竭一切貪愛海，欲截一切邪見網，欲燒一切煩惱薪，欲照一切惑稠林，欲斷一切老死怖，欲壞 huài 一切三世障，欲放一切法光明。善男子！我諸梵天多著邪見，皆悉自謂是自在者、是能作者，於世間中我是最勝。見婆羅門五熱炙 zhì 身，於自宮殿心不樂著，於諸禪定不得滋味，皆共來詣 yì 婆羅門所。時，婆羅門以神通力示大苦行為我說法，能令我等，滅一切見，除一切慢，住於大慈，行於大悲，起廣大心，發菩提意，常見諸佛，恒聞妙法，於一切處心無所礙。」

復有十千諸魔，在虛空中，以天摩尼寶散婆羅門上，告善財言：「善男子！此婆羅門五熱炙 zhì 身時，其火光明映奪 duó 於我所有宮殿諸莊嚴具皆如聚墨，令我於中不生樂著，我與眷屬來詣其所。此婆羅門為我說法，令我及餘無量天子、諸天女等，皆於阿耨多羅三藐三菩提得不退轉。」

復有十千自在天王，於虛空中，各散天華，作如是言：「善男子！此婆羅門五熱炙 zhì 身時，其火光明映奪 duó 我等所有宮殿諸莊嚴具皆如聚墨，令我於中不生愛著，即與眷屬來詣其所。此婆羅門為我說法，令我於心而得自在，於煩惱中而得自在，於受生中而得自在，於諸業障而得自在，於諸三昧而得自在，於莊嚴具而得自在，於壽命中而得自在，乃至能於一切佛法而得自在。」

復有十千化樂天王，於虛空中，作天音樂，恭敬供養，作如是言：「善男子！此婆羅門五熱炙身時，其火光明照我宮殿諸莊嚴具及諸采女，能令我等不受欲樂、不求欲樂、身心柔軟，即與眾俱來詣其所。時，婆羅門為我說法，能令我等心得清淨、心得明潔 jié、心得純善、心得柔軟、心生歡喜，乃至令得清淨十力清淨之身，生無量身，乃至令得佛身、佛語、佛聲、佛心，具足成就一切智智。」

復有十千兜率天王、天子天女、無量眷屬，於虛空中，雨眾妙香，恭敬頂禮，作如是言：「善男子！此婆羅門五熱炙身時，令我等諸天及其眷屬，於自宮殿無有樂著，共詣其所。聞其說法，能令我等不貪境界，少欲知足，心生歡喜，心得充滿，生諸善根，發菩提心，乃至圓滿一切佛法。」

復有十千三十三天并其眷屬、天子天女，前後圍遶，於虛空中，雨天曼陀羅華，恭敬供養，作如是言：「善男子！此婆羅門五熱炙身時，令我等諸天於天音樂不生樂著，共詣其所。」

時，婆羅門為我等說一切諸法無常敗壞 huài，令我捨離一切欲樂，令我斷除憍 jiāo 慢放逸，令我愛樂無上菩提。又，善男子！我當見此婆羅門時，須彌山頂六種震動，我等恐怖，皆發菩提心堅固不動。」

復有十千龍王，所謂：伊那跋羅龍王、難陀優波難陀龍王等，於虛空中，雨黑栴檀；無量龍女奏天音樂，雨天妙華及天香水，恭敬供養，作如是言：「善男子！此婆羅門五熱炙身時，其火光明普照一切諸龍宮殿，令諸龍眾離熱沙怖、金翅鳥怖，滅除瞋恚 huì，身得清涼，心無垢濁，聞法信解，厭惡龍趣，以至誠心悔除業障，乃至發阿耨多羅三藐三菩提意住一切智。」

復有十千夜叉王，於虛空中，以種種供具，恭敬供養此婆羅門及以善財，作如是言：「善男子！此婆羅門五熱炙身時，我及眷屬悉於眾生發慈愍心，一切羅刹、鳩槃荼等亦生慈心；以慈心故，於諸眾生無所惱害而來見我。我及彼等，於自宮殿不生樂著，即與共俱，來詣其所。時，婆羅門即為我等如應說法，一切皆得身心安樂，又令無量夜叉、羅刹、鳩槃荼等發於無上菩提之心。」

復有十千乾闥 tà婆王，於虛空中，作如是言：「善男子！此婆羅門五熱炙身時，其火光明照我宮殿，悉令我等受不思議無量快樂，是故我等來詣其所。此婆羅門為我說法，能令我等於阿耨多羅三藐三菩提得不退轉。」

復有十千阿脩 xiū羅王從大海出，住在虛空，舒右膝輪，合掌前禮，作如是言：「善男子！此婆羅門五熱炙身時，我阿脩羅所有宮殿、大海、大地，悉皆震動，令我等捨憍 jiāo 慢放逸，是故我等來詣其所。從其聞法，捨離諂 chǎn 誑，安住忍地，堅固不動，圓滿十力。」

復有十千迦樓羅王，勇力持王而為上首，化作外道童子之形，於虛空中唱如是言：「善男子！此婆羅門五熱炙身時，其火光明照我宮殿，一切震動皆悉恐怖，是故我等來詣其所。時，婆羅門即為我等如應說法，令修習大慈，稱讚大悲，度生死海，於欲泥中拔濟 jì 眾生，歎 tàn 菩提心，起方便智，隨其所宜調伏眾生。」

復有十千緊那羅王，於虛空中，唱如是言：「善男子！此婆羅門五熱炙身時，我等所住宮殿諸多羅樹、諸寶鈴網、諸寶繒帶、諸音樂樹、諸妙寶樹及諸樂器，自然而出佛聲、法聲及不退轉菩薩僧聲、願求無上菩提之聲，云：『某方、某國，有某菩薩，發菩提心；某方、某國，有某菩薩，修行苦行，難捨能捨，乃至清淨一切智行；某方、某國，有某菩薩，往詣道場；乃至某方、某國，有某如來，作佛事已，而般涅槃。』善男子！假使有人，以閻浮提一切草木末為微塵，此微塵數可知邊際，我宮殿中寶多羅樹乃至樂器所說菩薩名、如來名、所發大願、所修行等，無有能得知其邊際。善男子！我等以聞佛聲、法聲、菩薩僧聲，生大歡喜，來詣其所。時，婆羅門即為我等如應說法，令我及餘無量眾生於阿耨多羅三藐三菩提得不退轉。」

復有無量欲界諸天，於虛空中，以妙供具，恭敬供養，唱如是言：「善男子！此婆羅門五熱炙身時，其火光明照阿鼻等一切地獄，諸所受苦悉令休息。我等見此火光明故，心生淨信；以信心故，從彼命終，生於天中；為知恩故，而來其所，恭敬瞻仰，無有厭足。時，婆羅門為我說法，令無量眾生發菩提心。」

爾時，善財童子聞如是法，心大歡喜，於婆羅門所，發起真實善知識心，頭頂禮敬，唱如是言：「我於大聖善知識所生不善心，唯願聖者容我悔過！」

時，婆羅門即為善財而說頌言：

「若有諸菩薩， 順善知識教，
一切無疑懼 jù， 安住心不動。
當知如是人， 必獲 huò 廣大利，
坐菩提樹下， 成於無上覺。」

爾時，善財童子即登刀山，自投火聚；未至中間，即得菩薩善住三昧；纔 cái 觸火焰，又得菩薩寂靜樂神通三昧。善財白言：「甚奇！聖者！如是刀山及大火聚，我身觸時安隱 wěn 快樂。」

時，婆羅門告善財言：「善男子！我唯得此菩薩無盡輪解脫。如諸菩薩摩訶薩大功德焰，能燒一切眾生見惑令無有餘，必不退轉無窮盡 jìn 心、無懈怠 dài 心、無怯 qiè 弱心，發如金剛藏那羅延心，疾修諸行無遲 chí 緩心，願如風輪普持一切精進大誓皆無退轉；而我云何能知能說彼功德行？

「善男子！於此南方有城名：師子奮迅；中有童女名曰：慈行。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，辭退而去。

大方廣佛華嚴經卷第六十四

大方廣佛華嚴經卷第六十五

于闐國三藏實叉難陀奉 制譯

入法界品第三十九之六

爾時，善財童子於善知識所，起最極尊重心，生廣大清淨解，常念大乘，專 zhuān 求佛智，願見諸佛，觀法境界，無障礙智常現在前，決定了知諸法實際、常住際、一切三世諸剎那際、如虛空際、無二際、一切法無分別際、一切義無障礙際、一切劫無失壞際、一切如來無際之際；於一切佛心無分別，破眾想網，離諸執著，不取諸佛眾會道場，亦不取佛清淨國土；知諸眾生皆無有我，知一切聲悉皆如響 xiǎng，知一切色悉皆如影。漸次南行，至師子奮 fèn 迅城，周遍推求慈行童女。聞此童女是師子幢王女，五百童女以為侍從，住毘盧遮那藏殿，於龍勝栴檀足金線 xiàn 網天衣座上而說妙法。善財聞已，詣 yì 王宮門，求見彼女。見無量眾來入宮中，善財問言：「諸人今者何所往詣？」

咸報之言：「我等欲詣慈行童女聽 tīng 受妙法。」

善財童子即作是念：「此王宮門既無限礙，我亦應入。」

善財入已，見毘盧遮那藏殿，玻瓈為地，瑠璃為柱，金剛為壁，閻浮檀金以為垣 yuán 牆，百千光明而為窓 chuāng 牖 yǒu，阿僧祇摩尼寶而莊校之，寶藏摩尼鏡周匝莊嚴，以世間最上摩尼寶而為莊飾，無數寶網羅覆其上，百千金鈴出妙音聲，有如是等不可思議眾寶嚴飾。其慈行童女，皮膚 fū 金色，眼紺 gàn 紫色，髮紺青色，以梵音聲而演說法。

善財見已，頂禮其足，遶無數匝，合掌前住，作如是言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

時，慈行童女告善財言：「善男子！汝應觀我宮殿莊嚴。」

善財頂禮，周遍觀察，見一一壁中、一一柱中、一一鏡中、一一相中、一一形中、一一摩尼寶中、一一莊嚴具中、一金鈴中、一一寶樹中、一一寶形像中、一一寶瓔珞中，悉見法界一切如來，從初發心，修菩薩行，成滿大願，具足功德，成正覺，轉妙法輪，乃至示現入於涅槃；如是影像靡 mǐ 不皆現，如淨水中普見虛空日月星宿 xiù 所有眾像，如此皆是慈行童女過去世中善根之力。

爾時，善財童子憶念所見諸佛之相，合掌瞻仰慈行童女。

爾時，童女告善財言：「善男子！此是般若波羅蜜普莊嚴門，我於三十六恒河沙佛所求得此法。彼諸如來各以異 yì 門，令我入此般若波羅蜜普莊嚴門；一佛所演，餘不重說。」

善財白言：「聖者！此般若波羅蜜普莊嚴門境界云何？」

童女答言：「善男子！我入此般若波羅蜜普莊嚴門，隨順趣向，思惟觀察，憶持分別時得普門陀羅尼，百萬阿僧祇陀羅尼門皆悉現前。所謂：佛刹陀羅尼門、佛陀羅尼門、法陀羅尼門、眾生陀羅尼門、過去陀羅尼門、未來陀羅尼門、現在陀羅尼門、常住際陀羅尼門、福德陀羅尼門、福德助道具陀羅尼門、智慧陀羅尼門、智慧助道具陀羅尼門、諸願陀羅尼門、分別諸願陀羅尼門、集諸行陀羅尼門、清淨行陀羅尼門、圓滿行陀羅尼門、業陀羅尼門、業不失壞 huài 陀羅尼門、業流注陀羅尼門、業所作陀羅尼門、捨離惡業陀羅尼門、修習正業陀羅尼門、業自在陀羅尼門、善行陀羅尼門、持善行陀羅尼門、三昧陀羅尼門、隨順三昧陀羅尼門、觀察三昧陀羅尼門、三昧境界陀羅尼門、從三昧起陀羅尼門、神通陀羅尼門、心海陀羅尼門、種種心陀羅尼門、直心陀羅尼門、照心稠林陀羅尼門、調心清淨陀羅尼門、知眾生所從 cóng 生陀羅尼門、知眾生煩惱行陀羅

尼門、知煩惱習氣陀羅尼門、知煩惱方便陀羅尼門、知眾生解陀羅尼門、知眾生行陀羅尼門、知眾生行不同陀羅尼門、知眾生性陀羅尼門、知眾生欲陀羅尼門、知眾生想陀羅尼門、普見十方陀羅尼門、說法陀羅尼門、大悲陀羅尼門、大慈陀羅尼門、寂靜陀羅尼門、言語道陀羅尼門、方便非方便陀羅尼門、隨順陀羅尼門、差別陀羅尼門、普入陀羅尼門、無礙際陀羅尼門、普遍陀羅尼門、佛法陀羅尼門、菩薩法陀羅尼門、聲聞法陀羅尼門、獨覺法陀羅尼門、世間法陀羅尼門、世界成陀羅尼門、世界壞 huài 陀羅尼門、世界住陀羅尼門、淨世界陀羅尼門、垢世界陀羅尼門、於垢世界現淨陀羅尼門、於淨世界現垢陀羅尼門、純垢世界陀羅尼門、純淨世界陀羅尼門、平坦世界陀羅尼門、不平坦世界陀羅尼門、覆世界陀羅尼門、因陀羅網世界陀羅尼門、世界轉陀羅尼門、知依想住陀羅尼門、細入麤 cū 陀羅尼門、麤 cū 入細陀羅尼門、見諸佛陀羅尼門、分別佛身陀羅尼門、佛光明莊嚴網陀羅尼門、佛圓滿音陀羅尼門、佛法輪陀羅尼門、成就佛法輪陀羅尼門、差別佛法輪陀羅尼門、無差別佛法輪陀羅尼門、解釋佛法輪陀羅尼門、轉佛法輪陀羅尼門、能作佛事陀羅尼門、分別佛眾會陀羅尼門、入佛眾會海陀羅尼門、普照佛力陀羅尼門、諸佛三昧陀羅尼門、諸佛三昧自在用陀羅尼門、諸佛所住陀羅尼門、諸佛所持陀羅尼門、諸佛變化陀羅尼門、佛知眾生心行陀羅尼門、諸佛神通變現陀羅尼門、住兜率天宮乃至示現入于涅槃陀羅尼門、利益無量眾生陀羅尼門、入甚深法陀羅尼門、入微妙法陀羅尼門、菩提心陀羅尼門、起菩提心陀羅尼門、助菩提心陀羅尼門、諸願陀羅尼門、諸行陀羅尼門、神通陀羅尼門、出離陀羅尼門、總 zǒng 持清淨陀羅尼門、智輪清淨陀羅尼門、智慧清淨陀羅尼門、菩提無量陀羅尼門、自心清淨陀羅尼門。

「善男子！我唯知此般若波羅蜜普莊嚴門。如諸菩薩摩訶薩，其心廣大，等虛空界，入於法界，福德成滿，住出世法，遠 yuǎn 世間行，智眼無翳 yì，普觀法界，慧心廣大猶如虛空，一切境界悉皆明見，獲 huò 無礙地大光明藏，善能分別一切法義，行於世行不染世法，能益於世非世所壞 huài，普作一切世間依止，普知一切眾生心行，隨其所應而為說法，於一切時恒得自在；而我云何能知能說彼功德行？

「善男子！於此南方，有一國土名為：三眼；彼有比丘，名曰：善見。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，戀慕瞻仰，辭退而行。

爾時，善財童子思惟菩薩所住行甚深，思惟菩薩所證法甚深，思惟菩薩所入處甚深，思惟眾生微細智甚深，思惟世間依想住甚深，思惟眾生所作行甚深，思惟眾生心流注甚深，思惟眾生如光影甚深，思惟眾生名號甚深，思惟眾生言說甚深，思惟莊嚴法界甚深，思惟種植業行甚深，思惟業莊飾世間甚深。漸次遊行，至三眼國，於城邑聚落、村隣 lín 市肆、川原山谷、一切諸處，周遍求覓善見比丘。見在林中，經行往返，壯年美貌，端正可喜。其髮紺 gàn 青右旋不亂，頂有肉髻 jì，皮膚 fū 金色，頸文三道，額廣平正，眼目修廣如青蓮華，脣 chún 口丹潔 jié 如頻婆果，胸標 biāo 卍字，七處平滿，其臂纖 xiān 長，其指網縵，手足掌中有金剛輪。其身殊妙如淨居天，上下端直如尼拘陀樹，諸相隨好，悉皆圓滿，如雪山王種種嚴飾，目視不瞬 shùn，圓光一尋。智慧廣博猶如大海，於諸境界心無所動，若沈若舉，若智非智，動轉戲論，一切皆息。得佛所行平等境界，大悲教化一切眾生，心無暫捨。為欲利樂一切眾生，為欲開示如來法眼，為踐如來所行之道，不遲 chí 不速，審 shěn 諦

經行。無量天、龍、夜叉、乾闥婆、阿脩羅、迦樓羅、緊那羅、摩睺羅伽、釋、梵、護世、人與非人前後圍遶，主方之神隨方迴轉引導 dǎo 其前，足行諸神持寶蓮華以承其足，無盡光神舒光破闇 àn，闇浮幢林神雨眾雜 zá 華，不動藏地神現諸寶藏，普光明虛空神莊嚴虛空，成就德海神雨摩尼寶，無垢藏須彌山神頭 tóu 頂禮敬曲躬合掌，無礙力風神雨妙香華，春和主夜神莊嚴其身舉體 tǐ 投地，常覺主晝 zhòu 神執普照諸方摩尼幢住在虛空放大光明。

時，善財童子詣 yì 比丘所，頂禮其足，曲躬合掌，白言：「聖者！我已先發阿耨多羅三藐三菩提心，求菩薩行。我聞聖者善能開示諸菩薩道，願為我說：菩薩云何學菩薩行？云何修菩薩道？」

善見答言：「善男子！我年既少，出家又近。我此生中，於三十八恒河沙佛所淨修梵行，或有佛所一日一夜淨修梵行，或有佛所七日七夜淨修梵行，或有佛所半月、一月、一歲 suì、百歲、萬歲、億歲、那由他歲，乃至不可說不可說歲，或一小劫、或半大劫、或一大劫、或百大劫，乃至不可說不可說大劫，聽 tīng 聞妙法，受行其教，莊嚴諸願，入所證處，淨修諸行，滿足六種波羅蜜海。亦見彼佛成道說法，各各差別，無有雜 zá 亂 luàn，住持遺教，乃至滅盡。亦知彼佛本所興 xīng 願，以三昧願力嚴淨一切諸佛國土，以入一切行三昧力淨修一切諸菩薩行，以普賢乘出離力清淨一切佛波羅蜜。

「又，善男子！我經行時，一念中，一切十方皆悉現前，智慧清淨故；

「一念中，一切世界皆悉現前，經過不可說不可說世界故；

「一念中，不可說不可說佛刹皆悉嚴淨，成就大願力故；

「一念中，不可說不可說眾生差別行皆悉現前，滿足十力

智故；

「一念中，不可說不可說諸佛清淨身皆悉現前，成就普賢行願力故；

「一念中，恭敬供養不可說不可說佛刹微塵數如來，成就柔軟心供養如來願力故；

「一念中，領受不可說不可說如來法，得證阿僧祇差別法住持法輪陀羅尼力故；

「一念中，不可說不可說菩薩行海皆悉現前，得能淨一切行如因陀羅網願力故；

「一念中，不可說不可說諸三昧海皆悉現前，得於一三昧門入一切三昧門皆令清淨願力故；

「一念中，不可說不可說諸根海皆悉現前，得了知諸根際於一根中見一切根願力故；

「一念中，不可說不可說佛刹微塵數時皆悉現前，得於一切時轉法輪眾生界盡法輪無盡願力故；

「一念中，不可說不可說一切三世海皆悉現前，得了知一切世界中一切三世分位智光明願力故。

「善男子！我唯知此菩薩隨順燈解脫門。如諸菩薩摩訶薩如金剛燈，於如來家真正受生，具足成就不死命根，常然智燈無有盡滅，其身堅固不可沮壞，現於如幻色相之身，如緣起法無量差別，隨眾生心各各示現，形貌色相世無倫匹，毒刃火災所不能害，如金剛山無能壞者，降伏一切諸魔外道；其身妙好如真金山，於天人中最為殊特，名稱廣大靡不聞知，觀諸世間咸對目前，演深法藏如海無盡，放大光明普照十方。若有見者，必破一切障礙大山，必拔一切不善根本，必令種植廣大善根。如是之人，難可得見，難可出世；而我云何能知能說彼功德行？

「善男子！於此南方有一國土名曰：名聞；於河渚 zhǔ 中

有一童子名：自在主。汝詣彼問：菩薩云何學菩薩行、修菩薩道？」

時，善財童子為欲究竟菩薩勇猛清淨之行，欲得菩薩大力光明，欲修菩薩無勝無盡諸功德行，欲滿菩薩堅固大願，欲成菩薩廣大深心，欲持菩薩無量勝行，於菩薩法心無厭足，願入一切菩薩功德，欲常攝御一切眾生，欲超生死稠林曠野，於善知識常樂見聞，承事供養無有厭倦；頂禮其足，遶無量匝，慇懃瞻仰，辭退而去。

爾時，善財童子受善見比丘教已，憶念誦持，思惟修習，明了決定，於彼法門而得悟入。天、龍、夜叉、乾闥婆眾前後圍遶，向名聞國，周遍求覓自在主童子。時，有天、龍、乾闥婆等，於虛空中告善財言：「善男子！今此童子在河渚 zhǔ 上。」

爾時，善財即詣其所，見此童子，十千童子所共圍遶，聚沙為戲 xì。善財見已，頂禮其足，遶無量匝，合掌恭敬，却住一面，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？願為解說！」

自在主言：「善男子！我昔曾於文殊師利童子所，修學書、數、算、印等法，即得悟入一切工巧神通智法門。善男子！我因此法門故，得知世間書、數、算、印界處等法，亦能療治風癰 xián、消瘦、鬼魅所著——如是所有一切諸病，亦能造立城邑聚落、園林臺 tái 觀 guàn、宮殿屋宅種種諸處，亦善調鍊 liàn 種種仙藥，亦善營理田農 nóng 商估一切諸業，取捨進退咸得其所；又善別知眾生身相，作善作惡，當生善趣，當生惡趣，此人應得聲聞乘道，此人應得緣覺乘道，此人應入一切智地，如是等事皆悉能知。亦令眾生學習此法，增長決定究竟清淨。

「善男子！我亦能知菩薩算法。所謂：一百洛叉為一俱胝

zhī，俱胝俱胝為一阿庾 yǔ 多，阿庾多阿庾多為一那由他，那由他那由他為一頻婆羅，頻婆羅頻婆羅為一矜 jīn 羯 jié 羅；廣說乃至，優 yōu 鉢羅優鉢羅為一波頭 tóu 摩，波頭摩波頭摩為一僧祇，僧祇僧祇為一趣，趣趣為一論，論論為一無數，無數無數為一無數轉，無數轉無數轉為一無量，無量無量為一無量轉，無量轉無量轉為一無邊，無邊無邊為一無邊轉，無邊轉無邊轉為一無等，無等無等為一無等轉，無等轉無等轉為一不可數，不可數不可數為一不可數轉，不可數轉不可數轉為一不可稱，不可稱不可稱為一不可稱轉，不可稱轉不可稱轉為一不可思，不可思不可思為一不可思轉，不可思轉不可思轉為一不可量，不可量不可量為一不可量轉，不可量轉不可量轉為一不可說，不可說不可說為一不可說轉，不可說轉不可說轉為一不可說不可說，此又不可說不可說為一不可說不可說轉。善男子！我以此菩薩算法，算無量由旬廣大沙聚，悉知其內顆粒多少；亦能算知東方所有一切世界種種差別次第安住，南西北方、四維上下亦復如是；亦能算知十方所有一切世界廣狹大小及以名字，其中所有一切劫名、一切佛名、一切法名、一切眾生名、一切業名、一切菩薩名、一切諦名，皆悉了知。

「善男子！我唯知此一切工巧大神通智光明法門。如諸菩薩摩訶薩，能知一切諸眾生數，能知一切諸法品類數，能知一切諸法差別數，能知一切三世數，能知一切眾生名數，能知一切諸法名數，能知一切諸如來數，能知一切諸佛名數，能知一切諸菩薩數，能知一切菩薩名數；而我何能說其功德，示其所行，顯 xiǎn 其境界，讚其勝力，辨其樂欲，宣其助道，彰 zhāng 其大願，歎 tàn 其妙行，闡 chǎn 其諸度，演其清淨，發其殊勝智慧光明？

「善男子！於此南方，有一大城名曰：海住；有優婆夷，

名為：具足。汝詣彼問：菩薩云何學菩薩行、修菩薩道？」

時，善財童子聞是語已，舉身毛豎 shù，歡喜踊躍 yuè，獲 huò 得希有信樂寶 bǎo 心，成就廣大利眾生心，悉能明見一切諸佛出興 xīng 次第，悉能通達甚深智慧清淨法輪，於一切趣皆隨現身，了知三世平等境界，出生無盡 jìn 功德大海，放大智慧自在光明，開三有城所有關 guān 鑰 yuè；頂禮其足，遶無量匝，慇懃瞻仰，辭退而去。

爾時，善財童子觀察思惟善知識教，猶如巨海受大雲雨無有厭足，作是念言：「善知識教，猶如春日，生長一切善法根苗；善知識教，猶如滿月，凡所照及皆使清涼；善知識教，如夏雪山，能除一切諸獸熱渴；善知識教，如芳池日，能開一切善心蓮華；善知識教，如大寶洲，種種法寶充滿其心；善知識教，如閻浮樹，積集一切福智華果；善知識教，如大龍王，於虛空中遊戲自在；善知識教，如須彌山無量善法，三十三天於中止住；善知識教，猶如帝釋，眾會圍遶，無能映蔽，能伏異 yì 道、脩 xiū 羅軍眾。」如是思惟。漸次遊行，至海住城，處處尋覓此優婆夷。時，彼眾人咸告之言：「善男子！此優婆夷在此城中所住宅內。」善財聞已，即詣其門，合掌而立。其宅廣博，種種莊嚴，眾寶垣 yuán 牆周匝圍遶，四面皆有寶莊嚴門。善財入已，見優婆夷處於寶座，盛年好色，端正可喜，素服垂髮，身無瓔珞，其身色相威德光明，除佛菩薩餘無能及。於其宅內，數十億座，超出人、天一切所有，皆是菩薩業力成就。宅中無有衣服、飲食及餘一切資生之物，但於其前置一小器。復有一萬童女圍遶，威儀色相如天采女，妙寶嚴具莊飾其身，言音美妙，聞者喜悅，常在左右，親近瞻仰，思惟觀察，曲躬低首，應其教命。彼諸童女，身出妙香，普熏一切；若有眾生

遇斯香者，皆不退轉，無怒害心，無怨結心，無慳嫉心，無諂 chǎn 誑心，無險曲心，無憎愛心，無瞋恚心，無下劣心，無高慢心，生平等心，起大慈心，發利益心，住律儀 yí 心，離貪求心。聞其音者，歡喜踊躍 yuè；見其身者，悉離貪染。

爾時，善財既見具足優婆夷已，頂禮其足，恭敬圍遶，合掌而立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

彼即告言：「善男子！我得菩薩無盡福德藏解脫門，能於如是一小器中，隨諸眾生種種欲樂，出生種種美味飲食，悉令充滿。假使百眾生、千眾生、百千眾生、億眾生、百億眾生、千億眾生、百千億那由他眾生，乃至不可說不可說眾生；假使閻浮提微塵 chén 數眾生、一四天下微塵數眾生，小千世界、中千世界、大千世界，乃至不可說不可說佛剎微塵數眾生；假使十方世界一切眾生，隨其欲樂悉令充滿，而其飲食無有窮盡 jìn 亦不減少。如飲食，如是種種上味、種種床座、種種衣服、種種臥具、種種車乘、種種華、種種鬘、種種香、種種塗香、種種燒香、種種末香、種種珍寶、種種瓔珞、種種幢、種種幡、種種蓋、種種上妙資生之具，隨意所樂悉令充足。

「又，善男子！假使東方一世界中，聲聞、獨覺食我食已，皆證聲聞、辟支佛果，住最後身；如一世界中，如是百世界、千世界、百千世界、億世界、百億世界、千億世界、百千億世界、百千億那由他世界、閻浮提微塵數世界、一四天下微塵數世界、小千國土微塵數世界、中千國土微塵數世界、三千大千國土微塵數世界，乃至不可說不可說佛剎微塵數世界中，所有一切聲聞、獨覺食我食已，皆證聲聞、辟支佛果，住最後身。如於東方，南、西、北方，四維、上、下，亦復如是。

「又，善男子！東方一世界，乃至不可說不可說佛剎微塵數世界中，所有一生所繫 xi 菩薩食我食已，皆菩提樹下坐於道場，降伏魔軍，成阿耨多羅三藐三菩提；如東方，南、西、北方，四維、上、下，亦復如是。

「善男子！汝見我此十千童女眷屬以不？」

答言：「已見。」

優婆夷言：「善男子！此十千童女而為上首，如是眷屬百萬阿僧祇，皆悉與我同行、同願、同善根、同出離道、同清淨解、同清淨念、同清淨趣、同無量覺、同得諸根、同廣大心、同所行境、同理、同義 yì、同明了法、同淨色相、同無量力、同最精進、同正法音、同隨類音、同清淨第一音、同讚無量清淨功德、同清淨業、同清淨報、同大慈周普救護 hù 一切、同大悲周普成熟眾生、同清淨身業隨緣集起令見者欣悅、同清淨口業隨世語言宣布法化、同往詣一切諸佛眾會道場、同往詣一切佛剎供養諸佛、同能現見一切法門、同住菩薩清淨行地。善男子！是十千童女，能於此器取上飲食，一剎那頃遍至十方，供養一切後身菩薩、聲聞、獨覺，乃至遍及諸餓鬼趣，皆令充足。善男子！此十千女以我此器，能於天中充足天食，乃至人中充足人食。善男子！且待須臾 yú，汝當自見。」說是語時，善財則見無量眾生從四門入，皆優婆夷本願所請。既來集已，敷 fū 座令坐，隨其所須，給施飲食，悉使充足。告善財言：

「善男子！我唯知此無盡福德藏解脫門。如諸菩薩摩訶薩一切功德，猶如大海甚深無盡，猶如虛空廣大無際，如如意珠滿眾生願，如大聚落所求皆得，如須彌山普集眾寶，猶如奧藏常貯 zhù 法財，猶如明燈破諸黑闇 àn，猶如高蓋 gài 普蔭 yìn 群生；而我云何能知能說彼功德行？

「善男子！南方有城名曰：大興；彼有居士名曰：明智。

汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，瞻仰無厭，辭退而去。

爾時，善財童子得無盡莊嚴福德藏解脫光明已，思惟彼福德大海，觀察彼福德虛空，趣彼福德聚，登彼福德山，攝彼福德藏，入彼福德淵，游彼福德池，淨彼福德輪，見彼福德藏，入彼福德門，行彼福德道，修彼福德種。漸次而行，至大興城，周遍推求明智居士。於善知識心生渴仰，以善知識熏習其心，於善知識志欲堅固，方便求見諸善知識心不退轉，願得承事諸善知識心無懈怠；知由依止善知識故，能滿眾善；知由依止善知識故，能生眾福；知由依止善知識故，能長眾行；知由依止善知識故，不由他教，自能承事一切善友。如是思惟時，長其善根，淨其深心，增其根性，益其德本，加其大願，廣其大悲，近一切智，具普賢道，照明一切諸佛正法，增長如來十力光明。

爾時，善財見彼居士在其城內市四衢 **qú** 道七寶臺 **tái** 上，處無數寶莊嚴之座。其座妙好，清淨摩尼以為其身，金剛帝青以為其足，寶繩 **shéng** 交絡，五百妙寶而為校飾；敷 **fū** 天寶衣，建天幢幡，張大寶網，施大寶帳；閻浮檀金以為其蓋 **gài**，毘瑠璃寶以為其竿，令人執持以覆其上；鵝王羽翮 **hé** 清淨嚴潔 **jié** 以為其扇；熏眾妙香，雨眾天華；左右常奏五百樂音，其音美妙過於天樂，眾生聞者無不悅豫。十千眷屬前後圍遶，色相端嚴，人所喜見，天莊嚴具以為嚴飾，於天人中最勝無比，悉已成就菩薩志欲，皆與居士同昔善根，侍立瞻對，承其教命。

爾時，善財頂禮其足，遶無量匝，合掌而立，白言：「聖者！我為利益一切眾生故，為令一切眾生出諸苦難故，為令一切眾生究竟安樂故，為令一切眾生出生死海故，為令一切眾生住法寶洲故，為令一切眾生枯竭愛河故，為令一切眾生起大慈

悲故，為令一切眾生捨離欲愛故，為令一切眾生渴仰佛智故，為令一切眾生出生死曠野故，為令一切眾生樂諸佛功德故，為令一切眾生出三界城故，為令一切眾生入一切智城故，發阿耨多羅三藐三菩提心，而未知菩薩云何學菩薩行，云何修菩薩道，能為一切眾生作依止處？」

長者告言：「善哉善哉！善男子！汝乃能發阿耨多羅三藐三菩提心。善男子！發阿耨多羅三藐三菩提心，是人難得。若能發心，是人則能求菩薩行，值遇善知識恒無厭足，親近善知識恒無勞倦，供養善知識恒不疲懈，給侍善知識不生憂 yōu 感 qī，求覓善知識終不退轉，愛念善知識終不放捨，承事善知識無暫休息，瞻 zhān 仰善知識無時憩 qì止，行善知識教未曾怠 dài 惰 duò，稟 bǐng 善知識心無有誤失。

「善男子！汝見我此眾會人不？」

善財答言：「唯然！已見。」

居士言：「善男子！我已令其發阿耨多羅三藐三菩提心，生如來家，增長白法，安住無量諸波羅蜜，學佛十力，離世間種，住如來種，棄 qì生死輪，轉正法輪，滅三惡趣，住正法趣，如諸菩薩悉能救護 hù一切眾生。善男子！我得隨意出生福德藏解脫門，凡有所須悉滿其願。所謂：衣服、瓔珞、象馬、車乘、華香、幢蓋 gài、飲食、湯藥、房舍、屋宅、床座、燈炬、奴婢、牛羊及諸侍使，如是一切資生之物，諸有所須悉令充滿，乃至為說真實妙法。善男子！且待須臾，汝當自見。」說是語時，無量眾生從種種方所、種種世界、種種國土、種種城邑，形類各別，愛欲不同，皆以菩薩往昔願力，其數無邊俱來集會，各隨所欲而有求請。

爾時，居士知眾普集，須臾繫 xì念，仰視虛空；如其所須，悉從空下，一切眾會普皆滿足。然後復為說種種法。所謂：為

得美食而充足者，與說種種集福德行、離貧窮行、知諸法行、成就法喜禪悅食行、修習具足諸相好行、增長成就難屈伏行、善能了達 dá 無上食行、成就無盡大威德力降魔怨行；為得好飲而充足者，與其說法，令於生死，捨離愛著，入佛法味；為得種種諸上味者，與其說法，皆令獲得諸佛如來上味之相；為得車乘而充足者，與其宣說種種法門，皆令得載摩訶衍 yǎn 乘；為得衣服而充足者，與其說法，令得清淨慚愧之衣，乃至如來清淨妙色。如是一切靡不周贍 shàn，然後悉為如應說法。既聞法已，還歸本處。

爾時，居士為善財童子示現菩薩不可思議解脫境界已，告言：「善男子！我唯知此隨意出生福德藏解脫門。如諸菩薩摩訶薩成就寶手，遍覆一切十方國土，以自在力普雨一切資生之具，所謂：雨種種色寶、種種色瓔珞、種種色寶冠、種種色衣服、種種色音樂、種種色華、種種色香、種種色末香、種種色燒香、種種色寶蓋 gài、種種色幢幡，遍滿一切眾生住處，及諸如來眾會道場，或以成熟一切眾生，或以供養一切諸佛；而我云何能知能說彼諸功德自在神力？

「善男子！於此南方，有一大城名：師子宮；彼有長者，名：法寶髻 jì。汝可往問：菩薩云何學菩薩行、修菩薩道？」

時，善財童子歡喜踊躍 yuè，恭敬尊重，如弟子禮，作如是念：「由此居士護 hù 念於我，令我得見一切智道，不斷愛念善知識見，不壞尊重善知識心，常能隨順善知識教，決定深信善知識語，恒發深心事善知識。」頂禮其足，遶無量匝，慇懃瞻仰，辭退而去。

大方廣佛華嚴經卷第六十五

大方廣佛華嚴經卷第六十六

于闐國三藏實叉難陀奉 制譯

入法界品第三十九之七

爾時，善財童子於明智居士所聞此解脫已，游彼福德海，治彼福德田，仰彼福德山，趣彼福德津，開彼福德藏，觀彼福德法，淨彼福德輪，味彼福德聚，生彼福德力，增彼福德勢。漸次而行，向師子城，周遍推求寶髻 jì 長者。見此長者在於市中，遽 jù 即往詣，頂禮其足，遶無數匝，合掌而立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？善哉聖者！願為我說諸菩薩道，我乘此道趣一切智！」

爾時，長者執善財手，將詣所居，示其舍宅，作如是言：「善男子！且觀我家。」

爾時，善財見其舍宅，清淨光明，真金所成，白銀為牆，玻瓈為殿，紺 gàn 瑠璃寶以為樓閣，碑磬 qú 妙寶而作其柱，百千種寶周遍莊嚴；赤珠摩尼為師子座；摩尼為帳，真珠為網，彌覆其上；碼瑙 nǎo 寶池香水盈滿，無量寶樹周遍行列；其宅廣博，十層 céng 八門。善財入已，次第觀察。見最下層，施諸飲食。見第二層，施諸寶衣。見第三層，布施一切寶莊嚴具。見第四層，施諸采女并及一切上妙珍寶。見第五層，乃至五地菩薩雲集，演說諸法利益世間，成就一切陀羅尼門、諸三昧印、諸三昧行智慧光明。見第六層，有諸菩薩皆已成就甚深智慧，於諸法性明了通達 dá，成就廣大總 zǒng 持三昧無障礙門，所行無礙，不住二法，在不可說妙莊嚴道場中而共集會，分別顯 xiǎn 示般若波羅蜜門，所謂：寂靜藏般若波羅蜜門、善分別諸眾生智般若波羅蜜門、不可動轉般若波羅蜜門、離欲光明般若

波羅蜜門、不可降伏藏般若波羅蜜門、照眾生輪般若波羅蜜門、海藏般若波羅蜜門、普眼捨得般若波羅蜜門、入無盡 jìn 藏般若波羅蜜門、一切方便海般若波羅蜜門、入一切世間海般若波羅蜜門、無礙辯才般若波羅蜜門、隨順眾生般若波羅蜜門、無礙 ài 光明般若波羅蜜門、常觀宿緣而布法雲般若波羅蜜門……說如是等百萬阿僧祇般若波羅蜜門。見第七層，有諸菩薩得如響 xiǎng 忍，以方便智分別觀察而得出離，悉能聞持諸佛正法。見第八層，無量菩薩共集其中，皆得神通無有退墮，能以一音遍十方刹，其身普現一切道場，盡 jìn 于法界靡不周遍，普入佛境，普見佛身，普於一切佛眾會中而為上首演說於法。見第九層，一生所繫 xì 諸菩薩眾於中集會。見第十層，一切如來充滿其中，從初發心，修菩薩行，超出生死，成滿大願及神通力，淨佛國土道場眾會，轉正法輪，調伏眾生。如是一切，悉使明見。

爾時，善財見是事已，白言：「聖者！何緣致此清淨眾會？種何善根獲 huò 如是報 bào？」

長者告言：「善男子！我念過去，過佛刹微塵數劫，有世界，名：圓滿莊嚴，佛號：無邊光明法界普莊嚴王如來、應、正等覺，十號圓滿。彼佛入城，我奏樂音，并燒一丸香而以供養，以此功德迴向三處，謂：永離一切貧窮 qióng 困苦、常見諸佛及善知識、恒聞正法，故獲斯報。

「善男子！我唯知此菩薩無量福德寶藏解脫門。如諸菩薩摩訶薩，得不思議功德寶藏，入無分別如來身海，受無分別無上法雲，修無分別功德道具，起無分別普賢行網，入無分別三昧境界，等無分別菩薩善根，住無分別如來所住，證無分別三世平等，住無分別普眼境界，住一切劫無有疲厭；而我云何能知能說彼功德行？

「善男子！於此南方有一國土名曰：藤 téng 根；其土有城名曰：普門；中有長者名為：普眼。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，慇懃瞻仰，辭退而去。

爾時，善財童子於寶髻長者所，聞此解脫已，深入諸佛無量知見，安住菩薩無量勝行，了達菩薩無量方便，希求菩薩無量法門，清淨菩薩無量信解，明利菩薩無量諸根，成就菩薩無量欲樂，通達菩薩無量行門，增長菩薩無量願力，建立菩薩無能勝幢，起菩薩智照菩薩法。漸次而行至藤根國，推問求覓 mì 彼城所在。雖歷 lì 艱 jiān 難 nán，不憚 dàn 勞苦，但唯正念善知識教，願常親近承事供養，遍策諸根離眾放逸。然後乃得見普門城，百千聚落周匝圍遶，雉 zhì 堞 dié 崇峻，衢 qú 路寬平。見彼長者，往詣其所，於前頂禮，合掌而立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？」

長者告言：「善哉善哉！善男子！汝已能發阿耨多羅三藐三菩提心。

「善男子！我知一切眾生諸病：風黃、痰熱 rè、鬼魅 mèi、蠱 gǔ 毒，乃至水火之所傷害。如是一切所生諸疾，我悉能以方便救療 liáo。善男子！十方眾生諸有病者咸來我所，我皆療治，令其得差 chài；復以香湯沐浴其身，香華、瓔珞、名衣、上服、種種莊嚴，施諸飲食及以財寶，悉令充足無所乏短。然後各為如應說法：為貪欲多者，教不淨觀；

「瞋 chēn 恚 huì 多者，教慈悲觀；

「愚癡 chī 多者，教其分別種種法相；

「等分行者，為其顯 xiǎn 示殊勝法門。

「為欲令其發菩提心，稱揚一切諸佛功德；
「為欲令其起大悲意，顯示生死無量苦惱；
「為欲令其增長功德，讚歎 tòn 修集無量福智；
「為欲令其發大誓願，稱讚調伏一切眾生；
「為欲令其修普賢行，說諸菩薩於一切剎、一切劫住，修諸行網；

「為欲令其具佛相好，稱揚讚歎檀波羅蜜；
「為欲令其得佛淨身，悉能遍至一切處故，稱揚讚歎尸波羅蜜；

「為欲令其得佛清淨不思議身，稱揚讚歎忍波羅蜜；
「為欲令其獲於如來無能勝身，稱揚讚歎精進波羅蜜；
「為欲令其得於清淨無與等身，稱揚讚歎禪波羅蜜；
「為欲令其顯現如來清淨法身，稱揚讚歎般若波羅蜜；
「為欲令其現佛世尊清淨色身，稱揚讚歎方便波羅蜜；
「為欲令其為諸眾生住一切劫，稱揚讚歎願波羅蜜；
「為欲令其現清淨身，悉過一切諸佛刹土，稱揚讚歎力波羅蜜；

「為欲令其現清淨身，隨眾生心悉使歡喜，稱揚讚歎智波羅蜜；

「為欲令其獲於究竟淨妙之身，稱揚讚歎永離一切諸不善法。

「如是施已，各令還去。

「善男子！我又善知和合一切諸香要法，所謂：無等香、辛頭 tóu 波羅 luó 香、無勝 shèng 香、覺悟香、阿盧 lú 那跋 bá 底香、堅黑栴檀香、烏洛迦栴檀香、沈水香、不動諸根香，如是等香，悉知調理和合之法。

「又，善男子！我持此香以為供養，普見諸佛，所願皆滿，

所謂：救護一切眾生願、嚴淨一切佛刹願、供養一切如來願。又，善男子！然此香時，一一香中出無量香，遍至十方一切法界一切諸佛眾會道場，或為香宮，或為香殿，如是香欄檻 jiàn、香垣 yuán 牆、香却敵 dí、香戶牖 yǒu、香重閣、香半月、香蓋 gài、香幢、香幡、香帳、香羅網、香形像、香莊嚴具、香光明、香雲雨，處處充滿以為莊嚴。

「善男子！我唯知此令一切眾生普見諸佛歡喜法門。如諸菩薩摩訶薩如大藥王，若見、若聞、若憶念、若同住、若隨行往、若稱名號，皆獲利益，無空過者；若有眾生暫得值遇，必令銷滅一切煩惱，入於佛法，離諸苦蘊，永息一切生死怖畏，到無所畏一切智處，摧壞一切老死大山，安住平等寂滅之樂。而我云何能知能說彼功德行？

「善男子！於此南方有一大域名：多羅幢；彼中有王名：無厭足。汝詣彼問：菩薩云何學菩薩行、修菩薩道？」

時，善財童子禮普眼足，遶無量匝，慇懃瞻仰，辭退而去。

爾時，善財童子憶念思惟善知識教，念善知識：「能攝受我，能守護我，令我於阿耨多羅三藐三菩提無有退轉。」如是思惟，生歡喜心、淨信心、廣大心、怡 yí 暢心、踊躍 yuè 心、欣慶 qīng 心、勝 shèng 妙心、寂靜心、莊嚴心、無著 zhuó 心、無礙 ài 心、平等心、自在心、住法心、遍往佛刹心、見佛莊嚴心、不捨十力心。漸次遊行，經歷國土、村邑 yì、聚落，至多羅幢城，問無厭足王所在之處，諸人答言：「此王今者在於正殿，坐師子座，宣布法化，調御眾生，可治者治，可攝 shè 者攝，罰 fá 其罪惡，決其諍訟，撫 fǔ 其孤弱，皆令永斷殺、盜、邪淫，亦令禁止妄言、兩舌、惡口、綺語，又使遠離貪、瞋、邪見。」

時，善財童子依眾人語，尋即往詣。遙見彼王坐那羅延金剛之座，阿僧祇寶以為其足，無量寶像以為莊嚴，金繩 shéng 為網彌覆其上；如意摩尼以為寶冠莊嚴其首，閻浮檀金以為半月莊嚴其額，帝青摩尼以為耳璫 dāng 相對垂下，無價摩尼以為瓔珞莊嚴其頸，天妙摩尼以為印釧 chuàn 莊嚴其臂；閻浮檀金以為其蓋 gài，眾寶間錯以為輪輻，大瑠璃寶以為其竿，光味摩尼以為其齋 qí，雜 zá 寶為鈴恒出妙音，放大光明周遍十方，如是寶蓋而覆其上。

阿那羅王有大力勢，能伏他眾，無能與敵 dí；以離垢繒 zēng 而繫 xì 其頂，十千大臣前後圍遶共理王事。其前復有十萬猛卒 zú，形貌醜 chǒu 惡，衣服褊 biǎn 陋，執持器仗，攘 rǎng 臂瞋 chēn 目，眾生見者無不恐怖。無量眾生犯王教敕 chì，或盜他物，或害他命，或侵他妻，或生邪見，或起瞋恨，或懷貪嫉，作如是等種種惡業，身被五縛 fù，將詣王所，隨其所犯而治罰 fá 之。或斷手足，或截耳鼻，或挑其目，或斬其首，或剝其皮，或解其體，或以湯煮，或以火焚，或驅 qū 上高山推令墮落，有如是等無量楚毒；發聲號叫，譬如眾合大地獄中。

善財見已，作如是念：「我為利益一切眾生，求菩薩行，修菩薩道。今者，此王滅諸善法，作大罪業，逼惱眾生，乃至斷命，曾不顧 gù 懼 jù 未來惡道。云何於此而欲求法，發大悲心救護眾生？」

作是念時，空中有天而告之言：「善男子！汝當憶念普眼長者善知識教。」

善財仰視而白之曰：「我常憶念，初不敢忘。」

天曰：「善男子！汝莫厭 yàn 離 lí 善知識語，善知識者能引導 dǎo 汝至無險難安隱 wěn 之處。善男子！菩薩善巧方便智不可思議，攝受眾生智不可思議，護念眾生智不可思議，成熟

眾生智不可思議，守護眾生智不可思議，度脫眾生智不可思議，調伏眾生智不可思議。」

時，善財童子聞此語已，即詣王所，頂禮其足，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

時，阿那羅王理王事已，執善財手，將入宮中，命之同坐，告言：「善男子！汝應觀我所住宮殿。」

善財如語即遍觀察，見其宮殿廣大無比，皆以妙寶之所合成，七寶為牆周匝圍遶，百千眾寶以為樓閣，種種莊嚴悉皆妙好，不思議摩尼寶網羅覆其上；十億侍女端正殊絕，威儀進止皆悉可觀，凡所施為無非巧妙，先起後臥軟意承旨。

時，阿那羅王告善財言：「善男子！於意云何？我若實作如是惡業，云何而得如是果報 bào、如是色身、如是眷屬、如是富贍 shàn、如是自在？」

「善男子！我得菩薩如幻解脫。善男子！我此國土所有眾生，多行殺、盜乃至邪見，作餘方便不能令其捨離惡業。善男子！我為調伏彼眾生故，化作惡人造諸罪業受種種苦，令其一切作惡眾生見是事已，心生惶怖，心生厭離，心生怯 qiè 弱，斷其所作一切惡業，發阿耨多羅三藐三菩提意。善男子！我以如是巧方便故，令諸眾生，捨十惡業，住十善道，究竟快樂，究竟安隱，究竟住於一切智地。善男子！我身、語、意未曾惱害於一眾生。善男子！如我心者，寧於未來受無間苦，終不發生一念之意與一蚊一蟻 yǐ 而作苦事，況復人耶！人是福田，能生一切諸善法故。」

「善男子！我唯得此如幻解脫。如諸菩薩摩訶薩得無生忍，知諸有趣悉皆如幻，菩薩諸行悉皆如化，一切世間悉皆如影，一切諸法悉皆如夢，入真實相無礙法門，修行帝網一切諸行，

以無礙智行於境界，普入一切平等三昧，於陀羅尼已得自在；而我云何能知能說彼功德行？

「善男子！於此南方有城名：妙光；王名：大光。汝詣彼問：菩薩云何學菩薩行、修菩薩道？」

時，善財童子頂禮王足，遶無數匝，辭退而去。

爾時，善財童子一心正念彼王所得幻智法門，思惟彼王如幻解脫，觀察彼王如幻法性，發如幻願，淨如幻法，普於一切如幻三世起於種種如幻變化，如是思惟。漸次遊行，或至人間城邑、聚落，或經曠野、巖 yán 谷、險難，無有疲懈，未曾休息。然後乃至妙光大城，而問人言：「妙光大城在於何所？」

人咸報言：「妙光城者，今此城是，是大光王之所住處。」

時，善財童子歡喜踊躍，作如是念：「我善知識在此城中，我今必當親得奉見，聞諸菩薩所行之行，聞諸菩薩出要之門，聞諸菩薩所證之法，聞諸菩薩不思議功德，聞諸菩薩不思議自在，聞諸菩薩不思議平等，聞諸菩薩不思議勇猛，聞諸菩薩不思議境界廣大清淨。」作是念已，入妙光城。見此大城，以金、銀、瑠璃、玻瓈、真珠、砮磬、碼瑙七寶所成，七寶深塹 qiàn，七重圍遶；八功德水盈滿其中，底布金沙，優 yōu 鉢羅華、波頭 tóu 摩華、拘物頭華、芬陀利華遍布其上；寶多羅樹七重行列，七種金剛以為其垣 yuán 各各圍遶，所謂：師子光明金剛垣 yuán、無能超勝金剛垣、不可沮壞金剛垣、不可毀缺金剛垣、堅固無礙金剛垣、勝妙網藏金剛垣、離塵清淨金剛垣，悉以無數摩尼妙寶間錯莊嚴，種種眾寶而為埤 pì 埵 nì。其城縱廣一十由旬，周迴八方，面開八門，皆以七寶周遍嚴飾，毘瑠璃寶以為其地，種種莊嚴甚可愛樂。其城之內，十億衢 qú 道，一一道間，皆有無量萬億眾生於中止住。有無數閻浮檀金樓閣，毘

瑠璃摩尼網羅覆其上；無數銀樓閣，赤真珠摩尼網羅覆其上；無數毘瑠璃樓閣，妙藏摩尼網羅覆其上；無數玻瓈樓閣，無垢藏摩尼王網羅覆其上；無數光照世間摩尼寶樓閣，日藏摩尼王網羅覆其上；無數帝青摩尼寶樓閣，妙光摩尼王網羅覆其上；無數眾生海摩尼王樓閣，焰光明摩尼王網羅覆其上；無數金剛寶樓閣，無能勝幢摩尼王網羅覆其上；無數黑栴檀樓閣，天曼陀羅華網羅覆其上；無數無等香王樓閣，種種華網羅覆其上。其城復有無數摩尼網、無數寶鈴網、無數天香網、無數天華網、無數寶形像網，無數寶衣帳、無數寶蓋 gài 帳、無數寶樓閣帳、無數寶華鬘帳之所彌覆，處處建立寶蓋、幢、幡。當此城中，有一樓閣，名：正法藏，阿僧祇寶以為莊嚴，光明赫 hè 奕 yì 最勝無比，眾生見者心無厭足，彼大光王常處其中。

爾時，善財童子於此一切珍寶妙物，乃至男女、六塵 chén 境界，皆無愛著 zhuó，但正思惟究竟之法，一心願樂見善知識。漸次遊行，見大光王去於所住樓閣不遠四衢 qú 道中，坐如意摩尼寶蓮華藏廣大莊嚴師子之座，紺 gàn 瑠璃寶以為其足，金繒為帳，眾寶為網，上妙天衣以為茵蓐 rù。其王於上結跏趺坐，二十八種大人之相、八十隨好而以嚴身；如真金山，光色熾 chì 盛；如淨空日，威光赫 hè 奕 yì；如盛滿月，見者清涼；如梵天王，處於梵眾；亦如大海，功德法寶無有邊際；亦如雪山，相好樹林以為嚴飾；亦如大雲，能震法雷，啟 qǐ 悟群品；亦如虛空，顯現種種法門星象；如須彌山，四色普現眾生心海；亦如寶洲，種種智寶充滿其中。於王座前，有金、銀、瑠璃、摩尼、真珠、珊瑚、琥珀、珂貝、璧玉諸珍寶聚，衣服、瓔珞及諸飲食無量無邊種種充滿。復見無量百千萬億上妙寶車、百千萬億諸天妓樂、百千萬億天諸妙香、百千萬億病緣湯藥資生之具，如是一切悉皆珍好。無量乳牛，蹄 tí 角金色；無量千億

端正女人，上妙栴檀以塗其體 tǐ，天衣、瓔珞種種莊嚴，六十四能摩 mǐ不該練，世情禮則悉皆善解，隨眾生心而以給施。

城邑、聚落、四衢 qú道側，悉置一切資生之具。一一道傍皆有二十億菩薩，以此諸物給施眾生，為欲普攝眾生故，為令眾生歡喜故，為令眾生踊躍故，為令眾生心淨故，為令眾生清涼故，為滅眾生煩惱故，為令眾生知一切義理故，為令眾生入一切智道故，為令眾生捨怨敵心故，為令眾生離身、語惡故，為令眾生拔諸邪見故，為令眾生淨諸業道故。

時，善財童子五體投地，頂禮其足，恭敬右遶，經無量匝，合掌而住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

時，王告言：「善男子！我淨修菩薩大慈幢行，我滿足菩薩大慈幢行。善男子！我於無量百千萬億乃至不可說不可說佛所，問難此法，思惟觀察，修習莊嚴。

「善男子！我以此法為王，以此法教敕 chī，以此法攝受，以此法隨逐世間，以此法引導 dǎo 眾生，以此法令眾生修行，以此法令眾生趣入，以此法與眾生方便，以此法令眾生熏習，以此法令眾生起行，以此法令眾生安住思惟諸法自性，以此法令眾生安住慈心，以慈為主，具足慈力；如是，令住利益心、安樂心、哀愍心、攝受心、守護 hù眾生不捨離心、拔眾生苦無休息心。我以此法令一切眾生畢竟快樂，恒自悅豫，身無諸苦，心得清涼，斷生死愛，樂正法樂，滌 dí煩惱垢，破惡業障，絕生死流，入真法海，斷諸有趣，求一切智，淨諸心海，生不壞信。善男子！我已住此大慈幢行，能以正法教化世間。

「善男子！我國土中一切眾生，皆於我所無有恐怖。善男子！若有眾生貧窮困乏，來至我所而有求索。我開庫藏 zàng

恣 zì其所取，而語之言：『莫造諸惡，莫害眾生，莫起諸見，莫生執著。汝等貧乏，若有所須，當來我所及四衢 qú道，一切諸物種種具足，隨意而取勿生疑難。』

「善男子！此妙光城所住眾生，皆是菩薩發大乘意，隨心所欲，所見不同，或見此城其量狹小，或見此城其量廣大；或見土沙以為其地，或見眾寶而以莊嚴；或見聚土以為垣 yuán牆，或見寶牆周匝圍遶；或見其地多諸瓦石高下不平，或見無量大摩尼寶間錯莊嚴平坦如掌；或見屋宅土木所成，或見殿堂及諸樓閣、階 jiē墀 chí、窓 chuāng闌 tà、軒檻 jiàn、戶牖 yǒu——如是一切無非妙寶。善男子！若有眾生其心清淨，曾種善根供養諸佛，發心趣向一切智道，以一切智為究竟處，及我昔時修菩薩行曾所攝受，則見此城眾寶嚴淨；餘皆見穢 huì。

「善男子！此國土中一切眾生，五濁世時樂作諸惡。我心哀愍而欲救護 hù，入於菩薩大慈為首隨順世間三昧之門。入此三昧時，彼諸眾生所有怖畏心、惱害心、怨敵心、諍論心，如是諸心，悉自消滅。何以故？入於菩薩大慈為首順世三昧，法如是故。善男子！且待須臾，自當現見。」

時，大光王即入此定。其城內外六種震動，諸寶地、寶牆、寶堂、寶殿、臺 tái觀 guàn、樓閣、階 jiē砌 qì、戶牖 yǒu，如是一切咸出妙音，悉向於王曲躬敬禮。妙光城內所有居人，靡不同時歡喜踊躍，俱向王所舉身投地。村營、城邑一切人眾，咸來見王，歡喜敬禮。近王所住，鳥獸之屬，互相瞻視，起慈悲心，咸向王前恭敬禮拜。一切山原及諸草樹，莫不迴轉向王敬禮。陂 bēi池、泉井及以河海，悉皆騰溢，流注王前。十千龍王起大香雲，激電震雷，注微細雨。有十千天王，所謂：忉利天王、夜摩天王、兜率陀天王、善變化天王、他化自在天王……如是等而為上首，於虛空中作眾妓樂。無數天女歌詠讚

歎，雨無數華雲、無數香雲、無數寶鬘雲、無數寶衣雲、無數寶蓋 gài 雲、無數寶幢雲、無數寶幡雲，於虛空中而為莊嚴，供養其王。伊羅婆拏 ná 大象王，以自在力，於虛空中敷 fū 布無數大寶蓮華，垂無數寶瓔珞、無數寶繒帶、無數寶鬘、無數寶嚴具、無數寶華、無數寶香，種種奇妙以為嚴飾，無數采女種種歌讚。閻浮提內復有無量百千萬億諸羅刹王、諸夜叉王、鳩槃荼王、毘舍闍 shé 王，或住大海，或居陸 lù 地，飲血噉 dàn 肉，殘害眾生；皆起慈心，願行利益，明識 shí 後 hòu 世，不造諸惡；恭敬合掌，頂禮於王。如閻浮提，餘三天下，乃至三千大千世界，乃至十方百千萬億那由他世界中，所有一切毒惡眾生悉亦如是。

時，大光王從三昧起，告善財言：「善男子！我唯知此菩薩大慈為首隨順世間三昧門。如諸菩薩摩訶薩為高蓋 gài，慈心普蔭 yìn 諸眾生故；為修行，下、中、上行悉等行故；為大地，能以慈心任持一切諸眾生故；為滿月，福德光明於世間中平等現故；為淨日，以智光明照耀一切所知境故；為明燈，能破一切眾生心中諸黑闇 àn 故；為水清珠，能清一切眾生心中諂 chǎn 誑濁故；為如意寶，悉能滿足一切眾生心所願故；為大風，速令眾生修習三昧入一切智大城中故。而我云何能知其行，能說其德，能稱量彼福德大山，能瞻仰彼功德眾星，能觀察彼大願風輪，能趣入彼甚深法門，能顯示彼莊嚴大海，能闡 chǎn 明彼普賢行門，能開示彼諸三昧窟，能讚歎彼大慈悲雲？

「善男子！於此南方有一王都名曰安住；有優婆夷名曰：不動。汝詣彼問：菩薩云何學菩薩行、修菩薩道？」

時，善財童子頂禮王足，遶無數匝，慙懃瞻仰，辭退而去。

爾時，善財童子出妙光城，遊行道路，正念思惟大光王教，

憶念菩薩大慈幢行門，思惟菩薩隨順世間三昧光明門，增長彼不思議願福德自在力，堅固彼不思議成熟眾生智，觀察彼不思議不共受用大威德，憶念彼不思議差別相，思惟彼不思議清淨眷屬，思惟彼不思議所作業 yè；生歡喜心，生淨信心，生猛利心，生欣悅心，生踊躍 yuè 心，生慶 qìng 幸心，生無濁心，生清淨心，生堅固心，生廣大心，生無盡 jìn 心。如是思惟，悲泣流淚，念善知識實為希有，出生一切諸功德處，出生一切諸菩薩行，出生一切菩薩淨念，出生一切陀羅尼輪，出生一切三昧光明，出生一切諸佛知見，普雨一切諸佛法雨，顯示一切菩薩願門，出生難思智慧光明，增長一切菩薩根芽。又作是念：「善知識者，能普救護一切惡道，能普演說諸平等法，能普顯示諸夷險道，能普開闡 chǎn 大乘奧義，能普勸發普賢諸行，能普引到一切智城，能普令入法界大海，能普令見三世法海，能普授與眾聖道場，能普增長一切白法。」

善財童子如是悲哀思念之時，彼常隨逐覺悟菩薩、如來使天，於虛空中而告之言：「善男子！其有修行善知識教，諸佛世尊悉皆歡喜；其有隨順善知識語，則得近於一切智地；其有能於善知識語無疑惑者，則常值遇一切善友；其有發心願常不離善知識者，則得具足一切義利。善男子！汝可往詣 yì 安住王都，即當得見不動優婆夷大善知識」

時，善財童子從彼三昧智光明起，漸次遊行，至安住城，周遍推求不動優婆夷今在何所？無量人眾咸告之言：「善男子！不動優婆夷身是童女，在其家內，父母守護，與自親屬無量人眾演說妙法。」善財童子聞是語已，其心歡喜，如見父母，即詣不動優婆夷舍。入其宅內，見彼堂宇，金色光明普皆照耀，遇斯光者身意清涼。善財童子光明觸身，即時獲 huò 得五百三昧門，所謂：了一切希有相三昧門、入寂靜三昧門、遠 yuǎn

離一切世間三昧門、普眼捨得三昧門、如來藏三昧門……得如是等五百三昧門；以此三昧門故，身心柔軟，如七日胎。又聞妙香，非諸天、龍、乾闥婆等人與非人之所能有。

善財童子前詣其所，恭敬合掌，一心觀察，見其形色端正殊妙，十方世界一切女人無有能及，況其過者！唯除如來及以一切灌頂菩薩。口出妙香，宮殿莊嚴，并其眷屬悉無與等，況復過者！十方世界一切眾生，無有於此優婆夷所起染著心；若得暫見，所有煩惱悉自消滅。譬如百萬大梵天王，決定不生欲界煩惱；其有見此優婆夷者，所有煩惱應知亦然。十方眾生觀此女人皆無厭足，唯除具足大智慧者。

爾時，善財童子曲躬合掌，正念觀察，見此女人，其身自在不可思議，色相顏容世無與等，光明洞徹物無能障，普為眾生而作利益，其身毛孔恒出妙香，眷屬無邊，宮殿第一，功德深廣莫知涯際；心生歡喜，以頌讚曰：

「守護清淨戒， 修行廣大忍，
精進不退轉， 光明照世間。」

爾時，善財童子說此頌已，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

時，不動優婆夷以菩薩柔軟語、悅意語，慰諭善財，而告之言：「善哉善哉！善男子！汝已能發阿耨多羅三藐三菩提心。善男子！我得菩薩難摧伏智慧藏解脫門，我得菩薩堅固受持行門，我得菩薩一切法平等地總 zǒng 持門，我得菩薩照明一切法辯才門，我得菩薩求一切法無疲厭三昧門。」

善財童子言：「聖者！菩薩難摧伏智慧藏解脫門，乃至求一切法無疲厭三昧門，境界云何？」

童女言：「善男子！此處難知。」

善財白言：「唯願聖者，承佛神力，為我宣說！我當因善知識，能信能受，能知能了，趣入觀察，修習隨順，離諸分別，究竟平等。」

優婆夷言：「善男子！過去世中有劫名：離垢，佛號：脩 xiū 臂。時，有國王名曰電授，唯有一女，即我身是。我於夜分廢 fèi 音樂時，父母兄弟悉已眠寢 qǐn，五百童女亦皆昏寐 mèi。我於樓上仰觀星宿，於虛空中見彼如來如寶山王，無量無邊天龍八部、諸菩薩眾所共圍遶，佛身普放大光明網周遍十方無所障礙，佛身毛孔皆出妙香。我聞是香，身體柔軟，心生歡喜；便從樓下至於地上，合十指爪，頂禮於佛。又觀彼佛不見頂相，觀身左右莫知邊際。思惟彼佛諸相隨好無有厭足，竊 qiè 自念言：『此佛世尊作何等業 yè，獲 huò 於如是上妙之身，相好圓滿，光明具足，眷屬成就，宮殿嚴好，福德智慧悉皆清淨，總持三昧不可思議，神通自在，辯才無礙？』

「善男子！爾時，如來知我心念，即告我言：『汝應發不可壞心，滅諸煩惱；應發無能勝心，破諸取著；應發無退怯 qiè 心，入深法門；應發能堪耐心，救惡眾生；應發無迷惑心，普於一切諸趣受生；應發無厭足心，求見諸佛無有休息；應發無知足心，悉受一切如來法雨；應發正思惟心，普生一切佛法光明；應發大住持心，普轉一切諸佛法輪；應發廣流通心，隨眾生欲施其法寶。』善男子！我於彼佛所聞如是法，求一切智，求佛十力，求佛辯才，求佛光明，求佛色身，求佛相好，求佛眾會，求佛國土，求佛威儀，求佛壽命。發是心已，其心堅固猶如金剛，一切煩惱及以二乘悉不能壞 huài。

「善男子！我發是心已來，經閻浮提微塵數劫，尚不生於念欲之心，況行其事！

「爾所劫中，於自親屬不起瞋心，況他眾生！

「爾所劫中，於其自身不生我見，況於眾具而計我所！

「爾所劫中，死時、生時及住胎藏，未曾迷惑起眾生想及無記心，況於餘時！

「爾所劫中，乃至夢中隨見一佛未曾忘失，何況菩薩十眼所見！

「爾所劫中，受持一切如來正法，未曾忘失一文一句，乃至世俗所有言辭 cí 尚不忘失，何況如來金口所說！

「爾所劫中，受持一切如來法海，一文一句無不思惟、無不觀察，乃至一切世俗之法亦復如是。

「爾所劫中，受持如是一切法海，未曾於一法中不得三昧，乃至世間技術之法，一一法中悉亦如是。

「爾所劫中，住持一切如來法輪，隨所住持，未曾廢捨一文一句，乃至不曾生於世智，唯除為欲調眾生故。

「爾所劫中，見諸佛海，未曾於一佛所不得成就清淨大願，乃至於諸化佛之所悉亦如是。

「爾所劫中，見諸菩薩修行妙行，無有一行我不成就。

「爾所劫中，所見眾生，無一眾生我不勸 quàn 發阿耨多羅三藐三菩提心，未曾勸一眾生發於聲聞、辟支佛意。

「爾所劫中，於一切佛法，乃至一文一句，不生疑惑，不生二想，不生分別想，不生種種想，不生執著想，不生勝劣想，不生愛憎想。

「善男子！我從是來，常見諸佛，常見菩薩，常見真實善知識，常聞諸佛願，常聞菩薩行，常聞菩薩波羅蜜門，常聞菩薩地智光明門，常聞菩薩無盡 jìn 藏門，常聞入無邊世界網門，常聞出生無邊眾生界因門，常以清淨智慧光明除滅一切眾生煩惱，常以智慧生長一切眾生善根，常隨一切眾生所樂示現其身，常以清淨上妙言音開悟法界一切眾生。

「善男子！我得菩薩求一切法無厭足莊嚴門，我得一切法平等地總持門，現不思議自在神變。汝欲見不？」

善財言：「唯！我心願見。」

爾時，不動優婆夷坐於龍藏師子之座，入求一切法無厭足莊嚴三昧門、不空輪莊嚴三昧門、十力智輪現前三昧門、佛種無盡 jìn 藏三昧門……入如是等一萬三昧門。入此三昧門時，十方各有不可說佛刹微塵數世界六種震動，皆悉清淨瑠璃所成；一一世界中，有百億四天下，百億如來或住兜率天乃至般涅槃；一如來放光明網，周遍法界道場眾會，清淨圍遶，轉妙法輪，開悟群生。

時不動優婆夷從三昧起，告善財言：「善男子！汝見此不？」

善財言：「唯！我皆已見。」

優婆夷言：「善男子！我唯得此求一切法無厭足三昧光明，為一切眾生說微妙法，皆令歡喜。如諸菩薩摩訶薩，如金翅鳥，遊行虛空無所障礙，能入一切眾生大海，見有善根已成熟者，便即執取置菩提岸；又如商客，入大寶洲，採求如來十力智寶；又如漁師，持正法網，入生死海，於愛水中漉 lù 諸眾生；如阿脩 xiū 羅王，能遍撓 náo 動三有大城諸煩惱海；又如日輪，出現虛空，照愛水泥，令其乾 gān 竭；又如滿月，出現虛空，令可化者心華開敷 fū；又如大地，普皆平等，無量眾生於中止住，增長一切善法根芽；又如大風，所向無礙，能拔一切諸見大樹；如轉輪王，遊行世間，以四攝事攝諸眾生。而我云何能知能說彼功德行？」

「善男子！於此南方有一大城名：無量都薩羅；其中有一出家外道名曰：遍行。汝往彼問：菩薩云何學菩薩行、修菩薩道？」時善財童子頂禮其足，遶無量匝，慇懃瞻仰，辭退而去。

大方廣佛華嚴經卷第六十六

大方廣佛華嚴經卷第六十七

于闐國三藏實叉難陀奉 制譯

入法界品第三十九之八

爾時，善財童子於不動優婆夷所得聞法已，專 zhuān 心憶念所有教誨，皆悉信受，思惟觀察。漸漸遊行，經歷 lì 國邑 yì，至都薩羅城，於日沒時入彼城中，鄺 chán 店、隣 lín 里、四衢 qú 道側，處處尋覓遍行外道。城東有山，名曰：善得。善財童子於中夜時，見此山頂草樹巖 yán 巘 yǎn，光明照耀如日初出；見此事已，生大歡喜，作是念言：「我必於此見善知識。」便從城出而登彼山，見此外道於其山上平坦之處徐步經行，色相圓滿，威光照耀，大梵天王所不能及，十千梵眾之所圍遶。往詣其所，頭頂禮足，遶無量匝，於前合掌而作是言：「聖者！我已先發阿耨多羅三藐三菩提心，而我未知菩薩云何學菩薩行？云何修菩薩道？我聞聖者善能教誨，願為我說！」

遍行答言：「善哉善哉！善男子！我已安住至一切處菩薩行，已成就普觀世間三昧門，已成就無依無作神通力，已成就普門般若波羅蜜。善男子！我普於世間種種方所、種種形貌、種種行解、種種沒生一切諸趣。所謂：天趣、龍趣、夜叉趣、乾闥婆、阿脩羅、迦樓羅、緊那羅、摩睺羅伽、地獄、畜生、閻羅王界、人、非人等，一切諸趣，或住諸見，或信二乘，或復信樂大乘之道。如是一切諸眾生中，我以種種方便、種種智門而為利益。所謂：或為演說一切世間種種技藝 yì，令得具足一切巧術陀羅尼智；或為演說四攝方便，令得具足一切智道；或為演說諸波羅蜜，令其迴向一切智位；或為稱讚大菩提心，令其不失無上道意；或為稱讚諸菩薩行，令其滿足淨佛國土度

眾生願；或為演說造諸惡行受地獄等種種苦報，令於惡業深生厭離；或為演說供養諸佛種諸善根決定獲 huò 得一切智果，令其發起歡喜之心；或為讚說一切如來、應、正等覺所有功德，令樂佛身求一切智；或為讚說諸佛威德，令其願樂佛不壞身；或為讚說佛自在身，令求如來無能映蔽大威德體 tǐ。

「又，善男子！此都薩羅城中，一切方所一切族類，若男若女諸人眾中，我皆以方便示同其形，隨其所應而為說法。諸眾生等，悉不能知我是何人、從何而至，唯令聞者如實修行。善男子！如於此城利益眾生，於閻浮提城邑聚落，所有人眾住止之處，悉亦如是而為利益。善男子！閻浮提內九十六眾，各起異 yì 見而生執著，我悉於中方便調伏，令其捨離所有諸見；如閻浮提，餘四天下亦復如是；如四天下，三千大千世界亦復如是；如三千大千世界，如是十方無量世界諸眾生海，我悉於中，隨諸眾生心之所樂，以種種方便、種種法門，現種種色身，以種種言音而為說法，令得利益。

「善男子！我唯知此至一切處菩薩行。如諸菩薩摩訶薩，身與一切眾生數等，得與眾生無差別身，以變化身普入諸趣，於一切處皆現受生，普現一切眾生之前，清淨光明遍照世間，以無礙願住一切劫，得如帝網諸無等行，常勤利益一切眾生，恒與共居而無所著，普於三世悉皆平等，以無我智周遍照耀，以大悲藏一切觀察；而我云何能知能說彼功德行？

「善男子！於此南方有一國土名為：廣大；有鬻 yù 香長者名：優鉢羅華。汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，慇懃瞻仰，辭退而去。

爾時，善財童子因善知識教，不顧 gù 身命，不著財寶，不樂人眾，不耽 dān 五欲，不戀 liàn 眷屬，不重王位；唯願化

度一切眾生，唯願嚴淨諸佛國土，唯願供養一切諸佛，唯願證知諸法實性，唯願修集一切菩薩大功德海，唯願修行一切功德終無退轉，唯願恒於一切劫中以大願力修菩薩行，唯願普入一切諸佛眾會道場，唯願入一三昧門普現一切三昧門自在神力，唯願於佛一毛孔中見一切佛心無厭足，唯願得一切法智慧光明能持一切諸佛法藏，專求此等一切諸佛菩薩功德。**漸次遊行，至廣大國，詣長者所，頂禮其足，遶無量匝，合掌而立，白言：**「聖者！我已先發阿耨多羅三藐三菩提心，欲求一切佛平等智慧，欲滿一切佛無量大願，欲淨一切佛最上色身，欲見一切佛清淨法身，欲知一切佛廣大智身，欲淨治一切菩薩諸行，欲照明一切菩薩三昧，欲安住一切菩薩總持，欲除滅一切所有障礙，欲遊行一切十方世界，而未知菩薩云何學菩薩行、云何修菩薩道，而能出生一切智智？」

長者告言：「善哉！善哉！善男子！汝乃能發阿耨多羅三藐三菩提心。」

「善男子！我善別知一切諸香，亦知調合一切香法，所謂：一切香、一切燒香、一切塗香、一切末香。亦知如是一切香王所出之處，又善了知天香、龍香、夜叉香，乾闥婆、阿脩羅、迦樓羅、緊那羅、摩睺羅伽、人、非人等所有諸香。又善別知治諸病香、斷諸惡香、生歡喜香、增煩惱香、滅煩惱香、令於有為生樂著香、令於有為生厭離香、捨諸憊 **jiāo** 逸香、發心念佛香、證解法門香、聖所受用香、一切菩薩差別香、一切菩薩地位香，如是等香形相生起、出現成就、清淨安隱、方便境界、威德業用及以根本，如是一切我皆了達 **dá**。」

「善男子！人間有香，名曰：象藏，因龍鬬 **dòu 生。若燒一丸，即起大香雲彌覆王都，於七日中雨細香雨。若著身者，身則金色；若著衣服、宮殿、樓閣，亦皆金色。若因風吹入宮**

殿中，眾生嗅 xiù 者，七日七夜歡喜充滿，身心快樂，無有諸病，不相侵害，離諸憂苦，不驚不怖，不亂 luàn 不恚 huì，慈心相向，志意清淨。我知是已而為說法，令其決定發阿耨多羅三藐三菩提心。

「善男子！摩羅耶山出栴檀香，名曰：牛頭 tóu；若以塗身，設入火坑，火不能燒。善男子！海中有香，名：無能勝；若以塗鼓及諸螺貝，其聲發時，一切敵軍皆自退散。善男子！阿那婆達多池邊出沈水香，名：蓮華藏，其香一丸如麻子大；若以燒之，香氣普熏閻浮提界，眾生聞者，離一切罪，戒品清淨。善男子！雪山有香，名：阿盧那；若有眾生嗅 xiù 此香者，其心決定離諸染著，我為說法莫不皆得離垢三昧。善男子！羅刹界中有香，名：海藏，其香但為轉輪王用；若燒一丸而以熏之，王及四軍皆騰虛空。善男子！善法天中有香，名：淨莊嚴；若燒一丸而以熏之，普使諸天心念於佛。善男子！須夜摩天有香，名：淨藏；若燒一丸而以熏之，夜摩天眾莫不雲集彼天王所而共聽 tīng 法。善男子！兜率天中有香，名：先陀婆；於一生所繫 xì 菩薩座前燒其一丸，興大香雲遍覆法界，普雨一切諸供養具，供養一切諸佛菩薩。善男子！善變化天有香，名曰：奪 duó 意；若燒一丸，於七日中，普雨一切諸莊嚴具。

「善男子！我唯知此調和香法。如諸菩薩摩訶薩，遠離一切諸惡習氣，不染世欲，永斷煩惱眾魔羂 juàn 索，超諸有趣，以智慧香而自莊嚴，於諸世間皆無染著，具足成就無所著戒，淨無著智，行無著境，於一切處悉無有著，其心平等，無著無依；而我何能知其妙行？說其功德？顯 xiǎn 其所有清淨戒門？示其所作無過失業？辨其離染身、語、意行？

「善男子！於此南方有一大城名曰：樓閣；中有船師名：婆施羅。汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，慇懃瞻仰，辭退而去。

爾時，善財童子向樓閣城，觀察道路。所謂：觀道高卑，觀道夷險，觀道淨穢，觀道曲直。漸次遊行，作是思惟：「我當親近彼善知識。善知識者，是成就修行諸菩薩道因，是成就修行波羅蜜道因，是成就修行攝眾生道因，是成就修行普入法界無障礙道因，是成就修行令一切眾生除惡慧道因，是成就修行令一切眾生離憍慢道因，是成就修行令一切眾生滅煩惱道因，是成就修行令一切眾生捨諸見道因，是成就修行令一切眾生拔一切惡刺道因，是成就修行令一切眾生至一切智城道因。何以故？於善知識處，得一切善法故；依善知識力，得一切智道故。善知識者，難見難遇。」如是思惟。漸次遊行，既至彼城，見其船師在城門外海岸上住，百千商人及餘無量大眾圍遶，說大海法，方便開示佛功德海。

善財見已，往詣其所，頂禮其足，遶無量匝，於前合掌而作是言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

船師告言：「善哉善哉！善男子！汝已能發阿耨多羅三藐三菩提心，今復能問生大智因、斷除一切生死苦因、往一切智大寶洲因、成就不壞摩訶衍 yān 因、遠離二乘怖畏生死住諸寂靜三昧旋因、乘大願車遍一切處行菩薩行無有障礙清淨道因、以菩薩行莊嚴一切無能壞智清淨道因、普觀一切十方諸法皆無障礙清淨道因、速能趣入一切智海清淨道因。

「善男子！我在此城海岸路中，淨修菩薩大悲幢行。善男子！我觀閻浮提內貧窮眾生，為饒益故，修諸苦行，隨其所願悉令滿足。先以世物，充滿其意；復施法財，令其歡喜，令修

福行，令生智道，令增善根力，令起菩提心，令淨菩提願，令堅大悲力，令修能滅生死道，令生不厭生死行，令攝一切眾生海，令修一切功德海，令照一切諸法海，令見一切諸佛海，令入一切智智海。善男子！我住於此，如是思惟，如是作意，如是利益一切眾生。善男子！我知海中一切寶洲、一切寶處、一切寶類、一切寶種。我知淨一切寶、鑽 zuān 一切寶、出一切寶、作一切寶。我知一切寶器、一切寶用、一切寶境界、一切寶光明。我知一切龍宮處、一切夜叉宮處、一切部多宮處，皆善迴避，免其諸難。亦善別知，漩渢 fú 淺深，波濤遠近，水色好惡，種種不同。亦善別知，日月星宿 xiù 運行度數，晝 zhòu 夜晨晡 bū，晷 guǐ 漏延促。亦知其船鐵木堅脆、機 jī 關 guān 澁 sè 滑，水之大小，風之逆順；如是一切安危之相無不明了，可行則行，可止則止。善男子！我以成就如是智慧，常能利益一切眾生。

「善男子！我以好船運諸商眾行安隱道，復為說法，令其歡喜，引至寶洲與諸珍寶咸使充足，然後將領還閻浮提。善男子！我將大船如是往來，未始令其一有損壞 huài。若有眾生得見我身、聞我法者，令其永不怖生死海，必得入於一切智海，必能消竭諸愛欲海，能以智光照三世海，能盡一切眾生苦海，能淨一切眾生心海，速能嚴淨一切剎海，普能往詣十方大海，普知一切眾生根海，普了一切眾生行海，普順一切眾生心海。

「善男子！我唯得此大悲幢行；若有見我及以聞我、與我同住、憶念我者，皆悉不空。如諸菩薩摩訶薩，善能遊涉生死大海，不染一切諸煩惱海，能捨一切諸妄見海，能觀一切諸法性海，能以四攝攝眾生海，已善安住一切智海，能滅一切眾生著海，能平等住一切時海，能以神通度眾生海，能以其時調眾生海；而我云何能知能說彼功德行？

「善男子！於此南方有城名可樂；中有長者，名無上勝。汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，慇懃瞻仰，悲泣流淚，求善知識心無厭足，辭退而去。

爾時，善財童子起大慈周遍心、大悲潤澤心相續不斷，福德、智慧二種莊嚴，捨離一切煩惱塵垢，證法平等，心無高下，拔不善刺，滅一切障，堅固精進以為牆塹 qiàn，甚深三昧而作園苑，以慧日光破無明暗，以方便風開智慧華，以無礙願充滿法界，心常現入一切智城，如是而求菩薩之道。漸次經歷 lì，到彼城內。見無上勝在其城東大莊嚴幢無憂 yōu 林中，無量商人、百千居士之所圍遶，理斷人間種種事務；因為說法，令其永拔一切我慢，離我、我所，捨所積聚，滅慳嫉垢，心得清淨，無諸穢濁，獲淨信力，常樂見佛，受持佛法，生菩薩力，起菩薩行，入菩薩三昧，得菩薩智慧，住菩薩正念，增菩薩樂欲。

爾時，善財童子觀彼長者為眾說法已，以身投地，頂禮其足，良久乃起，白言：「聖者！我是善財！我是善財！我專 zhuān 尋求菩薩之行，菩薩云何學菩薩行？菩薩云何修菩薩道？隨修學時，常能化度一切眾生，常能現見一切諸佛，常得聽 tīng 聞一切佛法，常能住持一切佛法，常能趣入一切法門，入一切剎學菩薩行，住一切劫修菩薩道，能知一切如來神力，能受一切如來護 hù 念，能得一切如來智慧？」

時，彼長者告善財言：「善哉善哉！善男子！汝已能發阿耨多羅三藐三菩提心。

「善男子！我成就至一切處菩薩行門無依無作神通之力。善男子！云何為至一切處菩薩行門？善男子！我於此三千大千世界，欲界一切諸眾生中，所謂：一切三十三天、一切須夜

摩天、一切兜率陀天、一切善變化天、一切他化自在天、一切魔天，及餘一切天、龍、夜叉、羅刹婆、鳩槃荼，乾闥婆、阿脩羅、迦樓羅、緊那羅、摩睺羅伽、人與非人，村營、城邑、一切住處諸眾生中而為說法，令捨非法，令息諍論，令除鬪 dòu 戰 zhàn，令止忿競，令破怨結，令解繫 xì 縛 fù，令出牢獄，令免怖畏，令斷殺生乃至邪見一切惡業，不可作事皆令禁止；令其順行一切善法，令其修學一切技藝 yì，於諸世間而作利益；為其分別種種諸論，令生歡喜，令漸成熟；隨順外道，為說勝智，令斷諸見，令入佛法。乃至色界一切梵天，我亦為其說超勝法。如於此三千大千世界，乃至十方十不可說百千億那由他佛刹微塵數世界中，我皆為說佛法、菩薩法、聲聞法、獨覺法；說地獄，說地獄眾生，說向地獄道；說畜生，說畜生差別，說畜生受苦，說向畜生道；說閻羅王世間，說閻羅王世間苦，說向閻羅王世間道；說天世間，說天世間樂，說向天世間道；說人世間，說人世間苦樂，說向人世間道。為欲開顯菩薩功德，為令捨離生死過患，為令知見一切智人諸妙功德，為欲令知諸有趣中迷惑受苦，為令知見無障礙法，為欲顯示一切世間生起所因，為欲顯示一切世間寂滅為樂，為令眾生捨諸想著，為令證得佛無依法，為令永滅諸煩惱輪，為令能轉如來法輪，我為眾生說如是法。

「善男子！我唯知此至一切處修菩薩行清淨法門無依無作神通之力。如諸菩薩摩訶薩，具足一切自在神通，悉能遍往一切佛刹，得普眼地；悉聞一切音聲言說，普入諸法智慧自在，無有乖諍，勇健無比，以廣長舌出平等音；其身妙好，同諸菩薩，與諸如來究竟無二、無有差別；智身廣大，普入三世，境界無際，同於虛空。而我云何能知能說彼功德行？

「善男子！於此南方有一國土名曰：輸那；其國有城名：

迦陵迦林；有比丘尼名：師子頻申。汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，慇懃瞻仰，辭退而去。

爾時，善財童子漸次遊行，至彼國城，周遍推求此比丘尼。有無量人咸告之言：「善男子！此比丘尼在勝光王之所捨施日光園中說法利益無量眾生。」

時，善財童子即詣彼園，周遍觀察。見其園中有一大樹，名為：滿月，形如樓閣，放大光明照一由旬；見一葉樹，名為：普覆，其形如蓋 gài，放毘瑠璃紺青光明；見一華樹，名曰：華藏，其形高大，如雪山王，雨眾妙華無有窮盡，如忉利天中波利質多羅樹。復見有一甘露果樹，形如金山，常放光明，種種眾果悉皆具足；復見有一摩尼寶樹，名：毘盧遮那藏，其形無比，心王摩尼寶最在其上，阿僧祇色相摩尼寶周遍莊嚴。復有衣樹，名為：清淨，種種色衣垂布嚴飾；復有音樂樹，名為：歡喜，其音美妙，過諸天樂；復有香樹，名：普莊嚴，恒出妙香，普熏十方，無所障礙。

園中復有泉流陂 bēi 池，一切皆以七寶莊嚴，黑栴檀泥凝積其中，上妙金沙彌布其底，八功德水具足盈滿，優鉢羅華、波頭摩華、拘物頭華、芬陀利華遍覆其上，無量寶樹周遍行列。諸寶樹下敷 fū 師子座，種種妙寶以為莊嚴，布以天衣，熏諸妙香，垂諸寶繒，施諸寶帳，閻浮金網彌覆其上，寶鐸 duó 徐搖出妙音聲。或有樹下敷蓮華藏師子之座，或有樹下敷香王摩尼藏師子之座，或有樹下敷龍莊嚴摩尼王藏師子之座，或有樹下敷寶師子聚摩尼王藏師子之座，或有樹下敷毘盧遮那摩尼王藏師子之座，或有樹下敷十方毘盧遮那摩尼王藏師子之座；其一座各有十萬寶師子座周匝圍遶，一一皆具無量莊嚴。此大園

中眾寶遍滿，猶如大海寶洲之上。迦隣 lín 陀衣以布其地，柔軟妙好，能生樂觸，蹈則沒足，舉則還復；無量諸鳥出和雅音，寶栴檀林上妙莊嚴，種種妙華常雨無盡，猶如帝釋雜華之園。無比香王普熏一切，猶如帝釋善法之堂。諸音樂樹、寶多羅樹、眾寶鈴網出妙音聲，如自在天善口天女所出歌音。諸如意樹，種種妙衣垂布莊嚴，猶如大海。有無量色百千樓閣，眾寶莊嚴，如忉利天宮善見大城。寶蓋遐張，如須彌峯。光明普照，如梵王宮。

爾時，善財童子見此大園無量功德、種種莊嚴，皆是菩薩業報成就，出世善根之所生起，供養諸佛功德所流，一切世間無與等者，如是皆從師子頻申比丘尼了法如幻集廣大清淨福德善業之所成就。三千大千世界天龍八部、無量眾生，皆入此園而不迫窄。何以故？此比丘尼不可思議威神力故。

爾時，善財見師子頻申比丘尼遍坐一切諸寶樹下大師子座，身相端嚴，威儀寂靜，諸根調順，如大象王；心無垢濁，如清淨池；普濟所求，如如意寶；不染世法，猶如蓮華；心無所畏，如師子王；護持淨戒不可傾動，如須彌山；能令見者心得清涼，如妙香王；能除眾生諸煩惱熱，如雪山中妙栴檀香；眾生見者，諸苦消滅，如善見藥王；見者不空，如婆樓那天；能長一切眾善根芽，如良沃田。在一一座，眾會不同，所說法門亦各差別：

或見處座，淨居天眾所共圍遶，大自在天子而為上首；此比丘尼為說法門，名：無盡解脫。

或見處座，諸梵天眾所共圍遶，愛樂梵王而為上首；此比丘尼為說法門，名：普門差別清淨言音輪。

或見處座，他化自在天天子、天女所共圍遶，自在天王而為上首；此比丘尼為說法門，名：菩薩清淨心。

或見處座，善變化天天子、天女所共圍遶，善化天王而為

上首；此比丘尼為說法門，名：一切法善莊嚴。

或見處座，兜率陀天天子、天女所共圍遶，兜率天王而為上首；此比丘尼為說法門，名：心藏旋。

或見處座，須夜摩天天子、天女所共圍遶，夜摩天王而為上首；此比丘尼為說法門，名：無邊莊嚴。

或見處座，三十三天天子、天女所共圍遶，釋提桓因而為上首；此比丘尼為說法門，名：厭離門。

或見處座，百光明龍王、難陀龍王、優波難陀龍王、摩那斯龍王、伊羅跋難陀龍王、阿那婆達多龍王等龍子、龍女所共圍遶，娑伽羅龍王而為上首；此比丘尼為說法門，名：佛神通境界光明莊嚴。

或見處座，諸夜叉眾所共圍遶，毘沙門天王而為上首；此比丘尼為說法門，名：救護眾生藏。

或見處座，乾闥婆眾所共圍遶，持國乾闥婆王而為上首；此比丘尼為說法門，名：無盡喜。

或見處座，阿脩羅眾所共圍遶，羅睺阿脩羅王而為上首；此比丘尼為說法門，名：速疾莊嚴法界智門。

或見處座，迦樓羅眾所共圍遶，捷持迦樓羅王而為上首；此比丘尼為說法門，名：怖動諸有海。

或見處座，緊那羅眾所共圍遶，大樹緊那羅王而為上首；此比丘尼為說法門，名：佛行光明。

或見處座，摩睺羅伽眾所共圍遶，菴ān 羅林摩睺羅伽王而為上首；此比丘尼為說法門，名：生佛歡喜心。

或見處座，無量百千男子、女人所共圍遶；此比丘尼為說法門，名：殊勝行。

或見處座，諸羅刹眾所共圍遶，常奪 duó 精氣大樹羅刹王而為上首；此比丘尼為說法門，名：發生悲愍心。

或見處座，信樂聲聞乘眾生所共圍遶；此比丘尼為說法門，
名：勝智光明。

或見處座，信樂緣覺乘眾生所共圍遶；此比丘尼為說法門，
名：佛功德廣大光明。

或見處座，信樂大乘眾生所共圍遶；此比丘尼為說法門，
名：普門三昧智光明門。

或見處座，初發心諸菩薩所共圍遶；此比丘尼為說法門，
名：一切佛願聚。

或見處座，第二地諸菩薩所共圍遶；此比丘尼為說法門，
名：離垢輪。

或見處座，第三地諸菩薩所共圍遶；此比丘尼為說法門，
名：寂靜莊嚴。

或見處座，第四地諸菩薩所共圍遶；此比丘尼為說法門，
名：生一切智境界。

或見處座，第五地諸菩薩所共圍遶；此比丘尼為說法門，
名：妙華藏。

或見處座，第六地諸菩薩所共圍遶；此比丘尼為說法門，
名：毘盧遮那藏。

或見處座，第七地諸菩薩所共圍遶；此比丘尼為說法門，
名：普莊嚴地。

或見處座，第八地諸菩薩所共圍遶；此比丘尼為說法門，
名：遍法界境界身。

或見處座，第九地諸菩薩所共圍遶；此比丘尼為說法門，
名：無所得力莊嚴。

或見處座，第十地諸菩薩所共圍遶；此比丘尼為說法門，
名：無礙輪。

或見處座，執金剛神所共圍遶；此比丘尼為說法門，名：

金剛智那羅延莊嚴。

善財童子見如是等一切諸趣所有眾生已成熟者、已調伏者，堪為法器，皆入此園，各於座下圍遶而坐。師子頻申比丘尼，隨其欲解勝劣差別而為說法，令於阿耨多羅三藐三菩提得不退轉。何以故？此比丘尼入普眼捨得般若波羅蜜門、說一切佛法般若波羅蜜門、法界差別般若波羅蜜門、散壞一切障礙輪般若波羅蜜門、生一切眾生善心般若波羅蜜門、殊勝莊嚴般若波羅蜜門、無礙真實藏般若波羅蜜門、法界圓滿般若波羅蜜門、心藏般若波羅蜜門、普出生藏般若波羅蜜門，此十般若波羅蜜門為首，入如是等無數百萬般若波羅蜜門。此日光園中所有菩薩及諸眾生，皆是師子頻申比丘尼初勸 quàn 發心，受持正法，思惟修習，於阿耨多羅三藐三菩提得不退轉。

時，善財童子見師子頻申比丘尼如是園林、如是床座、如是經行、如是眾會、如是神力、如是辯才，復聞不可思議法門，廣大法雲潤澤其心，便生是念：「我當右遶無量百千匝。」

時，比丘尼放大光明，普照其園眾會莊嚴。

善財童子即自見身，及園林中所有眾樹，皆悉右遶此比丘尼，經於無量百千萬匝。圍遶畢已，善財童子合掌而住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

比丘尼言：「善男子！我得解脫名：成就一切智。」

善財言：「聖者！何故名為：成就一切智？」

比丘尼言：「善男子！此智光明，於一念中普照三世一切諸法。」

善財白言：「聖者！此智光明境界云何？」

比丘尼言：「善男子！我入此智光明門，得出生一切法三昧王；以此三昧故，得意生身，往十方一切世界兜率天宮一生

所繫 xi 菩薩所，一一菩薩前現不可說佛刹微塵數身，一一身作不可說佛刹微塵數供養。所謂：現天王身乃至人王身，執持華雲，執持鬘雲，燒香塗香及以末香，衣服瓔珞、幢幡繒蓋、寶網寶帳、寶藏寶燈，如是一切諸莊嚴具，我皆執持而以供養。如於住兜率宮菩薩所，如是於住胎、出胎、在家、出家、往詣道場、成等正覺、轉正法輪、入於涅槃，如是中間，或住天宮，或住龍宮，乃至或復住於人宮，於彼一一諸如來所，我皆如是而為供養。若有眾生，知我如是供養佛者，皆於阿耨多羅三藐三菩提得不退轉；若有眾生來至我所，我即為說般若波羅蜜。

「善男子！我見一切眾生，不分別眾生相，智眼明見故；聽 tīng 一切語言，不分別語言相，心無所著故；見一切如來，不分別如來相，了達法身故；住持一切法輪，不分別法輪相，悟法自性故；一念遍知一切法，不分別諸法相，知法如幻故。

「善男子！我唯知此成就一切智解脫。如諸菩薩摩訶薩，心無分別，普知諸法，一身端坐，充滿法界，於自身中現一切刹，一念悉詣 yì 一切佛所，於自身內普現一切諸佛神力，一毛遍舉不可言說諸佛世界，於其自身一毛孔中現不可說世界成壞，於一念中與不可說不可說眾生同住，於一念中入不可說不可說一切諸劫；而我云何能知能說彼功德行？

「善男子！於此南方有一國土名曰：險難；此國有城名：寶莊嚴；中有女人名：婆須蜜多。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，慇懃瞻仰，辭退而去。

大方廣佛華嚴經卷第六十七

大方廣佛華嚴經卷第六十八

于闐國三藏實叉難陀奉 制譯

入法界品第三十九之九

爾時，善財童子，大智光明照啟其心，思惟觀察見諸法性，得了知一切言音陀羅尼門，得受持一切法輪陀羅尼門，得與一切眾生作所歸依大悲力，得觀察一切法義理光明門，得充滿法界清淨願，得普照十方一切法智光明，得遍莊嚴一切世界自在力，得普發起一切菩薩業圓滿願。漸次遊行，至險難國寶莊嚴城，處處尋覓 mi 婆須蜜多女。

城中有人不知此女功德智慧，作如是念：

「今此童子，諸根寂靜，智慧明了，不迷不亂 luàn，諦視一尋，無有疲懈，無所取著 zhuó，目視不瞬 shùn，心無所動，甚深寬廣，猶如大海；不應於此婆須蜜女，有貪愛心，有顛倒心，生於淨想，生於欲想；不應為此女色所攝。此童子者，不行魔行，不入魔境，不沒欲泥，不被魔縛，不應作處已能不作，有何等意而求此女？」

其中有人先知此女有智慧者，告善財言：

「善哉善哉！善男子！汝今乃能推求尋覓婆須蜜女，汝已獲得廣大善利。善男子！汝應決定求佛果位，決定欲為一切眾生作所依怙 hù，決定欲拔一切眾生貪愛毒箭，決定欲破一切眾生於女色中所有淨想。善男子！婆須蜜女於此城內市鄽 chán 之北自宅中住。」

時，善財童子聞是語已，歡喜踊躍，往詣其門。見其住宅廣博嚴麗 lì，寶牆、寶樹及以寶塹 qiàn，一一皆有十重圍遶；其寶塹中，香水盈滿，金沙布地，諸天寶華、優鉢羅華、波頭摩華、拘物頭華、芬陀利華遍覆水上；宮殿、樓閣處處分布，

門闥 tà、窓 chuāng 牖 yǒu 相望間列，咸施網鐸 duó，悉置幡幢，無量珍奇以為嚴飾；瑠璃為地，眾寶間錯，燒諸沈水，塗以栴檀，懸 xuán 眾寶鈴，風動成音，散諸天華遍布其地；種種嚴麗 lì 不可稱說，諸珍寶藏其數百千，十大園林以為莊嚴。

爾時，善財見此女人，顏貌端嚴，色相圓滿，皮膚 fū 金色，目髮紺青，不長不短，不麤 cū 不細，欲界人、天無能與比；音聲美妙超諸梵世，一切眾生差別言音，悉皆具足，無不解了；深達字義，善巧談說，得如幻智，入方便門；眾寶瓔珞及諸嚴具莊嚴其身，如意摩尼以為寶冠而冠其首；復有無量眷屬圍遶，皆共善根同一行願，福德大藏具足無盡。時，婆須蜜多女從其身出廣大光明，普照宅中一切宮殿；遇斯光者，身得清涼。

爾時，善財前詣其所，頂禮其足，合掌而住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

彼即告言：「善男子！我得菩薩解脫名：離貪欲際，隨其欲樂而為現身。若天見我，我為天女，形貌、光明殊勝無比；如是乃至人、非人等而見我者，我即為現人、非人女，隨其樂欲皆令得見。

「若有眾生欲意所纏 chán 來詣 yì 我所，我為說法，彼聞法已，則離貪欲，得菩薩無著 zhuó 境界三昧；

「若有眾生暫見於我，則離貪欲，得菩薩歡喜三昧；

「若有眾生暫與我語，則離貪欲，得菩薩無礙音聲三昧；

「若有眾生暫執我手，則離貪欲，得菩薩遍往一切佛刹三昧；

「若有眾生暫昇我座，則離貪欲，得菩薩解脫光明三昧；

「若有眾生暫觀於我，則離貪欲，得菩薩寂靜莊嚴三昧；

「若有眾生見我頻申，則離貪欲，得菩薩摧伏外道三昧；

「若有眾生見我目瞬，則離貪欲，得菩薩佛境界光明三昧；
「若有眾生抱持於我，則離貪欲，得菩薩攝一切眾生恒不捨離三昧；

「若有眾生啞 zā 我脣 chún 吻，則離貪欲，得菩薩增長一切眾生福德藏三昧。凡有眾生親近於我，一切皆得住離貪際 jì，入菩薩一切智地現前無礙解脫。」

善財白言：「聖者種何善根、修何福業，而得成就如是自在？」

答言：「善男子！我念過去，有佛出世名為：高行；其王都城，名曰：妙門。善男子！彼高行如來哀愍眾生，入於王城蹈彼門闥 kǔn，其城一切悉皆震動，忽然廣博，眾寶莊嚴，無量光明遞 dì 相映徹，種種寶華散布其地，諸天音樂同時俱奏，一切諸天充滿虛空。善男子！我於彼時，為長者妻，名曰：善慧；見佛神力，心生覺悟，則與其夫往詣佛所，以一寶錢而為供養。是時，文殊師利童子為佛侍者，為我說法，令發阿耨多羅三藐三菩提心。

「善男子！我唯知此菩薩離貪際解脫。如諸菩薩摩訶薩，成就無邊巧方便智，其藏廣大，境界無比；而我云何能知能說彼功德行？

「善男子！於此南方有城名：善度；中有居士名：鞞 pí 瑟 sè 胝 zhī 羅，彼常供養栴檀座佛塔。汝詣彼問：菩薩云何學菩薩行、修菩薩道？」

時，善財童子頂禮其足，遶無量匝，慇懃瞻仰，辭退而去。

爾時善財童子漸次遊行至善度城，詣居士宅，頂禮其足，合掌而立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘

誨，願為我說！」

居士告言：「善男子！我得菩薩解脫名：不般涅槃際。善男子！我不生心言：『如是如來已般涅槃，如是如來現般涅槃，如是如來當般涅槃。』我知十方一切世界諸佛如來，畢竟無有般涅槃者，唯除為欲調伏眾生而示現耳。善男子！我開栴檀座如來塔門時，得三昧名：佛種無盡。善男子！我念念中入此三昧，念念得知一切無量殊勝之事。」

善財白言：「此三昧者，境界云何？」

居士答言：「善男子！我入此三昧，隨其次第，見此世界一切諸佛，所謂：迦葉佛、拘那含牟尼佛、拘留孫 sūn 佛、尸棄 qi 佛、毘婆尸佛、提舍佛、弗沙佛、無上勝佛、無上蓮華佛；如是等而為上首，於一念頃，得見百佛，得見千佛，得見百千佛，得見億佛、千億佛、百千億佛、阿庾多億佛、那由他億佛，乃至不可說不可說世界微塵數佛，如是一切，次第皆見。亦見彼佛，初始發心，種諸善根，獲勝神通，成就大願，修行妙行，具波羅蜜，入菩薩地，得清淨忍，摧伏魔軍，成正等覺，國土清淨，眾會圍遶，放大光明，轉妙法輪，神通變現；種種差別，我悉能持，我悉能憶，悉能觀察，分別顯示。未來彌勒佛等一切諸佛，現在毘盧遮那佛等一切諸佛，悉亦如是。如此世界，十方世界所有三世一切諸佛、聲聞、獨覺、諸菩薩眾，悉亦如是。」

「善男子！我唯得此菩薩所得不般涅槃際解脫。如諸菩薩摩訶薩，以一念智普知三世，一念遍入一切三昧，如來智日恒照其心，於一切法無有分別，了一切佛悉皆平等、如來及我一切眾生等無有二，知一切法自性清淨，無有思慮 lù，無有動轉，而能普入一切世間，離諸分別，住佛法印，悉能開悟法界眾生；而我云何能知能說彼功德行？」

「善男子！於此南方有山名：補 bǔ 怛 dá 洛迦；彼有菩薩名：觀自在。汝詣彼問：菩薩云何學菩薩行、修菩薩道？」

即說頌言：

「海上有山多聖賢， 眾寶所成極 jī 清淨，
華果樹林皆遍滿， 泉流池沼悉具足。
勇猛丈夫觀自在， 為利眾生住此山；
汝應往問諸功德， 彼當示汝大方便。」

時善財童子頂禮其足，遶無量匝已，慇懃瞻仰，辭退而去。

爾時，善財童子一心思惟彼居士教，入彼菩薩解脫之藏，得彼菩薩能隨念力，憶彼諸佛出現次第，念彼諸佛相續次第，持彼諸佛名號次第，觀彼諸佛所說妙法，知彼諸佛具足莊嚴，見彼諸佛成正等覺，了彼諸佛不思議業。漸次遊行至於彼山，處處求覓此大菩薩。見其西面巖 yán 谷之中，泉流縈 yíng 映，樹林蓊 wěng 鬱 yù，香草柔軟，右旋布地。觀自在菩薩於金剛寶石上結跏趺坐，無量菩薩皆坐寶石恭敬圍遶，而為宣說大慈悲法，令其攝受一切眾生。

善財見已，歡喜踊躍，合掌諦觀，目不暫瞬，作如是念：「善知識者，則是如來；善知識者，一切法雲；善知識者，諸功德藏；善知識者，難可值遇；善知識者，十力寶因；善知識者，無盡智炬；善知識者，福德根芽；善知識者，一切智門；善知識者，智海導師；善知識者，至一切智助道之具。」便即往詣 yì 大菩薩所。

爾時，觀自在菩薩遙見善財，告言：「善來！汝發大乘意普攝眾生，起正直心專 zhuān 求佛法，大悲深重救護 hù 一切，普賢妙行相續現前，大願深心圓滿清淨，勤求佛法悉能領受，積集善根恒無厭足，順善知識不違 wéi 其教；從文殊師利功德

智慧大海所生，其心成熟，得佛勢力；已獲廣大三昧光明，專意希求甚深妙法，常見諸佛生大歡喜，智慧清淨猶如虛空，既自明了復為他說，安住如來智慧光明。」

爾時，善財童子頂禮觀自在菩薩足，遶無數匝，合掌而住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

菩薩告言：「善哉善哉！善男子！汝已能發阿耨多羅三藐三菩提心。

「善男子！我已成就菩薩大悲行解脫門。善男子！我以此菩薩大悲行門，平等教化一切眾生相續不斷。

「善男子！我住此大悲行門，常在一一切諸如來所，普現一切眾生之前。或以布施，攝取眾生；或以愛語，或以利行，或以同事，攝取眾生；或現色身，攝取眾生；或現種種不思議色淨光明網，攝取眾生；或以音聲，或以威儀，或為說法，或現神變，令其心悟而得成熟；或為化現同類之形，與其共居而成熟之。

「善男子！我修行此大悲行門，願常救護 hù 一切眾生；願一切眾生，離險道怖，離熱惱怖，離迷惑怖，離繫 xì 縛 fù 怖，離殺害怖，離貧窮怖，離不活怖，離惡名怖，離於死怖，離大眾怖，離惡趣怖，離黑闇 àn 怖，離遷 qiān 移怖，離愛別怖，離怨會怖，離逼迫身怖，離逼迫心怖，離憂 yōu 悲怖。復作是願：『願諸眾生，若念於我，若稱我名，若見我身，皆得免離一切怖畏。』善男子！我以此方便，令諸眾生離怖畏已，復教令發阿耨多羅三藐三菩提心永不退轉。

「善男子！我唯得此菩薩大悲行門。如諸菩薩摩訶薩，已淨普賢一切願，已住普賢一切行，常行一切諸善法，常入一切

諸三昧，常住一切無邊劫，常知一切三世法，常詣一切無邊刹，常息一切眾生惡，常長一切眾生善，常絕眾生生死流；而我云何能知能說彼功德行？」

爾時，東方有一菩薩名曰：正趣，從空中來，至娑婆世界輪圍山頂，以足按地；其娑婆世界六種震動，一切皆以眾寶莊嚴。正趣菩薩放身光明，映蔽一切日、月、星、電，天龍八部、釋、梵、護世所有光明皆如聚墨；其光普照一切地獄、畜生、餓鬼、閻羅王處，令諸惡趣，眾苦皆滅，煩惱不起，憂悲悉離。又於一切諸佛國土，普雨一切華香、瓔珞、衣服、幢蓋；如是所有諸莊嚴具，供養於佛。復隨眾生心之所樂，普於一切諸宮殿中而現其身，令其見者皆悉歡喜，然後來詣觀自在所。

時，觀自在菩薩告善財言：「善男子！汝見正趣菩薩來此會不？」

白言：「已見。」

告言：「善男子！汝可往問：菩薩云何學菩薩行、修菩薩道？」

爾時，善財童子敬承其教，遽 jù 即往詣彼菩薩所，頂禮其足，合掌而立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

正趣菩薩言：「善男子！我得菩薩解脫名：普門速疾行。」

善財言：「聖者！於何佛所得此法門？所從 cóng 來刹，去此幾 jǐ 何？發來久如？」

告言：「善男子！此事難知，一切世間天、人、阿脩羅、沙門、婆羅門等所不能了；唯勇猛精進無退無怯 qiè 諸菩薩眾，已為一切善友所攝、諸佛所念，善根具足，志樂清淨，得菩薩根，有智慧眼，能聞能持，能解能說。」

善財言：「聖者！我承佛神力、善知識力，能信能受，願為我說！」

正趣菩薩言：「善男子！我從東方妙藏世界普勝生佛所而來此土，於彼佛所得此法門，從彼發來已經不可說不可說佛剎微塵數劫，一一念中舉不可說不可說佛剎微塵數步，一一步過不可說不可說世界微塵數佛剎。一一佛剎，我皆遍入，至其佛所，以妙供具而為供養；此諸供具，皆是無上心所成，無作法所印，諸如來所忍，諸菩薩所歎 tòn。善男子！我又普見彼世界中一切眾生，悉知其心，悉知其根，隨其欲解，現身說法，或放光明，或施財寶，種種方便，教化調伏，無有休息。如從東方，南、西、北方，四維、上、下，亦復如是。」

「善男子！我唯得此菩薩普疾行解脫，能疾周遍到一切處。如諸菩薩摩訶薩，普於十方無所不至，智慧境界等無差別，善布其身悉遍法界，至一切道，入一切剎，知一切法，到一切世，平等演說一切法門，同時照耀一切眾生，於諸佛所不生分別，於一切處無有障礙；而我云何能知能說彼功德行？」

「善男子！於此南方有城名：墮羅 luó鉢 bō底；其中有神名曰：大天。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，慇懃瞻仰，辭退而去。

爾時，善財童子入菩薩廣大行，求菩薩智慧境，見菩薩神通事，念菩薩勝 shèng 功德，生菩薩大歡喜，起菩薩堅精進，入菩薩不思議自在解脫，行菩薩功德地，觀菩薩三昧地，住菩薩總 zǒng 持地，入菩薩大願地，得菩薩辯才地，成菩薩諸力地。漸次遊行，至於彼城，推問大天今在何所？人咸告言：「在此城內，現廣大身，為眾說法。」

爾時，善財至大天所，頂禮其足，於前合掌而作是言：「聖

者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能教誨，願為我說！」

爾時，大天長舒四手，取四大海水自洗其面，持諸金華以散善財，而告之言：「善男子！一切菩薩，難 nán 可得見，難可得聞，希出世間，於眾生中最為第一，是諸人中芬陀利華，為眾生歸 guī，為眾生救，為諸世間作安隱 wěn 處，為諸世間作大光明，示迷惑者安隱正道；為大導師，引諸眾生入佛法門；為大法將，善能守護一切智城。菩薩如是難可值遇，唯身、語、意無過失者，然後乃得見其形像、聞其辯才，於一切時常現在前。善男子！我已成就菩薩解脫，名為：雲網。」

善財言：「聖者！雲網解脫境界云何？」

爾時，大天於善財前，示現金聚、銀聚、瑠璃聚、玻瓈聚、硨磲聚、碼瑙 nǎo 聚、大焰寶聚、離垢藏寶聚、大光明寶聚、普現十方寶聚、寶冠聚、寶印聚、寶瓔珞聚、寶璫 dāng 聚、寶釧 chuàn 聚、寶鎖聚、珠網聚、種種摩尼寶聚、一切莊嚴具聚、如意摩尼聚皆如大山；又復示現一切華、一切鬘、一切香、一切燒香、一切塗香、一切衣服、一切幢幡、一切音樂、一切五欲娛樂之具皆如山積 jī；及現無數百千萬億諸童女眾。

而彼大天告善財言：「善男子！可取此物，供養如來，修諸福德，并施一切，攝取眾生，令其修學檀波羅蜜，能捨難捨。善男子！如我為汝，示現此物，教汝行施；為一切眾生悉亦如是，皆令以此善根熏習，於三寶所、善知識所，恭敬供養，增長善法，發於無上菩提之意。

「善男子！若有眾生貪著五欲，自放逸者，為其示現不淨境界；若有眾生瞋恚、憍 jiāo 慢、多諍競者，為其示現極可怖形，如羅刹等飲血噉 dàn 肉；令其見已，驚恐惶懼 jù，心意調柔，捨離怨結。若有眾生惛沈、懶惰，為其示現王、賊、水、

火及諸重疾；令其見已，心生惶怖，知有憂苦而自勉策。以如是等種種方便，令捨一切諸不善行，修行善法；令除一切波羅蜜障，具波羅蜜；令超一切障礙險 xiǎn 道，到無障處。

「善男子！我唯知此雲網解脫。如諸菩薩摩訶薩，猶如帝釋，已能摧伏一切煩惱阿脩羅軍；猶如大水，普能消滅一切眾生諸煩惱火；猶如猛火，普能乾 gān 竭一切眾生諸愛欲水；猶如大風，普能吹倒一切眾生諸見取幢；猶如金剛，悉能摧破一切眾生諸我見山。而我云何能知能說彼功德行？

「善男子！此閻浮提摩竭提國菩提場中，有主地神其名：安住。汝詣彼問：菩薩云何學菩薩行、修菩薩道？」

時，善財童子禮大天足，遶無數匝，辭退而去。

爾時，善財童子漸次遊行，趣摩竭提國菩提場內安住神所，百萬地神同在其中，更相謂言：「此來童子即是佛藏，必當普為一切眾生作所依處，必當普壞 huài 一切眾生無明穀 què 藏。此人已生法王種中，當以離垢無礙法縉 zēng 而冠其首，當開智慧大珍寶藏，摧伏一切邪論異道。」

時，安住等百萬地神，放大光明，遍照三千大千世界，普令大地同時震吼，種種寶物處處莊嚴，影潔 jié 光流遞 dì 相鑒 jiàn 徹；一切葉樹俱時生長，一切華樹咸共開敷 fū，一切果樹靡不成熟，一切河流遞 dì 相灌注，一切池沼悉皆盈滿；雨細香雨遍灑 sǎ 其地，風來吹華普散其上，無數音樂一時俱奏，天莊嚴具咸出美音；牛王、象王、師子王等，皆生歡喜，踊躍、哮吼，猶如大山相擊 jī 出聲；百千伏藏自然踊現。

時，安住地神告善財言：「善來童子！汝於此地曾種善根，我為汝現，汝欲見不？」

爾時，善財禮地神足，遶無數匝，合掌而立，白言：「聖

者！唯然！欲見。」

時，安住地神以足按地，百千億阿僧祇寶藏自然踊出，告言：「善男子！今此寶藏隨逐於汝，是汝往昔善根果報，是汝福力之所攝受，汝應隨意自在受用。

「善男子！我得菩薩解脫名：不可壞 huài 智慧藏，常以此法成就眾生。善男子！我憶自從 cóng 然燈佛來，常隨菩薩，恭敬守護，觀察菩薩所有心行、智慧境界、一切誓願、諸清淨行、一切三昧、廣大神通、大自在力、無能壞法，遍往一切諸佛國土，普授一切諸如來記，轉於一切諸佛法輪，廣說一切修多羅門，大法光明普皆照耀，教化調伏一切眾生，示現一切諸佛神變，我皆能領受、皆能憶持。

「善男子！乃往古世，過須彌山微塵數劫，有劫名莊嚴，世界名月幢，佛號妙眼，於彼佛所得此法門。善男子！我於此法門，若入若出修習增長，常見諸佛未曾捨離，始從初得乃至賢劫，於其中間，值遇不可說不可說佛剎微塵數如來、應、正等覺，悉皆承事，恭敬供養；亦見彼佛詣菩提座，現大神力；亦見彼佛所有一切功德善根。

「善男子！我唯知此不可壞智慧藏法門。如諸菩薩摩訶薩常隨諸佛，能持一切諸佛所說，入一切佛甚深智慧，念念充遍一切法界，等如來身，生諸佛心，具諸佛法，作諸佛事；而我云何能知能說彼功德行？

「善男子！此閻浮提摩竭提國迦毘羅城，有主夜神，名：婆珊 shān 婆演底。汝詣彼問：菩薩云何學菩薩行、修菩薩道？」

時，善財童子禮地神足，遶無數匝，慇懃瞻仰，辭退而去。

爾時，善財童子一心思惟安住神教，憶持菩薩不可沮壞智慧藏解脫，修其三昧，學其軌則，觀其遊戲，入其微妙，得其智

慧，達其平等，知其無邊，測其甚深。**漸次遊行，至於彼城，**從東門入，佇立未久，便見日沒。心念隨順諸菩薩教，渴仰欲見彼主夜神，於善知識生如來想，復作是念：「由善知識得周遍眼，普能明見十方境界；由善知識得廣大解，普能了達一切所緣；由善知識得三昧眼，普能觀察一切法門；由善知識得智慧眼，普能明照十方刹海。」**作是念時，見彼夜神於虛空中，處寶樓閣香蓮華藏師子之座，**身真金色，目髮紺青，形貌端嚴，見者歡喜，眾寶瓔珞以為嚴飾，身服朱衣，首戴梵冠，一切星宿炳然在體。於其身上——毛孔，皆現化度無量無數惡道眾生，令其免離險難之像；是諸眾生，或生人中，或生天上，或有趣向二乘菩提，或有修行一切智道。又彼——諸毛孔中，示現種種教化方便，或為現身，或為說法，或為示現聲聞乘道，或為示現獨覺乘道，或為示現諸菩薩行、菩薩勇猛、菩薩三昧、菩薩自在、菩薩住處、菩薩觀察、菩薩師子頻申、菩薩解脫遊戲，如是種種成熟眾生。

善財童子見聞此已，心大歡喜，以身投地，禮夜神足，遶無數匝，於前合掌而作是言：「聖者！我已先發阿耨多羅三藐三菩提心，我心冀望依善知識獲 huò 諸如來功德法藏。唯願示我一切智道，我行於中，至十力地！」

時，彼夜神告善財言：「善哉善哉！善男子！汝能深心敬善知識，樂聞其語，修行其教；以修行故，決定當得阿耨多羅三藐三菩提。

「善男子！我得菩薩破一切眾生癡暗法光明解脫。善男子！我於惡慧眾生，起大慈心；於不善業眾生，起大悲心；於作善業眾生，起於喜心；於善惡二行眾生，起不二心；於雜染眾生，起令生清淨心；於邪道眾生，起令生正行心；於劣解眾生，起令興 xīng 大解心；於樂生死眾生，起令捨輪轉心；於住二乘道

眾生，起令住一切智心。善男子！我以得此解脫故，常與如是心共相應。善男子！我於夜闇àn人靜，鬼、神、盜賊、諸惡眾生所遊行時，密雲重霧 wù、惡風暴雨、日月星宿並皆昏蔽不見色時，見諸眾生，若入於海，若行於陸 lù，山林、曠野、諸險難處，或遭盜賊，或乏資糧 liáng，或迷惑方隅 yú，或忘失道路，惴惶憂怖不能自出；我時即以種種方便而救濟之。

「為海難者，示作船師、魚王、馬王、龜 guī王、象王、阿脩羅王及以海神；為彼眾生，止惡風雨，息大波浪，引其道路，示其洲岸，令免怖畏，悉得安隱。復作是念：『以此善根，迴施眾生，願令捨離一切諸苦。』」

「為在陸 lù地一切眾生於夜暗中遭恐怖者，現作日月及諸星宿、晨霞、夕電種種光明，或作屋宅，或為人眾，令其得免恐怖之厄è。復作是念：『以此善根，迴施眾生，悉令除滅諸煩惱暗。』一切眾生，有惜壽命，有愛名聞，有貪財寶，有重官位，有著男女，有戀妻妾，未稱所求，多生憂怖；我皆救濟 jì，令其離苦。

「為行山險而留難者，為作善神，現形親近；為作好鳥，發音慰悅；為作靈 líng 藥，舒光照耀；示其果樹，示其泉井，示正直道，示平坦地，令其免離一切憂厄è。

「為行曠野、稠林、險 xiǎn 道，藤 téng 蘿 luó所羈 juàn、雲霧所暗而恐怖者，示其正道，令得出離。作是念言：『願一切眾生，伐見稠林，截愛羅網，出生死野，滅煩惱暗，入一切智平坦正道，到無畏處畢竟安樂。』」

「善男子！若有眾生樂著國土而憂 yōu 苦者，我以方便，令生厭離。作是念言：『願一切眾生不著諸蘊，住一切佛薩婆若境。』」

「善男子！若有眾生樂著聚落，貪愛宅舍，常處黑暗，受

諸苦者，我為說法，令生厭離，令法滿足，令依法住。作是念言：『願一切眾生，悉不貪樂六處聚落，速得出離生死境界，究竟安住一切智城。』

「善男子！若有眾生行暗夜中，迷惑十方，於平坦路生險難想，於險難道起平坦想，以高為下，以下為高，其心迷惑，生大苦惱。我以方便舒光照及，若欲出者，示其門戶；若欲行者，示其道路；欲度溝 gōu 洫 xù，示其橋梁；欲涉河海，與其船筏；樂觀方者，示其險易安危之處；欲休息者，示其城邑、水、樹之所。作是念言：『如我於此照除夜暗，令諸世事悉得宣敘 xù；願我普於一切眾生生死長夜、無明暗處，以智慧光普皆照了。是諸眾生無有智眼，想心見倒之所覆翳 yì，無常常想，無樂樂想，無我我想，不淨淨想，堅固執著我人眾生、蘊界處法，迷惑因果，不識善惡，殺害眾生，乃至邪見，不孝父母，不敬沙門及婆羅門，不知惡人，不識善人，貪著惡事，安住邪法，毀謗如來，壞正法輪，於諸菩薩皆 zǐ 辱傷害，輕大乘道，斷菩提心，於有恩人反加殺害，於無恩處常懷 huái 怨結，毀謗賢聖，親近惡伴，盜塔寺物，作五逆罪，不久當墮三惡道處。願我速以大智光明，破彼眾生無明黑暗，令其疾發阿耨多羅三藐三菩提心。』既發心已，示普賢乘，開十力道，亦示如來法王境界，亦示諸佛一切智城、諸佛所行、諸佛自在、諸佛成就、諸佛總持、一切諸佛共同一身、一切諸佛平等之處，令其安住。

「善男子！一切眾生，或病所纏，或老所侵，或苦貧窮，或遭禍難，或犯王法，臨 lín 當受刑，無所依怙 hù，生大怖畏；我皆救濟 jì，使得安隱。復作是念：『願我以法普攝眾生，令其解脫一切煩惱、生老病死、憂悲苦患，近善知識，常行法施，勤行善業，速得如來清淨法身，住於究竟無變易處。』

「善男子！一切眾生入見稠林，住於邪道，於諸境界起邪

分別，常行不善身、語、意業，妄作種種諸邪苦行，於非正覺生正覺想，於正覺所非正覺想，為惡知識之所攝受，以起惡見，將墮惡道；我以種種諸方便門而為救護，令住正見，生人天中。復作是念：『如我救此將墜惡道諸眾生等，願我普救一切眾生，悉令解脫一切諸苦，住波羅蜜出世聖道，於一切智得不退轉，具普賢願，近一切智，而不捨離諸菩薩行，常勤教化一切眾生。』

爾時，婆珊婆演底主夜神，欲重宣此解脫義，承佛神力，觀察十方，為善財童子而說頌言：

「我此解脫門，	生淨法光明，
能破愚癡暗，	待時而演說。
我昔無邊劫，	勤行廣大慈，
普覆諸世間，	佛子應修學。
寂靜大悲海，	出生三世佛，
能滅眾生苦，	汝應入此門。
能生世間樂，	亦生出世樂，
令我心歡喜，	汝應入此門。
既捨有為患，	亦遠 yuǎn 聲聞果，
淨修諸佛力，	汝應入此門。
我目甚清淨，	普見十方刹，
亦見其中佛，	菩提樹下坐，
相好莊嚴身，	無量眾圍遶，
一一毛孔內，	種種光明出；
見諸群生類，	死此而生彼，
輪迴五趣中，	常受無量苦。
我耳甚清淨，	聽 tīng 之無不及，
一切語言海，	悉聞能憶持；
諸佛轉法輪，	其聲妙無比，

所有諸文字，	悉皆能憶持。
我鼻甚清淨，	於法無所礙，
一切皆自在，	汝應入此門。
我舌甚廣大，	淨好能言說，
隨應演妙法，	汝應入此門。
我身甚清淨，	三世等如如，
隨諸眾生心，	一切悉皆現。
我心淨無礙，	如空含萬像，
普念諸如來，	而亦不分別。
了知無量剎，	一切諸心海，
諸根及欲樂，	而亦不分別。
我以大神通，	震動無量剎，
其身悉遍往，	調彼難 nán 調眾。
我福甚廣大，	如空無有盡，
供養諸如來，	饒 ráo 益一切眾。
我智廣清淨，	了知諸法海，
除滅眾生惑，	汝應入此門。
我知三世佛，	及以一切法，
亦了彼方便，	此門遍無等。
一一塵中見，	三世一切剎，
亦見彼諸佛，	此是普門力。
十方剎塵內，	悉見盧 lú 舍那，
菩提樹下坐，	成道演妙法。」

爾時，善財童子白夜神言：「汝發阿耨多羅三藐三菩提心為幾 jǐ 時耶？得此解脫其已久如，乃能如是饒益眾生？」

其神答言：「善男子！乃往古世，過如須彌山微塵數劫，

有劫名：寂靜光，世界名：出生妙寶，有五億佛於中出現。彼世界中有四天下名：寶月燈光，有城名：蓮華光，王名：善法度，以法施化，成就七寶，王四天下。王有夫人名：法慧月，夜久眠寐 mèi。時彼城東有一大林，名為：寂住，林中有一大菩提樹，名：一切光摩尼王莊嚴身出生一切佛神力光明。

「爾時，有佛名：一切法雷音王，於此樹下成等正覺，放無量色廣大光明，遍照出生妙寶世界。蓮華光城內有主夜神，名為：淨月，詣王夫人法慧月所，動身瓔珞以覺夫人，而告之言：『夫人當知，一切法雷音王如來，於寂住林成無上覺，及廣為說諸佛功德自在神力、普賢菩薩所有行願。』令王夫人發阿耨多羅三藐三菩提意，供養彼佛及諸菩薩、聲聞、僧眾。善男子！時王夫人法慧月者，豈異人乎？我身是也！我於彼佛所發菩提心種善根故，於須彌山微塵數劫，不生地獄、餓鬼、畜生諸惡趣中，亦不生於下賤之家，諸根具足，無有眾苦，於天人中福德殊勝，不生惡世，恒不離佛及諸菩薩、大善知識，常於其所種植善根，經八十須彌山微塵數劫常受安樂，而未滿足菩薩諸根。

「過此劫已，復過萬劫，於賢劫前，有劫名無憂遍照，世界名離垢妙光。其世界中淨穢相雜 zá，有五百佛於中出現。其第一佛名須彌幢寂靜妙眼如來、應、正等覺；我為名稱長者女，名妙慧光明，端正殊妙。彼淨月夜神以願力故，於離垢世界一四天下妙幢王城中生，作主夜神名清淨眼。我於一時在父母邊，夜久眠息，彼清淨眼來詣我所，震動我宅，放大光明，出現其身，讚佛功德，言妙眼如來坐菩提座始成正覺，勸 quàn 諭於我及以父母并諸眷屬令速見佛。自為前導 dǎo，引至佛所，廣興供養。我纔 cái 見佛，即得三昧，名：出生見佛調伏眾生三世智光明輪。獲 huò 此三昧故，能憶念須彌山微塵數劫，亦見

其中諸佛出現，於彼佛所聽 tīng 聞妙法；以聞法故，即得此破一切眾生暗法光明解脫。得此解脫已，即見其身遍往佛刹微塵數世界，亦見彼世界所有諸佛，又見自身在其佛所；亦見彼世界一切眾生，解其言音，識 shí 其根性，知其往昔曾為善友之所攝受，隨其所樂而為現身，令生歡喜。我時於彼所得解脫，念念增長，此心無間；又見自身遍往百佛刹微塵數世界，此心無間；又見自身遍往千佛刹微塵數世界，此心無間；又見自身遍往百千佛刹微塵數世界。如是念念，乃至不可說不可說佛刹微塵數世界，亦見彼世界中一切如來，亦自見身在彼佛所聽聞妙法，受持憶念，觀察決了；亦知彼佛諸本事海、諸大願海。彼諸如來嚴淨佛刹，我亦嚴淨。亦見彼世界一切眾生，隨其所應而為現身教化調伏。此解脫門，念念增長，如是乃至充滿法界。

「善男子！我唯知此菩薩破一切眾生暗法光明解脫。如諸菩薩摩訶薩，成就普賢無邊行願，普入一切諸法界海，得諸菩薩金剛智幢自在三昧，出生大願，住持佛種；於念念中，成滿一切大功德海，嚴 yán 淨一切廣大世界；以自在智，教化成熟一切眾生；以智慧日，滅除一切世間暗障；以勇猛智，覺悟一切眾生惛睡；以智慧月，決了一切眾生疑惑；以清淨音，斷除一切諸有執著；於一切法界一一塵 chén 中，示現一切自在神力，智眼明淨，等見三世。而我何能知其妙行、說其功德、入其境界、示其自在？

「善男子！此閻浮提摩竭提國菩提場內，有主夜神，名：普德淨光。我本從其發阿耨多羅三藐三菩提心，常以妙法開悟於我。汝詣彼問：菩薩云何學菩薩行、修菩薩道。」

爾時，善財童子向婆珊婆演底神而說頌曰：

「見汝清淨身， 相好超世間，

如文殊師利，亦如寶山王。
汝法身清淨，三世悉平等，
世界悉入中，成壞無所礙。
我觀一切趣，悉見汝形像，
一一毛孔中，星月各分布。
汝心極廣大，如空遍十方，
諸佛悉入中，清淨無分別。
一一毛孔內，悉放無數光，
十方諸佛所，普雨莊嚴具。
一一毛孔內，各現無數身，
十方諸國土，方便度眾生。
一一毛孔內，示現無量刹，
隨諸眾生欲，種種令清淨。
若有諸眾生，聞名及見身，
悉獲功德利，成就菩提道。
多劫在惡趣，始得見聞汝，
亦應歡喜受，以滅煩惱故。
千刹微塵劫，歎 tòn 汝一毛德，
劫數猶可窮，功德終無盡 jìn。」

時，善財童子說此頌已，頂禮其足，遶無量匝，慇懃瞻仰，辭退而去。

大方廣佛華嚴經卷第六十八

大方廣佛華嚴經卷第六十九

于闐國三藏實叉難陀奉 制譯

入法界品第三十九之十

爾時，善財童子了知彼婆珊 shān 婆演底夜神初發菩提心所生菩薩藏、所發菩薩願、所淨菩薩度、所入菩薩地、所修菩薩行、所行出離道、一切智光海、普救眾生心、普遍大悲雲、於一切佛剎盡 jìn 未來際常能出生普賢行願。漸次遊行，至普德淨光夜神所，頂禮其足，遶無數匝，於前合掌而作是言：「聖者！我已先發阿耨多羅三藐三菩提心，而我未知菩薩云何修行菩薩地？云何出生菩薩地？云何成就菩薩地？」

夜神答言：「善哉善哉！善男子！汝已能發阿耨多羅三藐三菩提心，今復問於菩薩地修行、出生及以成就。

「善男子！菩薩成就十法，能圓滿菩薩行。何者為十？

「一者，得清淨三昧，常見一切佛；

「二者，得清淨眼，常觀一切佛相好莊嚴；

「三者，知一切如來無量無邊 biān 功德大海；

「四者，知等法界無量諸佛法光明海；

「五者，知一切如來，一一毛孔放等眾生數大光明海，利益無量一切眾生；

「六者，見一切如來，一一毛孔出一切寶色光明焰海；

「七者，於念念中出現一切佛變 biàn 化海充滿法界，究竟一切諸佛境界調伏眾生；

「八者，得佛音聲同一切眾生言音海，轉三世一切佛法輪；

「九者，知一切佛無邊名號海；

「十者，知一切佛調伏眾生不思議自在力。善男子！菩薩成就此十種法，則能圓滿菩薩諸行。

「善男子！我得菩薩解脫，名：寂靜禪定樂普遊步。普見三世一切諸佛，亦見彼佛清淨國土、道場、眾會、神通、名號、說法、壽命、言音、身相，種種不同，悉皆明觀 dǔ 而無取著。何以故？知諸如來非去，世趣永滅 miè 故；非來，體性無生故；非生，法身平等故；非滅，無有生相故；非實，住如幻法故；非妄，利益眾生故；非遷 qiān，超過生死故；非壞 huài，性常不變故；一相，言語悉離故；無相，性相本空故。善男子！我如是了知一切如來時，於菩薩寂靜禪定樂普遊步解脫門，分明了達 dá，成就增長，思惟觀察，堅固莊嚴，不起一切妄想分別，大悲救護一切眾生，一心不動，修習初禪；息一切意業 yè，攝一切眾生，智力勇猛，喜心悅豫，修第二禪；思惟一切眾生自性，厭離生死，修第三禪；悉能息滅一切眾生眾苦熱惱，修第四禪。增長圓滿一切智願，出生一切諸三昧海，入諸菩薩解脫海門，遊戲一切神通，成就一切變化，以清淨智普入法界。

「善男子！我修此解脫時，以種種方便成就眾生。所謂：於在家放逸眾生，令生不淨想、可厭想、疲勞想、逼迫想、繫 xì 縛 fù 想、羅剎想、無常想、苦想、無我想、空想、無生想、不自在想、老病死想。自於五欲不生樂著，亦勸 quàn 眾生不著欲樂，唯住法樂，出離於家，入於非家。若有眾生住於空閑，我為止息諸惡音聲，於靜夜時為說深法，與順行緣，開出家門，示正道路，為作光明，除其闇 àn 障，滅其怖畏，讚出家業，歎 tàn 佛、法、僧及善知識具諸功德，亦歎親近善知識行。

「復次，善男子！我修解脫時，令諸眾生，不生非法貪，不起邪分別，不作諸罪業。若已作者，皆令止息；若未生善法，未修波羅蜜行，未求一切智，未起大慈悲，未造人天業，皆令其生；若已生者，令其增長。我與如是順道因緣，乃至令成一切智智。

「善男子！我唯得此菩薩寂靜禪定樂普遊步解脫門。如諸菩薩摩訶薩，具足普賢所有行願，了達 dá 一切無邊法界，常能增長一切善根，照見一切如來十力，住於一切如來境界，恒處生死，心無障礙，疾能滿足一切智願，普能往詣 yì 一切世界，悉能觀見一切諸佛，遍能聽 tīng 受一切佛法，能破一切眾生癡闇 àn，能於生死大夜之中出生一切智慧光明；而我云何能知能說彼功德行？

「善男子！去此不遠 yuǎn，於菩提場右邊，有一夜神名：喜目觀察眾生。汝詣彼問：菩薩云何學菩薩行、修菩薩道？」

爾時，普德淨光夜神，欲重宣此解脫義，為善財童子而說頌曰：

「若有信解心，	盡 jìn 見三世佛；
彼人眼清淨，	能入諸佛海。
汝觀諸佛身，	清淨相莊嚴，
一念神通力，	法界悉充滿。
盧 lú 舍那如來，	道場成正覺，
一切法界中，	轉於淨法輪。
如來知法性，	寂滅無有二，
清淨相嚴 yán 身，	遍示諸世間。
佛身不思議，	法界悉充滿，
普現一切剎，	一切無不見。
佛身常光明，	一切剎塵 chén 等，
種種清淨色，	念念遍法界。
如來一毛孔，	放不思議光，
普照諸群生，	令其煩惱滅。
如來一毛孔，	出生無盡化，
充遍於法界，	除滅眾生苦。

佛演一妙音， 隨類皆令解，
普雨廣大法， 使發菩提意。
佛昔修諸行， 已曾攝受我，
故得見如來， 普現一切刹。
諸佛出世間， 量等眾生數，
種種解脫境， 非我所能知。
一切諸菩薩， 入佛一毛孔，
如是妙解脫， 非我所能知。
此近有夜神， 名喜目觀察，
汝應往詣彼， 問修菩薩行。」

時，善財童子頂禮其足，遶無數匝，慇懃瞻仰，辭退而去。

爾時，善財童子敬善知識教，行善知識語，作如是念：「善知識者，難見難遇；見善知識，令心不散亂 luàn；見善知識，破障礙山；見善知識，入大悲海救護眾生；見善知識，得智慧光普照法界；見善知識，悉能修行一切智道；見善知識，普能觀 dǔ 見十方佛海；見善知識，得見諸佛轉於法輪憶持不忘。」作是念已，發意欲詣 yì 喜目觀察眾生夜神所。

時，喜目神加善財童子，令知親近善知識，能生諸善根，增長成熟。所謂：令知親近善知識，能修助道具；令知親近善知識，能起勇猛心；令知親近善知識，能作難壞 huài 業；令知親近善知識，能得難伏力；令知親近善知識，能入無邊方；令知親近善知識，能久遠修行；令知親近善知識，能辦 bàn 無邊業；令知親近善知識，能行無量道；令知親近善知識，能得速疾力普詣諸刹；令知親近善知識，能不離本處遍至十方。

時，善財童子遽 jù 發是念：「由親近善知識，能勇猛勤修一切智道；由親近善知識，能速疾出生諸大願海；由親近善知

識，能為一切眾生，盡 jìn 未來劫受無邊苦；由親近善知識，能被大精進甲，於一微塵中說法聲遍法界；由親近善知識，能速往詣一切方海；由親近善知識，於一毛道，盡未來劫修菩薩行；由親近善知識，於念念中行菩薩行，究竟安住一切智地；由親近善知識，能入三世一切如來自在神力諸莊嚴道；由親近善知識，能常遍入諸法界門；由親近善知識，常緣法界未曾動出，而能遍往十方國土。」

爾時，善財童子發是念已，即詣 yì 喜目觀察眾生夜神所。見彼夜神在於如來眾會道場，坐蓮華藏師子之座，入大勢力普喜幢解脫，於其身上一一毛孔，出無量種變化身雲，隨其所應，以妙言音而為說法，普攝無量一切眾生，皆令歡喜而得利益。所謂：出無量化身雲，充滿十方一切世界，說諸菩薩行檀波羅蜜，於一切事皆無戀 liàn 著，於一切眾生普皆施與；其心平等，無有輕慢，內外悉施，難捨能捨。

又出等眾生數無量化身雲，充滿法界，普現一切眾生之前，說持淨戒無有缺犯，修諸苦行皆悉具足，於諸世間無有所依，於諸境界無所愛著，說在生死輪迴往返，說諸人天盛衰苦樂，說諸境界皆是不淨，說一切法皆是無常，說一切行悉苦無味，令諸世間捨離顛倒，住諸佛境持如來戒。如是演說種種戒行，戒香普熏，令諸眾生悉得成熟。

又出等眾生數種種身雲，說能忍受一切眾苦，所謂割截、捶楚、訶罵 mà、欺辱，其心泰然，不動不亂 luàn；於一切行不卑 bēi 不高，於諸眾生不起我慢，於諸法性安住忍受；說菩提心無有窮盡，心無盡故智亦無盡，普斷一切眾生煩惱；說諸眾生卑賤醜 chǒu 陋不具足身，令生厭離；讚諸如來清淨妙色無上之身，令生欣樂。如是方便，成熟眾生。

又出等眾生界種種身雲，隨諸眾生心之所樂，說勇猛精進，

修一切智助道之法；勇猛精進，降伏魔怨；勇猛精進，發菩提心，不動不退；勇猛精進，度一切眾生，出生死海；勇猛精進，除滅一切惡道諸難 nèn；勇猛精進，壞 huài 無智山；勇猛精進，供養一切諸佛如來不生疲厭；勇猛精進，受持一切諸佛法輪；勇猛精進，壞散一切諸障礙山；勇猛精進，教化成熟一切眾生；勇猛精進，嚴 yán 淨一切諸佛國土。如是方便，成熟眾生。

又出種種無量身雲，以種種方便，令諸眾生，心生歡喜，捨離惡意，厭一切欲；為說慚愧，令諸眾生藏護 hù 諸根；為說無上清淨梵行；為說欲界是魔境界，令生恐怖；為現不樂世間欲樂，住於法樂，隨其次第，入諸禪定諸三昧樂，令思惟觀察，除滅一切所有煩惱；又為演說一切菩薩諸三昧海神力變 biàn 現自在遊戲，令諸眾生歡喜適 shì 悅，離諸憂 yōu 怖，其心清淨，諸根猛利，愛重於法，修習增長。

又出等眾生界種種身雲，為說往詣 yì 十方國土，供養諸佛及以師長、真善知識，受持一切諸佛法輪精勤不懈；又為演說、稱讚一切諸如來海，觀察一切諸法門海，顯 xiǎn 示一切諸法性相，開闡 chǎn 一切諸三昧門，開智慧境界，竭一切眾生疑海；示智慧金剛，壞 huài 一切眾生見山；昇智慧日輪，破一切眾生癡闇 àn。皆令歡喜，成一切智。

又出等眾生界種種身雲，普詣一切眾生之前，隨其所應，以種種言辭而為說法；或說世間神通福力；或說三界皆是可怖，令其不作世間業行，離三界處，出見稠林；或為稱讚一切智道，令其超越二乘之地；或為演說不住生死、不住涅槃，令其不著有為、無為；或為演說住於天宮乃至道場，令其欣樂發菩提意。如是方便，教化眾生，皆令究竟得一切智。

又出一切世界微塵數身雲，普詣一切眾生之前，念念中，示普賢菩薩一切行願；念念中示清淨大願充滿法界；念念中，

示嚴淨一切世界海；念念中，示供養一切如來海；念念中，示入一切法門海；念念中，示入一切世界海、微塵數世界海；念念中，示於一切剎盡未來劫清淨修行一切智道；念念中，示入如來力；念念中，示入一切三世方便海；念念中，示往一切剎現種種神通變化；念念中，示諸菩薩一切行願，令一切眾生住一切智。如是所作，恒無休息。

又出等一切眾生心數身雲，普詣一切眾生之前，說諸菩薩集一切智助道之法無邊際力、求一切智不破壞力、無窮盡力、修無上行不退轉力、無間斷力、於生死法無染著力、能破一切諸魔眾力、遠離一切煩惱垢力、能破一切業障山力、住一切劫修大悲行無疲倦力、震動一切諸佛國土令一切眾生生歡喜力、能破一切諸外道力、普於世間轉法輪力。以如是等方便成熟，令諸眾生至一切智。

又出等一切眾生心數無量變化色身雲，普詣十方無量世界，隨眾生心，演說一切菩薩智行。所謂：說入一切眾生界海智，說入一切眾生心海智，說入一切眾生根海智，說入一切眾生行海智，說度一切眾生未曾失時智，說出一切法界音聲智，說念念遍一切法界海智，說念念知一切世界海壞智，說念念知一切世界海成住莊嚴差別智，說念念自在親近供養一切如來聽受法輪智。示現如是智波羅蜜，令諸眾生，皆大歡喜，調暢適悅，其心清淨，生決定解，求一切智無有退轉。如說菩薩諸波羅蜜成熟眾生，如是宣說一切菩薩種種行法而為利益。

復於一一諸毛孔中，出無量種眾生身雲。所謂：出與色究竟天、善現天、善見天、無熱天、無煩天相似身雲，出少廣、廣果、福生、無雲天相似身雲，出遍淨、無量淨、少淨天相似身雲，出光音、無量光、少光天相似身雲，出大梵、梵輔、梵眾天相似身雲，出自在天、化樂天、兜率陀天、須夜摩天、忉

利天及其采女、諸天子眾相似身雲，出提頭 **tóu** 賴吒乾闥 **tà** 婆王、乾闥婆子、乾闥婆女相似身雲，出毘 **pí** 樓勒叉、鳩槃荼王、鳩槃荼子、鳩槃荼女相似身雲，出毘樓博叉龍王、龍子、龍女相似身雲，出毘沙門夜叉王、夜叉子、夜叉女相似身雲，出大樹緊那羅王、善慧摩睺羅伽王、大速疾力迦樓羅王、羅睺阿脩 **xiū** 羅王、閻羅法王及其子、其女相似身雲，出諸人王及其子、其女相似身雲，出聲聞、獨覺及諸佛眾相似身雲，出地神、水神、火神、風神、河神、海神、山神、樹神乃至晝 **zhòu**、夜、主方神等相似身雲。周遍十方，充滿法界。

於彼一切眾生之前，現種種聲 shēng。所謂：風輪聲、水輪聲、火焰聲、海潮聲、地震聲、大山相擊 **jī** 聲、天城震動聲、摩尼相擊聲、天王聲、龍王聲、夜叉王聲、乾闥婆王聲、阿脩羅王聲、迦樓羅王聲、緊那羅王聲、摩睺羅伽王聲、人王聲、梵王聲、天女歌詠聲、諸天音樂聲、摩尼寶王聲。**以如是等種種音聲，說喜目觀察眾生夜神從初發心所集功德。所謂：**承事一切諸善知識，親近諸佛，修行善法；

行檀波羅蜜，難 **nán** 捨能捨；

行尸波羅蜜，棄 **qì** 捨王位、宮殿、眷屬，出家學道；

行羼 **chàn** 提波羅蜜，能忍世間一切苦事，及以菩薩所修苦行、所持正法，皆悉堅固，其心不動，亦能忍受一切眾生於己身心惡作惡說，忍一切業皆不失壞 **huài**，忍一切法生決定解，忍諸法性能諦思惟；

行精進波羅蜜，起一切智行，成一切佛法；

行禪波羅蜜，其禪波羅蜜所有資具、所有修習、所有成就、所有清淨、所有起三昧神通、所有入三昧海門皆悉顯 **xiǎn** 示；

行般若波羅蜜，其般若波羅蜜所有資具，所有清淨、大智慧日、大智慧雲、大智慧藏、大智慧門，皆悉顯 **xiǎn** 示；

行方便波羅蜜，其方便波羅蜜所有資具、所有修行、所有體性、所有理趣、所有清淨、所有相應事，皆悉顯示；

行願波羅蜜，其願波羅蜜所有體性、所有成就、所有修習、所有相應事，皆悉顯示；

行力波羅蜜，其力波羅蜜所有資具、所有因緣、所有理趣、所有演說、所有相應事，皆悉顯示；

行智波羅蜜，其智波羅蜜所有資具、所有體性、所有成就、所有清淨、所有處所、所有增長、所有深入、所有光明、所有顯示、所有理趣、所有相應事、所有揀擇、所有行相、所有相應法，所有所攝法、所知法、所知業、所知剎、所知劫、所知世、所知佛出現、所知佛、所知菩薩，所知菩薩心、菩薩位、菩薩資具、菩薩發趣、菩薩迴向、菩薩大願、菩薩法輪、菩薩揀擇法、菩薩法海、菩薩法門海、菩薩法旋流、菩薩法理趣，如是等智波羅蜜相應境界，皆悉顯示，成熟眾生。

又說此神從初發心所集功德相續次第；所習善根相續次第；所修無量諸波羅蜜相續次第；死此生彼及其名號相續次第；親近善友，承事諸佛，受持正法，修菩薩行，入諸三昧，以三昧力，普見諸佛，普見諸剎，普知諸劫，深入法界，觀察眾生，入法界海，知諸眾生死此生彼，得淨天眼聞一切聲，得淨天眼見一切色，得他心智知眾生心，得宿住智知前際事，得無依無作神足智通自在遊行遍十方剎，如是所有相續次第；得菩薩解脫，入菩薩解脫海，得菩薩自在，得菩薩勇猛，得菩薩遊步，住菩薩想，入菩薩道，如是一切所有功德相續次第。皆悉演說，分別顯示，成熟眾生。

如是說時，於念念中，十方各嚴淨不可說不可說諸佛國土，度脫無量惡趣眾生，令無量眾生生天人中富貴自在，令無量眾生出生死海，令無量眾生安住聲聞、辟支佛地，令無量

眾生住如來地。

爾時，善財童子見聞如上所現一切諸希有事，念念觀察，思惟解了，深入安住，承佛威力及解脫力，則得菩薩不思議大勢力普喜幢自在力解脫。何以故？與喜目夜神於往昔時同修行故，如來神力所加持故，不思議善根所祐助故，得菩薩諸根故，生如來種中故，得善友力所攝受故，受諸如來所護念故，毘盧遮那如來曾所化故，彼分善根已成熟故，堪修普賢菩薩行故。

爾時，善財童子得此解脫已，心生歡喜，合掌向喜目觀察眾生夜神，以偈讚曰：

「無量無數劫，	學佛甚深法，
隨其所應化，	顯 xiǎn 現妙色身。
了知諸眾生，	沈 chén 迷嬰妄想，
種種身皆現，	隨應悉調伏。
法身恒寂靜，	清淨無二相，
為化眾生故，	示現種種形。
於諸蘊界處，	未曾有所著，
示行及色身，	調伏一切眾。
不著內外法，	已度生死海，
而現種種身，	住於諸有界。
遠離諸分別，	戲 xì 論所不動，
為著妄想者，	弘宣十力法。
一心住三昧，	無量劫不動，
毛孔出化雲，	供養十方佛。
得佛方便力，	念念無邊際，
示現種種身，	普攝諸群生。
了知諸有海，	種種業莊嚴，
為說無礙法，	令其悉清淨。

色身妙無比， 清淨如普賢，
隨諸眾生心， 示現世間相。」

爾時，善財童子說此頌已，白言：「天神！汝發阿耨多羅三藐三菩提心，為幾 jī 時耶？得此解脫，其已久如？」

爾時，喜目觀察眾生主夜神以頌答曰：

「我念過去世， 過於剎塵 chén 劫，
剎號摩尼光， 劫名寂靜音。
百萬那由他， 俱胝 zhī 四天下，
其王數亦爾， 各各自臨 lín 馭 yù。
中有一王都， 號曰香幢寶，
莊嚴最殊妙， 見者皆欣悅。
中有轉輪王， 其身甚微妙，
三十二種相， 隨好以莊嚴；
蓮華中化生， 金色光明身，
騰空照遠 yuǎn 近，普及閻浮界。
其王有千子， 勇猛身端正；
臣佐滿一億， 智慧善方便；
嬪 pín 御有十億，顏容狀天女，
利益調柔意， 慈心給侍王。
其王以法化， 普及四天下，
輪圍大地中， 一切皆豐 fēng 盛。
我時為寶女， 具足梵音聲，
身出金色光， 照及千由旬。
日光既已沒， 音樂咸寂然，
大王及侍御， 一切皆安寢 qǐn。
彼時德海佛， 出興 xīng 於世間，

顯現神通力， 充滿十方界；
放大光明海， 一切剎塵數，
種種自在身， 遍滿於十方。
地震出妙音， 普告佛興世；
天人龍神眾， 一切皆歡喜。
一一毛孔中， 出佛化身海，
十方皆遍滿， 隨應說妙法。
我時於夢中， 見佛諸神變，
亦聞深妙法， 心生大歡喜。
一萬主夜神， 共在空中住，
讚歎 tàn 佛興世， 同時覺悟我：
『賢慧汝應起， 佛已現汝國，
劫海難 nán 值遇， 見者得清淨。』
我時便寐 mèi 寤 wù， 即覩 dǔ 清淨光。
觀此從何來？ 見佛樹王下，
諸相莊嚴體 tǐ， 猶如寶山王；
一切毛孔中， 放大光明海。
見已心歡喜， 便生此念言：
『願我得如佛， 廣大神通力。』
我時尋覺寤， 大王并眷屬，
令見佛光明， 一切皆欣慶 qìng。
我時與大王， 騎從千萬億，
眾生亦無量， 俱行詣佛所。
我於二萬歲 suì， 供養彼如來，
七寶四天下， 一切皆奉施。
時彼如來說， 功德普雲經，
普應群生心， 莊嚴諸願海。

夜神覺悟我，
我願作是身，
我從此初發，
往來諸有中，
從此後供養，
恒受人天樂，
初佛功德海；
第三妙寶幢；
第五蓮華藏；
第七法月王；
第九兩足尊，
第十調御師，
如是等諸佛，
然未得慧眼，
從此次第有，
其劫名天勝 shèng，
最初月光輪；
第三名光幢；
第五名華焰；
第七熾 chì 然佛；
九光明王幢；
如是等諸佛，
尚於諸法中，
從此復有劫，
世界蓮華燈，
彼有無量佛，
我悉曾供養，
令我得利益，
覺諸放逸者。
最上菩提願，
其心無忘失。
十億那由佛，
饒益諸群生。
第二功德燈；
第四虛空智；
第六無礙 ài 慧；
第八智燈輪；
寶焰山燈王；
三世華光音。
我悉曾供養，
入於解脫海。
一切寶光剎，
五百佛興世。
第二名日燈；
第四寶須彌；
第六號燈海；
第八天藏佛；
十普智光王。
我悉曾供養，
無而計為有。
名曰梵光明；
莊嚴極 jí 殊妙。
一一無量眾，
尊重聽 tīng 聞法。

初寶須彌佛；	二功德海佛；
三法界音佛；	四法震雷佛；
五名法幢佛；	六名地光佛；
七名法力光；	八名虛空覺；
第九須彌光；	第十功德雲。
如是等如來，	我悉曾供養，
未能明了法，	而入諸佛海。
次後復有劫，	名為功德月；
爾時有世界，	其名功德幢。
彼中有諸佛，	八十那由他，
我皆以妙供，	深心而敬奉。
初乾闥 tà 婆王；	二名大樹王；
三功德須彌；	第四寶眼佛；
第五盧舍那；	第六光莊嚴；
第七法海佛；	第八光勝 shèng 佛；
九名賢勝佛；	第十法王佛。
如是等諸佛，	我悉曾供養，
然未得深智，	入於諸法海。
此後 hòu 復有劫，	名為寂靜慧，
剎號金剛寶，	莊嚴悉殊妙。
於中有千佛，	次第而出興，
眾生少煩惱，	眾會悉清淨。
初金剛臍 qí 佛；	二無礙力佛；
三名法界影；	四號十方燈；
第五名悲光；	第六名戒海；
第七忍燈輪；	第八法輪光；
九名光莊嚴；	十名寂靜光。

如是等諸佛，
猶未能深悟，
遊行一切剎，
次第復有劫，
剎號香燈雲，
億佛於中現，
所說種種法，
初名廣稱佛；
三名自在王；
第五法勝 shèng 佛；
第六天冠佛；
第七智焰佛；
第八虛空音；
第九兩足尊，
第十無上士，
如是一切佛，
然猶未能淨，
次第復有劫，
剎號寶幢王，
有五百諸佛，
我恭敬供養，
最初功德輪；
次名功德海；
第五功德王；
次名法自在；
第九福須彌；
如是等諸佛，
所有清淨道，
然於所入門，
我悉曾供養，
如空清淨法。
於彼修諸行。
名為善出現，
淨穢 huì 所共成。
莊嚴剎及劫，
我皆能憶持。
次名法海佛；
四名功德雲；
第六天冠佛；
第八虛空音；
名普生殊勝；
眉間勝光明。
我悉曾供養，
離諸障礙道。
名集堅固王，
一切善分布。
於中而出現；
求無礙解脫。
其次寂靜音；
次名日光王；
第六須彌相；
次佛功德王；
第十光明王。
我悉曾供養，
普入盡無餘，
未能成就忍。

次第復有劫，	名為妙勝主，
剎號寂靜音，	眾生煩惱薄。
於中有佛現，	八十那由他；
我悉曾供養，	修行最勝道。
初佛名華聚；	次佛名海藏；
次名功德生；	次號天王髻 jì；
第五摩尼藏；	第六真金山；
第七寶聚尊；	第八法幢佛；
第九名勝財；	第十名智慧。
此十為上首，	供養無不盡。
次第復有劫，	名曰千功德；
爾時有世界，	號善化幢燈；
六十億那由，	諸佛興於世。
最初寂靜幢；	其次奢摩他；
第三百燈王；	第四寂靜光；
第五雲密陰 yīn；	第六日大明；
七號法燈光；	八名殊勝焰；
九名天勝藏；	十名大吼音。
如是等諸佛，	我悉常供養，
未得清淨忍，	深入諸法海。
次第復有劫，	名無著莊嚴；
爾時有世界，	名曰無邊光；
中有三十六，	那由他佛現。
初功德須彌；	第二虛空心；
第三具莊嚴；	第四法雷音；
第五法界聲；	第六妙音雲；
第七照十方；	第八法海音；

第九功德海；	第十功德幢。
如是等諸佛，	我悉曾供養。
次有佛出現，	名為功德幢；
我為月面天，	供養人中主。
時佛為我說，	無依妙法門；
我聞專 zhuān 念持，	出生諸願海。
我得清淨眼，	寂滅定總 zǒng 持，
能於念念中，	悉見諸佛海。
我得大悲藏，	普明方便眼，
增長菩提心，	成就如來力。
見眾生顛倒，	執常樂我淨，
愚癡暗所覆，	妄想起煩惱。
行止見稠林，	往來貪欲海，
集於諸惡趣，	無量種種業 yè。
一切諸趣中，	隨業而受身，
生老死眾患，	無量苦逼迫。
為彼眾生故，	我發無上心，
願得如十方，	一切十力尊。
緣佛及眾生，	起於大願雲，
從是修功德，	趣入方便道。
願雲悉彌覆，	普入一切道，
具足波羅蜜，	充滿於法界。
速入於諸地，	三世方便海，
一念修諸佛，	一切無礙行。
佛子我爾時，	得入普賢道，
了知十法界，	一切差別門。

「善男子！於汝意云何，彼時轉輪聖王名：十方主，能紹

隆佛種者，豈 qǐ 異 yì 人乎？文殊師利童子是也！爾時夜神覺悟我者，普賢菩薩之所化耳！我於爾時為王寶女，蒙彼夜神覺悟於我，令我見佛，發阿耨多羅三藐三菩提心。自從是來，經佛剎微塵數劫，不墮惡趣，常生人、天，於一切處常見諸佛，乃至妙燈功德幢佛所，得此大勢力普喜幢菩薩解脫，以此解脫如是利益一切眾生。

「善男子！我唯得此大勢力普喜幢解脫門。如諸菩薩摩訶薩，於念念中，普詣一切諸如來所，疾能趣入一切智海；於念念中，以發趣門，入於一切諸大願海；於念念中，以願海門，盡 jìn 未來劫，念念出生一切諸行。一一行中出生一切剎微塵數身，一一身普入一切法界門；一一法界門，一切佛剎中，隨眾生心說諸妙行。一切剎一一塵中，悉見無邊諸如來海；一一如來所，悉見遍法界諸佛神通；一一如來所，悉見往劫修菩薩行；一一如來所，受持守護 hù 所有法輪；一一如來所，悉見三世一切如來諸神變海。而我云何能知能說彼功德行？

「善男子！此眾會中有一夜神名：普救眾生妙德。汝詣彼問：菩薩云何入菩薩行、淨菩薩道？」

時，善財童子頂禮其足，遶無數匝，慇懃瞻仰，辭退而去。

大方廣佛華嚴經卷第六十九

大方廣佛華嚴經卷第七十

于闐國三藏實叉難陀奉 制譯

入法界品第三十九之十一

爾時，善財童子於喜目觀察眾生夜神所，聞普喜幢解脫門，信解趣入，了知隨順，思惟修習，念善知識所有教誨，心無暫捨，諸根不散，一心願得見善知識，普於十方勤求匪 fěi 懈，願常親近生諸功德，與善知識同一善根，得善知識巧方便行，依善知識入精進海，於無量劫常不遠離。作是願已，往詣普救眾生妙德夜神所。

時，彼夜神為善財童子示現菩薩調伏眾生解脫神力，以諸相好莊嚴其身，於兩眉間放大光明，名：智燈普照清淨幢，無量光明以為眷屬，其光普照一切世間。照世間已，入善財頂，充滿其身。善財爾時即得究竟清淨輪三昧。得此三昧已，悉見二神兩處中間，所有一切地塵 chén、水塵及以火塵，金剛摩尼眾寶微塵，華香、瓔珞、諸莊嚴具，如是一切所有微塵，一一塵中各見佛刹微塵數世界成壞 huài。及見一切地、水、火、風諸大積 jī 聚。亦見一切世界接連，皆以地輪任持而住。種種山海、種種河池、種種樹林、種種宮殿，所謂：天宮殿、龍宮殿、夜叉宮殿，乃至摩睺羅伽、人、非人等宮殿屋宅，地獄、畜生、閻羅王界一切住處，諸趣輪轉，生死往來，隨業受報，各各差別，靡 mǐ 不悉見。

又見一切世界差別。所謂：或有世界雜 zá 穢 huì，或有世界清淨，或有世界趣雜穢，或有世界趣清淨，或有世界雜穢清淨，或有世界清淨雜穢，或有世界一向清淨，或有世界其形平正，或有覆住，或有側住。如是等一切世界一切趣中，悉見此普救眾生夜神，於一切時一切處，隨諸眾生形貌、言辭 cí、行

解差別，以方便力普現其前，隨宜化度，令地獄眾生免諸苦毒，令畜生眾生不相食噉 dàn，令餓鬼眾生無有飢渴，令諸龍等離一切怖，令欲界眾生離欲界苦，令人趣眾生離暗夜怖、毀訾 zǐ 怖、惡名怖、大眾怖、不活怖、死怖、惡道怖、斷善根怖、退菩提心怖、遇惡知識怖、離善知識怖、墮二乘地怖、種種生死怖、異 yì 類眾生同住怖、惡時受生怖、惡種族中受生怖、造惡業怖、業煩惱障怖、執著諸想繫 xì 縛 fù 怖，如是等怖悉令捨離。

又見一切眾生，卵生、胎生、濕 shī 生、化生，有色、無色，有想、無想，非有想、非無想，普現其前，常勤救護 hù，為成就菩薩大願力故，深入菩薩三昧力故，堅固菩薩神通力故，出生普賢行願力故，增廣菩薩大悲海故，得普覆眾生無礙大慈故，得普與眾生無量喜樂故，得普攝一切眾生智慧方便故，得菩薩廣大解脫自在神通故，嚴淨一切佛刹故，覺了一切諸法故，供養一切諸佛故，受持一切佛教故，積 jī 集一切善根修一切妙行故，入一切眾生心海而無障礙故，知一切眾生諸根教化成熟故，淨一切眾生信解除其惡障故，破一切眾生無知黑闇 àn 故，令得一切智清淨光明故。

時，善財童子見此夜神如是神力不可思議甚深境界，普現調伏一切眾生菩薩解脫已，歡喜無量，頭面作禮，一心瞻仰。時，彼夜神即捨菩薩莊嚴之相，還復本形，而不捨其自在神力。

爾時，善財童子恭敬合掌，却住一面，以偈讚曰：

「我善財得見，	如是大神力，
其心生歡喜，	說偈而讚歎 tàn。
我見尊妙身，	眾相以莊嚴；
譬如空中星，	一切悉嚴淨。
所放殊勝光，	無量刹塵數；
種種微妙色，	普照於十方。

一一毛孔放，
一一光明端，
華中出化身，
光中出妙香，
復雨種種華，
兩眉放妙光，
普觸諸含識 shí，
口放清淨光，
普照於廣大，
眼放清淨光，
普照十方刹，
現化種種身，
充滿十方界，
妙身遍十方，
滅除水火賊，
我承喜目教，
見尊眉間相，
普照十方海，
顯現神通力，
我遇圓滿光，
得總 zǒng 持三昧，
我於所經處，
一一微塵中，
或有無量刹，
眾生受諸苦，
或有染淨刹，
示現三乘像，
眾生心數光；
皆出寶蓮華；
能滅 miè 眾生苦；
普熏於眾生；
供養一切佛。
量與須彌等，
令滅愚癡闇 àn。
譬如無量日，
毘盧 lú 舍那境。
譬如無量月，
悉滅世癡翳 yì。
相狀等眾生，
度脫三有海。
普現眾生前，
王等一切怖。
今得詣 yì 尊所，
放大清淨光，
悉滅一切闇 àn，
而來入我身。
心生大歡喜，
普見十方佛。
悉見諸微塵，
各見塵數刹。
一切咸濁穢 huì，
常悲歎 tàn 號泣。
少樂多憂 yōu 苦；
往彼而救度。

或有淨染刹， 眾生所樂見，
菩薩常充滿， 住持諸佛法。
一一微塵中， 無量淨刹海；
毘盧遮那佛， 往劫所嚴淨。
佛於一切刹， 悉坐菩提樹，
成道轉法輪， 度脫諸群生。
我見普救天， 於彼無量刹，
一切諸佛所， 普皆往供養。」

爾時，善財童子說此頌已，白普救眾生妙德夜神言：「天神！今此解脫甚深希有！其名何等？得此解脫其已久如？修何等行而得清淨？」

夜神言：「善男子！是處難知，諸天及人、一切二乘所不能測。何以故？此是住普賢菩薩行者境界故，住大悲藏者境界故，救護一切眾生者境界故，能淨一切三惡八難 nán 者境界故，能於一切佛刹中紹隆佛種不斷者境界故，能住持一切佛法者境界故，能於一切劫修菩薩行成滿大願海者境界故，能於一切法界海以清淨智光滅無明闇 àn 障者境界故，能以一念智慧光明普照一切三世方便海者境界故。我承佛力，今為汝說。

「善男子！乃往古世，過佛刹微塵數劫，爾時有劫，名：圓滿清淨，世界名：毘盧遮那大威德，有須彌山微塵數如來於中出現。其佛世界，以一切香王摩尼寶為體 tǐ，眾寶莊嚴，住無垢光明摩尼王海上。其形正圓，淨穢 huì 合成，一切嚴具帳雲而覆其上，一切莊嚴摩尼輪山千匝 zā 圍遶。有十萬億那由他四天下皆妙莊嚴，或有四天下惡業眾生於中止住，或有四天下雜 zá 業眾生於中止住，或有四天下善根眾生於中止住，或有四天下一向清淨諸大菩薩之所止住。

「此界東際輪圍山側有四天下名：寶燈華幢。國界清淨，飲食豐 fēng 足，不藉 jiè 耕耘而生稻粱；宮殿樓閣悉皆奇妙；諸如意樹處處行列，種種香樹恒出香雲，種種鬘樹恒出鬘雲，種種華樹常雨妙華；種種寶樹出諸奇寶，無量色光周匝照耀；諸音樂樹出諸音樂，隨風吹動演妙音聲；日月光明摩尼寶王普照一切，晝 zhòu 夜受樂無時間斷。此四天下有百萬億那由他諸王國土，一一國土有千大河周匝圍遶，一一皆以妙華覆上，隨流漂動，出天樂音，一切寶樹列植其岸，種種珍奇以為嚴飾，舟船來往稱情戲樂。一一河間有百萬億城，一一城有百萬億那由他聚落；如是一切城邑、聚落，各有無量百千億那由他宮殿園林周匝圍遶。

「此四天下閻浮提內有一國土名：寶華燈，安隱豐 fēng 樂，人民熾 chì 盛；其中眾生，具行十善。有轉輪王於中出現，名：毘盧遮那妙寶蓮華髻 jì，於蓮華中忽然化生，三十二相以為嚴好，七寶具足，王 wàng 四天下，恒以正法教導 dǎo 群生。王有千子，端正勇健，能伏怨敵；百萬億那由他宮人、采女，皆悉與王同種善根、同修諸行、同時誕生，端正殊妙猶如天女，身真金色常放光明，諸毛孔中恒出妙香；良臣、猛將，具足十億。王有正妃名：圓滿面，是王女寶，端正殊特，皮膚 fū 金色，目髮紺青，言同梵音，身有天香，常放光明照千由旬。其有一女名：普智焰妙德眼，形體端嚴，色相殊美，眾生見者情無厭足。爾時，眾生壽命無量，或有不定而中天者；種種形色、種種音聲、種種名字、種族姓，愚、智、勇、怯 qiè、貧、富、苦、樂，無量品類皆悉不同。時，或有人語餘人言：『我身端正，汝形鄙陋。』作是語已，遞 dì 相毀辱，集不善業；以是業故，壽命、色力、一切樂事悉皆損減。

「時彼城北有菩提樹名：普光法雲音幢，以念念出現一切

如來道場莊嚴堅固摩尼王而為其根，一切摩尼以為其幹 gàn，眾雜 zá 妙寶以為其葉，次第分布，並 bìng 相稱可，四方上下，圓滿莊嚴；放寶光明，出妙音聲，說一切如來甚深境界。於彼樹前有一香池名：寶華光明，演法雷音；妙寶為岸，百萬億那由他寶樹圍遶，一一樹形如菩提樹，眾寶瓔珞周匝垂下，無量樓閣皆寶所成，周遍道場以為嚴飾。彼香池內出大蓮華名：普現三世一切如來莊嚴境界雲，須彌山微塵數佛於中出現。其第一佛名：普智寶焰妙德幢，於此華上最初得阿耨多羅三藐三菩提，無量千歲 suì 演說正法，成熟眾生。其彼如來未成佛時，十千年前，此大蓮華放淨光明，名：現諸神通成熟眾生；若有眾生遇斯光者，心自開悟，無所不了，知十千年後佛當出現。

「九千年前，放淨光明，名：一切眾生離垢燈；若有眾生遇斯光者，得清淨眼，見一切色，知九千年後佛當出現。

「八千年前，放大光明，名：一切眾生業果音；若有眾生遇斯光者，悉得自知諸業果報，知八千年後佛當出現。

「七千年前，放大光明，名：生一切善根音；若有眾生遇斯光者，一切諸根悉得圓滿，知七千年後佛當出現。

「六千年前，放大光明，名：佛不思議境界音；若有眾生遇斯光者，其心廣大，普得自在，知六千年後佛當出現。

「五千年前，放大光明，名：嚴淨一切佛剎音；若有眾生遇斯光者，悉見一切清淨佛土，知五千年後佛當出現。

「四千年前，放大光明，名：一切如來境界無差別燈；若有眾生遇斯光者，悉能往覲 jìn 一切諸佛，知四千年後佛當出現。

「三千年前，放大光明，名：三世明燈；若有眾生遇斯光者，悉能現見一切如來諸本事海，知三千年後佛當出現。

「二千年前，放大光明，名：如來離翳 yì 智慧燈；若有眾

生遇斯光者，則得普眼見一切如來神變、一切諸佛國土、一切世界眾生，知二千年後佛當出現。

「一千年前，放大光明，名：令一切眾生見佛集諸善根；若有眾生遇斯光者，則得成就見佛三昧，知一千年後佛當出現。次七日前，放大光明，名：一切眾生歡喜音；若有眾生遇斯光者，得普見諸佛生大歡喜，知七日後佛當出現。滿七日已，一切世界悉皆震動，純淨無染，念念普現十方一切清淨佛刹，亦現彼刹種種莊嚴；若有眾生根性淳熟，應見佛者，咸詣道場。

「爾時，彼世界中一切輪圍、一切須彌、一切諸山、一切大海、一切地、一切城、一切垣 yuán 牆、一切宮殿、一切音樂、一切語言，皆出音聲，讚說一切諸佛如來神力境界；又出一切香雲、一切燒香雲、一切末香雲、一切香摩尼形像雲、一切寶焰雲、一切焰藏雲、一切摩尼衣雲、一切瓔珞雲、一切妙華雲、一切如來光明雲、一切如來圓光雲、一切音樂雲、一切如來願聲雲、一切如來言音海雲、一切如來相好雲，顯 xiǎn 示如來出現世間不思議相。善男子！此普照三世一切如來莊嚴境界大寶蓮華王，有十佛刹微塵數蓮華周匝圍遶，諸蓮華內悉有摩尼寶藏師子之座，一一座上皆有菩薩結跏趺坐。

「善男子！彼普智寶焰妙德幢王如來，於此成阿耨多羅三藐三菩提時，即於十方一切世界中成阿耨多羅三藐三菩提；隨眾生心，悉現其前為轉法輪。於一一世界，令無量眾生離惡道苦，令無量眾生得生天中，令無量眾生住於聲聞、辟支佛地，令無量眾生成就出離菩提之行，令無量眾生成就勇猛幢菩提之行，令無量眾生成就法光明菩提之行，令無量眾生成就清淨根菩提之行，令無量眾生成就平等力菩提之行，令無量眾生成就入法城菩提之行，令無量眾生成就遍至一切處不可壞 huài 神通力菩提之行，令無量眾生入普門方便道菩提之行，令無量眾

生安住三昧門菩提之行，令無量眾生成就緣一切清淨境界菩提之行，令無量眾生發菩提心，令無量眾生住菩薩道，令無量眾生安住清淨波羅蜜道，令無量眾生住菩薩初地，令無量眾生住菩薩二地乃至十地，令無量眾生入於菩薩殊勝行願，令無量眾生安住普賢清淨行願。

「善男子！彼普智寶焰妙德幢如來，現如是不思議自在神力轉法輪時，於彼一一諸世界中，隨其所應，念念調伏無量眾生。

「時，普賢菩薩知寶華燈王城中眾生，自恃 shì 色貌及諸境界，而生憍 jiāo 慢陵蔑他人；化現妙身，端正殊特，往詣彼城，放大光明，普照一切，令彼聖王及諸妙寶、日月星宿、眾生身等一切光明悉皆不現，譬如日出眾景奪 duó 曜 yào，亦如聚墨對閻浮金。時，諸眾生咸作是言：『此為是誰？為天？為梵？今放此光，令我等身所有光色皆不顯現。』種種思惟，無能解了。爾時，普賢菩薩在彼輪王寶宮殿上虛空中住，而告之言：『大王當知，今汝國中，有佛興世，在普光明法雲音幢菩提樹下。』

「時，聖王女——蓮華妙眼，見普賢菩薩所現色身光明自在，及聞身上諸莊嚴具所出妙音，心生歡喜，作如是念：『願我所有一切善根，得如是身、如是莊嚴、如是相好、如是威儀、如是自在。今此大聖，能於眾生生死長夜黑闇 àn 之中放大光明，開示如來出興於世；願令於我亦得如是，為諸眾生作智光明，破彼所有無知黑闇 àn。願我所在受生之處，常得不離此善知識。』

「善男子！時轉輪王與其寶女、千子、眷屬、大臣、輔佐、四種兵眾，及其城內無量人民，前後圍遶；以王神力，俱昇虛空，高一由旬，放大光明照四天下，普使一切咸得瞻仰，欲令

眾生俱往見佛，以偈讚曰：

「『如來出世間，普救諸群生，
汝等應速起，往詣 yì 導 dǎo 師所。
無量無數劫，乃有佛興世，
演說深妙法，饒益一切眾。
佛觀諸世間，顛倒常癡惑，
輪迴生死苦，而起大悲心。
無數億千劫，修習菩提行，
為欲度眾生，斯由大悲力。
頭 tóu 目手足等，一切悉能捨，
為求菩提故，如是無量劫。
無量億千劫，導師難可遇；
見聞若承事，一切無空過。
今當共汝等，往觀調御尊，
坐於如來座，降魔成正覺。
瞻仰如來身，放演無量光，
種種微妙色，除滅一切暗。
一一毛孔中，放光不思議，
普照諸群生，咸令大歡喜。
汝等咸應發，廣大精進心，
詣彼如來所，恭敬而供養。』

「爾時，轉輪聖王說偈讚佛，開悟一切眾生已，從輪王善根，出十千種大供養雲，往詣道場，向如來所。所謂：一切寶蓋 gài 雲、一切華帳雲、一切寶衣雲、一切寶鈴網雲、一切香海雲、一切寶座雲、一切寶幢雲、一切宮殿雲、一切妙華雲、一切諸莊嚴具雲，於虛空中周遍嚴飾。到已，頂禮普智寶焰妙德幢王如來足，遶無量百千匝，即於佛前坐普照十方寶蓮華座。

「時，轉輪王女——普智焰妙德眼，即解身上諸莊嚴具，持以散佛。時，莊嚴具於虛空中變成寶蓋 gài，寶網垂下，龍王執持，一切宮殿於中間列；十種寶蓋周匝圍遶，形如樓閣，內外清淨，諸瓔珞雲及諸寶樹、香海摩尼以為莊嚴。於此蓋中，有菩提樹，枝葉榮茂，普覆法界，念念示現無量莊嚴。毘盧遮那如來坐此樹下，有不可說佛剎微塵數菩薩前後圍遶，皆從普賢行願出生，住諸菩薩無差別住，亦見有一切諸世間主，亦見如來自在神力，又見一切諸劫次第世界成壞 huài，又亦見彼一切世界一切諸佛出興 xīng 次第，又亦見彼一切世界——皆有普賢菩薩供養於佛、調伏眾生，又亦見彼一切菩薩莫不皆在普賢身中，亦見自身在其身內，亦見其身在一一切如來前、一切普賢前、一切菩薩前、一切眾生前，又亦見彼一切世界——各有佛剎微塵數世界種種際畔 pàn、種種任持、種種形狀、種種體 tǐ 性、種種安布、種種莊嚴、種種清淨、種種莊嚴雲而覆其上、種種劫名、種種佛興、種種三世、種種方處、種種住法界、種種入法界、種種住虛空、種種如來菩提場、種種如來神通力、種種如來師子座、種種如來大眾海、種種如來眾差別、種種如來巧方便、種種如來轉法輪、種種如來妙音聲、種種如來言說海、種種如來契經雲；既見是已，其心清淨，生大歡喜。

「普智寶焰妙德幢王如來，為說修多羅，名：一切如來轉法輪，十佛剎微塵數修多羅而為眷屬。

「時彼女人聞此經已，則得成就十千三昧門，其心柔軟，無有龜 cū 彊 qiáng，如初受胎，如始誕生，如娑羅樹初始生芽。彼三昧心亦復如是，所謂：現見一切佛三昧、普照一切剎三昧、入一切三世門三昧、說一切佛法輪三昧、知一切佛願海三昧、開悟一切眾生令出生死苦三昧、常願破一切眾生闇 àn 三昧、常願滅一切眾生苦三昧、常願生一切眾生樂三昧、教化一切眾

生不生疲厭三昧、一切菩薩無障礙幢三昧、普詣 yì 一切清淨佛刹三昧……。得如是等十千三昧已，復得妙定心、不動心、歡喜心、安慰心、廣大心、順善知識心、緣甚深一切智心、住廣大方便海心、捨離一切執著心、不住一切世間境界心、入如來境界心、普照一切色海心、無惱害心，無高倨 jù 心、無疲倦心、無退轉心、無懈怠 dài 心、思惟諸法自性心、安住一切法門海心、觀察一切法門海心、了知一切眾生海心、救護一切眾生海心、普照一切世界海心、普生一切佛願海心、悉破一切障山心、積 jī 集福德助道心、現見諸佛十力心、普照菩薩境界心、增長菩薩助道心、遍緣一切方海心。一心思惟普賢大願，發一切如來十佛刹微塵數願海：願嚴淨一切佛國，願調伏一切眾生，願遍知一切法界，願普入一切法界海，願於一切佛刹盡 jìn 未來際劫修菩薩行，願盡未來際劫不捨一切菩薩行，願得親近一切如來，願得承事一切善友，願得供養一切諸佛，願於念念中修菩薩行增一切智無有間斷……。發如是等十佛刹微塵數願海，成就普賢所有大願。時，彼如來復為其女開示演說發心已來所集善根、所修妙行、所得大果，令其開悟成就如來所有願海，一心趣向一切智位。

「善男子！復於此前，過十大劫，有世界名日輪光摩尼，佛號：因陀羅 luó 幢妙相。此妙眼女，於彼如來遺 yí 法之中，普賢菩薩勸 quàn 其修補 bǔ 蓮華座上故壞 huài 佛像；既修補已而復彩畫 huà，既彩畫已復寶莊嚴，發阿耨多羅三藐三菩提心。善男子！我念過去，由普賢菩薩善知識故，種此善根。從是已來，不墮惡趣，常於一切天王、人王種族中生，端正可喜，眾相圓滿，令人樂見，常見於佛，常得親近普賢菩薩；乃至於今，示導 dǎo 開悟，成熟於我，令生歡喜。

「善男子！於意云何？爾時毘盧遮那藏妙寶蓮華髻 jì 轉輪

聖王者，豈 qǐ 異 yì 人乎？今彌勒菩薩是。時王妃圓滿面者，寂靜音海夜神是，今所住處去此不遠 yuǎn。時妙德眼童女者，即我身是。我於彼時，身為童女，普賢菩薩勸 quàn 我修補 bǔ 蓮華座像，以為無上菩提因緣，令我發於阿耨多羅三藐三菩提心。我於彼時，初始發心；次復引導 dǎo，令我得見妙德幢佛，解身瓔珞，散佛供養，見佛神力，聞佛說法，即得菩薩普現一切世間調伏眾生解脫門。於念念中，見須彌山微塵數佛，亦見彼佛道場、眾會、清淨國土；我皆尊重，恭敬供養，聽聞說法，依教修行。

「善男子！過彼毘盧遮那大威德世界圓滿清淨劫已，次有世界，名：寶輪妙莊嚴，劫名：大光，有五百佛於中出現，我皆承事恭敬供養。其最初佛，名：大悲幢；初出家時，我為夜神，恭敬供養。

「次有佛出，名：金剛那羅延幢；我為轉輪王，恭敬供養；其佛為我說修多羅，名：一切佛出現，十佛剎微塵數修多羅以為眷屬。

「次有佛出，名：金剛無礙德；我於彼時為轉輪王，恭敬供養；其佛為我說修多羅，名：普照一切眾生根，須彌山微塵數修多羅而為眷屬；我皆受持。

「次有佛出，名：火焰山妙莊嚴；我於彼時為長者女；其佛為我說修多羅，名：普照三世藏，閻浮提微塵數修多羅而為眷屬；我皆聽聞，如法受持。

「次有佛出，名：一切法海高勝 shèng 王；我為阿脩 xiū 羅王，恭敬供養；其佛為我說修多羅，名：分別一切法界，五百修多羅而為眷屬；我皆聽聞，如法受持。

「次有佛出，名：海嶽 yuè 法光明；我為龍王女，雨如意摩尼寶雲而為供養；其佛為我說修多羅，名：增長歡喜海，百

萬億修多羅而為眷屬；我皆聽聞，如法受持。

「次有佛出，名：寶焰山燈；我為海神，雨寶蓮華雲恭敬供養；其佛為我說修多羅，名：法界方便海光明，佛刹微塵數修多羅而為眷屬；我皆聽聞，如法受持。

「次有佛出，名：功德海光明輪；我於彼時為五通仙，現大神通，六萬諸仙前後圍遶，雨香華雲而為供養；其佛為我說修多羅，名：無著法燈，六萬修多羅而為眷屬；我皆聽聞，如法受持。

「次有佛出，名：毘盧遮那功德藏；我於彼時，為主地神，名：出生平等義 yì，與無量地神俱，雨一切寶樹、一切摩尼藏、一切寶瓔珞雲而為供養；其佛為我說修多羅，名：出生一切如來智藏，無量修多羅而為眷屬；我皆聽聞，受持不忘。

「善男子！如是次第，其最後佛名：充滿虛空法界妙德燈；我為妓女，名曰：美顏，見佛入城，歌舞供養；承佛神力，踊在空中，以千偈頌讚歎 tàn 於佛；佛為於我，放眉間光，名：莊嚴法界大光明，遍觸我身；我蒙光已，即得解脫門，名：法界方便不退藏。

「善男子！此世界中，有如是等佛刹微塵數劫，一切如來於中出現；我皆承事，恭敬供養；彼諸如來所說正法，我皆憶念，乃至不忘一文一句。於彼一一諸如來所，稱揚讚歎一切佛法，為無量眾生廣作利益；於彼一一諸如來所，得一切智光明，現三世法界海，入一切普賢行。

「善男子！我依一切智光明故，於念念中見無量佛；既見佛已，先所未得、先所未見普賢諸行，悉得成滿。何以故？以得一切智光明故。」

爾時，普救眾生夜神，欲重明此解脫義，承佛神力，為善財童子而說頌言：

「善財聽 tīng 我說，甚深難見法，
普照於三世，一切差別門。
如我初發心，專 zhuān 求佛功德，
所入諸解脫，汝今應諦聽。
我念過去世，過剎微塵劫，
次前有一劫，名圓滿清淨。
是時有世界，名為遍照燈，
須彌塵數佛，於中出興世：
初佛名智焰，次佛名法幢，
第三法須彌，第四德師子，
第五寂靜王，第六滅諸見，
第七高名稱，第八大功德，
第九名勝日，第十名月面。
於此十佛所，最初悟法門。
從此後次第，復有十佛出：
初名虛空處，第二名普光，
三名住諸方，四名正念海，
五名高勝光，六名須彌雲，
七名法焰佛，八名山勝佛，
九名大悲華，十名法界華。
此十出現時，第二悟法門。
從此後次第，復有十佛出：
第一光幢佛，第二智慧佛，
第三心義佛，第四德主佛，
第五天慧佛，第六慧王佛，
第七勝智佛，第八光王佛，
第九勇猛佛，第十蓮華佛。

於此十佛所，
從此後次第，
第一寶焰山，
第三法光明，
第五眾生眼，
七須彌功德，
第九摩尼藏，
從此後次第，
初佛廣大智，
第三虛空雲，
第五圓滿戒，
第七須彌德，
第九無勝幢，
從此後次第，
第一娑羅藏，
第三高顯光，
第五地威力，
第七法慧音，
第九勝光明，
從此後次第，
第一梵光明，
第三法界身，
第五智慧幢，
第七微妙德，
第九勝福光，
從此後次第，
第一力光慧，

第三悟法門。
復有十佛出：
第二功德海，
第四蓮華藏，
第六香光寶，
八乾闥婆王，
第十寂靜色。
復有十佛出：
次佛寶光明，
第四殊勝相，
第六那羅延，
第八功德輪，
第十大樹山。
復有十佛出：
第二世主身，
第四金剛照，
第六甚深法，
第八須彌幢，
第十妙寶光。
復有十佛出：
第二虛空音，
第四光明輪，
第六虛空燈，
第八遍照光，
第十大悲雲。
復有十佛出：
第二普現前，

第三高顯 xiǎn 光， 第四光明身，
第五法起佛， 第六寶相佛，
第七速疾風， 第八勇猛幢，
第九妙寶蓋 gài， 第十照三世。
從此後次第， 復有十佛出：
第一願海光， 第二金剛身，
第三須彌德， 第四念幢王，
第五功德慧， 第六智慧燈，
第七光明幢， 第八廣大智，
第九法界智， 第十法海智。
從此後次第， 復有十佛出：
初名布施法， 次名功德輪，
三名勝妙雲， 四名忍智燈，
五名寂靜音， 六名寂靜幢，
七名世間燈， 八名深大願，
九名無勝幢， 十名智焰海。
從此後次第， 復有十佛出：
初佛法自在， 二佛無礙慧，
三名意海慧， 四名眾妙音，
五名自在施， 六名普現前，
七名隨樂身， 八名住勝德，
第九本性佛， 第十賢德佛。
須彌塵數劫， 此中所有佛，
普作世間燈， 我悉曾供養。
佛剎微塵劫， 所有佛出現，
我皆曾供養， 入此解脫門。
我於無量劫， 修行得此道；

汝若能修行，不久亦當得。

「善男子！我唯知此菩薩普現一切世間調伏眾生解脫。如諸菩薩摩訶薩，集無邊行，生種種解，現種種身，具種種根，滿種種願，入種種三昧，起種種神變，能種種觀察法，入種種智慧門，得種種法光明；而我云何能知能說彼功德行？

「善男子！去此不遠有主夜神名：寂靜音海，坐摩尼光幢莊嚴蓮華座，百萬阿僧祇主夜神前後圍遶。汝詣彼問：菩薩云何學菩薩行、修菩薩道？」

時，善財童子頂禮其足，遶無數匝，慇懃瞻仰，辭退而去。

大方廣佛華嚴經卷第七十

大方廣佛華嚴經卷第七十一

于闐國三藏實叉難陀奉 制譯

入法界品第三十九之十二

爾時，善財童子於普救眾生妙德夜神所，聞菩薩普現一切世間調伏眾生解脫門，了知信解，自在安住；而往寂靜音海夜神所，頂禮其足，遶無數匝，於前合掌而作是言：「聖者！我已先發阿耨多羅三藐三菩提心，我欲依善知識，學菩薩行，入菩薩行，修菩薩行，住菩薩行。唯願慈哀，為我宣說：菩薩云何學菩薩行？云何修菩薩道？」

時，彼夜神告善財言：「善哉善哉！善男子！汝能依善知識求菩薩行。善男子！我得菩薩念念出生廣大喜莊嚴解脫門。」

善財言：「大聖！此解脫門為何事業？行何境界？起何方便？作何觀察？」

夜神言：「善男子！我發起清淨平等樂欲心，我發起離一切世間塵 chén 垢清淨堅固莊嚴不可壞 huài 樂欲心，我發起攀緣不退轉位永不退轉心，我發起莊嚴功德寶山不動心，我發起無住處心，我發起普現一切眾生前救護 hù 心，我發起見一切佛海無厭足心，我發起求一切菩薩清淨願力心，我發起住大智光明海心，我發起令一切眾生超過憂 yōu 惱曠野心，我發起令一切眾生捨離愁憂苦惱心，我發起令一切眾生捨離不可意色、聲、香、味、觸、法心，我發起令一切眾生捨離愛別離苦、怨憎會苦心，我發起令一切眾生捨離惡緣、愚癡等苦心，我發起與一切險難眾生作依怙 hù 心，我發起令一切眾生出生死苦處心，我發起令一切眾生捨離生老病死等苦心，我發起令一切眾生成就如來無上法樂心，我發起令一切眾生皆受喜樂心。發是心已，復為說法，令其漸至一切智地。所謂：

「若見眾生樂著所住宮殿、屋宅，我為說法，令其了達
dà諸法自性，離諸執著；

「若見眾生戀 liàn 著父母、兄弟、姊妹，我為說法，令其
得預諸佛菩薩清淨眾會；

「若見眾生戀著妻子，我為說法，令其捨離生死愛染，起
大悲心，於一切眾生平等無二；

「若見眾生住於王宮，采女侍奉，我為說法，令其得與眾
聖集會，入如來教；

「若見眾生染著境界，我為說法，令其得入如來境界；

「若見眾生多瞋恚者，我為說法，令住如來忍波羅蜜；

「若見眾生其心懈怠，我為說法，令得清淨精進波羅蜜；

「若見眾生其心散亂，我為說法，令得如來禪波羅蜜；

「若見眾生入見稠林無明暗障，我為說法，令得出離稠林
黑暗；

「若見眾生無智慧者，我為說法，令得般若波羅蜜；

「若見眾生染著三界，我為說法，令出生死；

「若見眾生志意下劣，我為說法，令其圓滿佛菩提願；

「若見眾生住自利行，我為說法，令其發起利益一切諸眾
生願；

「若見眾生志力微弱，我為說法，令得菩薩力波羅蜜；

「若見眾生愚癡闇 àn 心，我為說法，令得菩薩智波羅蜜；

「若見眾生色相不具，我為說法，令得如來清淨色身；

「若見眾生形容醜 chǒu 陋，我為說法，令得無上清淨法
身；

「若見眾生色相麤 cū 惡，我為說法，令得如來微妙色身；

「若見眾生情多憂 yōu 惱，我為說法，令得如來畢竟安樂；

「若見眾生貧窮所苦，我為說法，令得菩薩功德寶藏；

「若見眾生住止園林，我為說法，令彼勤求佛法因緣；
「若見眾生行於道路，我為說法，令其趣向一切智道；
「若見眾生在聚落中，我為說法，令出三界；
「若見眾生住止人間，我為說法，令其超越二乘之道，住如來地；

「若見眾生居住城廓 kuò，我為說法，令其得住法王城中；
「若見眾生住於四隅 yú，我為說法，令得三世平等智慧；
「若見眾生住於諸方，我為說法，令得智慧見一切法；
「若見眾生貪行多者，我為彼說不淨觀門，令其捨離生死愛染；

「若見眾生瞋行多者，我為彼說大慈觀門，令其得入勤加修習；

「若見眾生癡行多者，我為說法，令得明智觀諸法海；
「若見眾生等分行者，我為說法，令其得入諸乘願海；
「若見眾生樂生死樂，我為說法，令其厭離；
「若見眾生厭生死苦，應為如來所化度者，我為說法，令能方便示現受生；

「若見眾生愛著五蘊，我為說法，令其得住無依境界；
「若見眾生其心下劣，我為顯示勝莊嚴道；
「若見眾生心生憍 jiāo 慢，我為其說平等法忍；
「若見眾生其心諂 chǎn 曲，我為其說菩薩直心。

「善男子！我以此等無量法施攝諸眾生，種種方便教化調伏，令離惡道，受人天樂，脫三界縛 fù，住一切智；我時便得廣大歡喜法光明海，其心怡暢，安隱適悅。

「復次，善男子！我常觀察一切菩薩道場眾會，修種種願行，現種種淨身，有種種常光，放種種光明；以種種方便，入一切智門，入種種三昧，現種種神變，出種種音聲海，具種種

莊嚴身，入種種如來門，詣 yì 種種國土海，見種種諸佛海，得種種辯才海，照種種解脫境，得種種智光海，入種種三昧海，遊戲種種諸解脫門，以種種門趣一切智，種種莊嚴虛空法界，以種種莊嚴雲遍覆虛空，觀察種種道場眾會，集種種世界，入種種佛刹，詣種種方海，受種種如來命，從種種如來所，與種種菩薩俱，雨種種莊嚴雲，入如來種種方便，觀如來種種法海，入種種智慧海，坐種種莊嚴座。善男子！我觀察此道場眾會，知佛神力無量無邊，生大歡喜。

「善男子！我觀毘盧遮那如來，念念出現不可思議清淨色身；既見是已，生大歡喜。

「又觀如來於念念中，放大光明充滿法界；既見是已，生大歡喜。

「又見如來一一毛孔，念念出現無量佛刹微塵數光明海，一一光明以無量佛刹微塵數光明而為眷屬，一周遍一切法界，消滅一切諸眾生苦；既見是已，生大歡喜。

「又，善男子！我觀如來頂及兩肩，念念出現一切佛刹微塵數寶焰山雲，充滿十方一切法界；既見是已，生大歡喜。

「又，善男子！我觀如來一一毛孔，於念念中，出一切佛刹微塵數香光明雲，充滿十方一切佛刹；既見是已，生大歡喜。

「又，善男子！我觀如來一一相，念念出一切佛刹微塵數諸相莊嚴如來身雲，遍往十方一切世界；既見是已，生大歡喜。

「又，善男子！我觀如來一一毛孔，於念念中，出不可說佛刹微塵數佛變化雲，示現如來從初發心、修波羅蜜、具莊嚴道、入菩薩地；既見是已，生大歡喜。

「又，善男子！我觀如來一一毛孔，念念出現不可說不可說佛刹微塵數天王身雲，及以天王自在神變，充遍一切十方法界，應以天王身而得度者，即現其前而為說法；既見是已，生

大歡喜。如天王身雲，其龍王、夜叉王、乾闥婆王、阿脩羅王、迦樓羅王、緊那羅王、摩睺羅伽王、人王、梵王身雲，莫不皆於一一毛孔，如是出現，如是說法；我見是已，於念念中，生大歡喜，生大信樂，量與法界薩婆若等。昔所未得而今始得，昔所未證 zhèng 而今始證，昔所未入而今始入，昔所未滿而今始滿，昔所未見而今始見，昔所未聞而今始聞。何以故？以能了知法界相故，知一切法唯一相故，能平等入三世道故，能說一切無邊法故。

「善男子！我入此菩薩念念出生廣大喜莊嚴解脫光明海。又，善男子！此解脫無邊 biān，普入一切法界門故；

「此解脫無盡 jìn，等發一切智性心故；

「此解脫無際 jì，入無際畔 pàn 一切眾生心想中故；

「此解脫甚深，寂靜智慧所知境故；

「此解脫廣大，周遍一切如來境故；

「此解脫無壞 huài，菩薩智眼之所知故；

「此解脫無底，盡於法界之源底故。

「此解脫者即是普門，於一事中普見一切諸神變故；

「此解脫者終不可取，一切法身等無二故；

「此解脫者終無有生，以能了知如幻法故；

「此解脫者猶如影像，一切智願光所生故；

「此解脫者猶如變化，化生菩薩諸勝行故；

「此解脫者猶如大地，為一切眾生所依處故；

「此解脫者猶如大水，能以大悲潤一切故；

「此解脫者猶如大火，乾 gān 竭眾生貪愛水故；

「此解脫者猶如大風，令諸眾生速疾趣於一切智故；

「此解脫者猶如大海，種種功德莊嚴一切諸眾生故；

「此解脫者如須彌山，出一切智法寶海故；

「此解脫者如大城廓 kuò，一切妙法所莊嚴故；
「此解脫者猶如虛空，普容三世佛神力故；
「此解脫者猶如大雲，普為眾生雨法雨故；
「此解脫者猶如淨日，能破眾生無知暗故；
「此解脫者猶如滿月，滿足廣大福德海故；
「此解脫者猶如真如，悉能周遍一切處故；
「此解脫者猶如自影，從自善業所化出故；
「此解脫者猶如呼響 xiǎng，隨其所應為說法故；
「此解脫者猶如影像，隨眾生心而照現故；
「此解脫者如大樹王，開敷 fū一切神通華故；
「此解脫者猶如金剛，從本已來不可壞 huài 故；
「此解脫者如如意珠，出生無量自在力故；
「此解脫者如離垢藏，摩尼寶王示現一切三世如來諸神力故；

「此解脫者如喜幢摩尼寶，能平等出一切諸佛法輪聲故。

「善男子！我今為汝說此譬諭，汝應思惟，隨順悟入。」

爾時，善財童子白寂靜音海夜神言：「大聖！云何修行，得此解脫？」

夜神言：「善男子！菩薩修行十大法藏，得此解脫。何等為十？一修布施廣大法藏，隨眾生心悉令滿足；二修淨戒廣大法藏，普入一切佛功德海；三修堪忍廣大法藏，能遍思惟一切法性；四修精進廣大法藏，趣一切智恒不退轉；五修禪定廣大法藏，能滅一切眾生熱惱；六修般若廣大法藏，能遍了知一切法海；七修方便廣大法藏，能遍成熟諸眾生海；八修諸願廣大法藏，遍一切佛刹、一切諸眾生海，盡 jìn 未來劫修菩薩行；九修諸力廣大法藏，念念現於一切法界海、一切佛國土，成等正覺常不休息；十修淨智廣大法藏，得如來智，遍知三世一切

諸法無有障礙ài。善男子！若諸菩薩安住如是十大法藏，則能獲 huò 得如是解脫，清淨增長，積 jī 集堅固，安住圓滿。」

善財童子言：「聖者！汝發阿耨多羅三藐三菩提心，其已久如？」

夜神言：「善男子！此華藏莊嚴世界海東，過十世界海，有世界海，名：一切淨光寶；此世界海中，有世界種，名：一切如來願光明音；中有世界，名：清淨光金莊嚴，一切香金剛摩尼王為體 tǐ，形如樓閣，眾妙寶雲以為其際，住於一切寶瓔珞海，妙宮殿雲而覆其上，淨穢 huì 相雜 zá。此世界中，乃往古世，有劫名普光幢，國名普滿妙藏，道場名：一切寶藏妙月光明，有佛名：不退轉法界音，於此成阿耨多羅三藐三菩提；我於爾時，作菩提樹神，名：具足福德燈光明幢，守護道場；我見彼佛成正覺、示現神力、發阿耨多羅三藐三菩提心，即於此時，獲得三昧，名：普照如來功德海。

「此道場中，次有如來出興 xīng 於世，名：法樹威德山；我時命終，還生此中，為道場主夜神，名：殊妙福智光，見彼如來轉正法輪、現大神通，即得三昧，名：普照一切離貪境界。

「次有如來出興於世，名：一切法海音聲王；我於彼時，身為夜神，因得見佛承事供養，即獲三昧，名：生長一切善法地。

「次有如來出興於世，名：寶光明燈幢王；我於彼時，身為夜神，因得見佛承事供養，即獲三昧，名：普現神通光明雲。

「次有如來，出興於世，名：功德須彌光；我於彼時，身為夜神，因得見佛承事供養，即獲三昧，名：普照諸佛海。

「次有如來出興於世，名：法雲音聲王；我於彼時，身為夜神，因得見佛承事供養，即獲三昧，名：一切法海燈。

「次有如來出興於世，名：智燈照耀王；我於彼時，身為

夜神，因得見佛承事供養，即獲三昧，名：滅一切眾生苦清淨光明燈。

「次有如來出興於世，名：法勇妙德幢；我於彼時，身為夜神，因得見佛承事供養，即獲三昧，名：三世如來光明藏。

「次有如來出興於世，名：師子勇猛法智燈；我於彼時，身為夜神，因得見佛承事供養，即獲三昧，名：一切世間無障礙智慧輪。

「次有如來出興於世，名：智力山王；我於彼時，身為夜神，因得見佛承事供養，即獲三昧，名：普照三世眾生諸根行。

「善男子！清淨光金莊嚴世界普光明幢劫中，有如是等佛剎微塵數如來出興於世。我於彼時，或為天王，或為龍王，或為夜叉王，或為乾闥婆王，或為阿脩羅王，或為迦樓羅王，或為緊那羅王，或為摩睺羅伽王，或為人王，或為梵王，或為天身，或為人身，或為男子身，或為女人身，或為童男身，或為童女身，悉以種種諸供養具，供養於彼一切如來，亦聞其佛所說諸法。從此命終，還即於此世界中生，經佛剎微塵數劫修菩薩行；然後命終，生此華藏莊嚴世界海娑婆世界，值迦羅鳩 jū 孫馱 tuó 如來，承事供養，得三昧名：離一切塵垢光明。次值拘那含牟尼如來，承事供養，得三昧，名：普現一切諸剎海。次值迦葉如來，承事供養，得三昧，名：演一切眾生言音海。次值毘盧遮那如來，於此道場成正等覺，念念示現大神通力；我時得見，即獲此念念出生廣大喜莊嚴解脫。得此解脫已，能入十不可說不可說佛剎微塵 chén 數法界安立海，見彼一切法界安立海一切佛剎所有微塵，一一塵中有十不可說不可說佛剎微塵數佛國土。一一佛土皆有毘盧遮那如來坐於道場，於念念中，成正等覺，現諸神變；所現神變，一一皆遍一切法界海。亦見自身在彼一切諸如來所，又亦聞其所說妙法；又亦見彼一

切諸佛一一毛孔，出變化海，現神通力，於一切法界海、一切世界海、一切世界種、一切世界中，隨眾生心，轉正法輪。我得速疾陀羅尼力，受持思惟一切文義；以明了智，普入一切清淨法藏；以自在智，普遊一切甚深法海；以周遍智，普知三世諸廣大義；以平等智，普達諸佛無差別法。如是悟解一切法門；一一法門中，悟解一切修多羅雲；一一修多羅雲中，悟解一切法海；一一法海中，悟解一切法品；一一法品中，悟解一切法雲；一一法雲中，悟解一切法流；一一法流中，出生一切大喜海；一一大喜海，出生一切地；一一地，出生一切三昧海；一一三昧海，得一切見佛海；一一見佛海，得一切智光海；一一智光海，普照三世，遍入十方。

「知無量如來往昔諸行海；知無量如來所有本事海；知無量如來難 nán 捨能施海；知無量如來清淨戒輪海；知無量如來清淨堪忍海；知無量如來廣大精進海；知無量如來甚深禪定海；知無量如來般若波羅蜜海；知無量如來方便波羅蜜海；知無量如來願波羅蜜海；知無量如來力波羅蜜海；知無量如來智波羅蜜海；知無量如來往昔超菩薩地；知無量如來往昔住菩薩地無量劫海，現神通力；知無量如來往昔入菩薩地；知無量如來往昔修菩薩地；知無量如來往昔治菩薩地；知無量如來往昔觀菩薩地；知無量如來昔為菩薩時，常見諸佛；知無量如來昔為菩薩時，盡 jìn 見佛海、劫海同住；知無量如來昔為菩薩時，以無量身遍生剎海；知無量如來昔為菩薩時，周遍法界修廣大行；知無量如來昔為菩薩時，示現種種諸方便門，調伏成熟一切眾生；知無量如來放大光明，普照十方一切剎海；知無量如來現大神力，普現一切諸眾生前；知無量如來廣大智地；知無量如來轉正法輪；知無量如來示現相海；知無量如來示現身海；知無量如來廣大力海。彼諸如來，從初發心，乃至法滅；我於念

念，悉得知見。

「善男子！汝問我言：『汝發心來，其已久如？』善男子！我於往昔，過二佛剎微塵數劫，如上所說，於清淨光金莊嚴世界中，為菩提樹神，聞不退轉法界音如來說法，發阿耨多羅三藐三菩提心；於二佛剎微塵數劫中修菩薩行，然後乃生此娑婆世界賢劫之中。從迦羅鳩 jiū 孫馱 tuó 佛至釋迦牟尼佛，及此劫中未來所有一切諸佛，我皆如是親近供養。如於此世界賢劫之中，供養未來一切諸佛；一切世界一切劫中，所有未來一切諸佛，悉亦如是親近供養。善男子！彼清淨光金莊嚴世界，今猶現在，諸佛出現相續不斷。汝當一心修此菩薩大勇猛門。」

爾時，寂靜音海主夜神，欲重宣此解脫義，為善財童子而說頌言：

「善財聽 tīng 我說，清淨解脫門，
聞已生歡喜， 勤修令究竟。
我昔於劫海， 生大信樂心，
清淨如虛空， 常觀一切智。
我於三世佛， 皆生信樂心；
并及其眾會， 悉願常親近。
我昔曾見佛， 為眾生供養，
得聞清淨法， 其心大歡喜。
常尊重父母， 恭敬而供養；
如是無休懈， 入此解脫門。
老病貧窮人， 諸根不具足；
一切皆慙 mǐn 濟 jì，令其得安隱。
水火及王賊， 海中諸恐怖；
我昔修諸行， 為救彼眾生。
煩惱恒熾 chì 然，業 yè 障所纏覆，

墮於諸險道， 我救彼眾生。
一切諸惡趣， 無量楚毒苦，
生老病死等， 我當悉除滅。
願盡未來劫， 普為諸群生，
滅除生死苦， 得佛究竟樂。

「善男子！我唯知此念念生廣大喜莊嚴解脫。如諸菩薩摩訶薩，深入一切法界海，悉知一切諸劫數，普見一切剎 chà 成壞 huài；而我云何能知能說彼功德行？

「善男子！此菩提場如來會中，有主夜神名：守護 hù 一切城增長威力。汝詣彼問：菩薩云何學菩薩行、修菩薩道？」

爾時，善財童子一心觀察寂靜音海主夜神身，而說頌言：

「我因善友教， 來詣天神所，
見神處寶座， 身量無有邊。
非是著色相， 計有於諸法，
劣智淺識人， 能知尊境界。
世間天及人， 無量劫觀察，
亦不能測度， 色相無邊故。
遠離於五蘊， 亦不住於處，
永斷世間疑， 顯 xiǎn 現自在力。
不取內外法， 無動無所礙 ài，
清淨智慧眼， 見佛神通力。
身為正法藏， 心是無礙智，
既得智光照， 復照諸群生。
心集無邊業 yè， 莊嚴諸世間，
了世皆是心， 現身等眾生。
知世悉如夢， 一切佛如影，
諸法皆如響 xiǎng， 令眾無所著。

為三世眾生， 念念示現身，
而心無所住， 十方遍說法。
無邊諸刹海， 佛海眾生海，
悉在一塵 chén 中，此尊解脫力。」

時，善財童子說此偈已，頂禮其足，遶無量匝，慇懃瞻仰，辭退而去。

爾時，善財童子隨順寂靜音海夜神教，思惟觀察所說法門，一一文句皆無忘失，於無量深心、無量法性、一切方便神通智慧，憶念思擇 zé，相續不斷；其心廣大，證入安住。行詣 yì 守護一切城夜神所，見彼夜神坐一切寶光明摩尼王師子之座，無數夜神所共圍遶，現一切眾生色相身，現普對一切眾生身，現不染一切世間身，現一切眾生身數身，現超過一切世間身，現成熟一切眾生身，現速往一切十方身，現遍攝一切十方身，現究竟如來體 tǐ 性身，現究竟調伏眾生身。

善財見已，歡喜踊躍，頂禮其足，遶無量匝，於前合掌而作是言：「聖者！我已先發阿耨多羅三藐三菩提心，而未知菩薩修菩薩行時，云何饒 ráo 益眾生？云何以無上攝 shè 而攝眾生？云何順諸佛教？云何近法王位？唯願慈哀，為我宣說！」

時，彼夜神告善財言：「善男子！汝為救護一切眾生故，汝為嚴淨一切佛刹故，汝為供養一切如來故，汝欲住一切劫救眾生故，汝欲守護一切佛種性故，汝欲普入十方修諸行故，汝欲普入一切法門海故，汝欲以平等心遍一切故，汝欲普受一切佛法輪故，汝欲普隨一切眾生心之所樂雨法雨故，問諸菩薩所修行門。

「善男子！我得菩薩甚深自在妙音解脫，為大法師，無所罣 guà 礙 ài，善能開示諸佛法藏故；具大誓願、大慈悲力，令

一切眾生住菩提心故；能作一切利眾生事，積 jī 集善根無有休息故；為一切眾生調御之師，令一切眾生住薩婆若道故；為一切世間清淨法日，普照世間，令生善根故；於一切世間其心平等，普令眾生增長善法故；於諸境界其心清淨，除滅一切諸不善業故；誓願利益一切眾生，身恒普現一切國土故；示現一切本事因緣，令諸眾生安住善行故；恒事一切諸善知識，為令眾生安住佛教故。佛子！我以此等法施眾生，令生白法，求一切智，其心堅固猶如金剛那羅延藏，善能觀察佛力、魔力，常得親近諸善知識，摧破一切業 yè 惑障山，集一切智助道之法，心恒不捨一切智地。

「善男子！我以如是淨法光明饒益一切眾生，集善根助道法時，作十種觀察法界。何者為十？所謂：我知法界無量，獲 huò 得廣大智光明故；我知法界無邊，見一切佛所知見故；我知法界無限，普入一切諸佛國土，恭敬供養諸如來故；我知法界無畔 pàn，普於一切法界海中，示現修行菩薩行故；我知法界無斷，入於如來不斷智故；我知法界一性，如來一音，一切眾生無不了故；我知法界性淨，了如來願普度一切諸眾生故；我知法界遍眾生，普賢妙行悉周遍故；我知法界一莊嚴，普賢妙行善莊嚴故；我知法界不可壞 huài，一切智善根充滿法界不可壞故。善男子！我作此十種觀察法界，集諸善根辦 bàn 助道法，了知諸佛廣大威德，深入如來難思境界。

「又，善男子！我如是正念思惟，得如來十種大威德陀羅尼輪。何者為十？所謂：普入一切法陀羅尼輪、普持一切法陀羅尼輪、普說一切法陀羅尼輪、普念十方一切佛陀羅尼輪、普說一切佛名號陀羅尼輪、普入三世諸佛願海陀羅尼輪、普入一切諸乘海陀羅尼輪、普入一切眾生業海陀羅尼輪、疾轉一切業陀羅尼輪、疾生一切智陀羅尼輪。善男子！此十陀羅尼輪，以

十千陀羅尼輪而為眷屬，恒為眾生演說妙法。善男子！我或為眾生說聞慧法，或為眾生說思慧法，或為眾生說修慧法，或為眾生說一有法，或為眾生說一切有法，或為說一如來名海法，或為說一切如來名海法，或為說一世界海法，或為說一切世界海法，或為說一佛授記海法，或為說一切佛授記海法，或為說一如來眾會道場海法，或為說一切如來眾會道場海法，或為說一如來法輪海法，或為說一切如來法輪海法，或為說一如來修多羅法，或為說一切如來修多羅法，或為說一如來集會法，或為說一切如來集會法，或為說一薩婆若心海法，或為說一切薩婆若心海法，或為說一乘出離法，或為說一切乘出離法。善男子！我以如是等不可說法門，為眾生說。

「善男子！我入如來無差別法界門海，說無上法，普攝眾生，盡 jīn 未來劫，住普賢行。善男子！我成就此甚深自在妙音解脫，於念念中增長一切諸解脫門，念念充滿一切法界。」

時，善財童子白夜神言：「奇哉！天神！此解脫門如是希有！聖者證得，其已久如？」

夜神言：「善男子！乃往古世，過世界轉微塵數劫，有劫名：離垢光明，有世界名：法界功德雲，以現一切眾生業摩尼王海為體 tǐ，形如蓮華，住四天下微塵數香摩尼須彌山網中，以出一切如來本願音蓮華而為莊嚴，須彌山微塵數蓮華而為眷屬，須彌山微塵數香摩尼以為間錯，有須彌山微塵數四天下，一一四天下有百千億那由他不可說不可說城。善男子！彼世界中，有四天下，名為：妙幢；中有王都，名：普寶華光；去此不遠有菩提場，名：普顯現法王宮殿。須彌山微塵數如來於中出現，其最初佛名：法海雷音光明王。彼佛出時，有轉輪王名：清淨日光明面，於其佛所，受持一切法海旋修多羅。佛涅槃後，其王出家，護持正法。法欲滅時，有千部異眾千種說法。近於

末劫，業惑障重；諸惡比丘多有鬪 dòu 諍，樂著境界，不求功德，樂說王論、賊論、女論、國論、海論，及以一切世間之論。

「時，王比丘而語之言：『奇哉！苦哉！佛於無量諸大劫海集此法炬，云何汝等而共毀滅？』作是說已，上昇虛空，高七多羅樹，身出無量諸色焰雲，放種種色大光明網，令無量眾生除煩惱熱，令無量眾生發菩提心。以是因緣，彼如來教，復於六萬五千歲 suì 中而得興 xīng 盛。

「時，有比丘尼名：法輪化光，是此王女，百千比丘尼而為眷屬，聞父王語及見神力，發菩提心永不退轉，得三昧，名：一切佛教燈，又得此甚深自在妙音解脫；得已，身心柔軟，即得現見法海雷音光明王如來一切神力。

「善男子！於汝意云何？彼時轉輪聖王隨於如來轉正法輪，佛涅槃後興隆末法者，豈異人乎？今普賢菩薩是。其法輪化光比丘尼，即我身是。我於彼時，守護佛法，令十萬比丘尼於阿耨多羅三藐三菩提得不退轉，又令得現見一切佛三昧，又令得一切佛法輪金剛光明陀羅尼，又令得普入一切法門海般若波羅蜜。

「次有佛興 xīng，名：離垢法光明；次有佛興，名：法輪光明髻 jì；次有佛興，名：法日功德雲；次有佛興，名：法海妙音王；次有佛興，名：法日智慧燈；次有佛興，名：法華幢雲；次有佛興，名：法焰山幢王；次有佛興，名：甚深法功德月；次有佛興，名：法智普光藏；次有佛興，名：開示普智藏；次有佛興，名：功德藏山王；次有佛興，名：普門須彌賢；次有佛興，名：一切法精進幢；次有佛興，名：法寶華功德雲；次有佛興，名：寂靜光明髻；次有佛興，名：法光明慈悲月；次有佛興，名：功德焰海；次有佛興，名：智日普光明；次有佛興，名：普賢圓滿智；次有佛興，名：神通智光王；次有佛

興，名：福德華光燈；次有佛興，名：智師子幢王；次有佛興，名：日光普照王；次有佛興，名：須彌寶莊嚴相；次有佛興，名：日光普照；次有佛興，名：法王功德月；次有佛興，名：開敷 fū 蓮華妙音雲；次有佛興，名：日光明相；次有佛興，名：普光明妙法音；次有佛興，名：師子金剛那羅 luó 延無畏；次有佛興，名：普智勇猛幢；次有佛興，名：普開法蓮華身；次有佛興，名：功德妙華海；次有佛興，名：道場功德月；次有佛興，名：法炬熾 chì 然月；次有佛興，名：普光明髻；次有佛興，名：法幢燈；次有佛興，名：金剛海幢雲；次有佛興，名：名稱山功德雲；次有佛興，名：栴檀妙月；次有佛興，名：普妙光明華；次有佛興，名：照一切眾生光明王；次有佛興，名：功德蓮華藏；次有佛興，名：香焰光明王；次有佛興，名：波頭 tóu 摩華因；次有佛興，名：眾相山普光明；次有佛興，名：普名稱幢；次有佛興，名：須彌普門光；次有佛興，名：功德法城光；次有佛興，名：大樹山光明；次有佛興，名：普德光明幢；次有佛興，名：功德吉祥相；次有佛興，名：勇猛法力幢；次有佛興，名：法輪光明音；次有佛興，名：功德山智慧光；次有佛興，名：無上妙法月；次有佛興，名：法蓮華淨光幢；次有佛興，名：寶蓮華光明藏；次有佛興，名：光焰雲山燈；次有佛興，名：普覺華；次有佛興，名：種種功德焰須彌藏；次有佛興，名：圓滿光山王；次有佛興，名：福德雲莊嚴；次有佛興，名：法山雲幢；次有佛興，名：功德山光明；次有佛興，名：法日雲燈王；次有佛興，名：法雲名稱王；次有佛興，名：法輪雲；次有佛興，名：開悟菩提智光幢；次有佛興，名：普照法輪月；次有佛興，名：寶山威德賢；次有佛興，名：賢德廣大光；次有佛興，名：普智雲；次有佛興，名：法力功德山；次有佛興，名：功德香焰王；次有佛興，名：金

色摩尼山妙音聲；次有佛興，名：頂髻 jì 出一切法光明雲；次有佛興，名：法輪熾 chì 盛光；次有佛興，名：無上功德山；次有佛興，名：精進炬光明雲；次有佛興，名：三昧印廣大光明冠；次有佛興，名：寶光明功德王；次有佛興，名：法炬寶蓋 gài 音；次有佛興，名：普照虛空界無畏法光明；次有佛興，名：月相莊嚴幢；次有佛興，名：光明焰山雲；次有佛興，名：照無障礙法虛空；次有佛興，名：開顯 xiǎn 智光身；次有佛興，名：世主德光明音；次有佛興，名：一切法三昧光明音；次有佛興，名：法音功德藏；次有佛興，名：熾 chì 然焰法海雲；次有佛興，名：普照三世相大光明；次有佛興，名：普照法輪山；次有佛興，名：法界師子光；次有佛興，名：須彌華光明；次有佛興，名：一切三昧海師子焰；次有佛興名：普智光明燈。

「善男子！如是等須彌山微塵數如來，其最後佛，名：法界城智慧燈，並 bìng 於離垢光明劫中，出興于世。我皆尊重，親近供養，聽 tīng 聞受持所說妙法；亦於彼一切諸如來所，出家學道，護持法教，入此菩薩甚深自在妙音解脫，種種方便教化成熟無量眾生。從是已來，於佛剎微塵數劫，所有諸佛出興於世；我皆供養，修行其法。善男子！我從是來，於生死夜無明昏寐 mèi 諸眾生中而獨覺悟；令諸眾生，守護心城，捨三界城，住一切智無上法城。

「善男子！我唯知此甚深自在妙音解脫，令諸世間離戲 xì 論語，不作二語，常真實語，恒清淨語。如諸菩薩摩訶薩，能知一切語言自性，於念念中自在開悟一切眾生，入一切眾生言音海，於一切言辭 cí 悉皆辨了，明見一切諸法門海，於普攝一切法陀羅尼已得自在，隨諸眾生心之所疑而為說法，究竟調伏一切眾生，能普攝受一切眾生，巧修菩薩諸無上業，深入菩薩諸微細智，能善觀察諸菩薩藏，能自在說諸菩薩法。何以故？

已得成就一切法輪陀羅尼故。而我云何能知能說彼功德行？

「善男子！此佛會中，有主夜神名：開敷 fū 一切樹華。汝詣彼問：菩薩云何學一切智？云何安立一切眾生住一切智？」

爾時，守護一切城主夜神，欲重宣此解脫義，為善財童子而說頌言：

「菩薩解脫深難見，	虛空如如平等相，
普見無邊法界內，	一切三世諸如來。
出生無量勝功德，	證入難思真法性，
增長一切自在智，	開通三世解脫道。
過於剎轉微塵劫，	爾時有劫名淨光，
世界名為法焰雲，	其城號曰寶華光。
其中諸佛興於世，	量與須彌塵數等；
有佛名為法海音，	於此劫中先出現；
乃至其中最後佛，	名為法界焰燈王；
如是一切諸如來，	我皆供養聽受法。
我見法海雷音佛，	其身普作真金色，
諸相莊嚴如寶山，	發心願得成如來。
我暫見彼如來身，	即發菩提廣大心，
誓願勤求一切智，	性與法界虛空等。
由斯普見三世佛，	及以一切菩薩眾；
亦見國土眾生海，	而普攀緣起大悲。
隨諸眾生心所樂，	示現種種無量身，
普遍十方諸國土，	動地舒光悟含識 shí。
見第二佛而親近，	亦見十方剎海佛，
乃至最後佛出興，	如是須彌塵數等。
於諸剎轉微塵劫，	所有如來照世燈；
我皆親近而瞻 zhān 奉，	令此解脫得清淨。」

爾時，善財童子得入此菩薩甚深自在妙音解脫故，入無邊三昧海，入廣大總 zǒng 持海，得菩薩大神通，獲 huò 菩薩大辯才；心大歡喜，觀察守護一切城主夜神，以偈讚曰：

「已行廣大妙慧海， 已度無邊諸有海，
長壽無患智藏身， 威德光明住此眾。
了達 dá 法性如虛空， 普入三世皆無礙 ài；
念念攀緣一切境， 心心永斷諸分別。
了達眾生無有性， 而於眾生起大悲；
深入如來解脫門， 廣度群迷無量眾。
觀察思惟一切法， 了知證入諸法性；
如是修行佛智慧， 普化眾生令解脫。
天是眾生調御師， 開示如來智慧道，
普為法界諸含識 shí， 說離世間眾怖行。
已住如來諸願道， 已受菩提廣大教，
已修一切遍行力， 已見十方佛自在。
天神心淨如虛空， 普離一切諸煩惱，
了知三世無量剎， 諸佛菩薩及眾生。
天神一念悉了知， 晝 zhòu 夜日月年劫海；
亦知一切眾生類， 種種名相各差別。
十方眾生生死處， 有色無色想無想，
隨順世俗悉了知， 引導 dǎo 使入菩提路。
已生如來誓願家， 已入諸佛功德海，
法身清淨心無礙 ài， 隨眾生樂現眾色。」

時，善財童子說此頌已，禮夜神足，遶無量匝，慇懃瞻仰，辭退而去。

大方廣佛華嚴經卷第七十一

大方廣佛華嚴經卷第七十二

于闐國三藏實叉難陀奉 制譯

入法界品第三十九之十三

爾時，善財童子入菩薩甚深自在妙音解脫門，修行增進。往詣開敷 fū 一切樹華夜神所，見其身於眾寶香樹樓閣之內妙寶所成師子座上，百萬夜神所共圍遶。時，善財童子頂禮其足，於前合掌而作是言：「聖者！我已先發阿耨多羅三藐三菩提心，而未知菩薩云何學菩薩行？云何得一切智？唯願垂慈，為我宣說！」

夜神言：「善男子！我於此娑婆世界，日光已沒 mò，蓮華覆合，諸人眾等罷 bà 遊觀時，見其一切若山、若水、若城、若野，如是等處種種眾生，咸悉發心欲還 huán 所住；我皆密護 hù，令得正道，達 dá 其處所，宿 sù 夜安樂。善男子！若有眾生，盛 shèng 年好色，憍 jiāo 慢放逸，五欲自恣 zì。我為示現老、病、死相，令生恐怖，捨離諸惡。復為稱歎種種善根，使其修習：

「為慳吝者，讚歎布施；為破戒者，稱揚淨戒；

「有瞋恚者，教住大慈；懷惱害者，令行忍辱；

「若懈怠者，令起精進；若散亂者，令修禪定；

「住惡慧者，令學般若；樂小乘者，令住大乘；

「樂著三界諸趣中者，令住菩薩願波羅蜜；

「若有眾生，福智微劣，為諸結業之所逼迫多留礙者，令住菩薩力波羅蜜；

「若有眾生，其心闇昧，無有智慧，令住菩薩智波羅蜜。

「善男子！我已成就菩薩出生廣大喜光明解脫門。」

善財言：「大聖！此解脫門境界云何？」

夜神言：「善男子！入此解脫，能知如來普攝 shè 眾生巧方便智。云何普攝？善男子！一切眾生所受諸樂，皆是如來威德力故，順如來教故，行如來語故，學如來行故，得如來所護 hù 力故，修如來所印道故，種如來所行善故，依如來所說法故，如來智慧日光之所照故，如來性淨業力之所攝故。云何知然？善男子！我入此出生廣大喜光明解脫，憶念毘盧遮那如來、應、正等覺往昔所修菩薩行海，悉皆明見。

「善男子！世尊往昔為菩薩時，見一切眾生，著我、我所，住無明闇 àn 室，入諸見稠林，為貪愛所縛 fù、忿怒所壞 huài、愚癡所亂 luàn、慳嫉所纏，生死輪迴，貧窮困苦，不得值遇諸佛菩薩。見如是已，起大悲心利益眾生。所謂：起願得一切妙寶資具攝眾生心；願一切眾生，皆悉具足資生之物無所乏心，於一切眾事離執著心，於一切境界無貪染心，於一切所有無慳吝 lìn 心，於一切果報無希望心，於一切榮好無羨慕心，於一切因緣無迷惑心；起觀察真實法性心；起救護一切眾生心；起深入一切法漩渦 fú 心；起於一切眾生住平等大慈心；起於一切眾生行方便大悲心；起為大法蓋 gài 普覆眾生心；起以大智金剛杵 chǔ 破一切眾生煩惱障山心；起令一切眾生增長喜樂心；起願一切眾生究竟安樂心；起隨眾生所欲雨一切財寶心；起以平等方便成熟一切眾生心；起令一切眾生滿足聖財心；起願一切眾生究竟皆得十力智果心。起如是心已，得菩薩力，現大神變 biàn；遍法界、虛空界，於一切眾生前普雨一切資生之物，隨其所欲悉滿其意皆令歡喜，不悔不吝 lìn，無間無斷。以是方便，普攝眾生，教化成熟，皆令得出生死苦難，不求其報 bào；淨治一切眾生心寶，令其生起一切諸佛同一善根，增一切智福德大海。菩薩如是念念成熟一切眾生，念念嚴淨一切佛刹，念念普入一切法界，念念悉皆遍虛空界，念念普入一切三世，念

念成就調伏一切諸眾生智，念念恒轉一切法輪，念念恒以一切智道利益眾生，念念普於一切世界種種差別諸眾生前盡 jìn 未來劫現一切佛成等正覺，念念普於一切世界、一切諸劫修菩薩行不生二想。所謂：普入一切廣大世界海一切世界種中，種種際畔諸世界，種種莊嚴諸世界，種種體性諸世界，種種形狀諸世界，種種分布諸世界，或有世界穢 huì而兼淨，或有世界淨而兼穢，或有世界一向雜 zá穢，或有世界一向清淨，或小或大，或龐 cū或細，或正或側，或覆或仰；如是一切諸世界中，念念修行諸菩薩行，入菩薩位，現菩薩力，亦現三世一切佛身，隨眾生心普使知見。

「善男子！毘盧遮那如來於過去世，如是修行菩薩行時，見諸眾生——不修功德，無有智慧，著我、我所，無明翳 yì障，不正思惟，入諸邪見，不識因果，順煩惱業，墮於生死險難深坑，具受種種無量諸苦。——起大悲心，具修一切波羅蜜行，為諸眾生稱揚讚歎 tàn 堅固善根，令其安住遠離生死、貧窮之苦，勤修福智助道之法；為說種種諸因果門，為說業報不相違 wéi 反，為說於法證入之處，為說一切眾生欲解，及說一切受生國土，令其不斷一切佛種，令其守護一切佛教，令其捨離一切諸惡；又為稱讚趣一切智助道之法，令諸眾生心生歡喜，令行法施普攝一切，令其發起一切智行，令其修學諸大菩薩波羅蜜道，令其增長成一切智諸善根海，令其滿足一切聖財，令其得入佛自在門，令其攝取無量方便，令其觀見如來威德，令其安住菩薩智慧。」

善財童子言：「聖者發阿耨多羅三藐三菩提心，其已久如？」

夜神言：「善男子！此處難 nán 信、難知、難解、難入、難說，一切世間及以二乘皆不能知。唯除諸佛神力所護 hù，

善友所攝，集勝功德，欲樂清淨，無下劣心，無雜 zá 染心，無諂 chǎn 曲心，得普照耀智光明心，發普饒 ráo 益諸眾生心、一切煩惱及以眾魔無能壞 huài 心，起必成就一切智心，不樂一切生死樂心，能求一切諸佛妙樂，能滅一切眾生苦惱，能修一切佛功德海，能觀一切諸法實性，能具一切清淨信解，能超一切生死暴流，能入一切如來智海，能決定到無上法城，能勇猛入如來境界，能速疾趣諸佛地位，能即成就一切智力，能於十力已得究竟；如是之人，於此能持、能入、能了。何以故？此是如來智慧境界，一切菩薩尚不能知，況餘眾生！然我今者，以佛威力，欲令調順可化眾生意速清淨，欲令修習善根眾生心得自在，隨汝所問，為汝宣說。」

爾時，開敷一切樹華夜神，欲重明其義，觀察三世如來境界而說頌言：

「佛子汝所問，	甚深佛境界，
難思剎塵劫，	說之不可盡 jìn。
非是貪恚癡，	憍 jiāo 慢惑所覆，
如是眾生等，	能知佛妙法。
非是住慳嫉，	諂誑諸濁意，
煩惱業所覆，	能知佛境界。
非著蘊界處，	及計於有身，
見倒想倒人，	能知佛所覺。
佛境界寂靜，	性淨離分別，
非著諸有者，	能知此法性。
生於諸佛家，	為佛所守護 hù，
持佛法藏者，	智眼之境界。
親近善知識，	愛樂白淨法，
勤求諸佛力，	聞此法歡喜。

心淨無分別， 猶如大虛空，
慧燈破諸闇àn， 是彼之境界。
以大慈悲意， 普覆諸世間，
一切皆平等， 是彼之境界。
歡喜心無著， 一切皆能捨，
平等施眾生， 是彼之境界。
心淨離諸惡， 究竟無所悔，
順行諸佛教， 是彼之境界。
了知法自性， 及以諸業 yè種，
其心無動亂 luàn， 是彼之境界。
勇猛勤精進， 安住心不退，
勤修一切智， 是彼之境界。
其心寂靜住三昧， 究竟清涼無熱惱，
已修一切智海因， 此證悟者之解脫。
善知一切真實相， 深入無邊法界門，
普度群生靡有餘， 此慧燈者之解脫。
了達眾生真實性， 不著一切諸有海，
如影普現心水中， 此正道者之解脫。
從於一切三世佛， 方便願種而出生，
盡諸劫剎勤修行， 此普賢者之解脫。
普入一切法界門， 悉見十方諸剎海，
亦見其中劫成壞 huài， 而心畢 bì竟無分別。
法界所有微塵中， 悉見如來坐道樹，
成就菩提化群品， 此無礙眼之解脫。
汝於無量大劫海， 親近供養善知識，
為利群生求正法， 聞已憶念無遺忘。
毘盧遮那廣大境， 無量無邊不可思，

我承佛力為汝說， 令汝深心轉清淨。

「善男子！乃往古世，過世界海微塵數劫，有世界海名：普光明真金摩尼山；其世界海中，有佛出現，名：普照法界智慧山寂靜威德王。善男子！其佛往修菩薩行時，淨彼世界海。其世界海中，有世界微塵數世界種；一一世界種，有世界微塵數世界；一一世界，皆有如來出興於世；一一如來，說世界海微塵數修多羅；一一修多羅，授佛刹微塵數諸菩薩記，現種種神力，說種種法門，度無量眾生。

「善男子！彼普光明真金摩尼山世界海中，有世界種名：普莊嚴幢。此世界種中，有世界名：一切寶色普光明，以現一切化佛影摩尼王為體 tǐ，形如天城；以現一切如來道場影像摩尼王為其下際，住一切寶華海上，淨穢 huì相雜 zá。此世界中，有須彌山微塵數四天下，有一四天下最處其中，名：一切寶山幢。其四天下，一一縱廣十萬由旬，一一各有一萬大城。其閻浮提中，有一王都，名：堅固妙寶莊嚴雲燈，一萬大城周匝圍遶。閻浮提人壽萬歲時，其中有王名：一切法音圓滿蓋 gài，有五百大臣、六萬采女、七百王子；其諸王子皆端正勇健，有大威力。爾時，彼王威德普被閻浮提內，無有怨敵 dí。

「時，彼世界劫欲盡 jìn 時，有五濁起。一切人眾，壽命短促，資財乏少，形色鄙陋，多苦少樂，不修十善，專 zhuān 作惡業，更相忿爭，互相毀辱，離 lí他眷屬，妒 dù他榮好，任情起見，非法貪求。以是因緣，風雨不時，苗稼不登，園林、草樹一切枯槁，人民匱乏，多諸疫病，馳走四方，靡所依怙 hù，咸來共遶王都大城，無量無邊百千萬億，四面周匝高聲大呼；或舉其手，或合其掌，或以頭 tóu 扣地，或以手搥 chuī胸，或屈膝長號，或踊身大叫；頭髮蓬亂，衣裳弊惡，皮膚 fū皴 cūn 裂，面目無光，而向王言：『大王！大王！我等今者，貧窮

孤露，飢渴寒凍，疾病衰羸 léi，眾苦所逼，命將不久，無依無救，無所控告。我等今者來歸 guī 大王，我觀大王仁慈智慧，於大王所生得安樂想、得所愛想、得活命想、得攝受想、得寶藏想、遇津梁想、逢道路想、值船筏想、見寶洲想、獲 huò 財利想、昇天宮想。』

「爾時大王聞此語已，得百萬阿僧祇大悲門，一心思惟，發十種大悲語。其十者何？所謂：

「『哀哉眾生！墮於無底生死大坑；我當云何而速勉濟 jì，令其得住一切智地？

「『哀哉眾生！為諸煩惱之所逼迫；我當云何而作救護 hù，令其安住一切善業？

「『哀哉眾生！生老病死之所恐怖；我當云何而為作歸 guī 依，令其永得身心安隱 wěn？

「『哀哉眾生！常為世間眾怖所逼；我當云何而為祐助，令其得住一切智道？

「『哀哉眾生！無有智眼，常為身見疑惑所覆；我當云何而為作方便，令其得決疑見翳 yì 膜？

「『哀哉眾生！常為癡闇 àn 之所迷惑；我當云何而為作明炬，令其照見一切智城？

「『哀哉眾生！常為慳嫉諂 chǎn 誑所濁；我當云何而為開曉，令其證得清淨法身？

「『哀哉眾生！長時漂沒 mò 生死大海；我當云何而普運度，令其得上菩提彼岸？

「『哀哉眾生！諸根剛彊 qiáng，難 nán 可調伏；我當云何而為調御，令其具足諸佛神力？

「『哀哉眾生！猶 yóu 如盲瞽 gǔ，不見道路；我當云何而為引導 dǎo，令其得入一切智門？』

「作是語已，擊 jī 鼓宣令：『我今普施一切眾生，隨有所須悉令充足。』即時頒下閻浮提內大小諸城及諸聚落，悉開庫藏，出種種物，置四衢 qú 道。所謂：金銀、瑠璃、摩尼等寶；衣服、飲食、華香、瓔珞、宮殿、屋宅、床榻 tà、敷 fū 具；建大光明摩尼寶幢，其光觸身，悉使安隱；亦施一切病緣湯藥；種種寶器盛眾雜 zá 寶，金剛器中盛種種香，寶香器中盛種種衣；輦 niǎn 輿 yú、車乘、幢幡、繒蓋 gài。如是一切資生之物，悉開庫藏而以給施。亦施一切村營、城邑、山澤、林藪 sǒu、妻子、眷屬及以王位，頭 tóu、目、耳、鼻、脣 chún、舌、牙齒、手足、皮、肉、心、腎 shèn、肝、肺，內外所有悉皆能捨。

「其堅固妙寶莊嚴雲燈城，東面有門，名：摩尼山光明。於其門外，有施會處。其地廣博，清淨平坦，無諸坑坎、荊 jīng 棘 jí、沙礫 lì，一切皆以妙寶所成，散眾寶華，熏諸妙香，然諸寶燈，一切香雲充滿虛空，無量寶樹次第行列，無量華網、無量香網彌覆其上，無量百千億那由他諸音樂器恒出妙音。如是一切，皆以妙寶而為莊嚴，悉是菩薩淨業果報。於彼會中，置師子座，十寶為地，十寶欄楯，十種寶樹周匝圍遶，金剛寶輪以承其下，以一切寶為龍神像而共捧持，種種寶物以為嚴飾，幢幡間列，眾網覆上，無量寶香常出香雲，種種寶衣處處分布，百千種樂恒奏美音。復於其上張施寶蓋 gài，常放無量寶焰光明，如閻浮金熾 chì 然清淨；覆以寶網，垂諸瓔珞，摩尼寶帶周迴間列，種種寶鈴恒出妙音，勸 quàn 諸眾生修行善業。時，彼大王處師子座，形容端正，人相具足，光明妙寶以為其冠，那羅延身不可沮 jǔ 壞 huài，一一肢分悉皆圓滿，性普賢善，王種中生，於財及法悉得自在，辯才無礙，智慧明達 dá，以政治國，無違 wéi 命者。

「爾時，閻浮提無量無數百千萬億那由他眾生——種種國

土、種种族類、種種形貌、種種衣服、種種言辭、種種欲樂，俱來此會，觀察彼王，咸言：『此王是大智人、是福須彌、是功德月，住菩薩願，行廣大施。』時，王見彼諸來乞者，生悲愍心，生歡喜心，生尊重心，生善友心，生廣大心，生相續心，生精進心，生不退心，生捨施心，生周遍心。

「善男子！爾時，彼王見諸乞者，心大歡喜經須臾頃，假使忉利天王、夜摩天王、兜率陀天王，盡 jìn 百千億那由他劫所受快樂，亦不能及。善化天王於無數劫所受快樂，自在天王於無量劫所受快樂，大梵天王於無邊劫所受梵樂，光音天王於難思劫所受天樂，遍淨天王於無盡劫所受天樂，淨居天王不可說劫住寂靜樂，悉不能及。善男子！譬如有人仁慈孝友，遭逢世難 nàn，父母、妻息、兄弟、姊妹竝 bìng 皆散失，忽於曠野道路之間而相值遇，瞻 zhān 奉撫 fǔ 對，情無厭足。時彼大王見來求者，心生歡喜亦復如是。

「善男子！其王爾時，因善知識，於佛菩提，解欲增長，諸根成就，信心清淨，歡喜圓滿。何以故？此菩薩勤修諸行，求一切智，願得利益一切眾生，願獲 huò 菩提無量妙樂，捨離一切諸不善心，常樂積 jī 集一切善根，常願救護一切眾生，常樂觀薩婆若道，常樂修行一切智法，滿足一切眾生所願，入一切佛功德大海，破一切魔業惑障山，隨順一切如來教行，行一切智無障礙道，已能深入一切智流，一切法流常現在前，大願無盡 jìn，為大丈夫，住大人法，積集一切普門善藏，離一切著，不染一切世間境界，知諸法性猶如虛空。於來乞者，生一子想，生父母想，生福田想，生難得想，生恩益想，生堅固想、師想、佛想。不揀 jiǎn 方處，不擇 zé 族類，不選 xuǎn 形貌，隨有來至，如其所欲，以大慈心，平等無礙，一切普施，皆令滿足：求飲食者，施與飲食；求衣服者，施與衣服；求香華者，

施與香華；求鬘蓋 gài 者，施與鬘蓋；幢幡、瓔珞、宮殿、園苑、象馬、車乘、床座、被褥、金、銀、摩尼、諸珍寶物、一切庫藏，及諸眷屬、城邑、聚落，皆悉如是普施眾生。

「時，此會中有長者女名：寶光明，與六十童女俱，端正姝妙，人所喜見，皮膚 fū 金色，目髮紺青，身出妙香；口演梵音，上妙寶衣以為莊嚴，常懷慚愧，正念不亂 luàn，具足威儀，恭敬師長，常念順行甚深妙行，所聞之法憶持不忘，宿世善根流潤其心，清淨廣大猶如虛空，等安眾生，常見諸佛，求一切智。時寶光明女去王不遠 yuǎn，合掌頂禮，作如是念：『我獲 huò 善利！我獲善利！我今得見大善知識。』於彼王所生大師想、善知識想、具慈悲想、能攝受想。其心正直，生大歡喜，脫身瓔珞持奉彼王，作是願言：『今此大王為無量無邊無明眾生作所依處，願我未來亦復如是。如彼大王所知之法、所載之乘、所修之道、所具色相、所有財產、所攝眾會，無邊無盡，難 nán 勝難壞 huài，願我未來悉得如是。隨所生處皆隨往生。』

「爾時，大王知此童女發如是心，而告之言：『童女！隨汝所欲，我皆與汝。我今所有一切皆捨；令諸眾生普得滿足。』

「時寶光明女，信心清淨，生大歡喜，即以偈頌而讚王言：

「『 往昔此城邑，	大王未出時，
一切不可樂，	猶如餓鬼處。
眾生相殺害，	竊 qiè 盜縱姪佚 yì，
兩舌不實語，	無義僇 cū 惡言，
貪愛他財物，	瞋恚懷 huái 毒心，
邪見不善行，	命終墮惡道。
以是等眾生，	愚癡所覆蔽，
住於顛倒見，	天旱不降澤 zé。
以無時雨故，	百穀 gǔ 悉不生，

草木皆枯槁 gǎo，泉流亦乾 gān 竭。
大王未興世，津池悉枯涸 hé，
園苑多骸 hái 骨，望之如曠野。
大王昇寶位，廣濟 jì 諸群生，
油雲被八方，普雨皆充洽 qià。
大王臨 lín 庶品，普斷諸暴虐，
刑獄皆止措，慍 qióng 獨悉安隱。
往昔諸眾生，各各相殘害，
飲血而噉 dàn 肉，今悉起慈心。
往昔諸眾生，貧窮少衣服，
以草自遮蔽，飢羸 léi 如餓鬼。
大王既興世，杭 jīng 米自然生，
樹中出妙衣，男女皆嚴飾。
昔日競微利，非法相陵奪 duó；
今時竝豐 fēng 足，如遊帝釋園。
昔時人作惡，非分生貪染，
他妻及童女，種種相侵逼。
今見他婦人，端正妙嚴飾，
而心無染著，猶如知足天。
昔日諸眾生，妄言不真實，
非法無利益，諂曲取人意。
今日群生類，悉離諸惡言，
其心既柔軟，發語亦調順。
昔日諸眾生，種種行邪法，
合掌恭敬禮，牛羊犬豚 tún 類。
今聞王正法，悟解除邪見，
了知苦樂報，悉從因緣起。

大王演妙音，聞者皆欣樂；
梵釋音聲等，一切無能及。
大王眾寶蓋，迥 jiǒng 處虛空中，
擎以瑠璃幹 gàn，覆以摩尼網。
金鈴自然出，如來和雅音，
宣揚微妙法，除滅眾生惑。
次復廣演說，十方諸佛刹，
一切諸劫中，如來并眷屬。
又復次第說，過去十方刹，
及彼國土中，一切諸如來。
又出微妙音，普遍閻浮界，
廣說人天等，種種業差別。
眾生聽聞已，自知諸業藏，
離惡勤修行，迴向佛菩提。
王父淨光明，王母蓮華光，
五濁出現時，處位治天下。
時有廣大園，園有五百池，
一一千樹遶，各各華彌覆。
於其池岸上，建立千柱堂，
欄楯等莊嚴，一切無不備 bèi。
末世惡法起，積 jī 年不降雨，
池流悉乾 gān 竭，草樹皆枯槁 gǎo。
王生七日前，先現靈 líng 瑞相；
見者咸心念：救世今當出。
爾時於中夜，大地六種動；
有一寶華池，光明猶日現。
五百諸池內，功德水充滿，

枯樹悉生枝， 華葉 yè 皆榮茂。
池水既盈滿， 流演一切處，
普及閻浮地， 靡不皆霑 zhān 洽。
藥草及諸樹， 百穀 gǔ 苗稼等，
枝葉華果實， 一切皆繁盛。
溝 gōu 坑及堆阜 fù， 種種高下處，
如是一切地， 莫不皆平坦。
荊棘沙礫 lì 等， 所有諸雜 zá 穢 huì，
皆於一念中， 變成眾寶玉。
眾生見是已， 歡喜而讚歎 tàn，
咸言得善利， 如渴飲美水。
時彼光明王， 眷屬無量眾，
僉 qiān 然備 bèi 法駕， 遊觀諸園苑。
五百諸池內， 有池名慶 qìng 喜，
池上有法堂， 父王於此住。
先王語夫人： 我念七夜前，
中宵地震動， 此中有光現。
時彼華池內， 千葉蓮華出，
光如千日照， 上徹須彌頂。
金剛以為莖， 閻浮金為臺 tái，
眾寶為華葉， 妙香作鬚蘂 ruǐ。
王生彼華上， 端身結跏坐，
相好以莊嚴， 天神所恭敬。
先王大歡喜， 入池自撫 fǔ 掬 jū，
持以授夫人： 汝子應欣慶。
寶藏皆涌出， 寶樹生妙衣，
天樂奏美聲， 充滿虛空中。

一切諸眾生， 皆生大歡喜，
合掌稱希有： 善哉救護世！
王時放身光， 普照於一切，
能令四天下， 闇àn 盡病除滅。
夜叉毘舍闍 shé， 毒蟲諸惡獸，
所欲害人者， 一切自藏匿。
惡名失善利， 橫事病所持，
如是眾苦滅， 一切皆歡喜。
凡是眾生類， 相視如父母，
離惡起慈心， 專 zhuān 求一切智。
關 guān 閉諸惡趣，開示人天路，
宣揚薩婆若， 度脫諸群生。
我等見大王， 普獲於善利，
無歸無導者， 一切悉安樂。』

「爾時，寶光明童女，以偈讚歎 tàn 一切法音圓滿蓋王已，
遶無量匝，合掌頂禮，曲躬恭敬，却住一面。

時，彼大王告童女言：『善哉！童女！汝能信知他人功德，
是為希有。童女！一切眾生，不能信知他人功德。童女！一切
眾生，不知報 bào 恩，無有智慧，其心濁亂 luàn，性不明了，
本無志力，又退修行；如是之人，不信不知菩薩如來所有功德
神通智慧。童女！汝今決定求趣菩提，能知菩薩如是功德。汝
今生此閻浮提中，發勇猛心，普攝眾生，功不唐捐，亦當成就
如是功德。』王讚女已，以無價寶衣，手自授與寶光童女并其
眷屬，一一告言：『汝著此衣。』時，諸童女雙 shuāng 膝著地，
兩手承捧，置於頂上，然後而著；既著衣已，右遶於王，諸寶
衣中普出一切星宿光明。眾人見之，咸作是言：『此諸女等，
皆悉端正，如淨夜天星宿莊嚴。』

「善男子！爾時一切法音圓滿蓋王者，豈異人乎？今毘盧遮那如來、應、正等覺是也。光明王者，淨飯王是。蓮華光夫人者，摩耶夫人是。寶光童女者，即我身是。其王爾時以四攝法所攝眾生，即此會中一切菩薩是，皆於阿耨多羅三藐三菩提得不退轉，或住初地乃至十地，具種種大願，集種種助道，修種種妙行，備 **bèi** 種種莊嚴，得種種神通，住種種解脫，於此會中處於種種妙法宮殿。」

爾時，開敷一切樹華主夜神，為善財童子，欲重宣此解脫義而說頌言：

「我有廣大眼，	普見於十方，
一切剎海中，	五趣輪迴者。
亦見彼諸佛，	菩提樹下坐，
神通遍十方，	說法度眾生。
我有清淨耳，	普聞一切聲，
亦聞佛說法，	歡喜而信受。
我有他心智，	無二無所礙 ^{ài} ，
能於一念中，	悉了諸心海。
我得宿命智，	能知一切劫，
自身及他人，	分別悉明了。
我於一念知，	剎海微塵劫，
諸佛及菩薩，	五道眾生類。
憶知彼諸佛，	始發菩提願，
乃至修諸行，	一一悉圓滿。
亦知彼諸佛，	成就菩提道，
以種種方便，	為眾轉法輪。
亦知彼諸佛，	所有諸乘海，
正法住久近，	眾生度多少。

我於無量劫， 修習此法門；
我今為汝說， 佛子汝應學。

「善男子！我唯知此菩薩出生廣大喜光明解脫門。如諸菩薩摩訶薩，親近供養一切諸佛，入一切智大願海，滿一切佛諸願海；得勇猛智，於一菩薩地，普入一切菩薩地海；得清淨願，於一菩薩行，普入一切菩薩行海；得自在力，於一菩薩解脫門，普入一切菩薩解脫門海。而我云何能知能說彼功德行？

「善男子！此道場中，有一夜神名：大願精進力救護 hù 一切眾生。汝詣彼問：菩薩云何教化眾生，令趣阿耨多羅三藐三菩提？云何嚴淨一切佛刹？云何承事一切如來？云何修行一切佛法？」

時，善財童子頂禮其足，遶無數匝，慇懃瞻仰，辭退而去。

大方廣佛華嚴經卷第七十二

大方廣佛華嚴經卷第七十三

于闐國三藏實叉難陀奉 制譯

入法界品第三十九之十四

爾時，善財童子往大願精進力救護 hù 一切眾生夜神所，見彼夜神在大眾中，坐普現一切宮殿摩尼王藏師子之座，普現法界國土摩尼寶網彌覆其上，現日月星宿 xiù 影像身，現隨眾生心普令得見身，現等一切眾生形相身，現無邊廣大色相海身，現普現一切威儀身，現普於十方示現身，現普調一切眾生身，現廣運速疾神通身，現利益眾生不絕身，現常遊虛空利益身，現一切佛所頂禮身，現修習一切善根身，現受持佛法不忘身，現成滿菩薩大願身，現光明充滿十方身，現法燈普滅世暗身，現了法如幻淨智身，現遠離塵暗法性身，現普智照法明了身，現究竟無患無熱身，現不可沮 jǔ 壞 huài 堅固身，現無所住佛力身，現無分別離染身，現本清淨法性身。

時善財童子見如是等佛刹微塵數差別身，一心頂禮，舉體投地，良久乃起，合掌瞻仰，於善知識生十種心。何等為十？

所謂：「於善知識生同己心，令我精勤辦 bàn 一切智助道法故；

「於善知識生清淨自業果心，親近供養生善根故；

「於善知識生莊嚴菩薩行心，令我速能莊嚴一切菩薩行故；

「於善知識生成就一切佛法心，誘誨於我令修道故；

「於善知識生能生心，能生於我無上法故；

「於善知識生出離心，令我修行普賢菩薩所有行願而出離故；

「於善知識生具一切福智海心，令我積 jī 集諸白法故；

「於善知識生增長心，令我增長一切智故；

「於善知識生具一切善根心，令我志願得圓滿故；

「於善知識生能成辦大利益心，令我自在安住一切菩薩法故，成一切智道故，得一切佛法故。」是為十。

發是心已，得彼夜神與諸菩薩佛刹微塵數同行。所謂：

同念，心常憶念十方三世一切佛故；

同慧，分別決了一切法海差別門故；

同趣，能轉一切諸佛如來妙法輪故；

同覺，以等空智普入一切三世間故；

同根，成就菩薩清淨光明智慧根故；

同心，善能修習無礙功德，莊嚴一切菩薩道故；

同境，普照諸佛所行境故；

同證 zhèng，得一切智照實相海淨光明故；

同義 yì，能以智慧了一切法真實性故；

同勇猛，能壞一切障礙山故；同色身，隨眾生心示現身故；

同力，求一切智不退轉故；同無畏，其心清淨如虛空故；

同精進，於無量劫行菩薩行無懈怠故；

同辯才，得法無礙智光明故；同無等，身相清淨超世間故；

同愛語，令一切眾生皆歡喜故；

同妙音，普演一切法門海故；同滿音，一切眾生隨類解故；

同淨德，修習如來淨功德故；同智地，一切佛所受法輪故；

同梵行，安住一切佛境界故；

同大慈，念念普覆一切國土眾生海故；

同大悲，普雨法雨潤澤一切諸眾生故；

同身業 yè，以方便行教化一切諸眾生故；

同語業 yè，以隨類音演說一切諸法門故；

同意業 yè，普攝眾生置一切智境界中故；

同莊嚴，嚴淨一切諸佛刹故；同親近，有佛出世皆親近故；

同勸請，請一切佛轉法輪故；同供養，常樂供養一切佛故；

同教化，調伏一切諸眾生故；同光明，照了一切諸法門故；
同三昧，普知一切眾生心故；
同充遍，以自在力充滿一切諸佛刹海修諸行故；
同住處，住諸菩薩大神通故；同眷屬，一切菩薩共止住故；
同入處，普入世界微細處故；同心慮，普知一切諸佛刹故；
同往詣，普入一切佛刹海故；同方便，悉現一切諸佛刹故；
同超勝，於諸佛刹皆無比故；同不退，普入十方無障礙故；
同破闇àn，得一切佛成菩提智大光明故；
同無生忍，入一切佛眾會海故；
同遍一切諸佛刹網，恭敬供養不可說刹諸如來故；
同智證，了知彼彼法門海故；同修行，順行一切諸法門故；
同希求，於清淨法深樂欲故；
同清淨，集佛功德而以莊嚴身、口、意故；
同妙意，於一切法智明了故；同精進，普集一切諸善根故；
同淨行，成滿一切菩薩行故；同無礙，了一切法皆無相故；
同善巧，於諸法中智自在故；同隨樂，隨眾生心現境界故；
同方便，善習一切所應習故；同護念，得一切佛所護念故；
同入地，得入一切菩薩地故；同所住，安住一切菩薩位故；
同記別，一切諸佛授其記故；
同三昧，一剎那中普入一切三昧門故；
同建立，示現種種諸佛事故；同正念，正念一切境界門故；
同修行，盡 jìn 未來劫修行一切菩薩行故；
同淨信，於諸如來無量智慧極 jí 欣樂故；
同捨離，滅 miè 除一切諸障礙ài 故；
同不退智，與諸如來智慧等故；
同受生，應現成熟諸眾生故；同所住，住一切智方便門故；
同境界，於法界境得自在故；同無依，永斷一切所依心故；

同說法，已入諸法平等智故；同勤修，常蒙諸佛所護念故；
同神通，開悟眾生令修一切菩薩行故；
同神力，能入十方世界海故；
同陀羅尼，普照一切總 zǒng 持海故；
同祕 mì 密法，了知一切修多羅中妙法門故；
同甚深法，解一切法如虛空故；
同光明，普照一切諸世界故；
同欣樂，隨眾生心而為開示令歡喜故；
同震動，為諸眾生現神通力普動十方一切剎故；
同不虛，見聞憶念皆悉令其心調伏故；
同出離，滿足一切諸大願海，成就如來十力智故。

時，善財童子觀察大願精進力救護 hù 一切眾生夜神，起
十種清淨心，獲 huò 如是等佛剎微塵數同菩薩行；既獲此已，
心轉清淨，偏袒右肩，頂禮其足，一心合掌，以偈讚曰：

「我發堅固意， 志求無上覺；
今於善知識， 而起自己心。
以見善知識， 集無盡 jìn 白法，
滅除眾罪垢， 成就菩提果。
我見善知識， 功德莊嚴心，
盡未來剎劫， 勤修所行道。
我念善知識， 攝受饒益我，
為我悉示現， 正教真實法，
關 guān 閉諸惡趣，顯 xiǎn 示人天路，
亦示諸如來， 成一切智道。
我念善知識， 是佛功德藏，
念念能出生， 虛空功德海。
與我波羅蜜， 增我難 nán 思福，

長我淨功德， 令我冠佛繒 zēng。
我念善知識， 能滿佛智道；
誓願常依止， 圓滿白淨法。
我以此等故， 功德悉具足，
普為諸眾生， 說一切智道。
聖者為我師， 與我無上法，
無量無數劫， 不能報其恩。」

爾時，善財說此偈已，白言：「大聖！願為我說，此解脫門名為何等？發心已來為幾 jī 時耶？久如當得阿耨多羅三藐三菩提？」

夜神告言：「善男子！此解脫門名：教化眾生令生善根。我以成就此解脫故，悟一切法自性平等，入於諸法真實之性，證無依法，捨離世間，悉知諸法色相差別，亦能了達青、黃、赤、白，性皆不實，無有差別，而恒示現無量色身。所謂：種種色身、非一色身、無邊色身、清淨色身、一切莊嚴色身、普見色身、等一切眾生色身、普現一切眾生前色身、光明普照色身、見無厭足色身、相好清淨色身、離眾惡光明色身、示現大勇猛色身、甚難 nán 得色身、一切世間無能映蔽色身、一切世間共稱歎 tàn 無盡色身、念念常觀察色身、示現種種雲色身、種種形顯 xiǎn 色色身、現無量自在力色身、妙光明色身、一切淨妙莊嚴色身、隨順成熟一切眾生色身、隨其心樂現前調伏色身、無障礙普光明色身、清淨無濁穢 huì 色身、具足莊嚴不可壞色身、不思議法方便光明色身、無能映奪 duó 一切色身、無諸闇 àn 破一切闇色身、集一切白淨法色身、大勢力功德海色身、從過去恭敬因所生色身、如虛空清淨心所生色身、最勝廣大色身、無斷無盡色身、光明海色身、於一切世間無所依平等色身、遍十方無所礙色身、念念現種種色相海色身、增長一切

眾生歡喜心色身、攝取一切眾生海色身、一一毛孔中說一切佛功德海色身、淨一切眾生欲解海色身、決了一切法義色身、無障礙普照耀色身、等虛空淨光明色身、放廣大淨光明色身、照現無垢法色身、無比色身、差別莊嚴色身、普照十方色身、隨時示現應眾生色身、寂靜色身、滅一切煩惱色身、一切眾生福田色身、一切眾生見不虛色身、大智慧勇猛力色身、無障礙普周遍色身、妙身雲普現世間皆蒙益色身、具足大慈海色身、大福德寶山王色身、放光明普照世間一切趣色身、大智慧清淨色身、生眾生正念心色身、一切寶光明色身、普光藏色身、現世間種種清淨相色身、求一切智處色身、現微笑令眾生生淨信色身、一切寶莊嚴光明色身、不取不捨一切眾生色身、無決定無究竟色身、現自在加持力色身、現一切神通變化色身、生如來家色身、遠離眾惡遍法界海色身、普現一切如來道場眾會色身、具種種眾色海色身、從善行所流色身、隨所應化示現色身、一切世間見無厭足色身、種種淨光明色身、現一切三世海色身、放一切光明海色身、現無量差別光明海色身、超諸世間一切香光明色身、現不可說日輪雲色身、現廣大月輪雲色身、放無量須彌山妙華雲色身、出種種鬘雲色身、現一切寶蓮華雲色身、興 xīng 一切燒香雲遍法界色身、散一切末香藏雲色身、現一切如來大願身色身、現一切語言音聲演法海色身、現普賢菩薩像色身。念念中，現如是等色相身充滿十方，令諸眾生或見、或念、或聞說法、或因親近、或得開悟、或見神通、或覩 dǔ 變化，悉隨心樂，應時調伏，捨不善業，住於善行。善男子！當知此由大願力故，一切智力故，菩薩解脫力故，大悲力故，大慈力故，作如是事。

「善男子！我入此解脫，了知法性無有差別，而能示現無量色身，一一身現無量色相海，一一相放無量光明雲，一一光

現無量佛國土，一一土現無量佛興世，一一佛現無量神通力，開發眾生宿世善根，未種者令種，已種者令增長，已增長者令成熟；念念中，令無量眾生，於阿耨多羅三藐三菩提得不退轉。

「善男子！如汝所問：『從幾 jī 時來，發菩提心，修菩薩行？』如是之義 yì，承佛神力，當為汝說。

「善男子！菩薩智輪遠離一切分別境界，不可以生死中長短、染淨、廣狹多少，如是諸劫分別顯示。何以故？菩薩智輪本性清淨，離一切分別網，超一切障礙山，隨所應化而普照故。

「善男子！譬如日輪，無有晝 zhòu 夜；但出時名：晝，沒時名：夜。菩薩智輪亦復如是，無有分別，亦無三世；但隨心現，教化眾生，言其止住前劫、後劫。

「善男子！譬如日輪，住閻浮空，其影悉現一切寶物及以河海諸淨水中，一切眾生莫不目見，而彼淨日不來至此。菩薩智輪亦復如是，出諸有海，住佛實法，寂靜空中無有所依，為欲化度諸眾生故，而於諸趣隨類受生；實不生死，無所染著，無長短劫諸想分別。何以故？菩薩究竟離心想，見一切顛倒，得真實見，見法實性，知一切世間如夢、如幻；無有眾生，但以大悲大願力故，現眾生前教化調伏。

「佛子！譬如船師，常以大船，於河流中不依此岸、不著彼岸、不住中流，而度眾生無有休息。菩薩摩訶薩亦復如是，以波羅蜜船，於生死流中不依此岸、不著彼岸、不住中流，而度眾生無有休息；雖無量劫修菩薩行，未曾分別劫數長短。

「佛子！如大虛空，一切世界於中成壞 huài 而無分別，本性清淨，無染無亂，無礙無厭，非長非短，盡未來劫持一切剎。菩薩摩訶薩亦復如是，以等虛空界廣大深心，起大願風輪，攝諸眾生，令離惡道，生諸善趣，悉令安住一切智地，滅諸煩惱生死苦縛 fù，而無憂 yōu 喜、疲厭之心。

「善男子！如幻化人，肢體 tǐ 雖具，而無入息及以出息、寒、熱、飢、渴、憂 yōu、喜、生、死十種之事。菩薩摩訶薩亦復如是，以如幻智平等法身現眾色相，於諸有趣住無量劫教化眾生，於生死中一切境界，無欣無厭，無愛無恚 huì，無苦無樂，無取無捨，無安無怖。

「佛子！菩薩智慧雖復如是甚深難測，我當承佛威神之力為汝解說，令未來世諸菩薩等滿足大願、成就諸力。佛子！乃往古世，過世界海微塵數劫，有劫名：善光，世界名：寶光。於其劫中有一萬佛出興于世。其最初佛號法輪音虛空燈王如來、應、正等覺，十號圓滿。彼閻浮提有一王都名：寶莊嚴；其東不遠，有一大林，名曰：妙光；中有道場，名為：寶華。彼道場中，有普光明摩尼蓮華藏師子之座。時，彼如來於此座上，成阿耨多羅三藐三菩提，滿一百年坐於道場，為諸菩薩、諸天、世人及閻浮提宿植善根已成熟者演說正法。

「是時國王名曰：勝光。時世人民壽一萬歲，其中多有殺、盜、姪佚 yì、妄語、綺語、兩舌、惡口、貪、瞋、邪見、不孝父母、不敬沙門婆羅門等。時王為欲調伏彼故，造立圜 líng 圜 yǔ，枷鎖禁閉，無量眾生於中受苦。王有太子名為：善伏，端正殊特，人所喜見，具二十八大人之相。在宮殿中，遙聞獄囚楚毒音聲，心懷傷慙。從宮殿出，入牢獄中，見諸罪人杻械、枷鎖遞 dì 相連繫 xì，置幽闇 àn 處，或以火炙 zhì，或以煙 yān 熏，或被榜 bàng 笞 chī，或遭臚 bìn 割，裸形亂髮，飢渴羸 léi 瘦，筋斷骨現，號叫苦劇 jù。太子見已，心生悲慙，以無畏聲安慰之言：『汝莫憂惱！汝勿愁怖！我當令汝悉得解脫。』便詣王所而白王言：『獄中罪人苦毒難 nàn 處，願垂寬宥 yòu，施以無畏。』

「時，王即集五百大臣而問之言：『是事云何？』諸臣答

言：『彼罪人者，私竊 qiè 官物，謀奪 duó 王位，盜入宮闈 wéi，罪應刑戮 lù。有哀救者，罪亦至死。』

「時，彼太子悲心轉切，語大臣言：『如汝所說，但放此人；隨其所應，可以治我。我為彼故，一切苦事悉皆能受，粉身沒命，無所顧 gù 惜，要令罪人皆得免苦。何以故？我若不救此眾生者，云何能救三界牢獄諸苦眾生？一切眾生在三界中，貪愛所縛，愚癡所蔽，貧無功德，墮諸惡趣，身形鄙陋，諸根放逸，其心迷惑，不求出道，失智慧光，樂著三有，斷諸福德，滅諸智慧，種種煩惱濁亂其心，住苦牢獄，入魔罣 juàn 網，生老病死憂悲惱害，如是諸苦常所逼迫。我當云何令彼解脫？應捨身命而拔濟 jì 之！』

「時諸大臣共詣王所，悉舉其手高聲唱言：『大王當知，如太子意毀壞王法，禍及萬人。若王愛念不責治者，王之寶祚 zuò 亦不久立。』

「王聞此言赫 hè 然大怒，令誅太子及諸罪人。王后聞之，愁憂號哭，毀形降服，與千采女馳詣王所，舉身投地頂禮王足，俱作是言：『唯願大王，赦 shè 太子命！』王即迴顧 gù，語太子言：『莫救罪人；若救罪人，必當殺汝！』爾時，太子為欲專求一切智故，為欲利益諸眾生故，為以大悲普救攝故，其心堅固無有退怯 qiè，復白王言：『願恕彼罪，身當受戮 lù！』王言：『隨意！』爾時，王后白言：『大王！願聽太子，半月行施，恣意修福，然後治罪。』王即聽許。

「時都城北有一大園名曰：日光，是昔施場。太子往彼，設大施會；飲食、衣服、華鬘、瓔珞、塗香、末香、幢幡、寶蓋，諸莊嚴具，隨有所求，靡不周給。經半月已，於最後日，國王、大臣、長者、居士、城邑人民及諸外道，悉來集會。

「時，法輪音虛空燈王如來，知諸眾生調伏時至，與大眾

俱，天王圍遶，龍王供養，夜叉王守護 hù，乾闥婆王讚歎 tàn，阿脩羅王曲躬頂禮，迦樓羅王以清淨心散諸寶華，緊那羅王歡 huān 喜勸 quàn 請，摩睺羅伽王一心瞻仰，來入彼會。爾時，太子及諸大眾，遙見佛來，端嚴殊特，諸根寂定如調順象，心無垢濁如清淨池，現大神通，示大自在，顯大威德，種種相好莊嚴其身，放大光明普照世界，一切毛孔出香焰雲，震動十方無量佛刹，隨所至處普雨一切諸莊嚴具；以佛威儀，以佛功德，眾生見者，心淨歡喜，煩惱銷滅。爾時，太子及諸大眾五體 tǐ 投地，頂禮其足，安施床座，合掌白言：『善來世尊！善來善逝！唯願哀愍，攝受於我，處于此座！』以佛神力，淨居諸天即變 biàn 此座為香摩尼蓮華之座。佛坐其上，諸菩薩眾亦皆就座周匝圍遶。時彼會中一切眾生，因見如來，苦滅障除，堪受聖法。

「爾時，如來知其可化，以圓滿音說修多羅，名：普照因輪，令諸眾生隨類各解。時彼會中有八十那由他眾生，遠塵離垢，得法眼淨；無量那由他眾生，得無學地；十千眾生，住大乘道，入普賢行，成滿大願。當爾之時，十方各百佛刹微塵數眾生，於大乘中心得調伏；無量世界一切眾生，免離惡趣生於天上。善伏太子即於此時，得菩薩教化眾生令生善根解脫門。

「善男子！爾時太子豈異人乎？我身是也。我因往昔起大悲心，捨身命財救苦眾生，開門大施供養於佛，得此解脫。佛子當知，我於爾時，但為利益一切眾生，不著三界，不求果報，不貪名稱，不欲自讚輕毀於他，於諸境界無所貪染、無所怖畏，但莊嚴大乘出要之道，常樂觀察一切智門，修行苦行，得此解脫。佛子！於汝意云何，彼時五百大臣，欲害我者，豈異人乎？今提婆達多等五百徒黨 dǎng 是也。是諸人等，蒙佛教化，皆當得阿耨多羅三藐三菩提，於未來世，過須彌山微塵數劫，爾

時有劫名：善光，世界名：寶光，於中成佛。其五百佛次第興世，最初如來名曰：大悲；第二名：饒益世間；第三名：大悲師子；第四名：救護眾生；乃至最後名曰醫 yī 王。雖彼諸佛大悲平等，然其國土、種族、父母、受生、誕生、出家、學道、往詣道場、轉正法輪、說修多羅、語言、音聲、光明、眾會、壽命、法住及其名號，各各差別。

「佛子！彼諸罪人，我所救者，即拘留孫等賢劫千佛，及百萬阿僧祇諸大菩薩——於無量精進力名稱功德慧如來所，發阿耨多羅三藐三菩提心，今於十方國土，行菩薩道，修習增長此菩提，教化眾生，令生善根解脫者是。時勝光王，今薩遮尼乾子大論師是。時王宮人及諸眷屬，即彼尼乾六萬弟子——與師俱來，建大論幢，共佛論議，悉降伏之，授阿耨多羅三藐三菩提記者是。此諸人等，皆當作佛，國土莊嚴、劫數、名號，各各有異 yì。

「佛子！我於爾時救罪人已，父母聽 tīng 我捨離國土、妻子、財寶，於法輪音虛空燈王佛所出家學道。五百歲中，淨修梵行，即得成就百萬陀羅尼、百萬神通、百萬法藏、百萬求一切智勇猛精進，淨治百萬堪忍門，增長百萬思惟心，成就百萬菩薩力，入百萬菩薩智門，得百萬般若波羅蜜門，見十方百萬諸佛，生百萬菩薩大願；念念中，十方各照百萬佛刹；念念中，憶念十方世界前後際劫百萬諸佛；念念中，知十方世界百萬諸佛變化海；念念中，見十方百萬世界所有眾生種種諸趣，隨業所受生時死時、善趣惡趣、好色惡色，其諸眾生種種心行、種種欲樂、種種根性、種種業習、種種成就，皆悉明了。

「佛子！我於爾時命終之後 hòu，還復於彼王家受生，作轉輪王，彼法輪音虛空燈王如來滅後，次即於此值法空王如來，承事供養；次為帝釋，即此道場值天王藏如來，親近供養；次

為夜摩天王，即於此世界值大地威力山如來，親近供養；次為兜率天王，即於此世界值法輪光音聲王如來，親近供養；次為化樂天王，即於此世界值虛空智王如來，親近供養；次為他化自在天王，即於此世界值無能壞幢如來，親近供養；次為阿脩羅王，即於此世界值一切法雷音王如來，親近供養；次為梵王，即於此世界值普現化演法音如來，親近供養。

「佛子！此寶光世界善光劫中，有一萬佛出興于世，我皆親近承事供養。次復有劫名曰日光，有六十億佛出興於世，最初如來名：妙相山，我時為王名曰：大慧，於彼佛所承事供養；

「次有佛出，名：圓滿肩，我為居士，親近供養；

「次有佛出，名：離垢童子，我為大臣，親近供養；

「次有佛出，名：勇猛持，我為阿脩羅王，親近供養；

「次有佛出，名：須彌相，我為樹神，親近供養；

「次有佛出，名：離垢臂，我為商主，親近供養；

「次有佛出，名：師子遊步，我為城神，親近供養；

「次有佛出，名為：寶髻 jì，我為毘沙門天王，親近供養；

「次有佛出，名：最上法稱，我為乾闥婆王，親近供養；

「次有佛出，名：光明冠，我為鳩槃荼王，親近供養。

「於彼劫中，如是次第有六十億如來出興於世。我常於此受種種身，一一佛所親近供養，教化成就無量眾生；於一一佛所，得種種三昧門、種種陀羅尼門、種種神通門、種種辯才門、種種一切智門、種種法明門、種種智慧門，照種種十方海，入種種佛剎海，見種種諸佛海，清淨成就，增長廣大。如於此劫中親近供養爾所諸佛，於一切處、一切世界海微塵數劫，所有諸佛出興于世，親近供養，聽聞說法，信受護持，亦復如是。如是一切諸如來所，皆悉修習此解脫門，復得無量解脫方便。」

爾時，救護一切眾生主夜神，欲重宣此解脫義，即為善財

而說頌言：

「汝以歡喜信樂心，	問此難思解脫法；
我承如來護念力，	為汝宣說應聽受。
過去無邊廣大劫，	過於刹海微塵數，
時有世界名寶光，	其中有劫號善光。
於此善光大劫中，	一萬如來出興世，
我皆親近而供養，	從其修學此解脫。
時有王都名喜嚴 yán，	縱廣寬平極殊麗 lí，
雜 zá 業眾生所居住，	或心清淨或作惡。
爾時有王名勝光，	恒以正法御群生；
其王太子名善伏，	形體端正備 bèi 眾相。
時有無量諸罪人，	繫 xì 身牢獄當受戮 lù；
太子見已生悲愍，	上啟於王請寬宥 yòu。
爾時諸臣共白王：	『今此太子危王國，
如是罪人應受戮，	如何悉救令除免？』
時勝光王語太子：	『汝救彼罪自當受！』
太子哀念情轉深，	誓救眾生無退怯 qiè。
時王夫人采女等，	俱來王所白王言：
『願放太子半月中，	布施眾生作功德。』
時王聞已即聽 tīng 許，	設大施會濟 jì 貧乏，
一切眾生靡不臻 zhēn，	隨有所求咸給與。
如是半月日云滿，	太子就戮時將至，
大眾百千萬億人，	同時瞻仰俱號 háo 泣。
彼佛知眾根將熟，	而來此會化群生，
顯現神變大莊嚴，	靡不親近而恭敬。
佛以一音方便說，	法燈普照修多羅，
無量眾生意柔軟，	悉蒙與授菩提記。

善伏太子生歡喜，
誓願承事於如來，
便即出家依佛住，
爾時便得此解脫，
於中止住經劫海，
常於苦海救眾生，
劫中所有諸佛現，
咸以清淨信解心，
次於佛刹微塵數，
所有諸佛現世間，
我念往昔為太子，
誓願捨身而救護，
經於佛刹微塵數，
念念令其得增長，
彼中所有諸如來，
令我增明此解脫，
我於無量千億劫，
諸佛法海無有邊，
十方所有一切刹，
三世種種國土名，
三世所有諸佛海，
亦能示現其身相，
又於十方一切刹，
普雨一切莊嚴雲，
又以無邊大問海，
彼佛所雨妙法雲，
又於十方無量刹，

發興無上正覺心，
普為眾生作依處。
修行一切種智道，
大悲廣濟 jì 諸群生。
諦觀諸法真實性，
如是修習菩提道。
悉皆承事無有餘，
聽聞持護 hù 所說法。
無量無邊諸劫海，
一一供養皆如是。
見諸眾生在牢獄，
因其證此解脫門。
廣大劫海常修習，
復獲無邊巧方便。
我悉得見蒙開悟，
及以種種方便力。
學此難思解脫門；
我悉一時能普飲。
其身普入無所礙 ài；
念念了知皆悉盡 jìn。
一一明見盡無餘；
普詣於彼如來所。
一切諸佛導師前，
供養一切無上覺。
啟請一切諸世尊；
皆悉受持無忘失。
一切如來眾會前，

坐於眾妙莊嚴座，	示現種種神通力。
又於十方無量刹，	示現種種諸神變，
一身示現無量身，	無量身中現一身。
又於一一毛孔中，	悉放無數大光明，
各以種種巧方便，	除滅眾生煩惱火。
又於一一毛孔中，	出現無量化身雲，
充滿十方諸世界，	普雨法雨濟群品。
十方一切諸佛子，	入此難思解脫門，
悉盡未來無量劫，	安住修行菩薩行。
隨其心樂為說法，	令彼皆除邪見網，
示以天道及二乘，	乃至如來一切智。
一切眾生受生處，	示現無邊種種身，
悉同其類現眾像，	普應其心而說法。
若有得此解脫門，	則住無邊功德海，
譬如刹海微塵數，	不可思議無有量。

「善男子！我唯知此教化眾生令生善根解脫門。如諸菩薩摩訶薩，超諸世間，現諸趣身，不住攀緣，無有障礙，了達一切諸法自性，善能觀察一切諸法，得無我智，證無我法，教化調伏一切眾生恒無休息，心常安住無二法門，普入一切諸言辭海；我今云何能知能說彼功德海、彼勇猛智、彼心行處、彼三昧境、彼解脫力？」

「善男子！此閻浮提有一園林名：嵐 lán 毘尼；彼園有神名：妙德圓滿。汝詣彼問：菩薩云何修菩薩行、生如來家、為世光明，盡 jìn 未來劫而無厭倦？」

時，善財童子頂禮其足，遶無量匝，合掌瞻仰，辭退而去。

大方廣佛華嚴經卷第七十三

大方廣佛華嚴經卷第七十四

于闐國三藏實叉難陀奉 制譯

入法界品第三十九之十五

爾時，善財童子於大願精進力救護 hù 一切眾生夜神所，得菩薩解脫已，憶念修習，了達增長。漸次遊行至嵐 lán 毘尼林，周遍尋覓彼妙德神，見在一切寶樹莊嚴樓閣中，坐寶蓮華師子之座，二十億那由他諸天恭敬圍遶，為說菩薩受生海經，令其皆得生如來家，增長菩薩大功德海。善財見已，頂禮其足，合掌前立，白言：「大聖！我已先發阿耨多羅三藐三菩提心，而未能知菩薩云何修菩薩行、生如來家、為世大明？」

彼神答言：「善男子！菩薩有十種受生藏，若菩薩成就此法，則生如來家，念念增長菩薩善根，不疲不懈，不厭不退，無斷無失，離諸迷惑，不生怯 qiè 劣、惱 nǎo 悔之心，趣一切智，入法界門，發廣大心，增長諸度，成就諸佛無上菩提，捨世間趣，入如來地，獲勝神通，諸佛之法常現在前，順一切智真實義境。何等為十？一者，願常供養一切諸佛受生藏；二者，發菩提心受生藏；三者，觀諸法門勤修行受生藏；四者，以深淨心普照三世受生藏；五者，平等光明受生藏；六者，生如來家受生藏；七者，佛力光明受生藏；八者，觀普智門受生藏；九者，普現莊嚴受生藏；十者，入如來地受生藏。

「善男子！云何名：願常供養一切佛受生藏？善男子！菩薩初發心時，作如是願：『我當尊重、恭敬、供養一切諸佛，見佛無厭 yàn，於諸佛所，常生愛樂，常起深信，修諸功德，恒無休息。』是為菩薩為一切智始集善根受生藏。

「云何名：發菩提心受生藏？善男子！此菩薩發阿耨多羅三藐三菩提心。所謂：起大悲心，救護一切眾生故；起供養佛

心，究竟承事故；起普求正法心，一切無吝 lìn 故；起廣大趣向心，求一切智故；起慈無量心，普攝眾生故；起不捨一切眾生心，被 pī 求一切智堅誓甲故；起無諂 chǎn 誑 kuáng 心，得如實智故；起如說行心，修菩薩道故；起不誑諸佛心，守護一切佛大誓願故；起一切智願心，盡 jìn 未來化眾生不休息故。菩薩以如是等佛刹微塵數菩提心功德故，得生如來家。**是為菩薩第二受生藏。**

「云何名：觀諸法門勤修行受生藏？善男子！此菩薩摩訶薩，起觀一切法門海心，起迴向一切智圓滿道心，起正念無過失業 yè 心，起一切菩薩三昧海清淨心，起修成一切菩薩功德心，起莊嚴一切菩薩道心，起求一切智大精進行、修諸功德如劫火熾 chì 然無休息心，起修普賢行教化一切眾生心，起善學一切威儀、修菩薩功德、捨離一切所有、住無所有真實心。**是為菩薩第三受生藏。**

「云何名：以深淨心普照三世受生藏？善男子！此菩薩具清淨增上心，得如來菩提光，入菩薩方便海，其心堅固猶若金剛，背捨一切諸有趣生，成就一切佛自在力，修殊勝行，具菩薩根，其心明潔 jié，願力不動，常為諸佛之所護 hù 念，破壞 huài 一切諸障礙山，普為眾生作所依處。**是為菩薩第四受生藏。**

「云何名：平等光明受生藏？善男子！此菩薩具足眾行，普化眾生；一切所有，悉皆能捨；住佛究竟淨戒境界；具足忍法，成就諸佛法忍光明；以大精進，趣一切智，到於彼岸；修習諸禪，得普門定；淨智圓滿，以智慧日，明照諸法；得無礙眼，見諸佛海，悟入一切真實法性；一切世間，見者歡喜，善能修習如實法門。**是為菩薩第五受生藏。**

「云何名：生如來家受生藏？善男子！此菩薩生如來家，隨諸佛住，成就一切甚深法門，具三世佛清淨大願，得一切佛

同一善根，與諸如來共一體 tǐ 性，具出世行白淨善法，安住廣大功德法門；入諸三昧，見佛神力；隨所應化，淨諸眾生；如問而對 duì，辯才無盡 jìn。是為菩薩第六受生藏。

「云何名：佛力光明受生藏？善男子！此菩薩深入佛力，遊諸佛刹心無退轉，供養承事菩薩眾會無有疲厭 yàn，了一切法皆如幻起，知諸世間如夢所見，一切色相猶如光影，神通所作皆如變化，一切受生悉皆如影，諸佛說法皆如谷響 xiǎng，開示法界咸令究竟。是為菩薩第七受生藏。

「云何名：觀普智門受生藏？善男子！此菩薩住童真位，觀一切智一一智門，盡無量劫開演一切菩薩所行，於諸菩薩甚深三昧心得自在，念念生於十方世界諸如來所，於有差別境入無差別定，於無差別法現有差別智，於無量境知無境界，於少境界入無量境，通達法性廣大無際，知諸世間悉假施設，一切皆是識 shí 心所起。是為菩薩第八受生藏。

「云何名：普現莊嚴受生藏？善男子！此菩薩能種種莊嚴無量佛刹，普能化現一切眾生及諸佛身，得無所畏，演清淨法，周流法界，無所障礙 ài；隨其心樂，普使知見，示現種種成菩提行，令生無礙一切智道；如是所作不失其時，而常在三昧毘盧遮那智慧之藏。是為菩薩第九受生藏。

「云何名：入如來地受生藏？善男子！此菩薩悉於三世諸如來所受灌頂法，普知一切境界次第。所謂：知一切眾生前際後際沒 mò 生次第、一切菩薩修行次第、一切眾生心念次第、三世如來成佛次第、善巧方便說法次第，亦知一切初、中、後際所有諸劫若成若壞 huài 名號次第。隨諸眾生所應化度，為現成道功德莊嚴，神通說法，方便調伏。是為菩薩第十受生藏。

「佛子！若菩薩摩訶薩，於此十法修習增長圓滿成就，則能於一莊嚴中，現種種莊嚴；如是莊嚴一切國土，開導 dǎo 示

悟一切眾生，盡 jìn 未來劫無有休息；演說一切諸佛法海種種境界、種種成熟，展轉傳 chuán 來無量諸法；現不思議佛自在力，充滿一切虛空法界；於諸眾生心行海中而轉法輪，於一切世界示現成佛，恒無間斷；以不可說清淨言音說一切法，住無量處通達無礙；以一切法莊嚴道場，隨諸眾生欲解差別而現成佛，開示無量甚深法藏，教化成就一切世間。」

爾時，嵐 lán 毘尼林神，欲重明其義，以佛神力，普觀十方而說頌言：

「最上離垢清淨心，	見一切佛無厭足，
願盡 jìn 未來常供養，	此明慧者受生藏。
一切三世國土中，	所有眾生及諸佛，
悉願度脫恒瞻 zhān 奉，	此難思者受生藏。
聞法無厭樂觀察，	普於三世無所礙，
身心清淨如虛空，	此名稱者受生藏。
其心恒住大悲海，	堅如金剛及寶山，
了達一切種智門，	此最勝者受生藏。
大慈普覆於一切，	妙行常增諸度海，
以法光明照群品，	此雄猛者受生藏。
了達法性心無礙，	生於三世諸佛家，
普入十方法界海，	此明智者受生藏。
法身清淨心無礙，	普詣十方諸國土，
一切佛力靡不成，	此不思議受生藏。
入深智慧已自在，	於諸三昧亦究竟，
觀一切智如實門，	此真身者受生藏。
淨治一切諸佛土，	勤修普化眾生法，
顯 xiǎn 現如來自在力，	此大名者受生藏。
久已修行薩婆若，	疾能趣入如來位，

了知法界皆無礙， 此諸佛子受生藏。

「善男子！菩薩具此十法，生如來家，為一切世間清淨光明。善男子！我從無量劫來，得是自在受生解脫門。」

善財白言：「聖者！此解脫門境界云何？」

答言：「善男子！我先發願：『願一切菩薩示受生時皆得親近；願入毘盧遮那如來無量受生海。』以昔願力，生此世界閻浮提中嵐 lán 毘 pí 尼園，專 zhuān 念菩薩何時下生；經於百年，世尊果從兜率陀天而來生此。時，此林中現十種相。何等為十？

「一者，此園中地忽自平坦，坑坎、堆阜 fù 悉皆不現。

「二者，金剛為地，眾寶莊嚴，無有瓦礫 lì、荊 jīng 棘 jí、株杌 wù。

「三者，寶多羅樹周匝行列，其根深植至於水際 jì。

「四者，生眾香芽，現眾香藏，寶香為樹，扶疎 shū 蔭 yìn 映，其諸香氣皆逾 yú 天香。

「五者，諸妙華鬘寶莊嚴具，行列分布，處處充滿。

「六者，園中所有一切諸樹，皆自然開摩尼寶華。

「七者，諸池沼中，皆自生華，從地涌出，周布水上。

「八者，時此林中，娑婆世界欲色所住天、龍、夜叉、乾闥婆、阿脩羅、迦樓羅、緊那羅、摩睺羅伽，一切諸王，莫不來集，合掌而住。

「九者，此世界中所有天女，乃至摩睺羅伽女皆生歡喜，各各捧持諸供養具，向畢 bì 洛叉樹前，恭敬而立。

「十者，十方一切諸佛齋 qí 中，皆放光明，名：菩薩受生自在燈 dēng，普照此林；一一光中，悉現諸佛受生、誕生所有神變 biàn，及一切菩薩受生功德，又出諸佛種種言音。是為林中十種瑞相。此相現時，諸天王等即知當有菩薩下生；我見此瑞，歡喜無量。

「善男子！摩耶夫人出迦毘 pí 羅 luó 城，入此林時，復現十種光明瑞相，令諸眾生得法光明。何等為十？所謂：一切寶華藏光、寶香藏光、寶蓮華開演出真實妙音聲光、十方菩薩初發心光、一切菩薩得入諸地現神變 biàn 光、一切菩薩修波羅蜜圓滿智光、一切菩薩大願智光、一切菩薩教化眾生方便智光、一切菩薩證於法界真實智光、一切菩薩得佛自在受生出家成正覺光。此十光明，普照無量諸眾生心。

「善男子！摩耶夫人於畢 bì 洛叉樹下坐時，復現菩薩將欲誕生十種神變 biàn。何等為十？

「善男子！菩薩將欲誕生之時，欲界諸天天子、天女，及以色界一切諸天、諸龍、夜叉、乾闥婆、阿脩羅、迦樓羅、緊那羅、摩睺羅伽并其眷屬，為供養故，悉皆雲集。摩耶夫人威德殊勝 shèng，身諸毛孔咸放光明，普照三千大千世界無所障礙 ài，一切光明悉皆不現，除滅一切眾生煩惱及惡道苦。是為菩薩將欲誕生第一神變。

「又，善男子！當爾之時，摩耶夫人腹中悉現三千世界一切形像，其百億閻浮提內，各有都邑 yì，各有園林，名號不同，皆有摩耶夫人於中止住、天眾圍遶，悉為顯 xiǎn 現菩薩將生不可思議神變之相。是為菩薩將欲誕生第二神變。

「又，善男子！摩耶夫人一切毛孔，皆現如來往昔修行菩薩道時，恭敬供養一切諸佛，及聞諸佛說法音聲。譬如明鏡及以水中，能現虛空日月、星宿、雲雷等像；摩耶夫人身諸毛孔亦復如是，能現如來往昔因緣。是為菩薩將欲誕生第三神變。

「又，善男子！摩耶夫人身諸毛孔，一一皆現如來往修菩薩行時，所住世界，城邑聚落，山林河海，眾生劫數，值佛出世，入淨國土，隨所受生，壽命長短，依善知識修行善法，於一切剎在在生處，摩耶夫人常為其母；如是一切，於毛孔中摩

mǐ不皆現。是為菩薩將欲誕生第四神變。

「又，善男子！摩耶夫人一一毛孔，顯 xiǎn 現如來往昔修行菩薩行時，隨所生處，色相形貌，衣服飲食，苦樂等事，一一普現，分明辨了。是為菩薩將欲誕生第五神變。

「又，善男子！摩耶夫人身諸毛孔，一一皆現世尊往昔修施行時，捨所難 nán 捨一一頭 tóu 目耳鼻，脣 chún 舌牙齒，身體 tǐ 手足，血肉筋骨，男女妻妾，城邑宮殿，衣服瓔珞，金銀寶貨。——如是一切內外諸物，亦見受者形貌、音聲及其處所。是為菩薩將欲誕生第六神變。

「又，善男子！摩耶夫人入此園時，其林普現過去所有一切諸佛入母胎時國土、園林、衣服、華鬘、塗香、末香、幡 fān 繒 zēng、幢 chuáng 蓋 gài——一切眾寶莊嚴之事，妓樂歌詠上妙音聲，令諸眾生普得見聞。是為菩薩將誕生時第七神變。

「又，善男子！摩耶夫人入此園時，從其身出菩薩所住摩尼寶王宮殿、樓閣，超過一切天、龍、夜叉、乾闥婆、阿脩羅、迦樓羅、緊那羅、摩睺羅伽及諸人王之所住者，寶網覆上，妙香普熏，眾寶莊嚴，內外清淨，各各差別，不相雜 zá 亂 luàn，周匝遍滿嵐毘尼園。是為菩薩將誕生時第八神變。

「又，善男子！摩耶夫人入此園時，從其身出十不可說百千億那由他佛刹微塵數菩薩，其諸菩薩身形容貌、相好光明、進止威儀、神通眷屬，皆與毘盧遮那菩薩等無有異，悉共同時讚歎 tàn 如來。是為菩薩將誕生時第九神變。

「又，善男子！摩耶夫人將欲誕生菩薩之時，忽於其前，從金剛際出大蓮華，名為：一切寶莊嚴藏。金剛為莖，眾寶為鬚，如意寶王以為其臺 tái，有十佛刹微塵數葉 yè，一切皆以摩尼所成寶網、寶蓋 gài 以覆其上。一切天王所共執 zhí 持；一切龍王降注香雨；一切夜叉王恭敬圍遶，散諸天華；一切乾闥

婆王出微妙音，歌讚菩薩往昔供養諸佛功德；一切阿脩羅王捨
憍 jiāo 慢心，稽 qǐ 首敬禮；一切迦樓羅王垂寶繒幡，遍滿虛空；
一切緊那羅王歡喜瞻仰，歌詠讚歎 tàn 菩薩功德；一切摩睺羅
伽王皆生歡喜，歌詠讚歎，普雨一切寶莊嚴雲。是為菩薩將誕
生時第十神變。

「善男子！嵐 lán 毘尼園示現如是十種相已，然後菩薩其
身誕生。如虛空中現淨日輪，如高山頂出於慶 qìng 雲，如密
雲中而耀電光，如夜闇 àn 中而然大炬；爾時，菩薩從母脇 xié
生，身相光明亦復如是。善男子！菩薩爾時，雖現初生，悉已
了達 dá 一切諸法，如夢如幻，如影如像，無來無去，不生不
滅。

「善男子！當我見佛於此四天下閻浮提內嵐毘尼園示現
初生種種神變時，亦見如來於三千大千世界百億四天下閻浮提
內嵐毘尼園中示現初生種種神變；亦見三千大千世界一一塵
chén 中無量佛刹，亦見百佛世界、千佛世界乃至十方一切世界
一一塵中無量佛刹，如是一切諸佛刹中，皆有如來示現受生種
種神變。如是念念，常無間斷。」

時，善財童子白彼神言：「大天得此解脫，其已久如？」

答言：「善男子！乃往古世，過億佛刹微塵數劫，復過是
數。時，有世界名為：普寶，劫名：悅樂，八十那由他佛於中
出現；其第一佛，名：自在功德幢，十號具足。彼世界中，有
四天下，名：妙光莊嚴；其四天下閻浮提中，有一王都，名：
須彌莊嚴幢；其中有王，名：寶焰眼；其王夫人，名曰：喜光。
善男子！如此世界摩耶夫人，為毘盧遮那如來之母；彼世界中
喜光夫人，為初佛母，亦復如是。善男子！其喜光夫人將欲誕
生菩薩之時，與二十億那由他采女詣 yì 金華園；園中有樓名：

妙寶峯；其邊有樹名：一切施。喜光夫人攀彼樹枝而生菩薩，諸天王眾各持香水共以洗沐。時有乳母名為淨光，侍立其側。既洗沐已，諸天王眾授與乳母。乳母敬受，生大歡喜，即得菩薩普眼三昧；得此三昧已，普見十方無量諸佛，復得菩薩於一切處示現受生自在解脫。如初受胎識 shí，速疾無礙 ài；得此解脫故，見一切佛乘本願力受生自在，亦復如是。善男子！於汝意云何？彼乳母者，豈異人乎？我身是也。我從是來，念念常見毘盧遮那佛示現菩薩受生海調伏眾生自在神力。如見毘盧遮那佛乘本願力，念念於此三千大千，乃至十方一切世界微塵之內，皆現菩薩受生神變；見一切佛悉亦如是，我皆恭敬承事供養，聽所說法，如說修行。」

時，嵐毘尼林神，欲重宣此解脫義，承佛神力，普觀十方而說頌言：

「佛子汝所問，	諸佛甚深境；
汝今應聽 tīng 受，	我說其因緣。
過億剎塵劫，	有劫名悅樂；
八十那由他，	如來出興 xīng 世。
最初如來號 hào，	自在功德幢；
我在金華園，	見彼初生日。
我時為乳母，	智慧極聰 cōng 利；
諸天授與我，	菩薩金色身。
我時疾捧持，	諦觀不見頂，
身相皆圓滿，	一一無邊際。
離垢清淨身，	相好以莊嚴，
譬如妙寶像，	見已自欣慶 qìng。
思惟彼功德，	疾增眾福海；
見此神通事，	發大菩提心。

專 zhuān 求佛功德，增廣諸大願，
嚴淨一切剎，滅除三惡道。
普於十方土，供養無數佛，
修行本誓願，救脫眾生苦。
我於彼佛所，聞法得解脫，
億剎微塵數，無量劫修行。
劫中所有佛，我悉曾供養，
護 hù 持其正法，淨此解脫海。
億剎微塵數，過去十力尊，
盡 jìn 持其法輪，增明此解脫。
我於一念頃，見此剎塵中，
一一有如來，所淨諸剎海。
剎內悉有佛，園中示誕生，
各現不思議，廣大神通力。
或見不思議，億剎諸菩薩，
住於天宮上，將證佛菩提。
無量剎海中，諸佛現受生，
說法眾圍遶，於此我皆見。
一念見億剎，微塵數菩薩，
出家趣道場，示現佛境界。
我見剎塵內，無量佛成道，
各現諸方便，度脫苦眾生。
一一微塵中，諸佛轉法輪，
悉以無盡 jìn 音，普雨甘露法。
億剎微塵數，一一剎塵內，
悉見於如來，示現般涅槃。
如是無量剎，如來示誕生；

而我悉分身， 現前興 xīng 供養。
不思議刹海， 無量趣差別；
我悉現其前， 雨於大法雨。
佛子我知此， 難 nán 思解脫門，
無量億劫中， 稱揚不可盡 jìn。

「善男子！我唯知此菩薩於無量劫遍一切處示現受生自在解脫。如諸菩薩摩訶薩，能以一念為諸劫藏，觀一切法，以善方便而現受生；周遍供養一切諸佛，究竟通達 dá 一切佛法；於一切趣皆現受生，一切佛前坐蓮華座；知諸眾生應可度時，為現受生方便調伏；於一切刹現諸神變，猶如影像悉現其前。我當云何能知能說彼功德行？」

「善男子！此迦毘 pí 羅城，有釋種女名曰：瞿 qú 波。汝詣彼問：菩薩云何於生死中教化眾生？」

時，善財童子頂禮其足，遶無數匝，慇懃瞻仰，辭退而去。

大方廣佛華嚴經卷第七十四

大方廣佛華嚴經卷第七十五

于闐國三藏實叉難陀奉 制譯

入法界品第三十九之十六

爾時，善財童子向迦毘羅城，思惟修習受生解脫，增長廣大，憶念不捨。漸次遊行，至菩薩集會普現法界光明講堂，其中有神號：無憂德，與一萬主宮殿神俱來迎善財，作如是言：「善來丈夫！有大智慧，有大勇猛，能修菩薩不可思議自在解脫，心恒不捨廣大誓願，善能觀察諸法境界；安住法城，入於無量諸方便門，成就如來功德大海；得妙辯才，善調眾生，獲聖智身，恒順修行，知諸眾生心行差別，令其歡 huān 喜趣向佛道。」

「我觀仁者修諸妙行心無暫懈，威儀所行悉皆清淨，汝當不久得諸如來清淨莊嚴無上三業，以諸相好莊嚴其身，以十力智瑩飾其心，遊諸世間。我觀仁者勇猛精進而無有比，不久當得普見三世一切諸佛聽 tīng 受其法，不久當得一切菩薩禪定解脫諸三昧樂，不久當入諸佛如來甚深解脫。何以故？見善知識親近供養，聽受其教，憶念修行，不懈不退，無憂無悔，無有障礙，魔及魔民不能為難 nán，不久當成無上果故。」

善財童子言：「聖者！如向所說，願我皆得。聖者！我願一切眾生，息諸熱惱，離諸惡業，生諸安樂，修諸淨行。聖者！一切眾生，起諸煩惱，造諸惡業，墮諸惡趣，若身若心恒受楚毒，菩薩見已心生憂惱。聖者！譬如有人，唯有一子，愛念情至，忽見被人割截肢體 tǐ，其心痛切不能自安。菩薩摩訶薩亦復如是，見諸眾生以煩惱業墮三惡趣受種種苦，心大憂惱。若見眾生起身、語、意三種善業，生天人趣受身心樂，菩薩爾時生大歡喜。何以故？菩薩不自為故求一切智，不貪生死諸欲快

樂，不隨想倒、見倒、心倒、諸結、隨眠、愛見力轉，不起眾生種種樂想，亦不味著諸禪定樂，非有障礙、疲厭、退轉住於生死。但見眾生於諸有中，具受無量種種諸苦，起大悲心，以大願力而普攝取。悲願力故，修菩薩行，為斷一切眾生煩惱，為求如來一切智智，為供養一切諸佛如來，為嚴 yán 淨一切廣大國土，為淨治一切眾生樂欲及其所有身心諸行，於生死中無有疲厭。

「聖者！菩薩摩訶薩於諸眾生，為莊嚴，令生人天富貴樂故；為父母，為其安立菩提心故；為養 yǎng 育，令其成就菩薩道故；為衛 wèi 護 hù，令其遠離三惡道故；為船師，令其得度生死海故；為歸 guī 依，令捨諸魔煩惱怖故；為究竟，令其永得清涼樂故；為津濟 jì，令入一切諸佛海故；為導 dǎo 師，令至一切法寶洲故；為妙華，開敷 fū 諸佛功德心故；為嚴具，常放福德智慧光故；為可樂，凡有所作悉端嚴故；為可尊，遠離一切諸惡業故；為普賢，具足一切端嚴身故；為大明，常放智慧淨光明故；為大雲，常雨一切甘露法故。聖者！菩薩如是修諸行時，令一切眾生皆生愛樂、具足法樂。」

爾時，善財童子將昇法堂，其無憂德及諸神眾，以出過諸天上妙華鬘、塗香、末香，及以種種寶莊嚴具，散善財上，而說頌言：

「汝今出世間，	為世大明燈，
普為諸眾生，	勤求無上覺。
無量億千劫，	難 nán 可得見汝；
功德日今出，	滅除諸世闇àn。
汝見諸眾生，	顛倒惑所覆，
而興 xīng 大悲意，	求證無師道。
汝以清淨心，	尋求佛菩提，

承事善知識，不自惜身命。
汝於諸世間，無依無所著，
其心普無礙，清淨如虛空。
汝修菩提行，功德悉圓滿，
放大智慧光，普照一切世。
汝不離世間，亦不著於世，
行世無障礙，如風遊虛空。
譬如火災 zāi 起，一切無能滅 miè；
汝修菩提行，精進火亦然。
勇猛大精進，堅固不可動，
金剛慧師子，遊行無所畏。
一切法界中，所有諸剎海，
汝悉能往詣 yì，親近善知識。」

爾時，無憂德神說此頌已，為愛樂法故，隨逐善財，恒不捨離。

爾時，善財童子入普現法界光明講堂，周遍推求彼釋氏女，見在堂內，坐寶蓮華師子之座，八萬四千采女所共圍遶。是諸采女，靡不皆從王種中生，悉於過去修菩薩行同種善根，布施、愛語普攝眾生；已能明見一切智境，已共修集佛菩提行；恒住正定，常遊大悲，普攝眾生猶如一子；慈心具足，眷屬清淨；已於過去成就菩薩不可思議善巧方便，皆於阿耨多羅三藐三菩提得不退轉，具足菩薩諸波羅蜜；離諸取著不樂生死；雖行諸有，心常清淨，恒勤觀察一切智道；離障蓋 gài 網，超諸著處，從於法身而示化形；生普賢行，長菩薩力，智日慧燈悉已圓滿。

爾時，善財童子詣 yì 彼釋女瞿 qú 波之所，頂禮其足，合掌而住，作如是言：「聖者！我已先發阿耨多羅三藐三菩提心，

而未知菩薩云何於生死中，而不為生死過患所染？了法自性，而不住聲聞、辟支佛地？具足佛法，而修菩薩行？住菩薩地，而入佛境界？超過世間，而於世受生？成就法身，而示現無邊種種色身？證無相法，而為眾生示現諸相？知法無說，而廣為眾生演說諸法？知眾生空，而恒不捨化眾生事？雖知諸佛不生不滅，而勤供養無有退轉？雖知諸法無業無報，而修諸善行恒不止息？」

時，瞿 qú 波女告善財言：「善哉善哉！善男子！汝今能問菩薩摩訶薩如是行法，修習普賢諸行願者能如是問。諦聽諦聽！善思念之！我當承佛神力，為汝宣說。

「善男子！若諸菩薩成就十法，則能圓滿因陀羅網普智光明菩薩之行。何等為十？所謂：依善知識故，得廣大勝解故，得清淨欲樂故，集一切福智故，於諸佛所聽 tīng 聞法故，心恒不捨三世佛故，同於一切菩薩行故，一切如來所護 hù 念故，大悲妙願皆清淨故，能以智力普斷一切諸生死故。是為十。若諸菩薩成就此法，則能圓滿因陀羅網普智光明菩薩之行。

「佛子！若菩薩親近善知識，則能精進不退，修習出生無盡 jìn 佛法。佛子！菩薩以十種法，承事善知識。何等為十？所謂：於自身命無所顧 gù 惜，於世樂具心不貪求，知一切法性皆平等，永不退捨一切智願，觀察一切法界實相，心恒捨離一切有海，知法如空心無所依，成就一切菩薩大願，常能示現一切剎海，淨修菩薩無礙智輪。佛子！應以此法承事一切諸善知識，無所違 wéi 逆。」

爾時，釋迦瞿波女，欲重明此義，承佛神力，觀察十方，而說頌言：

「菩薩為利諸群生， 正念親承善知識，
敬之如佛心無怠 dài， 此行於世帝網行。

勝解廣大如虛空，
國土眾生佛皆爾，
志樂如空無有際，
一切佛所修功德，
菩薩修習一切智，
淨諸福德智慧身，
一切諸佛如來所，
能生實相智慧燈，
十方諸佛無有量，
心恒不捨諸如來，
能入諸佛大眾會，
願海及以方便海，
一切諸佛所加持，
處處修行普賢道，
見諸眾生受大苦，
演法光明除闇àn 冥，
見諸眾生在諸趣，
令其永斷生死流，
菩薩修行此方便，
普於一切諸趣中，
以大慈悲方便力，
隨其解欲為說法，
一切三世悉入中，
此是普智光明行。
永斷煩惱離諸垢，
此行於世身雲行。
不可思議功德海，
此行於世不染行。
聽 tīng 受其法無厭足，
此行於世普照行。
一念一切悉能入，
此向菩提大願行。
一切菩薩三昧海，
此行於世帝網行。
盡 jìn 未來際無邊劫，
此是菩薩分身行。
起大慈悲現世間，
此是菩薩智日行。
為集無邊妙法輪，
此是修行普賢行。
隨眾生心而現身，
化度無量諸含識 shí。
普遍世間而現身，
皆令趣向菩提道。」

時，釋迦瞿波說此頌已，告善財童子言：「善男子！我已成就觀察一切菩薩三昧海解脫門。」

善財言：「大聖！此解脫門境界云何？」

答言：「善男子！我入此解脫，知此娑婆世界佛剎微塵數劫，所有眾生於諸趣中，死此生彼，作善作惡，受諸果報，有

求出離、不求出離，正定、邪定及以不定，有煩惱善根，無煩惱善根，具足善根，不具足善根，不善根所攝善根，善根所攝不善根；如是所集善、不善法，**我皆知見**。又彼劫中所有諸佛名號、次第，**我悉了知**。彼佛世尊從初發心，及以方便求一切智，出生一切諸大願海，供養諸佛，修菩薩行，成等正覺，轉妙法輪，現大神通，化度眾生，**我悉了知**。亦知彼佛眾會差別，其眾會中有諸眾生依聲聞乘而得出離，其聲聞眾過去修習一切善根，及其所得種種智慧，**我悉了知**。有諸眾生依獨覺乘而得出離，其諸獨覺所有善根、所得菩提、寂滅解脫、神通變化、成熟眾生、入於涅槃，**我悉了知**。亦知彼佛諸菩薩眾，其諸菩薩從初發心，修習善根，出生無量諸大願行，成就滿足諸波羅蜜種種莊嚴菩薩之道，以自在力，入菩薩地，住菩薩地，觀菩薩地，淨菩薩地，菩薩地相、菩薩地智、菩薩攝智、菩薩教化眾生智、菩薩建立智、菩薩廣行境界、菩薩神通行、菩薩三昧海、菩薩方便，菩薩於念念中所入三昧海、所得一切智光明、所獲 huò 一切智電光雲、所得實相忍、所通達 dá 一切智、所住剎海、所入法海、所知眾生海、所住方便、所發誓願、所現神通，**我悉了知**。

「善男子！此娑婆世界，盡 jìn 未來際，所有劫海，展轉不斷，**我皆了知**。如知娑婆世界，亦知娑婆世界內微塵數世界，亦知娑婆世界內一切世界，亦知娑婆世界微塵內所有世界，亦知娑婆世界外十方無間所住世界，亦知娑婆世界世界種所攝世界，亦知毘盧遮那世尊此華藏世界海中十方無量諸世界種所攝世界，所謂：世界廣博、世界安立、世界輪、世界場、世界差別、世界轉、世界蓮華、世界須彌、世界名號。盡此世界海一切世界，由毘盧遮那世尊本願力故，我悉能知，亦能憶念。亦念如來往昔所有諸因緣海。所謂：修集一切諸乘方便，無量劫

中，住菩薩行，淨佛國土，教化眾生，承事諸佛，造立住處，聽 tīng 受說法，獲 huò 諸三昧，得諸自在；修檀波羅蜜入佛功德海，持戒苦行，具足諸忍，勇猛精進，成就諸禪，圓滿淨慧；於一切處示現受生，普賢行願悉皆清淨，普入諸刹，普淨佛土，普入一切如來智海，普攝一切諸佛菩提，得於如來大智光明，證於諸佛一切智性，成等正覺，轉妙法輪；及其所有道場眾會，其眾會中一切眾生，往世已來所種善根，從初發心，成熟眾生，修行方便，念念增長，獲諸三昧神通解脫。如是一切，我悉了知。何以故？我此解脫，能知一切眾生心行、一切眾生修行善根、一切眾生雜 zá 染清淨、一切眾生種種差別、一切聲聞諸三昧門、一切緣覺寂靜三昧神通解脫、一切菩薩一切如來解脫光明，皆了知故。」

爾時，善財童子白瞿波言：「聖者得此解脫，其已久如？」

答言：「善男子！我於往世，過佛刹微塵數劫，有劫名：勝 shèng 行，世界名：無畏。彼世界中有四天下，名為：安隱。其四天下閻浮提中，有一王城名：高勝樹，於八十王城中最為上首。彼時有王名曰：財主，其王具有六萬采女、五百大臣、五百王子；其諸王子皆悉勇健，能伏怨敵 dí。其王太子名：威德主，端正殊特，人所樂見，足下平滿，輪相備 bèi 具，足趺隆起，手足指間皆有網縵，足跟齊 qí 正，手足柔軟，伊尼耶鹿王牀 shuàn，七處圓滿，陰 yīn 藏隱密，其身上分如師子王，兩肩平滿，雙 shuāng 臂臑 chōng 長，身相端直，頸文三道，頰 jiá 如師子，具四十齒悉皆齊 qí 密，四牙鮮白，其舌長廣出梵音聲，眼目紺 gàn 青，睫如牛王，眉間毫相，頂上肉髻 jì，皮膚 fū 細軟如真金色，身毛上靡，髮帝青色，其身洪滿如尼拘陀樹。

「爾時太子受父王教，與十千采女詣香芽園遊觀戲 xì 樂。太子是時，乘妙寶車，其車具有種種嚴飾，置大摩尼師子之座而坐其上；五百采女各執 zhí 寶繩 shéng 牽馭 yù 而行，進止有度，不遲 chí 不速；百千萬人持諸寶蓋 gài，百千萬人持諸寶幢，百千萬人持諸寶幡，百千萬人作諸妓樂，百千萬人燒諸名香，百千萬人散諸妙華，前後圍遶而為翊 yì 從 cóng。道路平正，無有高下，眾寶雜 zá 華散布其上；寶樹行列，寶網彌覆，種種樓閣延袤 mào 其間。其樓閣中，或有積聚種種珍寶，或有陳列諸莊嚴具，或有供設種種飲食，或有懸 xuán 布種種衣服，或有備 bèi 擬 nǐ 諸資生物，或復安置端正女人，及以無量僮僕侍從；隨有所須，悉皆施與。

「時，有母人名為：善現，將一童女名：具足妙德，顏容端正，色相嚴潔 jié，洪纖 xiān 得所，修短合度，目髮紺青，聲如梵音，善達工巧，精通辯論，恭勤匪 fěi 懈，慈愍不害，具足慚愧，柔和質直，離癡寡欲，無諸諂 chǎn 誑，乘妙寶車，采女圍遶，及與其母從王城出，先太子行。見其太子言辭諷詠，心生愛染，而白母言：『我心願得敬事此人，若不遂情，當自殞 yǔn 滅。』母告女言：『莫生此念。何以故？此甚難得。此人具足輪王諸相，後當嗣 sì 位作轉輪王，有寶女出，騰空自在。我等卑賤，非其匹偶。此處難得，勿生是念。』

「彼香芽園側有一道場名：法雲光明。時有如來名：勝 shèng 日身，十號具足，於中出現已經七日。時彼童女暫時假寐 mèi，夢見其佛；從夢覺已，空中有天而告之言：『勝日身如來，於法雲光明道場成等正覺已經七日，諸菩薩眾前後圍遶。天、龍、夜叉、乾闥婆、阿脩羅、迦樓羅、緊那羅、摩睺羅伽、梵天乃至色究竟天，諸地神、風神、火神、水神、河神、海神、山神、樹神、園神、藥神、主城神等，為見佛故，皆來集會。』

「時，妙德童女夢覩 dǔ 如來故，聞佛功德故，其心安隱，無有怖畏，於太子前而說頌言：

「『 我身最端正， 名聞遍十方，
智慧無等倫， 善達 dá 諸工巧。
無量百千眾， 見我皆貪染；
我心不於彼， 而生少愛欲。
無瞋 chēn 亦無恨，無嫌亦無喜，
但發廣大心， 利益諸眾生。
我今見太子， 具諸功德相，
其心大欣慶 qìng，諸根咸悅樂。
色如光明寶， 髮美而右旋，
額廣眉纖 xiān 曲，我心願事汝。
我觀太子身， 譬若真金像，
亦如大寶山， 相好有光明。
目廣紺青色， 月面師子頰 jiá，
喜顏美妙音， 願垂哀納我！
舌相廣長妙， 猶如赤銅色；
梵音緊那聲， 聞者皆歡 huān 喜。
口方不褰 qiān 縮，齒白悉齊 qí 密，
發言現笑時， 見者心歡喜。
離垢清淨身， 具相三十二，
必當於此界， 而作轉輪位。』

「爾時，太子告彼女言：『汝是誰女？為誰守護 hù？若先屬人，我則不應起愛染心。』爾時，太子以頌問言：

「『 汝身極 jí 清淨， 功德相具足；
我今問於汝， 汝於誰所住？
誰為汝父母？ 汝今繫 xì 屬誰？

若已屬於人，	彼人攝受汝。
汝不盜他物，	汝不有害心，
汝不作邪淫，	汝依何語住？
不說他人惡，	不壞 huài 他所親，
不侵他境界，	不於他恚 huì 怒。
不生邪險見，	不作相違 wéi 業，
不以諂曲力，	方便誑世間。
尊重父母不？	敬善知識不？
見諸貧窮人，	能生攝心不？
若有善知識，	誨示於汝法，
能生堅固心，	究竟尊重不？
愛樂於佛不？	了知菩薩不？
眾僧功德海，	汝能恭敬不？
汝能知法不？	能淨眾生不？
為住於法中，	為住於非法？
見諸孤獨者，	能起慈心不？
見惡道眾生，	能生大悲不？
見他得榮樂，	能生歡喜不？
他來逼迫汝，	汝無瞋 chēn 惱不？
汝發菩提意，	開悟眾生不？
無邊劫修行，	能無疲倦不？』

「爾時，女母為其太子而說頌言：

「『太子汝應聽 tīng，我今說此女，
初生及成長，一切諸因緣。
太子始生日，即從蓮華生，
其目淨修廣，肢節悉具足。
我曾於春月，遊觀娑羅園，

普見諸藥草，
奇樹發妙華，
好鳥相和鳴，
同遊八百女，
被服皆嚴麗 lì，
彼園有浴池，
我於池岸坐，
於彼蓮池內，
寶葉瑠璃莖，
爾時夜分盡，
其蓮正開剖，
其光極熾 chì盛，
普照閻浮提，
時見此玉女，
其身甚清淨，
此是人間寶，
宿因無失壞，
紺髮青蓮眼，
華鬘眾寶髻 jì，
肢節悉具足，
譬如真金像，
毛孔栴檀香，
口出青蓮香，
此女所住處，
不應下劣人，
世間無有人，
唯汝相嚴身，
種種皆榮茂。
望之如慶 qìng 雲；
林間共歡 huān 樂。
端正奪 duó 人心，
歌詠悉殊美。
名曰蓮華幢；
采女眾圍遶。
忽生千葉華，
閻浮金為臺 tái。
日光初出現，
放大清淨光。
譬如日初出，
眾歎 tàn 未曾有。
從彼蓮華生，
肢分皆圓滿。
從於淨業生，
今受此果報。
梵聲金色光，
清淨無諸垢。
其身無缺減，
安處寶華中。
普熏於一切；
常演梵音聲。
常有天音樂；
而當如是偶。
堪與此為夫，
願垂見納受！

非長亦非短，	非麤 cū亦非細，
種種悉端嚴，	願垂見納受！
文字算數法，	工巧諸技藝 yì，
一切皆通達 dá，	願垂見納受！
善了諸兵法，	巧斷眾爭訟，
能調難 nán 可調，	願垂見納受！
其身甚清淨，	見者無厭足，
功德自莊嚴，	汝應垂納受！
眾生所有患，	善達彼緣起，
應病而與藥，	一切能消滅。
閻浮語言法，	差別無量種，
乃至妓樂音，	靡不皆通達 dá。
婦人之所能，	此女一切知，
而無女人過，	願垂速納受！
不嫉亦不慳，	無貪亦無恚，
質直性柔軟，	離諸麤 cū獷 guǎng 惡。
恭敬於尊者，	奉事無違 wéi 逆，
樂修諸善行，	此能隨順汝。
若見於老病，	貧窮在苦難 nàn，
無救無所依，	常生大慈愍。
常觀第一義，	不求自利樂，
但願益眾生，	以此莊嚴心。
行住與坐臥，	一切無放逸；
言說及默然，	見者咸欣樂。
雖於一切處，	皆無染著心；
見有功德人，	樂觀無厭足。
尊重善知識，	樂見離惡人；

其心不躁動， 先思後作業。
福智所莊嚴， 一切無怨恨，
女人中最上， 宜應事太子。』

「爾時，太子入香芽園已，告其妙德及善現言：『善女！我趣求阿耨多羅三藐三菩提，當於盡 jìn 未來際無量劫，集一切智助道之法，修無邊菩薩行，淨一切波羅蜜，供養一切諸如來，護 hù 持一切諸佛教，嚴淨一切佛國土，當令一切如來種性不斷，當隨一切眾生種性而普成熟，當滅一切眾生生死苦置於究竟安樂處，當淨治一切眾生智慧眼，當修習一切菩薩所修行，當安住一切菩薩平等心，當成就一切菩薩所行地，當令一切眾生普歡喜；當捨一切物，盡未來際行檀波羅蜜，令一切眾生普得滿足衣服飲食、妻妾男女、頭 tóu 目手足，如是一切內外所有，悉當捨施，無所吝 lìn 惜。當於爾時，汝或於我而作障難 nàn：施財物時，汝心吝惜；施男女時，汝心痛惱；割肢體 tǐ 時，汝心憂 yōu 悶；捨汝出家，汝心悔恨。』

「爾時，太子即為妙德而說頌言：

「『哀愍眾生故， 我發菩提心，
當於無量劫， 習行一切智。
無量大劫中， 淨修諸願海，
入地及治障， 悉經無量劫。
三世諸佛所， 學六波羅蜜，
具足方便行， 成就菩提道。
十方垢穢 huì 刹，我當悉嚴淨；
一切惡道難 nàn，我當令永出。
我當以方便， 廣度諸群生，
令滅愚癡暗， 住於佛智道。
當供一切佛， 當淨一切地，

起大慈悲心， 悉捨內外物。
汝見來乞者， 或生慳吝 lìn 心；
我心常樂施， 汝勿違 wéi 於我。
若見我施頭 tóu， 慎勿生憂惱；
我今先語汝， 令汝心堅固。
乃至截手足， 汝勿嫌乞者；
汝今聞我語， 應可諦思惟。
男女所愛物， 一切我皆捨；
汝能順我心， 我當成汝意。』

「爾時，童女白太子言：『敬奉來教。』即說頌言：

「『 無量劫海中， 地獄火焚身；
若能眷 juàn 納我， 甘心受此苦。
無量受生處， 碎身如微塵；
若能眷納我， 甘心受此苦。
無量劫頂戴， 廣大金剛山；
若能眷納我， 甘心受此苦。
無量生死海， 以我身肉施；
汝得法王處， 願令我亦然！
若能眷納我， 與我為主者，
生生行施處， 願常以我施！
為愍眾生苦， 而發菩提心；
既已攝眾生， 亦當攝受我。
我不求豪富， 不貪五欲樂，
但為共行法， 願以仁為主！
紺 gàn 青修廣眼， 慈愍觀世間，
不起染著心， 必成菩薩道。
太子所行處， 地出眾寶華，

必作轉輪王，願能眷納我！
我曾夢見此，妙法菩提場，
如來樹下坐，無量眾圍遶。
我夢彼如來，身如真金山，
以手摩我頂，寤 wù 已心歡喜。
往昔眷屬天，名曰喜光明；
彼天為我說，道場佛興 xīng 世。
我曾生是念：願見太子身。
彼天報我言：汝今當得見。
我昔所志願，於今悉成滿；
唯願俱往詣 yì，供養彼如來！』

「爾時，太子聞勝 shèng 日身如來名，生大歡喜，願見彼佛，以五百摩尼寶散其女上，冠以妙藏光明寶冠，被以火焰摩尼寶衣。其女爾時，心不動搖，亦無喜相；但合掌恭敬，瞻仰太子，目不暫捨。

「其母善現，於太子前而說頌言：

「『此女極端正，功德莊嚴身；
昔願奉太子，今意已滿足。
持戒有智慧，具足諸功德；
普於一切世，最勝無倫匹。
此女蓮華生，種姓無譏 jī 醜 chǒu，
太子同行業，遠離一切過。
此女身柔軟，猶如天繒 zēng 纈 kuàng；
其手所觸摩，眾患悉除滅。
毛孔出妙香，芬馨最無比；
眾生若聞者，悉住於淨戒。
身色如真金，端坐華臺 tái 上；

眾生若見者， 離害具慈心。
言音極柔軟， 聽 tīng 之無不喜；
眾生若得聞， 悉離諸惡業。
心淨無瑕 xiá 垢， 遠離諸諂曲，
稱心而發言， 聞者皆歡喜。
調柔具慚愧， 恭敬於尊宿 sù，
無貪亦無誑， 憐 lián 愍諸眾生。
此女心不恃 shì， 色相及眷屬；
但以清淨心， 恭敬一切佛。』

「爾時，太子與妙德女及十千采女并其眷屬，出香芽園，詣 yì 法雲光明道場。至已下車，步進 jìn 詣如來所。見佛身相端嚴寂靜，諸根調順，內外清淨，如大龍池無諸垢濁；皆生淨信，踊躍歡喜，頂禮佛足，遶無數匝。于時太子及妙德女，各持五百妙寶蓮華供散彼佛。太子為佛造五百精舍，一一皆以香木所成，眾寶莊嚴，五百摩尼以為間錯。時，佛為說普眼燈門修多羅；聞是經已，於一切法中得三昧海，所謂：得普照一切佛願海三昧、普照三世藏三昧、現見一切佛道場三昧、普照一切眾生三昧、普照一切世間智燈三昧、普照一切眾生根智燈三昧、救護 hù 一切眾生光明雲三昧、普照一切眾生大明燈三昧、演一切佛法輪三昧、具足普賢清淨行三昧。時，妙德女得三昧，名：難 nán 勝 shèng 海藏，於阿耨多羅三藐三菩提永不退轉。

「時，彼太子與妙德女并其眷屬，頂禮佛足，遶無數匝，辭退還宮；詣父王所，拜跪畢 bì 已，奉白王言：『大王當知，勝日身如來出興 xīng 於世，於此國內法雲光明菩提場中成等正覺，于今未久。』

爾時，大王語太子言：『是誰為汝說如是事？天耶？人耶？』
太子白言：『是此具足妙德女說。』

時，王聞已，歡喜無量，譬如貧人得大伏藏，作如是念：『佛無上寶難 nán 可值遇，若得見佛，永斷一切惡道怖畏。佛如醫王，能治一切諸煩惱病，能救一切生死大苦；佛如導 dǎo 師，能令眾生至於究竟安隱住處。』作是念已，集諸小王、群臣、眷屬，及以刹利、婆羅門等一切大眾，便捨王位，授與太子；灌頂訖已，與萬人俱，往詣佛所；到已禮足，遶無數匝，并其眷屬悉皆退坐。

「爾時，如來觀察彼王及諸大眾，白毫相中放大光明名：一切世間心燈，普照十方無量世界，住於一切世主之前，示現如來不可思議大神通力，普令一切應受化者心得清淨。爾時，如來以不思議自在神力，現身超出一切世間，以圓滿音普為大眾說陀羅尼，名：一切法義 yì 離闇 àn 燈，佛刹微塵數陀羅尼而為眷屬。彼王聞已，即時獲 huò 得大智光明；其眾會中，有閻浮提微塵數菩薩，俱時證得此陀羅尼；六十萬那由他人，盡 jìn 諸有漏，心得解脫；十千眾生，遠塵離垢，得法眼淨；無量眾生，發菩提心。時，佛又以不思議力廣現神變，普於十方無量世界演三乘法化度眾生。

「時，彼父王作如是念：『我若在家，不能證得如是妙法；若於佛所出家學道，即當成就。』作是念已，前白佛言：『願得從佛出家修學！』佛言：『隨意，宜自知時。』

時，財主王與十千人，皆於佛所同時出家。未久之間，悉得成就一切法義離闇 àn 燈陀羅尼，亦得如上諸三昧門，又得菩薩十神通門，又得菩薩無邊辯才，又得菩薩無礙淨身，往詣十方諸如來所聽受其法，為大法師演說妙法；復以神力遍十方刹，隨眾生心而為現身，讚佛出現，說佛本行，示佛本緣，稱揚如來自在神力，護持於佛所說教法。

「爾時，太子於十五日在正殿上，采女圍遶，七寶自

至——一者輪寶，名：無礙行；二者象寶，名：金剛身；三者馬寶，名：迅疾風；四者珠寶，名：日光藏；五者女寶，名：具妙德；六藏臣寶，名為：大財；七主兵寶，名：離垢眼。——七寶具足，為轉輪王 wáng，王 wàng 閻浮提，正法治世，人民快樂。王有千子，端正勇健，能伏怨敵。其閻浮提中有八十王城，一一城中有五百僧坊，一一僧坊立佛支提，皆悉高廣，以眾妙寶而為校飾；一一王城皆請如來，以不思議眾妙供具而為供養。佛入城時，現大神力，令無量眾生種諸善根，無量眾生心得清淨，見佛歡喜，發菩提意，起大悲心，利益眾生，勤修佛法，入真實義，住於法性，了法平等，獲 huò 三世智，等觀三世，知一切佛出興 xīng 次第，說種種法攝取眾生，發菩薩願，入菩薩道，知如來法，成就法海，能普現身遍一切刹，知眾生根及其性欲，令其發起一切智願。

「佛子！於汝意云何，彼時太子得輪王位供養佛者，豈異人乎？今釋迦牟尼佛是也。財主王者，寶華佛是。其寶華佛，現在東方過世界海微塵數佛刹有世界海，名：現法界虛空影像雲，中有世界種，名：普現三世影摩尼王，彼世界種中有世界，名：圓滿光，中有道場，名：現一切世主身，寶華如來於此成阿耨多羅三藐三菩提，不可說佛刹微塵數諸菩薩眾前後圍遶而為說法。寶華如來往昔修行菩薩道時，淨此世界海；其世界海中去、來、今佛出興世者，皆是寶華如來為菩薩時教化令發阿耨多羅三藐三菩提心。彼時女母善現者，今我母善目是。其王眷屬，今如來所眾會是也，皆具修行普賢諸行成滿大願，雖恒在此眾會道場而能普現一切世間，住諸菩薩平等三昧，常得現見一切諸佛，一切如來以等虛空妙音聲雲演正法輪悉能聽受，於一切法悉得自在，名稱普聞諸佛國土，普詣一切道場之所，普現一切眾生之前，隨其所應教化調伏，盡未來劫修菩薩道恒

無間斷，成滿普賢廣大誓願。

「佛子！其妙德女與威德主轉輪聖王以四事供養勝日身如來者，我身是也。彼佛滅後，其世界中，六十億百千那由他佛出興 xīng 於世，我皆與王承事供養。其第一佛，名：清淨身；次名：一切智月光明身；次名：閻浮檀金光明王；次名：諸相莊嚴身；次名：妙月光；次名：智觀幢；次名：大智光；次名：金剛那羅延精進；次名：智力無能勝；次名：普安詳智；次名：離垢勝智雲；次名：師子智光明；次名：光明髻；次名：功德光明幢；次名：智日幢；次名：寶蓮華開敷身；次名：福德嚴淨光；次名：智焰雲；次名：普照月；次名：莊嚴蓋妙音聲；次名：師子勇猛智光明；次名：法界月；次名：現虛空影像開悟眾生心；次名：恒嗅 xiù 寂滅香；次名：普震寂靜音；次名：甘露山；次名：法海音；次名：堅固網；次名：佛影髻；次名：月光毫；次名：辯才口；次名：覺華智；次名：寶焰山；次名：功德星；次名：寶月幢；次名：三昧身；次名：寶光王；次名：普智行；次名：焰海燈；次名：離垢法音王；次名：無比德名稱幢；次名：修臂；次名：本願清淨月；次名：照義燈；次名：深遠 yuǎn 音；次名：毘盧遮那勝藏王；次名：諸乘幢；次名：法海妙蓮華。佛子！彼劫中，有如是等六十億百千那由他佛出興于世，我皆親近承事供養。其最後佛，名：廣大解，於彼佛所，得淨智眼。爾時，彼佛入城教化。我為王妃，與王禮 lǐ 覲 jìn，以眾妙物而為供養，於其佛所聞說出生一切如來燈法門，即時獲 huò 得觀察一切菩薩三昧海境界解脫。

「佛子！我得此解脫已，與菩薩於佛刹微塵數劫勤加修習，於佛刹微塵數劫中承事供養無量諸佛；或於一劫承事一佛，或二、或三、或不可說，或值佛刹微塵數佛，悉皆親近承事供養，而未能知菩薩之身形量色貌及其身業心行智慧三昧境界。佛子！

若有眾生，得見菩薩修菩提行，若疑若信；菩薩皆以世、出世間種種方便而攝取之，以為眷屬，令於阿耨多羅三藐三菩提得不退轉。

「佛子！我見彼佛得此解脫已，與菩薩於百佛剎微塵數劫而共修習；於其劫中，所有諸佛出興 xīng 于世，我皆親近承事供養，聽 tīng 所說法讀誦受持。於彼一切諸如來所，得此解脫種種法門，知種種三世，入種種剎海，見種種成正覺，入種種佛眾會，發菩薩種種大願，修菩薩種種妙行，得菩薩種種解脫，然未能知菩薩所得普賢解脫門。何以故？菩薩普賢解脫門，如太虛空，如眾生名，如三世海，如十方海，如法界海，無量無邊。佛子！菩薩普賢解脫門，與如來境界等。

「佛子！我於佛剎微塵數劫，觀菩薩身無有厭足。如多欲人男女集會，遞 dì 相愛染，起於無量妄想思覺。我亦如是，觀菩薩身一一毛孔，念念見無量無邊廣大世界種種安住、種種莊嚴、種種形狀，有種種山、種種地、種種雲、種種名、種種佛興、種種道場、種種眾會，演種種修多羅，說種種灌頂、種種諸乘、種種方便、種種清淨。又於菩薩一一毛孔，念念常見無邊佛海，坐種種道場，現種種神變，轉種種法輪，說種種修多羅，恒不斷絕。又於菩薩一一毛孔，見無邊眾生海種種住處、種種形貌、種種作業、種種諸根。又於菩薩一一毛孔，見三世諸菩薩無邊行門，所謂：無邊廣大願、無邊差別地、無邊波羅蜜、無邊往昔事、無邊大慈門、無邊大悲雲、無邊大喜心、無邊攝取眾生方便。

「佛子！我於佛剎微塵數劫，念念如是觀於菩薩一一毛孔，已所至處而不重至，已所見處而不重見，求其邊際竟不可得，乃至見彼悉達太子住於宮中、采女圍遶。我以解脫力，觀於菩薩一一毛孔，悉見三世法界中事。

「佛子！我唯得此觀察菩薩三昧海解脫。如諸菩薩摩訶薩，究竟無量諸方便海，為一切眾生現隨類身，為一切眾生說隨樂行，於一一毛孔現無邊色相海；知諸法性無性為性，知眾生性同虛空相無有分別，知佛神力同於如如，遍一切處示現無邊解脫境界；於一念中，能自在入廣大法界，遊戲一切諸地法門。而我云何能知能說彼功德行？

「善男子！此世界中，有佛母摩耶。汝詣彼問：菩薩云何修菩薩行，於諸世間無所染著，供養諸佛恒無休息，作菩薩業永不退轉，離一切障礙、入菩薩解脫不由於他，住一切菩薩道，詣一切如來所，攝一切眾生界，盡未來劫修菩薩行、發大乘願，增長一切眾生善根常無休息？」

爾時，釋迦瞿波女，欲重明此解脫義，承佛神力即說頌言：

「若有見菩薩，	修行種種行，
起善不善心，	菩薩皆攝取。
乃往久遠 yuǎn 世，	過百剎塵劫，
有劫名清淨，	世界名光明。
此劫佛興世，	六十千萬億；
最後天人主，	號曰法幢燈。
彼佛涅槃後，	有王名智山，
統領閻浮提，	一切無怨敵。
王有五百子，	端正能勇健，
其身悉清淨，	見者皆歡喜。
彼王及王子，	信心供養佛，
護 hù 持其法藏，	亦樂勤修法。
太子名善光，	離垢多方便，
諸相皆圓滿，	見者無厭足。
五百億人俱，	出家行學道，

勇猛堅精進，
王都名智樹，
有林名靜德，
善光住彼林，
辯才智慧力，
有時因乞食，
行止極 jí 安詳，
城中有居士，
我時為彼女，
時我於城中，
諸相極端嚴，
次乞至我門，
即解身瓔珞，
雖以愛染心，
二百五十劫，
或生天王家，
恒見善光明，
此後所經劫，
生於善現家，
時我見太子，
願得備 bèi 瞻侍，
我時與太子，
恭敬供養畢 bì，
於彼一劫中，
最後佛世尊，
於彼得淨眼，
普見受生處，
護持其佛法。
千億城圍遶；
眾寶所莊嚴。
廣宣佛正法，
令眾悉清淨。
入彼王都城，
正知心不亂 luàn。
號曰善名稱；
名為淨日光。
遇見善光明，
其心生染著。
我心增愛染，
并珠置鉢中。
供養彼佛子；
不墮三惡趣。
或作人王女，
妙相莊嚴身。
二百有五十，
名為具妙德。
而生尊重心，
幸蒙哀納受。
覲 jìn 佛勝日身，
即發菩提意。
六十億如來，
名為廣大解。
了知諸法相，
永除顛倒心。

我得觀菩薩，	三昧境解脫，
一念入十方，	不思議刹海。
我見諸世界，	淨穢 huì種種別，
於淨不貪樂，	於穢不憎惡。
普見諸世界，	如來坐道場，
皆於一念中，	悉放無量光。
一念能普入，	不可說眾會；
亦知彼一切，	所得三昧門。
一念能悉知，	彼諸廣大行，
無量地方便，	及以諸願海。
我觀菩薩身，	無邊劫修行，
一一毛孔量，	求之不可得。
一一毛孔刹，	無數不可說，
地水火風輪，	靡不在其中。
種種諸建立，	種種諸形狀，
種種體 tǐ名號，	無邊種莊嚴。
我見諸刹海，	不可說世界；
及見其中佛，	說法化眾生。
不了菩薩身，	及彼身諸業；
亦不知心智，	諸劫所行道。」

爾時，善財童子頂禮其足，遶無數匝，辭退而去。

大方廣佛華嚴經卷第七十五

大方廣佛華嚴經卷第七十六

于闐國三藏實叉難陀奉 制譯

入法界品第三十九之十七

爾時，善財童子一心欲詣 yì 摩耶夫人所，即時獲得觀佛境界智，作如是念：「是善知識，遠離世間，住無所住，超過六處，離一切著，知無礙道，具淨法身，以如幻業而現化身，以如幻智而觀世間，以如幻願而持佛身、隨意生身、無生滅身、無來去身、非虛實身、不變壞 huài 身、無起盡 jìn 身、所有諸相皆一相身、離二邊身、無依處身、無窮盡身、離諸分別如影現身、知如夢身、了如像身、如淨日身、普於十方而化現身、住於三世無變異身、非身心身，猶如虛空，所行無礙，超諸世眼，唯是普賢淨目所見。如是之人，我今云何而得親近承事供養、與其同住、觀其狀貌、聽其音聲、思其語言、受其教誨？」作是念已，有主城神名曰：寶眼，眷屬圍遶，於虛空中而現其身，種種妙物以為嚴飾，手持無量眾色寶華以散善財，作如是言：「善男子！應守護 hù 心城，謂：不貪一切生死境界；

「應莊嚴心城，謂：專 zhuān 意趣求如來十力；

「應淨治心城，謂：畢 bì 竟斷除慳嫉諂 chǎn 誑；

「應清涼心城，謂：思惟一切諸法實性；

「應增長心城，謂：成辦 bàn 一切助道之法；

「應嚴飾心城，謂：造立諸禪解脫宮殿；

「應照耀心城，謂：普入一切諸佛道場聽受般若波羅蜜法；

「應增益心城，謂：普攝一切佛方便道；

「應堅固心城，謂：恒勤修習普賢行願；

「應防護心城，謂：常專 zhuān 禦 yù 扞 hàn 惡友、魔軍；

「應廓 kuò 徹心城，謂：開引一切佛智光明；

「應善補 bǔ 心城，謂：聽 tīng 受一切佛所說法；
「應扶助心城，謂：深信一切佛功德海；
「應廣大心城，謂：大慈普及一切世間；
「應善覆心城，謂：集眾善法以覆其上；
「應寬廣心城，謂：大悲哀愍一切眾生；
「應開心城門，謂：悉捨所有隨應 yìng 給施；
「應密護 hù 心城，謂：防諸惡欲不令得入；
「應嚴 yán 肅心城，謂：逐諸惡法不令其住；
「應決定心城，謂：集一切智助道之法恒無退轉；
「應安立心城，謂：正念三世一切如來所有境界；
「應瑩徹心城，謂：明達 dá 一切佛正法輪修多羅中所有
法門種種緣起；

「應部分心城，謂：普曉示一切眾生皆令得見薩婆若道；
「應住持心城，謂：發一切三世如來諸大願海；
「應富實心城，謂：集一切周遍法界大福德聚；
「應令心城明了，謂：普知眾生根欲等法；
「應令心城自在，謂：普攝一切十方法界；
「應令心城清淨，謂：正念一切諸佛如來；
「應知心城自性，謂：知一切法皆無有性；
「應知心城如幻，謂：以一切智了諸法性。

「佛子！菩薩摩訶薩若能如是淨修心城，則能積 jī 集一切善法。何以故？蠲 juān 除一切諸障難 nà 故，所謂：見佛障、聞法障、供養如來障、攝諸眾生障、淨佛國土障。善男子！菩薩摩訶薩以離如是諸障難故，若發希求善知識心，不用功力則便得見，乃至究竟必當成佛。」

爾時，有身眾神名：蓮華法德及妙華光明，無量諸神前後圍遶，從道場出，住虛空中，於善財前，以妙音聲，種種稱歎

tàn 摩耶夫人，從其耳璫 dāng 放無量色相光明網，普照無邊諸佛世界，令善財見十方國土一切諸佛。其光明網，右遶世間，經一匝已，然後還來，入善財頂，乃至遍入身諸毛孔。善財即得淨光明眼，永離一切愚癡闇 àn 故；得離翳 yì 眼，能了一切眾生性故；得離垢眼，能觀一切法性門故；得淨慧眼，能觀一切佛國性故；得毘盧遮那眼，見佛法身故；得普光明眼，見佛平等不思議身故；得無礙光眼，觀察一切剎海成壞 huài 故；得普照眼，見十方佛起大方便轉正法輪故；得普境界眼，見無量佛以自在力調伏眾生故；得普見眼，觀 dǔ 一切剎諸佛出興故。

時，有守護 hù 菩薩法堂羅剎鬼王，名曰：善眼，與其眷屬萬羅剎俱，於虛空中，以眾妙華，散善財上，作如是言：「善男子！菩薩成就十法，則得親近諸善知識。何等為十？所謂：其心清淨離諸諂 chǎn 誑；大悲平等普攝眾生，知諸眾生無有真實；趣一切智，心不退轉；以信解力普入一切諸佛道場；得淨慧眼了諸法性；大慈平等普覆眾生；以智光明廓 kuò 諸妄境；以甘露雨滌 dí 生死熱；以廣大眼徹鑒 jiàn 諸法；心常隨順諸善知識。是為十。

「復次，佛子！菩薩成就十種三昧門，則常現見諸善知識。何等為十？所謂：法空清淨輪三昧、觀察十方海三昧、於一切境界不捨離不缺減三昧、普見一切佛出興三昧、集一切功德藏三昧、心恒不捨善知識三昧、常見一切善知識生諸佛功德三昧、常不離一切善知識三昧、常供養一切善知識三昧、常於一切善知識所無過失三昧。佛子！菩薩成就此十三昧門，常得親近諸善知識，又得善知識轉一切佛法輪三昧；得此三昧已，悉知諸佛體 tǐ 性平等，處處值遇諸善知識。」

說是語時，善財童子仰視空中而答之言：「善哉善哉！汝為哀愍攝受我故，方便教我見善知識。願為我說：云何往詣 yì

善知識所？於何方處城邑 yì 聚落求善知識？」

羅刹答言：「善男子！汝應普禮 ě 十方，求善知識；正念思惟一切境界，求善知識；勇猛自在遍遊十方，求善知識；觀身觀心如夢如影，求善知識。」

爾時，善財受行其教，即時覩 dǔ 見大寶蓮華從地涌出，金剛為莖，妙寶為藏，摩尼為葉，光明寶王以為其臺 tái，眾寶色香以為其鬚，無數寶網彌覆其上。於其臺上，有一樓觀 guàn，名：普納十方法界藏，奇妙嚴飾，金剛為地，千柱行列，一切皆以摩尼寶成，閻浮檀金以為其壁，眾寶瓔珞四面垂下，階 jiē 陛 bì、欄楯周匝莊嚴。其樓觀中，有如意寶蓮華之座，種種眾寶以為嚴飾，妙寶欄楯 shǔn，寶衣間列，寶帳、寶網以覆其上，眾寶繒 zēng 幡周匝垂下，微風徐動，光流響 xiǎng 發；寶華幢中雨眾妙華，寶鈴鐸 duó 中出美音聲，寶戶牖 yǒu 間垂諸瓔珞，摩尼身中流出香水，寶象口中出蓮華網，寶師子口吐妙香雲，梵形寶輪出隨樂音，金剛寶鈴出諸菩薩大願之音，寶月幢中出佛化形，淨藏寶王現三世佛受生次第，日藏摩尼放大光明遍照十方一切佛刹，摩尼寶王放一切佛圓滿光明，毘盧遮那摩尼寶王興 xīng 供養雲供養一切諸佛如來，如意珠王念念示現普賢神變 biàn 充滿法界，須彌寶王出天宮殿，天諸采女種種妙音歌讚如來不可思議微妙功德。

爾時，善財見如是座，復有無量眾座圍遶，摩耶夫人在彼座上，於一切眾生前，現淨色身。所謂：

超三界色身，已出一切諸有趣故；
隨心樂色身，於一切世間無所著故；
普周遍色身，等於一切眾生數故；
無等比色身，令一切眾生滅 miè 倒見故；
無量種色身，隨眾生心種種現故；

無邊 biān 相色身，普現種種諸形相故；
普對 duì 現色身，以大自在而示現故；
化一切色身，隨其所應而現前故；
恒示現色身，盡 jìn 眾生界而無盡故；
無去色身，於一切趣無所滅故；
無來色身，於諸世間無所出故；
不生色身，無生起故；不滅色身，離語言故；
非實色身，得如實故；非虛色身，隨世現故；
無動色身，生滅永離故；不壞 huài 色身，法性不壞故；
無相色身，言語道斷故；一相色身，無相為相故；
如像色身，隨心應現故；
如幻色身，幻智所生故；
如焰色身，但想所持故；
如影色身，隨願現生故；
如夢色身，隨心而現故；
法界色身，性淨如空故；
大悲色身，常護 hù 眾生故；
無礙色身，念念周遍法界故；
無邊色身，普淨一切眾生故；
無量色身，超出一切語言故；
無住色身，願度一切世間故；
無處色身，恒化眾生不斷故；
無生色身，幻願所成故；
無勝 shèng 色身，超諸世間故；
如實色身，定心所現故；
不生色身，隨眾生業 yè 而出現故；
如意珠色身，普滿一切眾生願故；

無分別色身，但隨眾生分別起故；
離分別色身，一切眾生不能知故；
無盡 jìn 色身，盡諸眾生生死際故；
清淨色身，同於如來無分別故。

如是身者，非色，所有色相如影像故；非受，世間苦受究竟滅故；非想，但隨眾生想所現故；非行，依如幻業 yè而成就故；離識，菩薩願智空無性故，一切眾生語言斷故，已得成就寂滅身故。

爾時，善財童子又見摩耶夫人，隨諸眾生心之所樂，現超過一切世間色身。所謂：或現超過他化自在天女身乃至超過四大天王天女身，或現超過龍女身乃至超過人女身，現如是等無量色身，饒 ráo 益眾生。集一切智助道之法，行於平等檀波羅蜜，大悲普覆一切世間。出生如來無量功德，修習增長一切智心，觀察思惟諸法實性；獲 huò 深忍海，具眾定門，住於平等三昧境界，得如來定圓滿光明，銷竭眾生煩惱巨海；心常正定，未嘗 cháng 動亂，恒轉清淨不退法輪，善能了知一切佛法，恒以智慧觀法實相；見諸如來心無厭足，知三世佛出興次第，見佛三昧常現在前，了達如來出現於世無量無數諸清淨道，行於諸佛虛空境界；普攝眾生，各隨其心，教化成就；入佛無量清淨法身，成就大願，淨諸佛刹，究竟調伏一切眾生，心恒遍入諸佛境界；出生菩薩自在神力，已得法身清淨無染，而恒示現無量色身；摧一切魔力，成大善根力，出生正法力，具足諸佛力，得諸菩薩自在之力，速疾增長一切智力；得佛智光，普照一切，悉知無量眾生心海，根、性、欲、解種種差別；其身普遍十方刹海，悉知諸刹成壞 huài 之相，以廣大眼見十方海，以周遍智知三世海，身普承事一切佛海，心恒納受一切法海；修習一切如來功德，出生一切菩薩智慧，常樂觀察一切菩薩從

初發心乃至成就所行之道，常勤守護一切眾生，常樂稱揚諸佛功德，願為一切菩薩之母。

爾時，善財童子見摩耶夫人現如是等閻浮提微塵數諸方便門。既見是已，如摩耶夫人所現身數，善財亦現作爾許身，於一切處摩耶之前恭敬禮拜，即時證得無量無數諸三昧門，分別觀察，修行證入。從三昧起，右遶摩耶并其眷屬，合掌而立，白言：「大聖！文殊師利菩薩教我發阿耨多羅三藐三菩提心，求善知識，親近供養。我於一一善知識所，皆往承事，無空過者；漸來至此，願為我說：菩薩云何學菩薩行而得成就？」

答言：「佛子！我已成就菩薩大願智幻解脫門，是故常為諸菩薩母。佛子！如我於此閻浮提中迦毘羅城淨飯王家，右脇 xié 而生悉達 dá 太子，現不思議自在神變 biàn；如是乃至盡 jìn 此世界海，所有一切毘盧遮那如來，皆入我身，示現誕生自在神變。

「又，善男子！我於淨飯王宮，菩薩將欲下生之時，見菩薩身一一毛孔咸放光明，名：一切如來受生功德輪，一一毛孔皆現不可說不可說佛刹微塵數菩薩受生莊嚴。彼諸光明，皆悉普照一切世界；照世界已，來入我頂乃至一切諸毛孔中。又，彼光中普現一切菩薩名號、受生神變、宮殿眷屬、五欲自娛；又見出家、往詣道場、成等正覺、坐師子座、菩薩圍遶、諸王供養、為諸大眾轉正法輪；又見如來往昔修行菩薩道時，於諸佛所恭敬供養，發菩提心，淨佛國土，念念示現無量化身，充遍十方一切世界，乃至最後入般涅槃。如是等事，靡不皆見。

「又，善男子！彼妙光明入我身時，我身形量雖不逾本，然其實已超諸世間。所以者何？我身爾時量同虛空，悉能容受十方菩薩受生莊嚴諸宮殿故。爾時，菩薩從兜率天將降神時，有十佛刹微塵數諸菩薩，皆與菩薩同願、同行、同善根、同莊

嚴、同解脫、同智慧，諸地、諸力、法身、色身，乃至普賢神通行願，悉皆同等，如是菩薩前後圍遶；又有八萬諸龍王等、一切世主，乘其宮殿，俱來供養。菩薩爾時，以神通力，與諸菩薩普現一切兜率天宮；一一宮中，悉現十方一切世界閻浮提內受生影像，方便教化無量眾生，令諸菩薩離諸懈怠 dài 無所執著。又以神力放大光明，普照世間，破諸黑闇àn，滅諸苦惱；令諸眾生，皆識宿世所有業行，永出惡道。又為救護 hù 一切眾生，普現其前，作諸神變。現如是等諸奇特事，與眷屬俱，來入我身。彼諸菩薩於我腹中遊行自在，或以三千大千世界而為一步，或以不可說不可說佛剎微塵數世界而為一步。又念念中，十方不可說不可說一切世界諸如來所、菩薩眾會，及四天王天、三十三天，乃至色界諸梵天王，欲見菩薩處胎神變，恭敬供養，聽 tīng 受正法，皆入我身。雖我腹中悉能容受如是眾會，而身不廣大亦不迫窄；其諸菩薩各見自處眾會道場，清淨嚴飾。

「善男子！如此四天下閻浮提中，菩薩受生，我為其母；三千大千世界百億四天下閻浮提中，悉亦如是。然我此身本來無二，非一處住，非多處住。何以故？以修菩薩大願智幻莊嚴解脫門故。善男子！如今世尊，我為其母；往昔所有無量諸佛，悉亦如是而為其母。

「善男子！我昔曾作蓮華池神，時有菩薩於蓮華藏忽然化生，我即捧持瞻侍養育，一切世間皆共號我為：菩薩母。又，我昔為菩提場神，時有菩薩於我懷 huái 中忽然化生，世亦號我為：菩薩母。善男子！有無量最後身菩薩，於此世界種種方便示現受生，我皆為母。

「善男子！如此世界賢劫之中，過去世時，拘留孫 sūn 佛、拘那含牟尼佛、迦葉佛及今世尊釋迦牟尼佛現受生時，我為其

母。未來世中，彌勒菩薩從兜率天將降神時，放大光明普照法界，示現一切諸菩薩眾受生神變，乃於人間生大族家，調伏眾生；我於彼時，亦為其母。如是次第有師子佛、法幢佛、善眼佛、淨華佛、華德佛、提舍佛、弗沙佛、善意佛、金剛佛、離垢佛、月光佛、持炬佛、名稱佛、金剛楯佛、清淨義佛、紺身佛、到彼岸佛、寶焰山佛、持炬佛、蓮華德佛、名稱佛、無量功德佛、最勝燈佛、莊嚴身佛、善威儀佛、慈德佛、無住佛、大威光佛、無邊音佛、勝 shèng 怨敵 dí 佛、離疑惑佛、清淨佛、大光佛、淨心佛、雲德佛、莊嚴頂髻佛、樹王佛、寶璫 dāng 佛、海慧佛、妙寶佛、華冠佛、滿願佛、大自在佛、妙德王佛、最尊勝佛、栴檀雲佛、紺眼佛、勝 shèng 慧佛、觀察慧佛、熾 chì 盛王佛、堅固慧佛、自在名佛、師子王佛、自在佛、最勝 shèng 頂佛、金剛智山佛、妙德藏佛、寶網嚴 yán 身佛、善慧佛、自在天佛、大天王佛、無依德佛、善施佛、焰 yàn 慧佛、水天佛、得上味佛、出生無上功德佛、仙人侍衛 wèi 佛、隨世語言佛、功德自在幢 chuáng 佛、光幢佛、觀身佛、妙身佛、香焰佛、金剛寶嚴 yán 佛、喜眼佛、離欲佛、高大身佛、財天佛、無上天佛、順寂滅佛、智覺佛、滅貪佛、大焰王佛、寂諸有佛、毘舍佉 qū 天佛、金剛山佛、智焰德佛、安隱佛、師子出現佛、圓滿清淨佛、清淨賢佛、第一義 yì 佛、百光明佛、最增上佛、深自在佛、大地王佛、莊嚴 yán 王佛、解脫佛、妙音佛、殊勝佛、自在佛、無上醫王佛、功德月佛、無礙 ài 光佛、功德聚佛、月現佛、日天佛、出諸有佛、勇猛名稱佛、光明門佛、娑羅王佛、最勝佛、藥王佛、寶勝佛、金剛慧佛、無能勝佛、無能映蔽佛、眾會王佛、大名稱佛、敏持佛、無量光佛、大願光佛、法自在不虛佛、不退地佛、淨天佛、善天佛、堅固苦行佛、一切善友佛、解脫音佛、遊戲王佛、滅邪曲佛、蒼 zhān 蔔 bō 淨光佛、

具眾德佛、最勝月佛、執明炬佛、殊妙身佛、不可說佛、最清淨佛、友安眾生佛、無量光佛、無畏音佛、水天德佛、不動慧光佛、華勝佛、月焰佛、不退慧佛、離愛佛、無著慧佛、集功德蘊佛、滅惡趣佛、普散華佛、師子吼佛、第一義佛、無礙見佛、破他軍佛、不著相佛、離分別海佛、端嚴海佛、須彌山佛、無著智佛、無邊座佛、清淨住佛、隨師行佛、最上施佛、常月佛、饒益王佛、不動聚佛、普攝受佛、饒益慧佛、持壽佛、無滅佛、具足名稱佛、大威力佛、種種色相佛、無相慧佛、不動天佛、妙德難思佛、滿月佛、解脫月佛、無上王佛、希有身佛、梵供養佛、不瞬佛、順先古佛、最上業佛、順法智佛、無勝天佛、不思議功德光佛、隨法行佛、無量賢佛、普隨順自在佛、最尊天佛，如是乃至樓至如來，在賢劫中，於此三千大千世界，當成佛者，悉為其母。如於此三千大千世界，如是於此世界海十方無量諸世界一切劫中，諸有修行普賢行願，為化一切諸眾生者，我自見身悉為其母。」

爾時，善財童子白摩耶夫人言：「大聖得此解脫，經今幾劫時？」

答言：「善男子！乃往古世，過不可思議非最後身菩薩神通眼所知劫數，爾時有劫名：淨光，世界名：須彌德，雖有諸山五趣雜雜居，然其國土眾寶所成，清淨莊嚴無諸穢惡。有千億四天下，有一四天下名：師子幢，於中有八十億王城。有一王城名：自在幢；有轉輪王名：大威德。彼王城北有一道場名：滿月光明；其道場神，名曰：慈德。時有菩薩名：離垢幢，坐於道場，將成正覺。有一惡魔名：金色光，與其眷屬無量眾俱，至菩薩所。彼大威德轉輪聖王已得菩薩神通自在，化作兵眾，其數倍多，圍遶道場；諸魔惶怖，悉自奔散；故彼菩

薩得成阿耨多羅三藐三菩提。時，道場神見是事已，歡喜無量，便於彼王而生子想，頂禮佛足，作是願言：『此轉輪王，在在生處，乃至成佛，願我常得與其為母。』作是願已，於此道場，復曾供養十那由他佛。善男子！於汝意云何，彼道場神豈異人乎？我身是也。轉輪王者，今世尊毘盧遮那是。我從於彼發願已來，此佛世尊，於十方刹一切諸趣，處處受生，種諸善根，修菩薩行，教化成就一切眾生，乃至示現住最後身，念念普於一切世界，示現菩薩受生神變，常為我子，我常為母。善男子！過去、現在十方世界無量諸佛將成佛時，皆於齋qí中放大光明，來照我身及我所住宮殿屋宅；彼最後生，我悉為母。

「善男子！我唯知此菩薩大願智幻解脫門。如諸菩薩摩訶薩，具大悲藏，教化眾生常無厭足，以自在力，一一毛孔示現無量諸佛神變 biàn；我今云何能知能說彼功德行？

「善男子！於此世界三十三天，有王名：正念，其王有女名：天主光。汝詣彼問：菩薩云何學菩薩行、修菩薩道？」

時，善財童子敬受其教，頭面作禮，遶無數匝，戀慕瞻仰，却行而退。遂往天宮，見彼天女，禮足圍遶，合掌前住，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

天女答言：「善男子！我得菩薩解脫名：無礙 ài 念清淨莊嚴。善男子！我以此解脫力，憶念過去，有最勝 shèng 劫，名：青蓮華。我於彼劫中，供養恒河沙數諸佛如來。彼諸如來，從初出家，我皆瞻奉，守護供養，造僧伽藍，營辦 bàn 什物。又彼諸佛從為菩薩住母胎時，誕生之時，行七步時，大師子吼時，住童子位在宮中時，向菩提樹成正覺時，轉正法輪現佛神變教化調伏眾生之時；如是一切諸所作事，從初發心乃至法盡 jìn，

我皆明憶，無有遺餘，常現在前，念持不忘。又憶過去劫，名：善地，我於彼供養十恒河沙數諸佛如來；又過去劫名為：妙德，我於彼供養一佛世界微塵數諸佛如來；又劫名：無所得，我於彼供養八十四億百千那由他諸佛如來；又劫名：善光，我於彼供養閻浮提微塵數諸佛如來；又劫名：無量光，我於彼供養二十恒河沙數諸佛如來；又劫名：最勝德，我於彼供養一恒河沙數諸佛如來；又劫名：善悲，我於彼供養八十恒河沙數諸佛如來；又劫名：勝遊，我於彼供養六十恒河沙數諸佛如來；又劫名：妙月，我於彼供養七十恒河沙數諸佛如來。善男子！如是憶念恒河沙劫，我常不捨諸佛如來、應、正等覺，從彼一切諸如來所，聞此無礙 ài 念清淨莊嚴菩薩解脫，受持修行恒不忘失。如是，先劫所有如來，從初菩薩，乃至法盡 jìn，一切所作，我以淨嚴解脫之力，皆隨憶念，明了現前，持而順行，曾無懈廢。

「善男子！我唯知此無礙 ài 念清淨解脫。如諸菩薩摩訶薩，出生死夜朗然明徹，永離癡冥 míng 未嘗 cháng 昏寐 mèi，心無諸蓋 gài、身行輕安，於諸法性清淨覺了，成就十力開悟群生；而我云何能知能說彼功德行？」

「善男子！迦毘羅城有童子師，名曰：遍友。汝詣彼問：菩薩云何學菩薩行、修菩薩道？」

時，善財童子以聞法故，歡喜踊躍，不思議善根自然增廣；頂禮其足，遶無數匝，辭退而去。從天宮下，漸向彼城。至遍友所，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

遍友答言：「善男子！此有童子名：善知眾藝 yì，學菩薩字智。汝可問之，當為汝說。」

爾時，善財即至其所，頭頂禮敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

時，彼童子告善財言：「善男子！我得菩薩解脫名：善知眾藝 yì。我恒唱持此之字母：

「唱阿字時，入般若波羅蜜門，名：以菩薩威力入無差別境界；

「唱多字時，入般若波羅蜜門，名：無邊差別門；

「唱波字時，入般若波羅蜜門，名：普照法界；

「唱者字時，入般若波羅蜜門，名：普輪斷差別；

「唱那字時，入般若波羅蜜門，名：得無依無上；

「唱邏字時，入般若波羅蜜門，名：離依止無垢；

「唱拖(輕呼)字時，入般若波羅蜜門，名：不退轉方便；

「唱婆(蒲我切)字時，入般若波羅蜜門，名：金剛場；

「唱荼(徒解切)字時，入般若波羅蜜門，名曰：普輪；

「唱沙(史我切)字時，入般若波羅蜜門，名為：海藏；

「唱縛(房可切)字時，入般若波羅蜜門，名：普生安住；

「唱哆(都我切)字時，入般若波羅蜜門，名：圓滿光；

「唱也(以可切)字時，入般若波羅蜜門，名：差別積 jī 聚；

「唱瑟吒字時，入般若波羅蜜門，名：普光明息煩惱；

「唱迦字時，入般若波羅蜜門，名：無差別雲；

「唱娑(蘇我切)字時，入般若波羅蜜門，名：降雹 zhù 大雨；

「唱麼字時，入般若波羅蜜門，名：大流湍 tuān 激眾峯 fēng 齊 qí 峙 zhì；

「唱伽(上聲輕呼)字時，入般若波羅蜜門，名：普安立；

「唱他(他可切)字時，入般若波羅蜜門，名：真如平等藏；
「唱社字時，入般若波羅蜜門，名：入世間海清淨；
「唱鎖字時，入般若波羅蜜門，名：念一切佛莊嚴；
「唱拖字時，入般若波羅蜜門，名：觀察揀擇一切法聚；
「唱奢(尸苛切)字時，入般若波羅蜜門，名：隨順一切佛教輪光明；

「唱佉字時，入般若波羅蜜門，名：修因地智慧藏；
「唱叉(楚我切)字時，入般若波羅蜜門，名：息諸業海藏；
「唱娑(蘇紇切)多(上聲呼)字時，入般若波羅蜜門，名：蠲
juān 諸惑障開淨光明；

「唱壤字時，入般若波羅蜜門，名：作世間智慧門；
「唱曷攞多(上聲)字時，入般若波羅蜜門，名：生死境界
智慧輪；

「唱婆(蒲我切)字時，入般若波羅蜜門，名：一切智宮殿
圓滿莊嚴；

「唱車(上聲呼)字時，入般若波羅蜜門，名：修行方便藏
各別圓滿；

「唱娑(蘇紇切)麼字時，入般若波羅蜜門，名：隨十方現
見諸佛；

「唱訶婆(二字皆上聲呼)字時，入般若波羅蜜門，名：觀
察一切無緣眾生方便攝受令出生無礙ài 力；

「唱搓(七可切)字時，入般若波羅蜜門，名：修行趣入一
切功德海；

「唱伽(上聲呼)字時，入般若波羅蜜門，名：持一切法雲
堅固海藏；

「唱吒字時，入般若波羅蜜門，名：隨願普見十方諸佛；

「唱拏(孃可切)字時，入般若波羅蜜門，名：觀察字輪有

無盡 jìn 諸億字；

「唱娑(蘇紇切)頗字時，入般若波羅蜜門，名：化眾生究竟處；

「唱娑(同前音)迦字時，入般若波羅蜜門，名：廣大藏無礙辯光明輪遍照；

「唱也(夷舸切)娑(蘇舸切)字時，入般若波羅蜜門，名：宣說一切佛法境界；

「唱室者字時，入般若波羅蜜門，名：於一切眾生界法雷遍吼；

「唱佗(恥加切)字時，入般若波羅蜜門，名：以無我法開曉眾生；

「唱陀字時，入般若波羅蜜門，名：一切法輪差別藏。

「善男子！我唱如是字母時，此四十二般若波羅蜜門為首，入無量無數般若波羅蜜門。

「善男子！我唯知此善知眾藝 yì 菩薩解脫。如諸菩薩摩訶薩，能於一切世、出世間善巧之法，以智通達到於彼岸；殊方異藝 yì，咸綜無遺；文字、算數，蘊其深解；醫方呪術，善療 liáo 眾病；有諸眾生鬼魅所持，怨憎呪詛 zǔ，惡星變怪，死屍 shī 奔逐，癲癩 xián、羸 léi 瘦，種種諸疾，咸能救之，使得痊愈；又善別知金玉、珠貝、珊瑚、瑠璃、摩尼、碑磬、雞 jī 薩羅等一切寶藏，出生之處，品類不同，價直多少；村營鄉邑、大小都城、宮殿苑園、巖 yán 泉藪 sǒu 澤，凡是一切人眾所居，菩薩咸能隨方攝護 hù；又善觀察天文地理、人相吉凶、鳥獸音聲、雲霞氣候、年穀 gǔ 豐 fēng 儉 jiǎn、國土安危，如是世間所有技藝 yì，莫不該練，盡 jìn 其源本；又能分別出世之法，正名辨義，觀察體相，隨順修行，智入其中，無疑、無礙 ài、無愚暗、無頑鈍、無憂惱、無沈沒、無不現證。而我云何能知

能說彼功德行？

「善男子！此摩竭提國有一聚落，彼中有城名：婆咄 dá 那；有優婆夷號曰：賢勝。汝詣彼問：菩薩云何學菩薩行、修菩薩道？」

時善財童子頭面敬禮知藝 yì 之足，遶無數匝，戀仰辭去。向聚落城，至賢勝所，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

賢勝答言：「善男子！我得菩薩解脫，名：無依處道場；既自開解，復為人說。又得無盡 jìn 三昧，非彼三昧法有盡、無盡，以能出生一切智性眼無盡故，又能出生一切智性耳無盡故，又能出生一切智性鼻無盡故，又能出生一切智性舌無盡故，又能出生一切智性身無盡故，又能出生一切智性意無盡故，又能出生一切智性功德波濤 tāo 無盡故，又能出生一切智性智慧光明無盡故，又能出生一切智性速疾神通無盡故。

「善男子！我唯知此無依處道場解脫。如諸菩薩摩訶薩一切無著功德行，而我云何盡 jìn 能知說？」

「善男子！南方有城名為沃田；彼有長者名：堅固解脫。汝可往問：菩薩云何學菩薩行、修菩薩道？」

爾時，善財禮賢勝足，遶無數匝，戀慕瞻仰，辭退南行。到於彼城，詣長者所，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

長者答言：「善男子！我得菩薩解脫，名：無著 zhuó 念清淨莊嚴。我自得是解脫已來，於十方佛所勤求正法無有休息。

「善男子！我唯知此無著念淨莊嚴解脫。如諸菩薩摩訶薩，獲 huò 無所畏大師子吼，安住廣大福智之聚；而我云何能知能說彼功德行？」

「善男子！即此城中有一長者，名為妙月；其長者宅，常有光明。汝詣彼問：菩薩云何學菩薩行、修菩薩道？」

時，善財童子禮堅固足，遶無數匝，辭退而行。向妙月所，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

妙月答言：「善男子！我得菩薩解脫名：淨智光明。善男子！我唯知此智光解脫。如諸菩薩摩訶薩證得無量解脫法門，而我云何能知能說彼功德行？」

「善男子！於此南方有城名出生；彼有長者名：無勝軍。汝詣彼問：菩薩云何學菩薩行、修菩薩道？」

是時，善財禮妙月足，遶無數匝，戀仰辭去。漸向彼城，至長者所，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

長者答言：「善男子！我得菩薩解脫名：無盡 jìn 相。我以證此菩薩解脫，見無量佛，得無盡藏。

「善男子！我唯知此無盡相解脫。如諸菩薩摩訶薩得無限智無礙辯才，而我云何能知能說彼功德行？」

「善男子！於此城南有一聚落名之為：法；彼聚落中有婆羅門名：最寂靜。汝詣彼問：菩薩云何學菩薩行、修菩薩道？」

時，善財童子禮無勝軍足，遶無數匝，戀仰辭去。漸次南行，詣彼聚落，見最寂靜，禮足圍遶，合掌恭敬，於一面立，白言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？我聞聖者善能誘誨，願為我說！」

婆羅門答言：「善男子！我得菩薩解脫名：誠願語；過去、現在、未來菩薩，以是語故，乃至於阿耨多羅三藐三菩提，無有退轉，無已退、無現退、無當退。善男子！我以住於誠願語故，隨意所作，莫不成滿。善男子！我唯知此誠語解脫。如諸菩薩摩訶薩，與誠願語，行止無違 wéi，言必以誠，未曾虛妄，無量功德因之出生；而我云何能知能說？」

「善男子！於此南方有城名：妙意華門；彼有童子，名曰德生；復有童女，名為有德。汝詣彼問：菩薩云何學菩薩行、修菩薩道？」

時善財童子於法尊重，禮婆羅門足，遶無數匝，戀仰而去。

大方廣佛華嚴經卷第七十六

大方廣佛華嚴經卷第七十七

于闐國三藏實叉難陀奉 制譯

入法界品第三十九之十八

爾時，善財童子漸次南行，至妙意華門城，見德生童子、有德童女，頂禮其足，右邊畢已，於前合掌而作是言：「聖者！我已先發阿耨多羅三藐三菩提心，而未知菩薩云何學菩薩行？云何修菩薩道？唯願慈哀，為我宣說！」

時，童子、童女告善財言：「善男子！我等證得菩薩解脫，名為幻住。得此解脫故，見一切世界皆幻住，因緣所生故；

「一切眾生皆幻住，業 yè 煩惱所起故；

「一切世間皆幻住，無明、有、愛等展轉緣生故；

「一切法皆幻住，我見等種種幻緣所生故；

「一切三世皆幻住，我見等顛倒智所生故；

「一切眾生生滅、生老病死、憂 yōu 悲苦惱皆幻住，虛妄分別所生故；

「一切國土皆幻住，想倒、心倒、見倒無明所現故；

「一切聲聞、辟支佛皆幻住，智斷分別所成故；

「一切菩薩皆幻住，能自調伏教化眾生諸行願法之所成故；

「一切菩薩眾會、變化、調伏、諸所施為皆幻住，願智幻所成故。善男子！幻境自性不可思議。

「善男子！我等二人但能知此幻住解脫。如諸菩薩摩訶薩善入無邊諸事幻網，彼功德行，我等云何能知能說？」

時，童子、童女說自解脫已，以不思議諸善根力，令善財身柔軟光澤，而告之言：「善男子！於此南方有國名：海岸，有園名：大莊嚴，其中有一廣大樓閣名：毘盧遮那莊嚴藏，從菩薩善根果報生，從菩薩念力、願力、自在力、神通力生，從

菩薩善巧方便生，從菩薩福德智慧生。

「善男子！住不思議解脫菩薩，以大悲心，為諸眾生，現如是境界，集如是莊嚴。彌勒菩薩摩訶薩安處其中，為欲攝受本所生處父母、眷屬及諸人民，令成熟故；又欲令彼同受生、同修行眾生，於大乘中得堅固故；又欲令彼一切眾生，隨住地、隨善根皆成就故；又欲為汝顯 xiǎn 示菩薩解脫門故，顯示菩薩遍一切處受生自在故，顯示菩薩以種種身普現一切眾生之前常教化故，顯示菩薩以大悲力普攝一切世間資財而不厭故，顯示菩薩具修諸行知一切行離諸相故，顯示菩薩處處受生了一切生皆無相故。汝詣彼問：菩薩云何行菩薩行？云何修菩薩道？云何學菩薩戒？云何淨菩薩心？云何發菩薩願？云何集菩薩助道具？云何入菩薩所住地？云何滿菩薩波羅蜜？云何獲 huò 菩薩無生忍？云何具菩薩功德法？云何事菩薩善知識？

「何以故？善男子！彼菩薩摩訶薩通達 dá 一切菩薩行，了知一切眾生心，常現其前教化調伏。彼菩薩已滿一切波羅蜜，已住一切菩薩地，已證一切菩薩忍，已入一切菩薩位，已蒙授與具足記，已遊一切菩薩境，已得一切佛神力，已蒙一切如來以一切智甘露法水而灌其頂。善男子！彼善知識能潤澤汝諸善根，能增長汝菩提心，能堅汝志，能益汝善，能長汝菩薩根，能示汝無礙法，能令汝入普賢地，能為汝說菩薩願，能為汝說普賢行，能為汝說一切菩薩行願所成功德。

「善男子！汝不應修一善、照一法、行一行、發一願、得一記、住一忍，生究竟想；不應以限量心，行於六度，住於十地，淨佛國土，事善知識。何以故？善男子！菩薩摩訶薩應種無量諸善根，應集無量菩提具，應修無量菩提因，應學無量巧迴向，應化無量眾生界，應知無量眾生心，應知無量眾生根，應識無量眾生解，應觀無量眾生行，應調伏無量眾生，應斷無

量煩惱，應淨無量業 yè 習，應滅 miè 無量邪見，應除無量雜 zá 染心，應發無量清淨心，應拔無量苦毒箭，應涸 hé 無量愛欲海，應破無量無明暗，應摧無量我慢山，應斷無量生死縛 fù，應度無量諸有流，應竭無量受生海，應令無量眾生出五欲淤泥，應使無量眾生成離三界牢獄，應置無量眾生於聖道中，應消滅無量貪欲行，應淨治無量瞋恚 huì 行，應摧破無量愚癡行，應超無量魔網，應離無量魔業，應淨治菩薩無量欲樂，應增長菩薩無量方便，應出生菩薩無量增上根，應明潔 jié 菩薩無量決定解，應趣入菩薩無量平等，應清淨菩薩無量功德，應修治菩薩無量諸行，應示現菩薩無量隨順世間行，應生無量淨信力，應住無量精進力，應淨無量正念力，應滿無量三昧力，應起無量淨慧力，應堅無量勝 shèng 解力，應集無量福德力，應長無量智慧力，應發起無量菩薩力，應圓滿無量如來力，應分別無量法門，應了知無量法門，應清淨無量法門，應生無量法光明，應作無量法照耀，應照無量品類根，應知無量煩惱病，應集無量妙法藥，應療 liáo 無量眾生疾，應嚴 yán 辦 bàn 無量甘露供，應往詣 yì 無量佛國土，應供養無量諸如來，應入無量菩薩會，應受無量諸佛教，應忍無量眾生罪，應滅無量惡道難 nán，應令無量眾生生善道，應以四攝攝無量眾生，應修無量總持門，應生無量大願門，應修無量大慈、大願力，應勤求無量法常無休息，應起無量思惟力，應起無量神通事，應淨無量智光明，應往無量眾生趣，應受無量諸有生，應現無量差別身，應知無量言辭法，應入無量差別心，應知菩薩大境界，應住菩薩大宮殿，應觀菩薩甚深妙法，應知菩薩難 nán 知境界，應行菩薩難行諸行，應具菩薩尊重威德，應踐菩薩難入正位，應知菩薩種種諸行，應現菩薩普遍神力，應受菩薩平等法雲，應廣菩薩無邊行網，應滿菩薩無邊諸度，應受菩薩無量記別，應入菩薩無量忍門，

應治菩薩無量諸地，應淨菩薩無量法門，應同諸菩薩，安住無邊劫，供養無量佛，嚴淨不可說佛國土，出生不可說菩薩願。善男子！**舉要言之**，應普修一切菩薩行，應普化一切眾生界，應普入一切劫，應普生一切處，應普知一切世，應普行一切法，應普淨一切刹，應普滿一切願，應普供一切佛，應普同一切菩薩願，應普事一切善知識。

「善男子！汝求善知識不應疲倦；見善知識，勿生厭足；請問善知識，勿憚 dàn 勞苦；親近善知識，勿懷 huái 退轉；供養善知識，不應休息；受善知識教，不應倒錯；學善知識行，不應疑惑；聞善知識演說出離門，不應猶豫；見善知識隨順煩惱行，勿生嫌 xián 怪；於善知識所生深信尊敬心，不應變 biàn 改。何以故？

「善男子！菩薩因善知識，聽 tīng 聞一切菩薩諸行，成就一切菩薩功德，出生一切菩薩大願，引發一切菩薩善根，積集一切菩薩助道，開發一切菩薩法光明，顯 xiǎn 示一切菩薩出離門，修學一切菩薩清淨戒，安住一切菩薩功德法，清淨一切菩薩廣大志，增長一切菩薩堅固心，具足一切菩薩陀羅尼辯才門，得一切菩薩清淨藏，生一切菩薩定光明，得一切菩薩殊勝願，與一切菩薩同一願，聞一切菩薩殊勝法，得一切菩薩祕密處，至一切菩薩法寶洲，增一切菩薩善根芽，長一切菩薩智慧身，護一切菩薩深密藏，持一切菩薩福德聚，淨一切菩薩受生道，受一切菩薩正法雲，入一切菩薩大願路，趣一切如來菩提果，攝取一切菩薩妙行，開示一切菩薩功德，往一切方聽受妙法，讚一切菩薩廣大威德，生一切菩薩大慈悲力，攝一切菩薩勝自在力，生一切菩薩菩提分，作一切菩薩利益事。

「善男子！菩薩由善知識任持，不墮惡趣；由善知識攝受，不退大乘；由善知識護 hù 念，不毀犯菩薩戒；由善知識守護，

不隨逐惡知識；由善知識養育，不缺減菩薩法；由善知識攝取，超越凡夫地；由善知識教誨，超越二乘地；由善知識示導 dǎo，得出離世間；由善知識長養，能不染世法；由承事善知識，修一切菩薩行；由供養善知識，具一切助道法；由親近善知識，不為業 yè 惑之所摧伏；由恃 shì 怙 hù 善知識，勢力堅固，不怖諸魔；由依止善知識，增長一切菩提分法。何以故？

「善男子！善知識者，能淨諸障，能滅諸罪，能除諸難 nán，能止諸惡，能破無明長夜黑暗，能壞 huài 諸見堅固牢獄，能出生死城，能捨世俗家，能截諸魔網，能拔眾苦箭，能離無智險難處，能出邪見大曠野，能度諸有流，能離諸邪道，能示菩提路，能教菩薩法，能令安住菩薩行，能令趣向一切智，能淨智慧眼，能長菩提心，能生大悲，能演妙行，能說波羅蜜，能擯 bìn 惡知識，能令住諸地，能令獲 huò 諸忍，能令修習一切善根，能令成辦 bàn 一切道具，能施與一切大功德，能令到一切種智位，能令歡喜集功德，能令踊躍修諸行，能令趣入甚深義，能令開示出離門，能令杜絕諸惡道，能令以法光照耀，能令以法雨潤澤，能令消滅一切惑，能令捨離一切見，能令增長一切佛智慧，能令安住一切佛法門。

「善男子！善知識者，如慈母，出生佛種故；如慈父，廣大利益故；如乳母，守護 hù 不令作惡故；如教師，示其菩薩所學故；如善導 dǎo，能示波羅蜜道故；如良醫 yī，能治煩惱諸病故；如雪山，增長一切智藥故；如勇將，殄 tiǎn 除一切怖畏故；如濟 jì 客，令出生死暴流故；如船師，令到智慧寶洲故。善男子！常當如是正念思惟諸善知識。

「復次，善男子！汝承事一切善知識，應發如大地心，荷負重任無疲倦故；應發如金剛心，志願堅固不可壞 huài 故；應發如鐵圍山心，一切諸苦無能動故；應發如給侍心，所有教

令皆隨順故；應發如弟子心，所有訓誨無違 wéi 逆故；應發如僮僕 pú 心，不厭一切諸作務 wù 故；應發如養母心，受諸勤苦不告勞故；應發如傭 yōng 作心，隨所受教無違逆故；應發如除糞人心，離憍 jiāo 慢故；應發如已熟稼心，能低下故；應發如良馬心，離惡性故；應發如大車心，能運重故；應發如調順象心，恒伏從故；應發如須彌山心，不傾動故；應發如良犬心，不害主故；應發如旃荼 tú 羅心，離憍慢故；應發如牯 jiè 牛心，無威怒故；應發如舟船心，往來不倦故；應發如橋梁心，濟 jì 渡忘疲故；應發如孝子心，承順顏色故；應發如王子心，遵行教命故。

「復次，善男子！汝應於自身生病苦想，於善知識生醫王想，於所說法生良藥想，於所修行生除病想；

「又應於自身生遠 yuǎn 行想，於善知識生導 dǎo 師想，於所說法生正道想，於所修行生遠達 dá 想；

「又應於自身生求度想，於善知識生船師想，於所說法生舟楫 jí 想，於所修行生到岸想；

「又應於自身生苗稼想，於善知識生龍王想，於所說法生時雨想，於所修行生成熟想；

「又應於自身生貧窮 qióng 想，於善知識生毘沙門王想，於所說法生財寶想，於所修行生富饒 ráo 想；

「又應於自身生弟子想，於善知識生良工想，於所說法生技藝 yì 想，於所修行生了知想；

「又應於自身生恐怖想，於善知識生勇健想，於所說法生器仗想，於所修行生破怨想；

「又應於自身生商人想，於善知識生導 dǎo 師想，於所說法生珍寶想，於所修行生拈 jùn 拾想；

「又應於自身生兒子想，於善知識生父母想，於所說法生

家業 yè 想，於所修行生紹繼 jì 想；

「又應於自身生王子想，於善知識生大臣想，於所說法生王教想，於所修行生冠王冠想、服王服想、繫 xì 王縵 zēng 想、坐王殿想。

「善男子！汝應發如是心，作如是意近善知識。何以故？以如是心近善知識，令其志願永得清淨。

「復次，善男子！善知識者長諸善根，譬如雪山長諸藥草；善知識者是佛法器，譬如大海吞納眾流；善知識者是功德處，譬如大海出生眾寶；善知識者淨菩提心，譬如猛火能鍊真金；善知識者出過世法，如須彌山出於大海；善知識者不染世法，譬如蓮華不著於水；善知識者不受諸惡，譬如大海不宿死屍；善知識者增長白法，譬如白月光色圓滿；善知識者照明法界，譬如盛日照四天下；善知識者長菩薩身，譬如父母養育兒子。

「善男子！以要言之，菩薩摩訶薩若能隨順善知識教，得十不可說百千億那由他功德，淨十不可說百千億那由他深心，長十不可說百千億那由他菩薩根，淨十不可說百千億那由他菩薩力，斷十不可說百千億阿僧祇障，超十不可說百千億阿僧祇魔境，入十不可說百千億阿僧祇法門，滿十不可說百千億阿僧祇助道，修十不可說百千億阿僧祇妙行，發十不可說百千億阿僧祇大願。善男子！我復略說一切菩薩行、一切菩薩波羅蜜、一切菩薩地、一切菩薩忍、一切菩薩總 zǒng 持門、一切菩薩三昧門、一切菩薩神通智、一切菩薩迴向、一切菩薩願。一切菩薩成就佛法，皆由善知識力，以善知識而為根本，依善知識生，依善知識出，依善知識長，依善知識住，善知識為因緣，善知識能發起。」

時，善財童子聞善知識如是功德，能開示無量菩薩妙行，能成就無量廣大佛法，踊躍歡喜，頂禮德生及有德足，遶無量

匝，慇懃瞻仰，辭退而去。

爾時，善財童子聞善知識教，潤澤其心，正念思惟諸菩薩行，向海岸國。自憶往世不修禮 ĩ 敬，即時發意勤力而行；

復憶往世身心不淨，即時發意專 zhuān 自治潔 jié；

復憶往世作諸惡業，即時發意專 zhuān 自防斷 duàn；

復憶往世起諸妄想，即時發意恒正思惟；

復憶往世所修諸行但為自身，即時發意令心廣大普及含識 shí；

復憶往世追求欲境常自損耗無有滋味，即時發意修行佛法長 zhǎng 養 yǎng 諸根以自安隱 wǎn；

復憶往世起邪思念顛倒相應，即時發意生正見心起菩薩願；

復憶往世日夜劬 qú 勞作諸惡事，即時發意起大精進成就佛法；

復憶往世受五趣生於自他身皆無利益，即時發意願以其身饒益眾生成就佛法承事一切諸善知識。**如是思惟，生大歡喜。復觀此身是生、老、病、死眾苦之宅，願盡 jìn 未來劫，修菩薩道教化眾生，見諸如來成就佛法，遊行一切佛刹，承事一切法師，住持一切佛教，尋求一切法侶，見一切善知識，集一切諸佛法，與一切菩薩願智身而作因緣。**

作是念時，長不思議無量善根，即於一切菩薩深信尊重，生希有想，生大師想；諸根清淨，善法增益，起一切菩薩恭敬供養，作一切菩薩曲躬合掌，生一切菩薩普見世間眼，起一切菩薩普念眾生想，現一切菩薩無量願化身，出一切菩薩清淨讚說音；想見過、現一切諸佛及諸菩薩，於一切處示現成道神通變化，乃至無有一毛端處而不周遍；又得清淨智光明眼，見一切菩薩所行境界；其心普入十方刹網，其願普遍虛空法界，三

世平等，無有休息。如是一切，皆以信受善知識教之所致耳。

善財童子以如是尊重、如是供養、如是稱讚、如是觀察、如是願力、如是想念、如是無量智慧境界，於毘盧遮那莊嚴藏大樓閣前，五體 tǐ 投地，暫時斂 liǎn 念，思惟觀察。以深信解、大願力故，入遍一切處智慧身平等門，普現其身在於一切如來前、一切菩薩前、一切善知識前、一切如來塔廟 miào 前、一切如來形像前、一切諸佛諸菩薩住處前、一切法寶前、一切聲聞辟支佛及其塔廟前、一切聖眾福田前、一切父母尊者前、一切十方眾生前，皆如上說，尊重禮讚，盡 jìn 未來際無有休息。等虛空，無邊量故；等法界，無障礙故；等實際，遍一切故；等如來，無分別故。猶如影，隨智現故；猶如夢，從思起故；猶如像，示一切故；猶如響 xiǎng，緣所發故；無有生，遞 dì 興 xīng 謝故；無有性，隨緣轉故。又決定知一切諸報 bào 皆從業 yè 起，一切諸果皆從因起，一切諸業皆從習起，一切佛興皆從信起，一切化現諸供養事皆悉從於決定解起，一切化佛從敬心起，一切佛法從善根起，一切化身從方便起，一切佛事從大願起，一切菩薩所修諸行從迴向起，一切法界廣大莊嚴從一切智境界而起。離於斷見，知迴向故；離於常見，知無生故；離無因見，知正因故；離顛倒見，知如實理故；離自在見，知不由他故；離自他見，知從緣起故；離邊 biān 執 zhí 見，知法界無邊故；離往來見，知如影像故；離有無見，知不生滅故；離一切法見，知空無生故，知不自在故，知願力出生故；離一切相，見入無相際故。知一切法如種生芽故，如印生文故。知質如像故，知聲如響 xiǎng 故，知境如夢故，知業如幻故。了世心現故，了果因起故，了報業集故，了知一切諸功德法皆從菩薩善巧方便所流出故。

善財童子入如是智，端心潔 jié 念；於樓觀 guān 前，舉體

投地，慇懃頂禮；不思議善根流注身心，清涼悅懌 yì。從地而起，一心瞻仰，目不暫捨，合掌圍遶，經無量匝，作是念言：

「此大樓閣，是解空、無相、無願者之所住處；

「是於一切法無分別者之所住處；

「是了法界無差別者之所住處；

「是知一切眾生不可得者之所住處；

「是知一切法無生者之所住處；

「是不著一切世間者之所住處；

「是不著一切窟宅者之所住處；

「是不樂一切聚落者之所住處；

「是不依一切境界者之所住處；

「是離一切想者之所住處；

「是知一切法無自性者之所住處；

「是斷一切分別業 yè 者之所住處；

「是離一切想心、意、識 shí 者之所住處；

「是不入不出一切道者之所住處；

「是入一切甚深般若波羅蜜者之所住處；

「是能以方便住普門法界者之所住處；

「是息滅一切煩惱火者之所住處；

「是以增上慧除斷一切見、愛、慢者之所住處；

「是出生一切諸禪解脫三昧通明而遊戲 xì 者之所住處；

「是觀察一切菩薩三昧境界者之所住處；

「是安住一切如來所者之所住處；

「是以一劫入一切劫，以一切劫入一劫，而不壞 huài 其相者之所住處；

「是以一剎入一切剎，以一切剎入一剎，而不壞其相者之所住處；

「是以一法入一切法，以一切法入一法，而不壞其相者之所住處；

「是以一眾生入一切眾生，以一切眾生入一眾生，而不壞其相者之所住處；

「是以一佛入一切佛，以一切佛入一佛，而不壞其相者之所住處；

「是於一念中而知一切三世者之所住處；

「是於一念中往詣 yì 一切國土者之所住處；

「是於一切眾生前悉現其身者之所住處；

「是心常利益一切世間者之所住處；

「是能遍至一切處者之所住處；

「是雖已出一切世間，為化眾生故而恒於中現身者之所住處；

「是不著一切剎，為供養諸佛故而遊一切剎者之所住處；

「是不動本處，能普詣 yì 一切佛剎而莊嚴者之所住處；

「是親近一切佛而不起佛想者之所住處；

「是依止一切善知識而不起善知識想者之所住處；

「是住一切魔宮而不耽 dān 著欲境界者之所住處；

「是永離一切心想者之所住處；

「是雖於一切眾生中而現其身，然於自他不生二想者之所住處；

「是能普入一切世界而於法界無差別想者之所住處；

「是願住未來一切劫而於諸劫無長短想者之所住處；

「是不離一毛端處而普現身一切世界者之所住處；

「是能演說難 nán 遭遇法者之所住處；

「是能住難 nán 知法、甚深法、無二法、無相法、無對 duì 治法、無所得法、無戲 xì 論法者之所住處；

「是住大慈大悲者之所住處；

「是已度一切二乘智、已超一切魔境界、已於世法無所染、已到菩薩所到岸、已住如來所住處者之所住處；

「是雖離一切諸相而亦不入聲聞正位，雖了一切法無生而亦不住無生法性者之所住處；

「是雖觀不淨而不證 zhèng 離貪法亦不與貪欲俱，雖修於慈而不證離瞋法亦不與瞋垢俱，雖觀緣起而不證離癡法亦不與癡惑俱者之所住處；

「是雖住四禪而不隨禪生，雖行四無量為化眾生故而不生色界，雖修四無色定以大悲故而不住無色界者之所住處；

「是雖勤修止觀為化眾生故而不證明脫，雖行於捨而不捨化眾生事者之所住處；

「是雖觀於空而不起空見，雖行無相而常化著相眾生，雖行無願而不捨菩提行願者之所住處；

「是雖於一切業 yè 煩惱中而得自在為化眾生故而現隨順諸業煩惱，雖無生死為化眾生故示受生死，雖已離一切趣為化眾生故示入諸趣者之所住處；

「是雖行於慈而於諸眾生無所愛戀 liàn，雖行於悲而於諸眾生無所取著 zhuó，雖行於喜而觀苦眾生心常哀愍 mǐn，雖行於捨而不廢 fèi 捨利益他事者之所住處；

「是雖行九次第定而不厭離欲界受生，雖知一切法無生無滅 miè 而不於實際 jì 作證 zhèng，雖入三解脫門而不取聲聞解脫，雖觀四聖諦而不住小乘聖果，雖觀甚深緣起而不住究竟寂滅，雖修八聖道而不求永出世間，雖超凡夫地而不墮聲聞、辟支佛地，雖觀五取蘊而不永滅諸蘊，雖超出四魔而不分別諸魔，雖不著六處而不永滅六處，雖安住真如而不墮實際，雖說一切乘而不捨大乘。此大樓閣是住如是等一切諸功德者之所住處。」

爾時，善財童子而說頌言：

「此是大悲清淨智，	利益世間慈氏尊，
灌頂地中佛長子，	入如來境之住處。
一切名聞諸佛子，	已入大乘解脫門，
遊行法界心無著，	此無等者之住處。
施戒忍進禪智慧，	方便願力及神通，
如是大乘諸度法，	悉具足者之住處。
智慧廣大如虛空，	普知三世一切法，
無礙無依無所取，	了諸有者之住處。
善能解了一切法，	無性無生無所依，
如鳥飛空得自在，	此大智者之住處。
了知三毒真實性，	分別因緣虛妄起，
亦不厭彼而求出，	此寂靜人之住處。
三解脫門八聖道，	諸蘊處界及緣起，
悉能觀察不趣寂，	此善巧人之住處。
十方國土及眾生，	以無礙 ài 智咸觀察，
了性皆空不分別，	此寂滅人之住處。
普行法界悉無礙，	而求行性不可得，
如風行空無所行，	此無依者之住處。
普見惡道群生類，	受諸楚毒無所歸 guī，
放大慈光悉除滅，	此哀愍者之住處。
見諸眾生失正道，	譬如生盲踐畏途，
引其令入解脫城，	此大導 dǎo 師之住處。
見諸眾生入魔網，	生老病死常逼迫，
令其解脫得慰安，	此勇健人之住處。
見諸眾生嬰惑病，	而興 xīng 廣大悲愍心，
以智慧藥悉除滅，	此大醫王之住處。

見諸群生沒 mò有海，沈淪憂 yōu 迫受眾苦，
悉以法船而救之，此善度者之住處。
見諸眾生在惑海，能發菩提妙寶心，
悉入其中而濟 jì拔，此善漁人之住處。
恒以大願慈悲眼，普觀一切諸眾生，
從諸有海而拔出，此金翅王之住處。
譬如日月在虛空，一切世間靡 mǐ不燭 zhú，
智慧光明亦如是，此照世者之住處。
菩薩為化一眾生，普盡 jìn 未來無量劫，
如為一人一切爾，此救世者之住處。
於一國土化眾生，盡未來劫無休息，
一一國土咸如是，此堅固意之住處。
十方諸佛所說法，一座普受咸令盡 jìn，
盡未來劫恒悉然，此智海人之住處。
遍遊一切世界海，普入一切道場海，
供養一切如來海，此修行者之住處。
修行一切妙行海，發起無邊大願海，
如是經於眾劫海，此功德者之住處。
一毛端處無量剎，佛眾生劫不可說，
如是明見靡 mǐ不周，此無礙 ài 眼之住處。
一念普攝無邊劫，國土諸佛及眾生，
智慧無礙悉正知，此具德人之住處。
十方國土碎為塵，一切大海以毛滴，
菩薩發願數如是，此無礙者之住處。
成就總 zǒng 持三昧門，大願諸禪及解脫，
一一皆住無邊劫，此真佛子之住處。
無量無邊諸佛子，種種說法度眾生，

亦說世間眾技術，	此修行者之住處。
成就神通方便智，	修行如幻妙法門，
十方五趣悉現生，	此無礙者之住處。
菩薩始從初發心，	具足修行一切行，
化身無量遍法界，	此神力者之住處。
一念成就菩提道，	普作無邊智慧業 yè，
世情思慮 lù 悉發狂，	此難量者之住處。
成就神通無障礙，	遊行法界靡不周，
其心未嘗 cháng 有所得，	此淨慧者之住處。
菩薩修行無礙慧，	入諸國土無所著，
以無二智普照明，	此無我者之住處。
了知諸法無依止，	本性寂滅同虛空，
常行如是境界中，	此離垢人之住處。
普見群生受諸苦，	發大仁慈智慧心，
願常利益諸世間，	此悲愍者之住處。
佛子住於此，	普現眾生前，
猶如日月輪，	遍除生死暗。
佛子住於此，	普順眾生心，
變現無量身，	充滿十方刹。
佛子住於此，	遍遊諸世界，
一切如來所，	無量無數劫。
佛子住於此，	思量諸佛法，
無量無數劫，	其心無厭倦。
佛子住於此，	念念入三昧，
一一三昧門，	闡 chǎn 明諸佛境。
佛子住於此，	悉知一切刹，
無量無數劫，	眾生佛名號。

佛子住於此，
但隨眾生心，
佛子住於此，
一一心念中，
佛子住於此，
普現一切刹，
佛子住於此，
深入智慧海，
佛子住於此，
悉知諸刹數，
世數眾生數，
佛名數亦然。
佛子住於此，
一念悉能了，
一切三世中，
國土之成壞 huài。
佛子住於此，
普知佛行願，
菩薩所修行，
眾生根性欲。
佛子住於此，
見一微塵中，
無量刹道場，
眾生及諸劫。
如一微塵內，
一切塵亦然，
種種咸具足，
處處皆無礙 ài。
佛子住於此，
普觀一切法，
眾生刹及世，
無起無所有。
觀察眾生等，
法等如來等，
刹等諸願等，
三世悉平等。
佛子住於此，
教化諸群生，
供養諸如來，
思惟諸法性。
無量千萬劫，
所修願智行，
廣大不可量，
稱揚莫能盡 jìn。
彼諸大勇猛，
所行無障礙，

安住於此中， 我合掌敬禮 ĩ。
諸佛之長子， 聖 shèng 德慈氏尊；
我今恭敬禮， 願垂顧 gù 念我！」

爾時，善財童子以如是等一切菩薩無量稱揚讚歎 tàn 法，而讚毘盧遮那莊嚴藏大樓閣中諸菩薩已，曲躬合掌恭敬頂禮，一心願見彌勒菩薩親近供養；乃見彌勒菩薩摩訶薩從別處來，無量天、龍、夜叉、乾闥婆、阿脩羅、迦樓羅、緊那羅、摩睺羅伽王，釋、梵、護世，及本生處無量眷屬、婆羅門眾，及餘無數百千眾生，前後圍遶而共來向莊嚴藏大樓觀所。善財見已，歡喜踊躍，五體投地。

時彌勒菩薩觀察善財，指示大眾，歎 tàn 其功德而說頌曰：

「汝等觀善財， 智慧心清淨，
為求菩提行， 而來至我所。
善來圓滿慈， 善來清淨悲，
善來寂滅眼， 修行無懈怠。
善來清淨意， 善來廣大心，
善來不退根， 修行無懈怠。
善來不動行， 常求善知識，
了達一切法， 調伏諸群生。
善來行妙道， 善來住功德，
善來趣佛果， 未曾有疲倦。
善來德為體， 善來法所滋，
善來無邊行， 世間難 nán 可見。
善來離迷惑， 世法不能染，
利衰毀譽等， 一切無分別。
善來施安樂， 調柔堪受化；
諂 chǎn 誑瞋慢心，一切悉除滅。

善來真佛子，	普詣 yì 於十方，
增長諸功德，	調柔無懈倦。
善來三世智，	遍知一切法，
普生功德藏，	修行不疲厭。
文殊德雲等，	一切諸佛子，
令汝至我所，	示汝無礙處。
具修菩薩行，	普攝諸群生；
如是廣大人，	今來至我所。
為求諸如來，	清淨之境界，
問諸廣大願，	而來至我所。
去來現在佛，	所成諸行業，
汝欲皆修學，	而來至我所。
汝於善知識，	欲求微妙法，
欲受菩薩行，	而來至我所。
汝念善知識，	諸佛所稱歎 tàn，
令汝成菩提，	而來至我所。
汝念善知識，	生我如父母，
養我如乳母，	增我菩提分，
如醫療 liáo 眾疾，	如天灑 sǎ 甘露，
如日示正道，	如月轉淨輪，
如山不動搖，	如海無增減，
如船師濟 jì 渡，	而來至我所。
汝觀善知識，	猶如大猛將，
亦如大商主，	又如大導 dǎo 師，
能建正法幢，	能示佛功德，
能滅諸惡道，	能開善趣門，
能顯 xiǎn 諸佛身，	能守諸佛藏，

能持諸佛法，是故願瞻奉。
欲滿清淨智，欲具端正身，
欲生尊貴家，而來至我所。
汝等觀此人，親近善知識，
隨其所修學，一切應順行。
以昔福因緣，文殊令發心，
隨順無違 wéi 逆，修行不懈倦。
父母與親屬，宮殿及財產，
一切皆捨離，謙 qiān 下求知識。
淨治如是意，永離世間身，
當生佛國土，受諸勝 shèng 果報。
善財見眾生，生老病死苦，
為發大悲意，勤修無上道。
善財見眾生，五趣常流轉，
為求金剛智，破彼諸苦輪。
善財見眾生，心田甚荒穢 huì，
為除三毒刺，專 zhuān 求利智犁。
眾生處癡暗，盲冥失正道；
善財為導師，示其安隱處。
忍鎧 kǎi 解脫乘，智慧為利劍，
能於三有內，破諸煩惱賊。
善財法船師，普濟 jì 諸含識 shí，
令過爾焰海，疾至淨寶洲。
善財正覺日，智光大願輪，
周行法界空，普照群迷宅。
善財正覺月，白法悉圓滿，
慈定清涼光，等照眾生心。

善財勝智海， 依於直心住，
菩提行漸深， 出生眾法寶。
善財大心龍， 昇於法界空，
興雲霏 zhù 甘澤，生成一切果。
善財然法燈， 信炷慈悲油，
念器功德光， 滅除三毒暗。
覺心迦羅 luó 邏 luó，悲胞慈為肉，
菩提分肢節 jié， 長於如來藏。
增長福德藏， 清淨智慧藏，
開顯 xiǎn 方便藏，出生大願藏。
如是大莊嚴， 救護 hù 諸群生；
一切天人中， 難聞難可見。
如是智慧樹， 根深不可動，
眾行漸增長， 普蔭 yìn 諸群生。
欲生一切德， 欲問一切法，
欲斷一切疑， 專 zhuān 求善知識。
欲破諸惑魔， 欲除諸見垢，
欲解眾生縛 fù， 專求善知識。
當滅諸惡道， 當示人天路，
令修功德行， 疾入涅槃城。
當度諸見難 nàn， 當截諸見網，
當枯愛欲水， 當示三有道。
當為世依怙 hù， 當作世光明，
當成三界師， 示其解脫處。
亦當令世間， 普離諸想著，
普覺煩惱睡， 普出愛欲泥。
當了種種法， 當淨種種刹；

一切咸究竟，其心大歡喜。
汝行極 jī 調柔，汝心甚清淨，
所欲修功德，一切當圓滿。
不久見諸佛，了達 dá 一切法，
嚴 yán 淨眾剎海，成就大菩提。
當滿諸行海，當知諸法海，
當度眾生海，如是修諸行。
當到功德岸，當生諸善品，
當與佛子等，如是心決定。
當斷一切惑，當淨一切業 yè，
當伏一切魔，滿足如是願。
當生妙智道，當開正法道，
不久當捨離，惑業諸苦道。
一切眾生輪，沈迷諸有輪；
汝當轉法輪，令其斷苦輪。
汝當持佛種，汝當淨法種，
汝能集僧種，三世悉周遍。
當斷眾愛網，當裂眾見網，
當救眾苦網，當成此願網。
當度眾生界，當淨國土界，
當集智慧界，當成此心界。
當令眾生喜，當令菩薩喜，
當令諸佛喜，當成此歡 huān 喜。
當見一切趣，當見一切剎，
當見一切法，當成此佛見。
當放破暗光，當放息熱 rè 光，
當放滅惡光，滌 dí 除三有苦。

當開天趣門，	當開佛道門，
當示解脫門，	普使眾生入。
當示於正道，	當絕於邪道；
如是勤修行，	成就菩提道。
當修功德海，	當度三有海；
普使群生海，	出於眾苦海。
當於眾生海，	消竭煩惱海，
令修諸行海，	疾入大智海。
汝當增智海，	汝當修行海；
諸佛大願海，	汝當咸滿足。
汝當入刹海，	汝當觀眾海；
汝當以智力，	普飲諸法海。
當觀 jìn 諸佛雲，	當起供養雲，
當聽妙法雲，	當興此願雲。
普遊三有室，	普壞 huài 眾惑室，
普入如來室，	當行如是道。
普入三昧門，	普遊解脫門，
普住神通門，	周行於法界。
普現眾生前，	普對諸佛前，
譬如日月光，	當成如是力。
所行無動亂 luàn，	所行無染著，
如鳥行虛空，	當成此妙用。
譬如因陀網，	刹網如是住；
汝當悉往詣 yì，	如風無所礙。
汝當入法界，	遍往諸世界，
普見三世佛，	心生大歡喜。
汝於諸法門，	已得及當得，

應生大喜躍 yuè，無貪亦無厭。
汝是功德器，能隨諸佛教，
能修菩薩行，得見此奇特。
如是諸佛子，億劫難可遇；
況見其功德，所修諸妙道！
汝生於人中，大獲 huò 諸善利，
得見文殊等，無量諸功德。
已離諸惡道，已出諸難 nán 處，
已超眾苦患，善哉勿懈怠 dài。
已離凡夫地，已住菩薩地，
當滿智慧地，速入如來地。
菩薩行如海，佛智同虛空，
汝願亦復然，應生大欣慶 qīng。
諸根不懈倦，志願恒決定，
親近善知識，不久悉成滿。
菩薩種種行，皆為調眾生，
普行諸法門，慎勿生疑惑。
汝具難 nán 思福，及以真實信；
是故於今日，得見諸佛子。
汝見諸佛子，悉獲 huò 廣大利，
一一諸大願，一切咸信受。
汝於三有中，能修菩薩行；
是故諸佛子，示汝解脫門。
非是法器人，與佛子同住，
設經無量劫，莫知其境界。
汝見諸菩薩，得聞如是法，
世間甚難有，應生大喜慶。
諸佛護 hù 念汝，菩薩攝受汝，

能順其教行，
已生菩薩家，
已長如來種，
不久汝當得，
見苦惱眾生，
如下如是種，
我今慶慰汝，
無量諸菩薩，
未能成此行，
信樂堅進力，
若有敬慕心，
一切功德行，
善財已了知，
如龍布密雲，
菩薩起願智，
若有善知識，
汝當好承事，
汝於無量劫，
今為求菩提，
汝於無量劫，
不曾事諸佛，
汝今得人身，
聽 tīng 受菩提行，
雖遇佛興世，
其心不清淨，
若於善知識，
離疑不疲厭，
若有聞此法，
當知如是人，
善哉住壽命。
已具菩薩德，
當昇灌頂位。
與諸佛子等，
悉置安隱處。
必獲如是果，
汝應大欣悅。
無量劫行道，
今汝皆獲得。
善財成此行；
亦當如是學。
皆從願欲生；
常樂勤修習。
必當霍 zhù大雨；
決定修諸行。
示汝普賢行；
慎勿生疑惑。
為欲妄捨身；
此捨方為善。
具受生死苦，
未聞如是行。
值佛善知識，
云何不歡 huān 喜！
亦值善知識；
不聞如是法。
信樂心尊重，
乃聞如是法。
而興誓願心；
已獲 huò廣大利。

如是心清淨，常得近諸佛，
亦近諸菩薩，決定成菩提。
若入此法門，則具諸功德，
永離眾惡趣，不受一切苦。
不久捨此身，往生佛國土，
常見十方佛，及以諸菩薩。
往因今淨解，及事善友力，
增長諸功德，如水生蓮華。
樂事善知識，勤供一切佛，
專 zhuān 心聽聞法，常行勿懈倦。
汝是真法器，當具一切法，
當修一切道，當滿一切願。
汝以信解心，而來禮敬我，
不久當普入，一切諸佛會。
善哉真佛子，恭敬一切佛，
不久具諸行，到佛功德岸。
汝當往大智，文殊師利所；
彼當令汝得，普賢深妙行。」

爾時，彌勒菩薩摩訶薩在眾會前，稱讚善財大功德藏。善財聞已歡喜踊躍，身毛皆豎 shù，悲泣哽噎 yē；起立合掌恭敬瞻仰，遶無量匝。以文殊師利心念力故，眾華瓔珞、種種妙寶不覺忽然自盈其手；善財歡喜，即以奉散彌勒菩薩摩訶薩上。

時，彌勒菩薩摩訶薩頂，為說頌言：

「善哉善哉真佛子！普策諸根無懈倦，
不久當具諸功德，猶如文殊及與我。」

時，善財童子以頌答曰：

「我念善知識，億劫難值遇；

今得咸親近，
我以文殊故，
彼大功德尊，

而來詣尊所。
見諸難見者；
願速還瞻覲 jìn。」

大方廣佛華嚴經卷第七十七

大方廣佛華嚴經卷第七十八

于闐國三藏實叉難陀奉 制譯

入法界品第三十九之十九

爾時，善財童子合掌恭敬，重白彌勒菩薩摩訶薩言：

「大聖！我已先發阿耨多羅三藐三菩提心，而我未知菩薩云何學菩薩行？云何修菩薩道？

「大聖！一切如來授尊者記，一生當得阿耨多羅三藐三菩提；若一生當得無上菩提，則已超越一切菩薩所住處，則已出過一切菩薩離生位，則已圓滿一切波羅蜜，則已深入一切諸忍門，則已具足一切菩薩地，則已遊戲 xī 一切解脫門，則已成就一切三昧法，則已通達 dá 一切菩薩行，則已證得一切陀羅尼辯才，則已於一切菩薩自在中而得自在，則已積集一切菩薩助道法，則已遊戲智慧方便，則已出生大神通智，則已成就一切學處，則已圓滿一切妙行，則已滿足一切大願，則已領受一切佛所記，則已了知一切諸乘門，則已堪受一切如來所護 hù 念，則已能攝一切佛菩提，則已能持一切佛法藏，則已能持一切諸佛菩薩祕 mì 密藏，則已能於一切菩薩眾中為上首，則已能為破煩惱魔軍大勇將，則已能作出生死曠野大導 dǎo 師，則已能作治諸惑重病大醫 yī 王，則已能於一切眾生中為最勝 shèng，則已能於一切世主中得自在，則已能於一切聖人中最第一，則已能於一切聲聞獨覺中最增上，則已能於生死海中為船師，則已能布調伏一切眾生網，則已能觀一切眾生根，則已能攝一切眾生界，則已能守護 hù 一切菩薩眾，則已能談議 yì 一切菩薩事，則已能往詣一切如來所，則已能住止一切如來會，則已能現身一切眾生前，則已能於一切世法無所染，則已能超越一切魔境界，則已能安住一切佛境界，則已能到一切菩薩無礙境，則已

能精勤供養一切佛，則已與一切諸佛法同體 tǐ 性，已繫 xì 妙法繒，已受佛灌頂，已住一切智，已能普生一切佛法，已能速踐一切智位。

「大聖！菩薩云何學菩薩行？云何修菩薩道？隨所修學，疾得具足一切佛法，悉能度脫所念眾生，普能成滿所發大願，普能究竟所起諸行，普能安慰一切天人，不負自身，不斷三寶，不虛一切佛菩薩種，能持一切諸佛法眼。如是等事，願皆為說！」

爾時，彌勒菩薩摩訶薩觀察一切道場眾會，指示善財而作是言：「諸仁者！汝等見此長者子，今於我所問菩薩行諸功德不？諸仁者！此長者子，勇猛精進，志願無雜 zá，深心堅固，恒不退轉；具勝 shèng 希望，如救頭 tóu 然，無有厭 yàn 足；樂善知識，親近供養，處處尋求，承事請法。諸仁者！此長者子，曩 nǎng 於福城受文殊教，展轉南行求善知識，經由一百一十善知識已，然後而來至於我所，未曾暫起一念疲懈。

「諸仁者！此長者子，甚為難有，趣向大乘，乘於大慧，發大勇猛，擐 huàn 大悲甲，以大慈心救護 hù 眾生，起大精進波羅蜜行，作大商主護諸眾生，為大法船度諸有海，住於大道，集大法寶，修諸廣大助道之法；如是之人難可得聞，難可得見，難得親近、同居共行。何以故？此長者子發心救護一切眾生，令一切眾生解脫諸苦，超諸惡趣，離諸險難 nàn，破無明闇 àn，出生死野，息諸趣輪，度魔境界，不著世法，出欲淤泥，斷貪鞅 yāng，解見縛 fù，壞 huài 想宅，絕迷道，摧慢幢，拔惑箭，撤睡蓋 gài，裂愛網，滅 miè 無明，度有流，離諂幻，淨心垢，斷癡惑，出生死。

「諸仁者！此長者子，為被四流漂泊者造大法船；為被見泥沒 mò 溺者立大法橋 qiáo；為被癡暗昏迷者，然大智燈；為行生死曠野者，開示聖 shèng 道；為嬰煩惱重病者調和法藥 yào；

為遭生老死苦者，飲以甘露令其安隱 wěn；為入貪恚 huì 癡火者，沃以定水使得清涼；多憂惱者，慰諭使安；繫 xì 有獄者，曉誨 huì 令出；入見網者，開以智劍；住界城者，示諸脫門；在險難者，導安隱處；懼 jù 結賊者與無畏法；墮惡趣者授慈悲手；拘害蘊者示涅槃城；界蛇所纏，解以聖道；著於六處空聚落者，以智慧光引之令出；住邪濟 jì 者令入正濟；近惡友者示其善友；樂凡法者，誨以聖法；著生死者令其趣入一切智城。

「諸仁者！此長者子，恒以此行救護 hù 眾生，發菩提心未嘗 cháng 休息，求大乘道曾無懈怠，飲諸法水不生厭 yàn 足，恒勤積集助道之行，常樂清淨一切法門，修菩薩行不捨精進，成滿諸願善行方便，見善知識情無厭足，事善知識身不疲懈，聞善知識所有教誨，常樂順行未曾違 wéi 逆。

「諸仁者！若有眾生能發阿耨多羅三藐三菩提心，是為希有；若發心已，又能如是精進方便集諸佛法，倍為希有；又能如是求菩薩道，又能如是淨菩薩行，又能如是事善知識，又能如是如救頭然，又能如是順知識教，又能如是堅固修行，又能如是集菩提分，又能如是不求一切名聞利養，又能如是不捨菩薩純一之心，又能如是不樂家宅、不著 zhuó 欲樂、不戀 liàn 父母親戚知識，但樂追求菩薩伴侶，又能如是不顧 gù 身命，唯願勤修一切智道，應知展轉倍更難 nán 得。

「諸仁者！餘諸菩薩經於無量百千萬億那由他劫，乃能滿足菩薩願行，乃能親近諸佛菩提；此長者子於一生內，則能淨佛刹，則能化眾生，則能以智慧深入法界，則能成就諸波羅蜜，則能增廣一切諸行，則能圓滿一切大願，則能超出一切魔業，則能承事一切善友，則能清淨諸菩薩道，則能具足普賢諸行。」

爾時，彌勒菩薩摩訶薩如是稱歎 tàn 善財童子種種功德，令無量百千眾生發菩提心已，告善財言：「善哉善哉！善男子！

汝為饒益一切世間，汝為救護一切眾生，汝為勤求一切佛法故，發阿耨多羅三藐三菩提心。善男子！汝獲 huò 善利，汝善得人身，汝善住壽命，汝善值如來出現，汝善見文殊師利大善知識。汝身是善器，為諸善根之所潤澤 zé。汝為白法之所資持，所有解欲悉已清淨，已為諸佛共所護 hù 念，已為善友共所攝 shè 受。何以故？

「善男子！菩提心者，猶如種子，能生一切諸佛法故；

「菩提心者，猶如良田，能長眾生白淨法故；

「菩提心者，猶如大地，能持一切諸世間故；

「菩提心者，猶如淨水，能洗一切煩惱垢故；

「菩提心者，猶如大風，普於世間無所礙 ài 故；

「菩提心者，猶如盛 shèng 火，能燒一切諸見薪故；

「菩提心者，猶如淨日，普照一切諸世間故；

「菩提心者，猶如盛 shèng 月，諸白淨法悉圓滿故；

「菩提心者，猶如明燈，能放種種法光明故；

「菩提心者，猶如淨目，普見一切安危處故；

「菩提心者，猶如大道，普令得入大智城故；

「菩提心者，猶如正濟 jì，令其得離諸邪法故；

「菩提心者，猶如大車，普能運載諸菩薩故；

「菩提心者，猶如門戶，開示一切菩薩行故；

「菩提心者，猶如宮殿，安住修習三昧法故；

「菩提心者，猶如園苑，於中遊戲 xì 受法樂故；

「菩提心者，猶如舍宅，安隱一切諸眾生故；

「菩提心者，則為所歸 guī，利益一切諸世間故；

「菩提心者，則為所依，諸菩薩行所依處故；

「菩提心者，猶如慈父，訓導 dǎo 一切諸菩薩故；

「菩提心者，猶如慈母，生長一切諸菩薩故；

「菩提心者，猶如乳母，養育一切諸菩薩故；
「菩提心者，猶如善友，成益一切諸菩薩故；
「菩提心者，猶如君主，勝出一切二乘人故；
「菩提心者，猶如帝王，一切願中得自在故；
「菩提心者，猶如大海，一切功德悉入中故；
「菩提心者，如須彌山，於諸眾生心平等故；
「菩提心者，如鐵 tiě 圍山，攝持一切諸世間故；
「菩提心者，猶如雪山，長養一切智慧藥故；
「菩提心者，猶如香山，出生一切功德香故；
「菩提心者，猶如虛空，諸妙功德廣無邊故；
「菩提心者，猶如蓮華，不染一切世間法故；
「菩提心者，如調慧象，其心善順不獷 guǎng 戾 lì 故；
「菩提心者，如良善馬，遠 yuǎn 離 lí 一切諸惡性故；
「菩提心者，如調御師，守護 hù 大乘一切法故；
「菩提心者，猶如良藥 yào，能治一切煩惱病故；
「菩提心者，猶如坑穽 jǐng，陷沒 mò 一切諸惡法故；
「菩提心者，猶如金剛，悉能穿徹一切法故；
「菩提心者，猶如香篋 qiè，能貯 zhù 一切功德香故；
「菩提心者，猶如妙華，一切世間所樂見故；
「菩提心者，如白栴檀，除眾欲熱 rè 使清涼故；
「菩提心者，如黑沈香，能熏法界悉周遍故；
「菩提心者，如善見藥王，能破一切煩惱病故；
「菩提心者，如毘 pí 笈 jí 摩藥，能拔一切諸惑箭故；
「菩提心者，猶如帝釋，一切主中最為尊故；
「菩提心者，如毘沙門，能斷一切貧窮苦故；
「菩提心者，如功德天，一切功德所莊嚴故；
「菩提心者，如莊嚴具，莊嚴一切諸菩薩故；

「菩提心者，如劫燒火，能燒一切諸有為故；
「菩提心者，如無生根藥，長養一切諸佛法故；
「菩提心者，猶如龍珠，能消一切煩惱毒故；
「菩提心者，如水清珠，能清一切煩惱濁故；
「菩提心者，如如意珠，周給一切諸貧乏故；
「菩提心者，如功德瓶，滿足一切眾生心故；
「菩提心者，如如意樹，能雨一切莊嚴具故；
「菩提心者，如鵝羽衣，不受一切生死垢故；
「菩提心者，如白氎 dié 線 xiàn，從本已來性清淨故；
「菩提心者，如快利犁，能治一切眾生田故；
「菩提心者，如那羅延，能摧一切我見敵 dí 故；
「菩提心者，猶如快箭，能破一切諸苦的 dì 故；
「菩提心者，猶如利矛，能穿一切煩惱甲故；
「菩提心者，猶如堅甲，能護一切如理心故；
「菩提心者，猶如利刀，能斬一切煩惱首故；
「菩提心者，猶如利劍，能斷一切憍 jiāo 慢鎧 kǎi 故；
「菩提心者，如勇將幢，能伏一切諸魔軍故；
「菩提心者，猶如利鋸 jù，能截一切無明樹故；
「菩提心者，猶如利斧，能伐一切諸苦樹故；
「菩提心者，猶如兵仗，能防一切諸苦難 nàn 故；
「菩提心者，猶如善手，防護一切諸度身故；
「菩提心者，猶如好足，安立一切諸功德故；
「菩提心者，猶如眼藥 yào，滅除一切無明翳 yì 故；
「菩提心者，猶如鉗 qián 鑷 niè，能拔一切身見刺故；
「菩提心者，猶如臥具，息除生死諸勞苦故；
「菩提心者，如善知識，能解一切生死縛 fù 故；
「菩提心者，如好珍財，能除一切貧窮 qióng 事故；

「菩提心者，如大導 dǎo 師，善知菩薩出要道故；
「菩提心者，猶如伏藏，出功德財無匱 kuì 乏故；
「菩提心者，猶如涌泉，生智慧水無窮盡 jìn 故；
「菩提心者，猶如明鏡，普現一切法門像故；
「菩提心者，猶如蓮華，不染一切諸罪垢故；
「菩提心者，猶如大河，流引一切度攝法故；
「菩提心者，如大龍王，能雨一切妙法雨故；
「菩提心者，猶如命根，任持菩薩大悲身故；
「菩提心者，猶如甘露，能令安住不死界故；
「菩提心者，猶如大網，普攝一切諸眾生故；
「菩提心者，猶如罽 juàn 索，攝取一切所應化故；
「菩提心者，猶如鉤 gōu 餌 ěr，出有淵中所居者故；
「菩提心者，如阿伽陀藥，能令無病永安隱故；
「菩提心者，如除毒藥，悉能消歇貪愛毒故；
「菩提心者，如善持呪，能除一切顛倒毒故；
「菩提心者，猶如疾風，能卷一切諸障霧 wù 故；
「菩提心者，如大寶洲，出生一切覺分寶故；
「菩提心者，如好種性，出生一切白淨法故；
「菩提心者，猶如住宅，諸功德法所依處故；
「菩提心者，猶如市肆 sì，菩薩商人貿易處故；
「菩提心者，如鍊 liàn 金藥，能治一切煩惱垢故；
「菩提心者，猶如好蜜，圓滿一切功德味故；
「菩提心者，猶如正道，令諸菩薩入智城故；
「菩提心者，猶如好器，能持一切白淨法故；
「菩提心者，猶如時雨，能滅 miè 一切煩惱塵 chén 故；
「菩提心者，則為住處，一切菩薩所住處故；
「菩提心者，則為壽行，不取聲聞解脫果故；

「菩提心者，如淨瑠璃，自性明潔 jié 無諸垢故；
「菩提心者，如帝青寶，出過世間二乘智故；
「菩提心者，如更 gēng 漏鼓，覺諸眾生煩惱睡故；
「菩提心者，如清淨水，性本澄潔 jié 無垢濁故；
「菩提心者，如閻浮金，映奪 duó 一切有為善故；
「菩提心者，如大山王，超出一切諸世間故；
「菩提心者，則為所歸 guī，不拒一切諸來者故；
「菩提心者，則為義 yì 利，能除一切衰惱事故；
「菩提心者，則為妙寶，能令一切心歡喜故；
「菩提心者，如大施會，充滿一切眾生心故；
「菩提心者，則為尊勝，諸眾生心無與等故；
「菩提心者，猶如伏藏，能攝一切諸佛法故；
「菩提心者，如因陀羅網，能伏煩惱阿脩 xiū 羅故；
「菩提心者，如婆樓那風，能動一切所應 yìng 化故；
「菩提心者，如因陀羅火，能燒一切諸惑習故；
「菩提心者，如佛支提，一切世間應 yīng 供養故。

「善男子！菩提心者，成就如是無量功德；舉要言之，應知悉與一切佛法諸功德等。何以故？因菩提心出生一切諸菩薩行，三世如來從菩提心而出生故。是故善男子！若有發阿耨多羅三藐三菩提心者，則已出生無量功德，普能攝取一切智道。

「善男子！譬如有人得無畏藥 yào，離五恐怖。何等為五？所謂：火不能燒，毒不能中，刀不能傷，水不能漂，煙 yān 不能熏。菩薩摩訶薩亦復如是，得一切智菩提心藥，貪火不燒，瞋毒不中，惑刀不傷，有流不漂，諸覺觀煙不能熏害。

「善男子！譬如有人得解脫藥，終無橫難 nàn。菩薩摩訶薩亦復如是，得菩提心解脫智藥，永離一切生死橫難。

「善男子！譬如有人，持摩訶應伽藥，毒蛇聞氣，即皆遠

去。菩薩摩訶薩亦復如是，持菩提心大應伽藥，一切煩惱諸惡毒蛇，聞其氣者，悉皆散滅。

「善男子！譬如有人，持無勝藥，一切怨敵無能勝者。菩薩摩訶薩亦復如是，持菩提心無能勝藥，悉能降伏一切魔軍。

「善男子！譬如有人，持毘笈 jī 摩藥，能令毒箭自然墮落。菩薩摩訶薩亦復如是，持菩提心毘笈摩藥，令貪、恚 huì、癡、諸邪見箭自然墮落。

「善男子！譬如有人，持善見藥，能除一切所有諸病。菩薩摩訶薩亦復如是，持菩提心善見藥王，悉除一切諸煩惱病。

「善男子！如有藥樹名：珊陀那，有取其皮以塗瘡 chuāng 者，瘡即除愈；然其樹皮，隨取隨生，終不可盡 jìn。菩薩摩訶薩從菩提心生一切智樹亦復如是，若有得見而生信者，煩惱業瘡悉得消滅，一切智樹初無所損。

「善男子！如有藥樹，名：無生根，以其力故，增長一切閻浮提樹。菩薩摩訶薩菩提心樹亦復如是，以其力故，增長一切學與無學及諸菩薩所有善法

「善男子！譬如有人，名：阿藍婆，若用塗身，身之與心咸有堪能。菩薩摩訶薩得菩提心阿藍婆藥亦復如是，令其身心增長善法。

「善男子！譬如有人，得念力藥，凡所聞事憶持不忘。菩薩摩訶薩得菩提心念力妙藥，悉能聞持一切佛法皆無忘失。

「善男子！譬如有人，名：大蓮華，其有服者住壽一劫。菩薩摩訶薩服菩提心大蓮華藥亦復如是，於無數劫，壽命自在。

「善男子！譬如有人，執 zhí 翳 yì 形藥，人與非人悉不能見。菩薩摩訶薩執菩提心翳形妙藥，一切諸魔不能得見。

「善男子！如海有珠名：普集眾寶，此珠若在，假使劫火焚燒世間，能令此海減於一滴，無有是處。菩薩摩訶薩菩提心

珠亦復如是，住於菩薩大願海中，若常憶持不令退失，能壞菩薩一善根者，終無是處；若退其心，一切善法即皆散滅。

「善男子！如有摩尼，名：大光明，有以此珠瓔珞身者，映蔽一切寶莊嚴具，所有光明悉皆不現。菩薩摩訶薩菩提心寶亦復如是，瓔珞其身，映蔽一切二乘心寶，諸莊嚴具悉無光彩。

「善男子！如水清珠，能清濁 zhuó 水。菩薩摩訶薩菩提心珠亦復如是，能清一切煩惱垢濁。

「善男子！譬如有人，得住水寶，繫 xì 其身上，入大海中，不為水害。菩薩摩訶薩亦復如是，得菩提心住水妙寶，入於一切生死海中，終不沈 chén 沒 mò。

「善男子！譬如有人，得龍寶珠，持入龍宮，一切龍蛇不能為害。菩薩摩訶薩亦復如是，得菩提心大龍寶珠，入欲界中，煩惱龍蛇不能為害。

「善男子！譬如帝釋，著摩尼冠，映蔽一切諸餘天眾。菩薩摩訶薩亦復如是，著菩提心大願寶冠，超過一切三界眾生。

「善男子！譬如有人，得如意珠，除滅一切貧窮之苦。菩薩摩訶薩亦復如是，得菩提心如意寶珠，遠離一切邪命怖畏。

「善男子！譬如有人，得日精珠，持向日光而生於火。菩薩摩訶薩亦復如是，得菩提心智日寶珠，持向智光而生智火。

「善男子！譬如有人，得月精珠，持向月光而生於水。菩薩摩訶薩亦復如是，得菩提心月精寶珠，持此心珠，鑒 jiàn 迴向光，而生一切善根願水。

「善男子！譬如龍王，首戴如意摩尼寶冠，遠 yuǎn 離一切怨敵 dí 怖畏。菩薩摩訶薩亦復如是，著菩提心大悲寶冠，遠離一切惡道諸難 nàn。

「善男子！如有寶珠，名：一切世間莊嚴藏，若有得者，令其所欲悉得充滿，而此寶珠無所損減。菩提心寶亦復如是，

若有得者，令其所願悉得滿足，而菩提心無有損減。

「善男子！如轉輪王，有摩尼寶，置於宮中，放大光明，破一切暗。菩薩摩訶薩亦復如是，以菩提心大摩尼寶，住於欲界，放大智光，悉破諸趣無明黑暗。

「善男子！譬如帝青大摩尼寶，若有為此光明所觸，即同其色。菩薩摩訶薩菩提心寶亦復如是，觀察諸法迴向善根，靡不即同菩提心色。

「善男子！如瑠璃寶，於百千歲 suì 處不淨中，不為臭穢 huì 之所染著，性本淨故。菩薩摩訶薩菩提心寶亦復如是，於百千劫住欲界中，不為欲界過患所染，猶如法界性清淨故。

「善男子！譬如有寶，名：淨光明，悉能映蔽一切寶色。菩薩摩訶薩菩提心寶亦復如是，悉能映蔽一切凡夫二乘功德。

「善男子！譬如有寶，名為：火焰，悉能除滅一切暗冥。菩薩摩訶薩菩提心寶亦復如是，能滅一切無知暗冥。

「善男子！譬如海中有無價 jià 寶，商人採得，船載入城；諸餘摩尼百千萬種，光色、價直無與等者。菩提心寶亦復如是，住於生死大海之中，菩薩摩訶薩乘大願船，深心相續，載之來入解脫城中，二乘功德無能及者。

「善男子！如有寶珠，名：自在王，處閻浮洲，去日月輪四萬由旬，日月宮中所有莊嚴，其珠影現悉皆具足。菩薩摩訶薩發菩提心淨功德寶亦復如是，住生死中，照法界空，佛智日月一切功德悉於中現。

「善男子！如有寶珠，名：自在王，日月光明所照之處，一切財寶、衣服等物，所有價直悉不能及。菩薩摩訶薩發菩提心自在王寶亦復如是，一切智光所照之處，三世所有天人、二乘漏無漏善一切功德皆不能及。

「善男子！海中有寶，名曰：海藏，普現海中諸莊嚴事。

菩薩摩訶薩菩提心寶亦復如是，普能顯現一切智海諸莊嚴事。

「善男子！譬如天上閻浮檀金，唯除心王大摩尼寶，餘無及者。菩薩摩訶薩發菩提心閻浮檀金亦復如是，除一切智心王大寶，餘無及者。

「善男子！譬如有人，善調龍法，於諸龍中而得自在。菩薩摩訶薩亦復如是，得菩提心善調龍法，於諸一切煩惱龍中而得自在。

「善男子！譬如勇士，被 pī 執 zhí 鎧 kǎi 仗，一切怨敵 dí 無能降伏。菩薩摩訶薩亦復如是，被執菩提大心鎧仗，一切業惑諸惡怨敵無能屈伏。

「善男子！譬如天上黑栴檀香，若燒一鉢 zhū，其香普熏小千世界，三千世界滿中珍寶所有價 jià 直皆不能及。菩薩摩訶薩菩提心香亦復如是，一念功德普熏法界，聲聞、緣覺一切功德皆所不及。

「善男子！如白栴檀，若以塗身，悉能除滅一切熱惱，令其身心普得清涼；菩薩摩訶薩菩提心香亦復如是，能除一切虛妄、分別、貪、恚 huì、癡等諸惑熱惱，令其具足智慧清涼。

「善男子！如須彌山，若有近者，即同其色。菩薩摩訶薩菩提心山亦復如是，若有近者，悉得同其一切智色。

「善男子！譬如波利質多羅樹，其皮香氣，閻浮提中若婆師迦、若薝 zhān 蔔 bō 迦、若蘇 sū 摩那，如是等華所有香氣皆不能及。菩薩摩訶薩菩提心樹亦復如是，所發大願功德之香，一切二乘無漏戒定、智慧解脫、解脫知見諸功德香悉不能及。

「善男子！譬如波利質多羅樹，雖未開華，應知即是無量諸華出生之處。菩薩摩訶薩菩提心樹亦復如是，雖未開發一切智華，應知即是無數天人眾菩提華所生之處。

「善男子！譬如波利質多羅華，一日熏衣，薝蔔迦華、婆

利師華、蘇 sū 摩那華雖千歲 suì 熏亦不能及。菩薩摩訶薩菩提心華亦復如是，一生所熏諸功德香，普徹十方一切佛所，一切二乘無漏功德百千劫熏所不能及。

「善男子！如海島中生椰子樹，根、莖、枝、葉及以華果，一切眾生恒取受用無時暫歇。菩薩摩訶薩菩提心樹亦復如是，始從發起悲願之心，乃至成佛，正法住世，常時利益一切世間無有間歇。

「善男子！如有藥汁名：訶 hē 宅 zhái 迦 jiā，人或得之，以其一兩變 biàn 千兩銅，悉成真金，非千兩銅能變此藥。菩薩摩訶薩亦復如是，以菩提心迴向智藥，普變一切業惑等法，悉使成於一切智相，非業惑等能變其心。

「善男子！譬如小火，隨所焚燒，其焰轉熾 chì。菩薩摩訶薩菩提心火亦復如是，隨所攀緣，智焰增長。

「善男子！譬如一燈 dēng，然百千燈，其本一燈無減無盡 jìn。菩薩摩訶薩菩提心燈亦復如是，普然三世諸佛智燈，而其心燈無減無盡。

「善男子！譬如一燈 dēng，入於闇 àn 室，百千年闇悉能破盡。菩薩摩訶薩菩提心燈亦復如是，入於眾生心室之內，百千萬億不可說劫諸業煩惱、種種闇障悉能除盡。

「善男子！譬如燈炷，隨其大小而發光明；若益膏油，明終不絕。菩薩摩訶薩菩提心燈亦復如是，大願為炷，光照法界；益大悲油，教化眾生，莊嚴國土，施作佛事，無有休息。

「善男子！譬如他化自在天王，冠閼浮檀真金天冠，欲界天子諸莊嚴具皆不能及。菩薩摩訶薩亦復如是，冠菩提心大願天冠，一切凡夫、二乘功德皆不能及。

「善男子！如師子王哮吼之時，師子兒聞皆增勇健，餘獸聞之即皆竄 cuàn 伏。佛師子王菩提心吼應知亦爾，諸菩薩聞

增長功德，有所得者聞皆退散。

「善男子！譬如有人，以師子筋而為樂 yuè 絃 xián；其音既奏，餘絃悉絕。菩薩摩訶薩亦復如是，以如來師子波羅蜜身、菩提心筋為法樂絃；其音既奏，一切五欲及以二乘諸功德絃悉皆斷滅。

「善男子！譬如有人，以牛羊等種種諸乳，假使積 jī 集盈於大海，以師子乳一滴投中，悉令變壞 huài，直過無礙 ài。菩薩摩訶薩亦復如是，以如來師子菩提心乳，著無量劫業煩惱乳大海之中，悉令壞滅，直過無礙，終不住於二乘解脫。

「善男子！譬如迦陵頻伽鳥，在卵殼 què 中有大勢力，一切諸鳥所不能及。菩薩摩訶薩亦復如是，於生死殼 què 發菩提心，所有大悲功德勢力，聲聞、緣覺無能及者。

「善男子！如金翅鳥王子，初始生時，目則明利，飛則勁 jìng 捷，一切諸鳥雖久成長無能及者。菩薩摩訶薩亦復如是，發菩提心，為佛王子，智慧清淨，大悲勇猛，一切二乘雖百千劫久修道行所不能及。

「善男子！如有壯夫，手執 zhí 利矛，刺堅密甲，直過無礙。菩薩摩訶薩亦復如是，執菩提心鈎 xiān 利快矛，刺諸邪見隨眠密甲，悉能穿徹無有障礙。

「善男子！譬如摩訶那伽大力勇士，若奮 fèn 威怒，於其額上必生瘡 chuāng 疱 pào；瘡若未合，閻浮提中一切人民無能制伏。菩薩摩訶薩亦復如是，若起大悲，必定發於菩提之心；心未捨來，一切世間魔及魔民不能為害。

「善男子！譬如射師有諸弟子，雖未慣習其師技藝 yì，然其智慧、方便、善巧，餘一切人所不能及。菩薩摩訶薩初始發心亦復如是，雖未慣習一切智行，然其所有願、智、解、欲，一切世間凡夫、二乘悉不能及。

「善男子！如人學射，先安其足，後 hòu 習其法。菩薩摩訶薩亦復如是，欲學如來一切智道，先當安住菩提之心，然後修行一切佛法。

「善男子！譬如幻師，將作幻事，先當起意憶持幻法，然後所作悉得成就。菩薩摩訶薩亦復如是，將起一切諸佛菩薩神通幻事，先當起意發菩提心，然後一切悉得成就。

「善男子！譬如幻術，無色現色。菩薩摩訶薩菩提心相亦復如是，雖無有色，不可覩 dǔ 見，然能普於十方法界示現種種功德莊嚴。

「善男子！譬如貓 māo 狸 lí，纔 cái 見於鼠，鼠即入穴不敢復出。菩薩摩訶薩發菩提心亦復如是，暫以慧眼觀諸惑業，皆即竄 cuàn 匿 nì 不復出生。

「善男子！譬如有人，著閻浮金莊嚴之具，映蔽 bì 一切皆如聚墨。菩薩摩訶薩亦復如是，著菩提心莊嚴之具，映蔽一切凡夫二乘功德莊嚴悉無光色。

「善男子！如好磁石，少分之力，即能吸壞 huài 諸鐵 tiě 鉤 gōu 鎖。菩薩摩訶薩發菩提心亦復如是，若起一念，悉能壞滅 miè 一切見欲無明鉤鎖。

「善男子！如有磁石，鐵若見之，即皆散去，無留住者。菩薩摩訶薩發菩提心亦復如是，諸業煩惱、二乘解脫，若暫見之，即皆散滅，亦無住者。

「善男子！譬如有人，善入大海，一切水族無能為害；假使入於摩竭魚口，亦不為彼之所吞噬 shì。菩薩摩訶薩亦復如是，發菩提心入生死海，諸業煩惱不能為害；假使入於聲聞、緣覺實際 jì 法中，亦不為其之所留難 nà。

「善男子！譬如有人，飲甘露漿，一切諸物不能為害。菩薩摩訶薩亦復如是，飲菩提心甘露法漿，不墮聲聞、辟支佛地，

以具廣大悲願力故。

「善男子！譬如有人，得安繕 shàn 那藥以塗其目，雖行人間，人所不見。菩薩摩訶薩亦復如是，得菩提心安繕那藥，能以方便入魔境界，一切眾魔所不能見。

「善男子！譬如有人依附於王，不畏餘人。菩薩摩訶薩亦復如是，依菩提心大勢力王，不畏障、蓋 gài、惡道之難 nàn。

「善男子！譬如有人，住於水中，不畏火焚。菩薩摩訶薩亦復如是，住菩提心善根水中，不畏二乘解脫智火。

「善男子！譬如有人依倚 yǐ 猛將，即不怖畏一切怨敵 dí。菩薩摩訶薩亦復如是，依菩提心勇猛大將不畏一切惡行怨敵。

「善男子！如釋天王執金剛杵 chǔ，摧伏一切阿脩羅眾。菩薩摩訶薩亦復如是，持菩提心金剛之杵摧伏一切諸魔外道。

「善男子！譬如有人，服延齡藥，長得充健，不老不瘦。菩薩摩訶薩亦復如是，服菩提心延齡之藥，於無數劫修菩薩行，心無疲厭 yàn 亦無染著。

「善男子！譬如有人，調和藥汁，必當先取好清淨水。菩薩摩訶薩亦復如是，欲修菩薩一切行願，先當發起菩提之心。

「善男子！如人護 hù 身，先護命根。菩薩摩訶薩亦復如是，護持佛法，亦當先護菩提之心。

「善男子！譬如有人，命根若斷，不能利益父母、宗親。菩薩摩訶薩亦復如是，捨菩提心，不能利益一切眾生，不能成就諸佛功德。

「善男子！譬如大海，無能壞者。菩提心海亦復如是，諸業煩惱、二乘之心所不能壞。

「善男子！譬如日光，星宿光明不能映蔽 bì。菩提心日亦復如是，一切二乘無漏智光所不能蔽。

「善男子！如王子初生，即為大臣之所尊重，以種性自在

故。菩薩摩訶薩亦復如是，於佛法中發菩提心，即為耆 qí 宿 sù 久修梵行聲聞、緣覺所共尊重，以大悲自在故。

「善男子！譬如王子年雖幼稚，一切大臣皆悉敬禮。菩薩摩訶薩亦復如是，雖初發心修菩薩行，二乘耆舊 jiù 皆應敬禮。

「善男子！譬如王子，雖於一切臣佐之中未得自在，已具王相，不與一切諸臣佐等，以生處尊勝 shèng 故。菩薩摩訶薩亦復如是，雖於一切業煩惱中未得自在，然已具足菩提之相，不與一切二乘齊 qí 等，以種性第一故。

「善男子！譬如清淨摩尼妙寶，眼有翳 yì 故見為不淨。菩薩摩訶薩菩提心寶亦復如是，無智不信謂為不淨。

「善男子！譬如有藥，為呪所持，若有眾生見、聞、同住，一切諸病皆得消滅 miè。菩薩摩訶薩菩提心藥亦復如是，一切善根、智慧、方便、菩薩願智共所攝持，若有眾生見、聞、同住、憶念之者，諸煩惱病悉得除滅。

「善男子！譬如有人，常持甘露，其身畢竟不變不壞。菩薩摩訶薩亦復如是，若常憶持菩提心露，令願智身畢竟不壞。

「善男子！如機 jī 關 guān 木人，若無有楔 xiē，身即離散，不能運動。菩薩摩訶薩亦復如是，無菩提心，行即分散，不能成就一切佛法。

「善男子！如轉輪王，有沈香寶，名曰：象藏；若燒此香，王四種兵悉騰虛空。菩薩摩訶薩菩提心香亦復如是，若發此意，即令菩薩一切善根永出三界，行如來智無為空中。

「善男子！譬如金剛，唯從金剛處及金處生，非餘寶處生。菩薩摩訶薩菩提心金剛亦復如是，唯從大悲救護眾生金剛處、一切智智殊勝境界金處而生，非餘眾生善根處生。

「善男子！譬如有樹名曰無根，不從根生，而枝葉華果悉皆繁茂。菩薩摩訶薩菩提心樹亦復如是，無根可得，而能長養

一切智智神通大願；枝葉華果，扶疎 shū 蔭 yìn 映，普覆世間。

「善男子！譬如金剛，非劣惡器及以破器，所能容持，唯除全具上妙之器。菩提心金剛亦復如是，非下劣眾生慳、嫉、破戒、懈怠 dài、妄念、無智器中所能容持，亦非退失殊勝志願、散亂 luàn、惡覺眾生器中所能容持，唯除菩薩深心寶器。

「善男子！譬如金剛，能穿眾寶。菩提心金剛亦復如是，悉能穿徹一切法寶。

「善男子！譬如金剛，能壞 huài 眾山。菩提心金剛亦復如是，悉能摧壞諸邪見山。

「善男子！譬如金剛雖破不全，一切眾寶猶不能及。菩提心金剛亦復如是，雖復志劣少有虧 kuī 損，猶勝一切二乘功德。

「善男子！譬如金剛，雖有損缺，猶能除滅一切貧窮。菩提心金剛亦復如是，雖有損缺，不進諸行，猶能捨離一切生死。

「善男子！如小金剛，悉能破壞 huài 一切諸物。菩提心金剛亦復如是，入少境界，即破一切無知諸惑。

「善男子！譬如金剛，非凡人所得。菩提心金剛亦復如是，非劣意眾生之所能得。

「善男子！譬如金剛，不識 shí 寶人不知其能、不得其用。菩提心金剛亦復如是，不知法人不了其能、不得其用。

「善男子！譬如金剛，無能銷滅。菩提心金剛亦復如是，一切諸法無能銷滅。

「善男子！如金剛杵 chǔ，諸大力人皆不能持，唯除有大那羅延力。菩提之心亦復如是，一切二乘皆不能持，唯除菩薩廣大因緣堅固善力。

「善男子！譬如金剛，一切諸物無能壞者，而能普壞一切諸物，然其體性無所損滅。菩提之心亦復如是，普於三世無數劫中，教化眾生，修行苦行，聲聞、緣覺所不能者咸能作之，

然其畢 bì竟無有疲厭 yàn 亦無損壞。

「善男子！譬如金剛，餘不能持，唯金剛地之所能持。菩提之心亦復如是，聲聞、緣覺皆不能持，唯除趣向薩婆若者。

「善男子！如金剛器，無有瑕 xiá缺用盛於水，永不滲漏而入於地。菩提心金剛器亦復如是，盛善根水，永不滲漏，令入諸趣。

「善男子！如金剛際，能持大地，不令墜 zhuì沒 mò。菩提之心亦復如是，能持菩薩一切行願，不令墜沒入於三界。

「善男子！譬如金剛，久處水中不爛 làn 不濕 shī。菩提之心亦復如是，於一切劫處，在生死業惑水中，無壞無變。

「善男子！譬如金剛，一切諸火不能燒然、不能令熱。菩提之心亦復如是，一切生死諸煩惱火不能燒然、不能令熱。

「善男子！譬如三千世界之中金剛座上，能持諸佛坐於道場、降伏諸魔、成等正覺，非是餘座之所能持。菩提心座亦復如是，能持菩薩一切願行、諸波羅蜜、諸忍諸地、迴向、受記、修集菩提助道之法、供養諸佛、聞法受行，一切餘心所不能持。

「善男子！菩提心者，成就如是無量無邊 biān 乃至不可說不可說殊勝功德。若有眾生發阿耨多羅三藐三菩提心，則獲 huò如是勝功德法。是故，善男子！汝獲善利！汝發阿耨多羅三藐三菩提心，求菩薩行，已得如是大功德故。

「善男子！如汝所問：菩薩云何學菩薩行、修菩薩道？善男子！汝可入此毘盧遮那莊嚴藏大樓閣中周遍觀察，則能了知學菩薩行，學已成就無量功德。」

大方廣佛華嚴經卷第七十八

大方廣佛華嚴經卷第七十九

于闐國三藏實叉難陀奉 制譯

入法界品第三十九之二十

爾時，善財童子恭敬右遶彌勒菩薩摩訶薩已，而白之言：
「唯願大聖 shèng 開樓閣門，令我得入！」

時，彌勒菩薩前詣 yì 樓閣，彈指出聲，其門即開，命善財入。善財心喜，入已還閉。見其樓閣廣博無量同於虛空，阿僧祇寶以為其地；阿僧祇宮殿、阿僧祇門闥 tà、阿僧祇窓 chuāng 牖 yǒu、阿僧祇階 jiē 陛 bì、阿僧祇欄楯 shǔn、阿僧祇道路，皆七寶成；阿僧祇幡、阿僧祇幢、阿僧祇蓋 gài，周迴間列；阿僧祇眾寶瓔珞、阿僧祇真珠瓔珞、阿僧祇赤真珠瓔珞、阿僧祇師子珠瓔珞，處處垂下；阿僧祇半月、阿僧祇繒帶、阿僧祇寶網，以為嚴飾；阿僧祇寶鐸 duó 風動成音，散阿僧祇天諸雜 zá 華，懸 xuán 阿僧祇天寶鬘帶，嚴 yán 阿僧祇眾寶香爐 lú，雨阿僧祇細末金屑 xiè，懸阿僧祇寶鏡，然阿僧祇寶燈，布阿僧祇寶衣，列阿僧祇寶帳，設阿僧祇寶座，阿僧祇寶繒以敷座上；阿僧祇閻浮檀金童女像、阿僧祇雜 zá 寶諸形像、阿僧祇妙寶菩薩像，處處充遍；阿僧祇眾鳥出和雅音；阿僧祇寶優 yōu 鉢羅華、阿僧祇寶波頭 tóu 摩華、阿僧祇寶拘物頭華、阿僧祇寶芬陀利華，以為莊嚴；阿僧祇寶樹次第行列，阿僧祇摩尼寶放大光明。如是等無量阿僧祇諸莊嚴具以為莊嚴。又見其中，有無量百千諸妙樓閣，一一嚴飾悉如上說；廣博嚴麗 lì 皆同虛空，不相障礙 ài 亦無雜 zá 亂 luàn。善財童子於一處中見一切處，一切諸處悉如是見。

爾時，善財童子見毘盧遮那莊嚴藏樓閣如是種種不可思議自在境界，生大歡喜，踊躍 yuè 無量，身心柔軟，離一切想，

除一切障，滅一切惑，所見不忘，所聞能憶，所思不亂 luàn，入於無礙解脫之門。普運其心，普見一切，普申敬禮 lǐ，纔 cái 始稽 qǐ 首，以彌勒菩薩威神之力，自見其身遍在一切諸樓閣中，具見種種不可思議自在境界。所謂：或見彌勒菩薩初發無上菩提心時如是名字、如是種族，如是善友之所開悟，令其種植如是善根、住如是壽 shòu、在如是劫、值如是佛、處於如是莊嚴刹土、修如是行、發如是願；彼諸如來如是眾會、如是壽命，經爾許時親近供養。——悉皆明見。

或見彌勒最初證得慈心三昧，從是已來，號為慈氏；或見彌勒修諸妙行，成滿一切諸波羅蜜；或見得忍，或見住地，或見成就清淨國土，或見護 hù 持如來正教，為大法師，得無生忍，某時、某處、某如來所受於無上菩提之記。

或見彌勒為轉輪王，勸諸眾生住十善道；或為護 hù 世，饒益眾生；或為釋天，訶責五欲；或為焰摩天王，讚不放逸；或為兜率天王，稱歎 tàn 一生菩薩功德；或為化樂天王，為諸天眾現諸菩薩變化莊嚴；或為他化自在天王，為諸天眾演說一切諸佛之法；或作魔王，說一切法皆悉無常；或為梵王，說諸禪定無量喜樂；或為阿脩 xiū 羅王，入大智海，了法如幻，為其眾會常演說法，斷除一切憍 jiāo 慢醉傲。

或復見其處閻羅界，放大光明，救地獄苦；或見在於餓鬼之處，施諸飲食，濟 jì 彼飢渴；或見在於畜生之道，種種方便，調伏眾生。

或復見為護 hù 世天王眾會說法，或復見為忉利天王眾會說法，或復見為焰摩天王眾會說法，或復見為兜率天王眾會說法，或復見為化樂天王眾會說法，或復見為他化自在天王眾會說法，或復見為大梵王眾會說法，或復見為龍王眾會說法，或復見為夜叉、羅刹王眾會說法，或復見為乾闥 tà 婆、緊那羅王

眾會說法，或復見為阿脩 xiū 羅、陀那婆王眾會說法，或復見為迦樓羅、摩睺羅伽王眾會說法，或復見為其餘一切人、非人等眾會說法，或復見為聲聞眾會說法，或復見為緣覺眾會說法，或復見為初發心乃至一生所繫 xì 已灌頂者諸菩薩眾而演說法。

或見讚說初地乃至十地所有功德，或見讚說滿足一切諸波羅蜜，或見讚說入諸忍門，或見讚說諸大三昧門，或見讚說甚深解脫門，或見讚說諸禪三昧神通境界，或見讚說諸菩薩行，或見讚說諸大誓願，或見與諸同行菩薩讚說世間資生工巧種種方便利眾生事，或見與諸一生菩薩讚說一切佛灌頂門。

或見彌勒於百千年經行、讀誦、書 shū 寫經卷，勤求觀察，為眾說法，或入諸禪四無量心，或入遍處及諸解脫，或入三昧以方便力現諸神變 biàn。

或見諸菩薩入變化三昧，各於其身一一毛孔，出於一切變化身雲；或見出天眾身雲，或見出龍眾身雲，或見出夜叉、乾闥 tà 婆、緊那羅、阿脩 xiū 羅、迦樓羅、摩睺羅伽、釋、梵、護 hù 世、轉輪聖王、小王、王子、大臣、官屬、長者、居士身雲，或見出聲聞、緣覺及諸菩薩、如來身雲，或見出一切眾生身雲。

或見出妙音，讚諸菩薩種種法門。所謂：讚說菩提心功德門；讚說檀波羅蜜乃至智波羅蜜功德門；讚說諸攝、諸禪、諸無量心，及諸三昧、三摩鉢 bō 底、諸通、諸明、總 zǒng 持、辯才、諸諦、諸智、止觀、解脫、諸緣、諸依、諸說法門；讚說念、處、正勤、神足、根、力、七菩提分、八聖 shèng 道分、諸聲聞乘、諸獨覺乘、諸菩薩乘、諸地、諸忍、諸行、諸願，如是等一切諸功德門。

或復於中，見諸如來大眾圍遶；亦見其佛生處、種姓、身形、壽命、剎劫、名號、說法利益、教住久近，乃至所有道場

眾會種種不同，悉皆明見。

又復於彼莊嚴藏內諸樓閣中，見一樓閣，高廣嚴飾，最上無比；於中悉見三千世界百億四天下、百億兜率陀天，一一皆有彌勒菩薩降神誕生、釋梵天王捧持頂戴、遊行七步、觀察十方、大師子吼、現為童子、居處宮殿、遊戲 xì 園苑、為一切智出家苦行、示受乳糜 mí、往詣道場、降伏諸魔、成等正覺、觀菩提樹、梵王勸 quàn 請轉正法輪、昇天宮殿而演說法、劫數壽量、眾會莊嚴、所淨國土、所修行願、教化成熟眾生方便、分布舍利、住持教法，皆悉不同。

爾時善財自見其身，在彼一切諸如來所；亦見於彼一切眾會、一切佛事，憶持不忘，通達 dá 無礙 ài。復聞一切諸樓閣內，寶網鈴鐸 duó 及諸樂器，皆悉演暢不可思議微妙法音，說種種法。所謂：或說菩薩發菩提心，或說修行波羅蜜行，或說諸願，或說諸地，或說恭敬供養如來，或說莊嚴諸佛國土，或說諸佛說法差別。如上所說一切佛法，悉聞其音，敷 fū 暢辨了。又聞某處有某菩薩，聞某法門，某善知識之所勸導發菩提心，於某劫某剎、某如來所、某大眾中，聞於某佛如是功德，發如是心，起如是願，種於如是廣大善根；經若干劫修菩薩行，於爾許時當成正覺，如是名號，如是壽量，如是國土，具足莊嚴，滿如是願，化如是眾，如是聲聞、菩薩眾會；般涅槃後，正法住世，經爾許劫利益如是無量眾生。或聞某處有某菩薩，布施、持戒、忍辱、精進、禪定、智慧，修習如是諸波羅蜜。或聞某處有某菩薩，為求法故，棄 qì 捨王位及諸珍寶、妻子、眷屬、手、足、頭 tóu、目，一切身分皆無所吝 lìn。或聞某處，有某菩薩，守護 hù 如來所說正法，為大法師，廣行法施，建法幢，吹法螺，擊 jī 法鼓，雨法雨，造佛塔廟，作佛形像，施諸眾生一切樂具。或聞某處，有某如來，於某劫中，成等正覺，如是

國土，如是眾會，如是壽命，說如是法，滿如是願，教化如是無量眾生。善財童子聞如是等不可思議微妙法音，身心歡 huān 喜，柔軟悅澤 zé，即得無量諸總 zǒng 持門、諸辯才門、諸禪、諸忍、諸願、諸度、諸通、諸明，及諸解脫、諸三昧門。

又見一切諸寶鏡中種種形像。所謂：或見諸佛眾會道場，或見菩薩眾會道場，或見聲聞眾會道場，或見緣覺眾會道場，或見淨世界，或見不淨世界，或見淨不淨世界，或見不淨淨世界，或見有佛世界，或見無佛世界，或見小世界，或見中世界，或見大世界，或見因陀羅網世界，或見覆世界，或見仰世界，或見平坦世界，或見地獄、畜生、餓鬼所住世界，或見天人充滿世界。於如是等諸世界中，見有無數大菩薩眾，或行或坐作諸事業 yè，或起大悲憐 lián 愍眾生，或造諸論 lùn 利益世間，或受或持，或書 shū 或誦，或問或答，三時懺 chàn 悔，迴向發願。

又見一切諸寶柱中放摩尼王大光明網，或青或黃、或赤或白、或玻瓈色、或水精色、或帝青色、或虹霓 ní 色、或閻浮檀金色，或作一切諸光明色。

又見彼閻浮檀金童女及眾寶像，或以其手而執 zhí 華雲，或執衣雲，或執幢幡，或執鬘蓋 gài，或持種種塗香、末香，或持上妙摩尼寶網，或垂金鎖，或挂瓔珞，或舉其臂捧莊嚴具，或低其首垂摩尼冠，曲躬瞻仰，目不暫捨。

又見彼真珠瓔珞常出香水，具八功德；瑠璃瓔珞，百千光明，同時照耀；幢幡網蓋 gài，如是等物，一切皆以眾寶莊嚴。

又復見彼優 yōu 鉢羅華、波頭 tóu 摩華、拘物頭華、芬陀利華，各各生於無量諸華，或大一手，或長一肘 zhǒu，或復縱廣猶如車輪，一一華中皆悉示現種種色像以為嚴飾。所謂：男色像、女色像、童男色像、童女色像、釋、梵、護世、天、龍、

夜叉、乾闥婆、阿脩羅、迦樓羅、緊那羅、摩睺羅伽、聲聞、緣覺及諸菩薩。如是一切眾生色像，皆悉合掌，曲躬禮敬。亦見如來結跏趺坐，三十二相莊嚴其身。

又復見彼淨瑠璃地，一一步間現不思議種種色像。所謂：世界色像、菩薩色像、如來色像及諸樓閣莊嚴色像。

又於寶樹枝葉華果一一事中，悉見種種半身色像。所謂：佛半身色像、菩薩半身色像，天、龍、夜叉，乃至護 hù 世、轉輪聖王、小王、王子、大臣、官長，及以四眾半身色像。其諸色像，或執 zhí 華鬘，或執瓔珞，或持一切諸莊嚴具；或有曲躬合掌禮敬，一心瞻仰，目不暫捨；或有讚歎 tàn，或入三昧。其身悉以相好莊嚴，普放種種諸色光明，所謂：金色光明、銀色光明、珊瑚色光明、兜沙羅色光明、帝青色光明、毘盧遮那寶色光明、一切眾寶色光明、瞻 zhān 波迦華色光明。

又見諸樓閣半月像中，出阿僧祇日月星宿 xiù 種種光明普照十方。

又見諸樓閣周迴四壁，一一步內，一切眾寶以為莊嚴。一一寶中，皆現彌勒曩 nǎng 劫修行菩薩道時，或施頭 tóu 目，或施手足、脣 chún 舌、牙齒、耳鼻、血肉、皮膚 fū、骨髓乃至爪髮，如是一切，悉皆能捨；妻妾、男女、城邑、聚落、國土、王位，隨其所須，盡 jìn 皆施與。處牢獄者，令得出離 lí；被繫 xì 縛 fù 者，使其解脫；有疾病者，為其救療 liáo；入邪徑者，示其正道。或為船師，令度大海；或為馬王，救護惡難 nàn；或為大仙，善說諸論；或為輪王，勸修十善；或為醫王，善療眾病；或孝順父母，或親近善友，或作聲聞，或作緣覺，或作菩薩，或作如來，教化調伏一切眾生；或為法師，奉行佛教，受持讀誦，如理思惟，立佛支提，作佛形像，若自供養，若勸 quàn 於他，塗香散華，恭敬禮拜。如是等事，相續不絕。

或見坐於師子之座，廣演說法，勸諸眾生安住十善，一心歸 guī 向佛、法、僧寶，受持五戒及八齋 zhāi 戒，出家聽 tīng 法，受持讀誦，如理修行。乃至見於彌勒菩薩，百千億那由他阿僧祇劫，修行諸度一切色像；又見彌勒曾所承事諸善知識，悉以一切功德莊嚴；亦見彌勒在彼一一善知識所，親近供養，受行其教，乃至住於灌頂之地。

時，諸知識告善財言：「善來童子！汝觀此菩薩不思議事，莫生疲厭 yàn。」

爾時，善財童子得不忘失憶念力故，得見十方清淨眼故，得善觀察無礙智故，得諸菩薩自在智故，得諸菩薩已入智地廣大解故，於一切樓閣一一物中，悉見如是及餘無量不可思議自在境界諸莊嚴事。譬如有人於睡夢中見種種物，所謂：城邑、聚落、宮殿、園苑、山林、河池、衣服、飲食乃至一切資生之具；或見自身父母兄弟、內外親屬；或見大海須彌山王，乃至一切諸天宮殿、閻浮提等四天下事；或見其身形量廣大百千由旬，房舍、衣服悉皆相稱 chèn，謂於晝 zhòu 日經無量時不眠不寢 qǐn 受諸安樂。從睡覺已，乃知是夢，而能明記所見之事。善財童子亦復如是，以彌勒菩薩力所持故，知三界法皆如夢故，滅諸眾生狹劣想故，得無障礙 ài 廣大解故，住諸菩薩勝 shèng 境界故，入不思議方便智故，能見如是自在境界。

譬如有人，將欲命終，見隨其業 yè 所受報 bào 相：行惡業者，見於地獄、畜生、餓鬼所有一切眾苦境界，或見獄卒 zú 手持兵仗或瞋或罵 mà 囚執將去，亦聞號叫、悲歎 tàn 之聲，或見灰河，或見鑊 huò 湯，或見刀山，或見劍樹，種種逼迫，受諸苦惱；作善業者，即見一切諸天宮殿無量天眾、天諸采女，種種衣服具足莊嚴，宮殿、園林盡 jìn 皆妙好。身雖未死，而由業 yè 力見如是事。善財童子亦復如是，以菩薩業 yè 不思議

力，得見一切莊嚴境界。

譬如有人，為鬼所持，見種種事，隨其所問，悉皆能答。善財童子亦復如是，菩薩智慧之所持故，見彼一切諸莊嚴事，若有問者，摩 mǐ 不能答。

譬如有人，為龍所持，自謂是龍，入於龍宮，於少時間，自謂已經日月年載。善財童子亦復如是，以住菩薩智慧想故，彌勒菩薩所加持故，於少時間謂無量劫。

譬如梵宮，名莊嚴藏，於中悉見三千世界一切諸物不相雜 zā 亂 luàn。善財童子亦復如是，於樓觀 guān 中，普見一切莊嚴境界種種差別不相雜亂。

譬如比丘，入遍處定，若行若住、若坐若臥，隨所入定，境界現前。善財童子亦復如是，入於樓觀 guān，一切境界悉皆明了。

譬如有人，於虛空中見乾闥婆城具足莊嚴，悉分別知，無有障礙 ài；譬如夜叉宮殿與人宮殿，同在一處而不相雜 zá，各隨其業 yè，所見不同；譬如大海於中悉見三千世界一切色像；譬如幻師，以幻力故，現諸幻事種種作業。善財童子亦復如是，以彌勒菩薩威神力故，及不思議 yì 幻智力故，能以幻智知諸法故，得諸菩薩自在力故，見樓閣中一切莊嚴自在境界。

爾時，彌勒菩薩摩訶薩即攝神力入樓閣中，彈指作聲，告善財言：「善男子！起，法性如是，此是菩薩知諸法智因緣聚集所現之相。如是自性，如幻、如夢、如影、如像，悉不成就。」**爾時，善財聞彈指聲，從三昧起。**

彌勒告言：「善男子！汝住菩薩不可思議自在解脫，受諸菩薩三昧喜樂，能見菩薩神力所持、助道所流、願智所現種種上妙莊嚴宮殿；見菩薩行，聞菩薩法，知菩薩德，了如來願。」

善財白言：「唯然！聖者！是善知識加被憶念威神之力。聖者！此解脫門，其名何等？」

彌勒告言：「善男子！此解脫門名：入三世一切境界不忘念智莊嚴藏。善男子！此解脫門中，有不可說不可說解脫門，一生菩薩之所能得。」

善財問言：「此莊嚴事，何處去耶？」

彌勒答言：「於來處去。」

曰：「從何處來？」

曰：「從菩薩智慧神力中來，依菩薩智慧神力而住，無有去處，亦無住處，非集非常，遠離一切。善男子！如龍王降雨，不從身出，不從心出，無有積 jī 集，而非不見；但以龍王心念力故，霑 pèi 然洪霑 zhù，周遍天下，如是境界不可思議。善男子！彼莊嚴事亦復如是，不住於內，亦不住外，而非不見；但由菩薩威神之力、汝善根力，見如是事。善男子！譬如幻師作諸幻事，無所從來，無所至去；雖無來去，以幻力故，分明可見。彼莊嚴事亦復如是，無所從來，亦無所去；雖無來去，然以慣 guàn 習不可思議幻智力故，及由往昔大願力故，如是顯 xiǎn 現。」

善財童子言：「大聖 shèng 從何處來？」

彌勒言：「善男子！諸菩薩無來無去，如是而來；無行無住，如是而來；無處無著 zhuó，不沒不生，不住不遷 qiān，不動不起，無戀無著，無業 yè 無報 bào，無起無滅，不斷不常，如是而來。善男子！菩薩從大悲處來，為欲調伏諸眾生故；從大慈處來，為欲救護 hù 諸眾生故；從淨戒處來，隨其所樂而受生故；從大願處來，往昔願力之所持故；從神通處來，於一切處隨樂現故；從無動搖處來，恒不捨離一切佛故；從無取捨處來，不役身心使往來故；從智慧方便處來，隨順一切諸眾生

故；從示現變化處來，猶如影像而化現故。

「然，善男子！汝問於我從何處來者。善男子！我從生處摩羅提國而來於此。善男子！彼有聚落名為：房舍；有長者子名：瞿 qú波羅 luó。為化其人，令入佛法，而住於彼；又為生處一切人民隨所應 yìng 化而為說法，亦為父母及諸眷屬、婆羅門等演說大乘，令其趣入故住於彼。而從彼來。」

善財童子言：「聖者！何者是菩薩生處？」

答言：「善男子！菩薩有十種生處。何者為十？善男子！菩提心是菩薩生處，生菩薩家故；深心是菩薩生處，生善知識家故；諸地是菩薩生處，生波羅蜜家故；大願是菩薩生處，生妙行家故；大悲是菩薩生處，生四攝家故；如理觀察是菩薩生處，生般若波羅蜜家故；大乘是菩薩生處，生方便善巧家故；教化眾生是菩薩生處，生佛家故；智慧方便是菩薩生處，生無生法忍家故；修行一切法是菩薩生處，生過、現、未來一切如來家故。

「善男子！菩薩摩訶薩，以般若波羅蜜為母，方便善巧為父，檀波羅蜜為乳母，尸波羅蜜為養母，忍波羅蜜為莊嚴具，勤波羅蜜為養育者，禪波羅蜜為澣 huàn 濯 zhuó人，善知識為教授師，一切菩提分為伴侶，一切善法為眷屬，一切菩薩為兄弟，菩提心為家，如理修行為家法，諸地為家處，諸忍為家族，大願為家教，滿足諸行為順家法，勸 quàn 發大乘為紹家業 yè，法水灌頂一生所繫 xì菩薩為王太子，成就菩提為能淨家族。

「善男子！菩薩如是超凡夫地，入菩薩位，生如來家，住佛種性，能修諸行，不斷三寶，善能守護 hù菩薩種族，淨菩薩種，生處尊勝 shèng，無諸過惡，一切世間天、人、魔、梵、沙門、婆羅門恭敬讚歎 tàn。

「善男子！菩薩摩訶薩生於如是尊勝 shèng 家已，知一切

法如影像故，於諸世間無所惡賤；知一切法如變化故，於諸有趣無所染著；知一切法無有我故，教化眾生心無疲厭 yàn；以大慈悲為體性故，攝受眾生不覺勞苦；了達生死猶如夢故，經一切劫而無怖畏；了知諸蘊皆如幻故，示現受生而無憂 yōu 厭；知諸界、處同法界故，於諸境界無所壞 huài 滅 miè；知一切想如陽焰故，入於諸趣不生倒惑；達 dá 一切法皆如幻故，入魔境界不起染著；知法身故，一切煩惱不能欺誑；得自在故，於一切趣通達無礙 ài。

「善男子！我身普生一切法界，等一切眾生差別色相，等一切眾生殊異 yì 言音，等一切眾生種種名號，等一切眾生所樂威儀，隨順世間教化調伏；等一切清淨眾生示現受生，等一切凡夫眾生所作事業 yè，等一切眾生想，等一切菩薩願，而現其身充滿法界。

「善男子！我為化度與我往昔同修諸行，今時退失菩提心者；亦為教化父母、親屬；亦為教化諸婆羅門，令其離於種族憍 jiāo 慢，得生如來種性之中。一一而生於此閻浮提界、摩羅提國、拘吒 zhà 聚落、婆羅門家。善男子！我住於此大樓閣中，隨諸眾生心之所樂，種種方便教化調伏。善男子！我為隨順眾生心故，我為成熟兜率天中同行天故，我為示現菩薩福智變化莊嚴；超過一切諸欲界故，令其捨離諸欲樂故，令知有為皆無常故，令知諸天盛必衰故，為欲示現將降生時大智法門；與一生菩薩共談論故，為欲攝化諸同行故，為欲教化釋迦如來所遣 qiǎn 來者令如蓮華悉開悟故，於此命終，生兜率天。善男子！我願滿足，成一切智，得菩提時，汝及文殊俱得見我。

「善男子！汝當往詣 yì 文殊師利善知識所而問之言：『菩薩云何學菩薩行？云何而入普賢行門？云何成就？云何廣

大？云何隨順？云何清淨？云何圓滿？』善男子！彼當為汝分別演說。何以故？文殊師利所有大願，非餘無量百千億那由他菩薩之所能有。善男子！文殊師利童子，其行廣大，其願無邊，出生一切菩薩功德無有休息。善男子！文殊師利常為無量百千億那由他諸佛母，常為無量百千億那由他菩薩師，教化成熟一切眾生，名稱普聞十方世界；常於一切諸佛眾中為說法師，一切如來之所讚歎 tòn；住甚深智，能如實見一切諸法，通達 dá 一切解脫境界，究竟普賢所行諸行。

「善男子！文殊師利童子是汝善知識，令汝得生如來家，長 zhǎng 養一切諸善根，發起一切助道法，值遇真實善知識；令汝修一切功德，入一切願網，住一切大願；為汝說一切菩薩祕 mì 密法，現一切菩薩難 nán 思行；與汝往昔同生同行。

「是故，善男子！汝應往詣文殊之所莫生疲厭 yàn，文殊師利當為汝說一切功德。何以故？汝先所見諸善知識聞菩薩行、入解脫門、滿足大願，皆是文殊威神之力，文殊師利於一切處咸得究竟。」

時，善財童子頂禮其足，遶無量匝，慇懃瞻仰，辭退而去。

大方廣佛華嚴經卷第七十九

大方廣佛華嚴經卷第八十

于闐國三藏實叉難陀奉 制譯

入法界品第三十九之二十一

爾時，善財童子依彌勒菩薩摩訶薩教，漸次而行，經由一百一十餘城已，到普門國蘇 sū 摩那城，住其門所，思惟文殊師利，隨順觀察，周旋求覓 mì，希欲奉覲 jìn。

是時，文殊師利遙伸右手，過一百一十由旬，按善財頂，作如是言：「善哉善哉！善男子！若離信根，心劣憂 yōu 悔，功行不具，退失精勤，於一善根心生住著 zhuó，於少功德便以為足，不能善巧發起行願，不為善知識之所攝護 hù，不為如來之所憶念，不能了知如是法性、如是理趣、如是法門、如是所行、如是境界；若周遍知、若種種知、若盡 jìn 源底，若解了、若趣入、若解說、若分別、若證知、若獲 huò 得，皆悉不能。」

是時，文殊師利宣說此法，示教利喜，令善財童子成就阿僧祇法門，具足無量大智光明，令得菩薩無邊際 jì 陀羅尼、無邊際願、無邊際三昧、無邊際神通、無邊際智，令入普賢行道場，及置善財自所住處；文殊師利還攝不現。

於是，善財思惟觀察，一心願見文殊師利，及見三千大千世界微塵數諸善知識，悉皆親近，恭敬承事，受行其教，無有違 wéi 逆；增長趣求一切智慧，廣大悲海，益大慈雲，普觀眾生，生大歡喜，安住菩薩寂靜法門；普緣一切廣大境界，學一切佛廣大功德，入一切佛決定知見，增一切智助道之法，善修一切菩薩深心，知三世佛出興 xīng 次第；入一切法海，轉一切法輪，生一切世間，入於一切菩薩願海，住一切劫修菩薩行，照明一切如來境界，長養一切菩薩諸根；獲 huò 一切智清淨光

明，普照十方，除諸暗障，智周法界；於一切佛刹、一切諸有，普現其身，靡不周遍；摧一切障，入無礙法，住於法界平等之地；觀察普賢解脫境界，即聞普賢菩薩摩訶薩名字、行願、助道、正道、諸地、地方便、地入、地勝 shèng 進、地住、地修習、地境界、地威力、地同住。渴仰欲見普賢菩薩，即於此金剛藏菩提場，毘盧遮那如來師子座前，一切寶蓮華藏座上，起等虛空界廣大心、捨一切刹離一切著無礙 ài 心、普行一切無礙法無礙心、遍入一切十方海無礙心、普入一切智境界清淨心、觀道場莊嚴明了心、入一切佛法海廣大心、化一切眾生界周遍心、淨一切國土無量心、住一切劫無盡心、趣如來十力究竟心。

善財童子起如是心時，由自善根力、一切如來所加被力、普賢菩薩同善根力故，見十種瑞相。何等為十？所謂：見一切佛刹清淨，一切如來成正等覺；見一切佛刹清淨，無諸惡道；見一切佛刹清淨，眾妙蓮華以為嚴飾；見一切佛刹清淨，一切眾生身心清淨；見一切佛刹清淨，種種眾寶之所莊嚴；見一切佛刹清淨，一切眾生諸相嚴身；見一切佛刹清淨，諸莊嚴雲以覆其上；見一切佛刹清淨，一切眾生互起慈心，遞 dì 相利益，不為惱害；見一切佛刹清淨，道場莊嚴；見一切佛刹清淨，一切眾生心常念佛。是為十。

又見十種光明相。何等為十？所謂：見一切世界所有微塵 chén，一一塵中，出一切世界微塵數佛光明網雲，周遍照耀；一一塵中，出一切世界微塵數佛光明輪雲，種種色相周遍法界；一一塵中，出一切世界微塵數佛色像寶雲，周遍法界；一一塵中，出一切世界微塵數佛光焰輪雲，周遍法界；一一塵中，出一切世界微塵數眾妙香雲，周遍十方，稱讚普賢一切行願大功德海；一一塵中，出一切世界微塵數日月星宿 xiù 雲，皆放普賢菩薩光明，遍照法界；一一塵中，出一切世界微塵數一切眾

生身色像雲，放佛光明，遍照法界；一一塵中，出一切世界微塵數一切佛色像摩尼雲，周遍法界；一一塵中，出一切世界微塵數菩薩身色像雲，充滿法界，令一切眾生皆得出離、所願滿足；一一塵中，出一切世界微塵數如來身色像雲，說一切佛廣大誓願，周遍法界。是為十。

時，善財童子見此十種光明相已，即作是念：「我今必見普賢菩薩，增益善根，見一切佛；於諸菩薩廣大境界，生決定解，得一切智。」於時，善財普攝諸根，一心求見普賢菩薩，起大精進，心無退轉。即以普眼觀察十方一切諸佛、諸菩薩眾所見境界，皆作得見普賢之想；以智慧眼觀普賢道，其心廣大猶如虛空，大悲堅固猶如金剛，願盡未來常得隨逐普賢菩薩，念念隨順，修普賢行，成就智慧，入如來境，住普賢地。

時善財童子即見普賢菩薩，在如來前眾會之中，坐寶蓮華師子之座，諸菩薩眾所共圍遶，最為殊特，世無與等；智慧境界無量無邊，難 nán 測難思，等三世佛，一切菩薩無能觀察。見普賢身一一毛孔，出一切世界微塵數光明雲，遍法界、虛空界、一切世界，除滅一切眾生苦患，令諸菩薩生大歡喜；

見一一毛孔，出一切佛刹微塵數種種色香焰雲，遍法界、虛空界一切諸佛眾會道場，而以普熏；

見一一毛孔，出一切佛刹微塵數雜 zá 華雲，遍法界、虛空界一切諸佛眾會道場，雨眾妙華；

見一一毛孔，出一切佛刹微塵數香樹雲，遍法界、虛空界一切諸佛眾會道場，雨眾妙香；

見一一毛孔，出一切佛刹微塵數妙衣雲，遍法界、虛空界一切諸佛眾會道場，雨眾妙衣；

見一一毛孔，出一切佛刹微塵數寶樹雲，遍法界、虛空界

一切諸佛眾會道場，雨摩尼寶；

見一一毛孔，出一切佛刹微塵數色界天身雲，充滿法界，歎 tàn 菩提心；

見一一毛孔，出一切佛刹微塵數梵天身雲，勸 quàn 諸如來轉妙法輪；

見一一毛孔，出一切佛刹微塵數欲界天主身雲，護 hù 持一切如來法輪；

見一一毛孔，念念中出一切佛刹微塵數三世佛刹雲，遍法界、虛空界，為諸眾生，無歸 guī 趣者為作歸趣，無覆護者為作覆護，無依止者為作依止；

見一一毛孔，念念中出一切佛刹微塵數清淨佛刹雲，遍法界、虛空界，一切諸佛於中出世，菩薩眾會悉皆充滿；

見一一毛孔，念念中出一切佛刹微塵數淨不淨佛刹雲，遍法界、虛空界，令雜 zá 染眾生皆得清淨；

見一一毛孔，念念中出一切佛刹微塵數不淨淨佛刹雲，遍法界、虛空界，令雜染眾生皆得清淨；

見一一毛孔，念念中出一切佛刹微塵數不淨佛刹雲，遍法界、虛空界，令純染眾生皆得清淨；

見一一毛孔，念念中出一切佛刹微塵數眾生身雲，遍法界、虛空界，隨其所應，教化眾生，皆令發阿耨多羅三藐三菩提心；

見一一毛孔，念念中出一切佛刹微塵數菩薩身雲，遍法界、虛空界，稱揚種種諸佛名號，令諸眾生增長善根。

見一一毛孔，念念中出一切佛刹微塵數菩薩身雲，遍法界、虛空界一切佛刹，宣揚一切諸佛菩薩從初發意所生善根；

見一一毛孔，念念中出一切佛刹微塵數菩薩身雲，遍法界、虛空界，於一切佛刹一一刹中，宣揚一切菩薩願海及普賢菩薩清淨妙行；

見一一毛孔，念念中出普賢菩薩行雲，令一切眾生心得滿足，具足修集一切智道；

見一一毛孔，出一切佛刹微塵數正覺身雲，於一切佛刹，現成正覺，令諸菩薩增長大法、成一切智。

爾時，善財童子見普賢菩薩如是自在神通境界，身心遍喜，踊躍無量；重觀普賢一身分、一一毛孔悉有三千大千世界。風輪、水輪、地輪、火輪，大海、江河及諸寶山、須彌、鐵圍，村營、城邑、宮殿、園苑，一切地獄、餓鬼、畜生、閻羅王界，天龍八部、人與非人，欲界、色界、無色界處，日月星宿 xiù、風雲雷電、晝 zhòu 夜月時及以年劫、諸佛出世、菩薩眾會、道場莊嚴；如是等事，悉皆明見。如見此世界，十方所有一切世界悉如是見；如見現在十方世界，前際、後際一切世界亦如是見，各各差別，不相雜 zá 亂 luàn。如於此毘盧遮那如來所，示現如是神通之力；於東方蓮華德世界賢首佛所，現神通力亦復如是。如賢首佛所，如是東方一切世界，如東方、南西北方、四維上下一切世界諸如來所，現神通力當知悉爾。如十方一切世界，如是十方一切佛刹，一一塵中皆有法界諸佛眾會，一一佛所普賢菩薩坐寶蓮華師子座上現神通力悉亦如是。彼一一普賢身中，皆現三世一切境界、一切佛刹、一切眾生、一切佛出現、一切菩薩眾，及聞一切眾生言音、一切佛言音、一切如來所轉法輪、一切菩薩所成諸行、一切如來遊戲 xì 神通。

善財童子見普賢菩薩如是無量不可思議大神通力，即得十種智波羅蜜。何等為十？所謂：

於念念中，悉能周遍一切佛刹智波羅蜜；

於念念中，悉能往詣 yì 一切佛所智波羅蜜；

於念念中，悉能供養一切如來智波羅蜜；

於念念中，普於一切諸如來所聞法受持智波羅蜜；

於念念中，思惟一切如來法輪智波羅蜜；
於念念中，知一切佛不可思議大神通事智波羅蜜；
於念念中，說一句法，盡 jìn 未來際 jì 辯才無盡智波羅蜜；
於念念中，以深般若觀一切法智波羅蜜；
於念念中，入一切法界實相海智波羅蜜；
於念念中，知一切眾生心智波羅蜜；
於念念中，普賢慧行皆現在前智波羅蜜。

善財童子既得是已，普賢菩薩即伸右手摩觸其頂。既摩頂已，善財即得一切佛刹微塵數三昧門，各以一切佛刹微塵數三昧而為眷屬；一一三昧，悉見昔所未見一切佛刹微塵數佛大海，集一切佛刹微塵數一切智助道具，生一切佛刹微塵數一切智上妙法，發一切佛刹微塵數一切智大誓願，入一切佛刹微塵數大願海，住一切佛刹微塵數一切智出要道，修一切佛刹微塵數諸菩薩所修行，起一切佛刹微塵數一切智大精進，得一切佛刹微塵數一切智淨光明。如此娑婆世界毘盧遮那佛所，普賢菩薩摩善財頂；如是十方所有世界，及彼世界一一塵中一切世界一切佛所，普賢菩薩悉亦如是摩善財頂，所得法門亦皆同等。

爾時，普賢菩薩摩訶薩告善財言：「善男子！汝見我此神通力不？」

「唯然！已見。大聖！此不思議大神通事，唯是如來之所能知。」

普賢告言：「善男子！我於過去不可說不可說佛刹微塵數劫，行菩薩行，求一切智；

一一劫中，為欲清淨菩提心故，承事不可說不可說佛刹微塵數佛；

一一劫中，為集一切智福德具故，設不可說不可說佛刹微

塵數廣大施會，一切世間咸使聞知，凡有所求悉令滿足；

一一劫中，為求一切智法故，以不可說不可說佛刹微塵數財物布施；

一一劫中，為求佛智故，以不可說不可說佛刹微塵數城邑 yì、聚落、國土、王位、妻子、眷屬、眼、耳、鼻、舌、身、肉、手、足乃至身命而為布施；

一一劫中，為求一切智首故，以不可說不可說佛刹微塵數頭 tóu 而為布施；

一一劫中，為求一切智故，於不可說不可說佛刹微塵數諸如來所，恭敬尊重，承事供養，衣服臥具、飲食湯藥，一切所須悉皆奉施，於其法中出家學道，修行佛法，護 hù 持正教。

「善男子！我於爾所劫海中，自憶未曾於一念間不順佛教，於一念間生瞋害心、我我所心、自他差別心、遠離菩提心、於生死中起疲厭 yàn 心、懶惰心、障礙心、迷惑心，唯住無上不可沮 jǔ 壞 huài 集一切智助道之法大菩提心。

「善男子！我莊嚴佛土，以大悲心，救護 hù 眾生，教化成就，供養諸佛，事善知識；為求正法，弘宣護持，一切內外悉皆能捨，乃至身命亦無所吝 lìn。一切劫海說其因緣，劫海可盡 jìn，此無有盡。

「善男子！我法海中，無有一文，無有一句，非是捨施轉輪王位而求得者，非是捨施一切所有而求得者。善男子！我所求法，皆為救護 hù 一切眾生，一心思惟：『願諸眾生得聞是法，願以智光普照世間，願為開示出世間智，願令眾生悉得安樂，願普稱讚一切諸佛所有功德。』我如是等往昔因緣，於不可說不可說佛刹微塵數劫海，說不可盡 jìn。

「是故，善男子！我以如是助道法力、諸善根力、大志樂力、修功德力、如實思惟一切法力、智慧眼力、佛威神力、大

慈悲力、淨神通力、善知識力故，得此究竟三世平等清淨法身，復得清淨無上色身，超諸世間，隨諸眾生心之所樂而為現形，入一切剎，遍一切處，於諸世界廣現神通，令其見者靡 mǐ 不欣樂。善男子！汝且觀我如是色身；我此色身，無邊劫海之所成就，無量千億那由他劫難 nán 見難聞。

「善男子！若有眾生未種善根，及種少善根聲聞、菩薩，猶尚不得聞我名字，況見我身！善男子！若有眾生得聞我名，於阿耨多羅三藐三菩提不復退轉；若見若觸，若迎若送，若暫隨逐，乃至夢中見聞我者，皆亦如是。或有眾生，一日一夜憶念於我即得成熟；或七日七夜、半月一月、半年一年、百年千年、一劫百劫，乃至不可說不可說佛剎微塵數劫，憶念於我而成熟者；或一生、或百生，乃至不可說不可說佛剎微塵數生，憶念於我而成熟者；或見我放大光明，或見我震動佛剎，或生怖畏，或生歡喜，皆得成熟。善男子！我以如是等佛剎微塵數方便門，令諸眾生於阿耨多羅三藐三菩提得不退轉。

「善男子！若有眾生見聞於我清淨剎者，必得生此清淨剎中；若有眾生見聞於我清淨身者，必得生我清淨身中。善男子！汝應觀我此清淨身。」

爾時善財童子觀普賢菩薩身，相好肢節 jié，一一毛孔中，皆有不可說不可說佛剎海；一一剎海皆有諸佛出興 xīng 于世，大菩薩眾所共圍遶。又復見彼一切剎海，種種建立、種種形狀、種種莊嚴、種種大山周匝圍遶，種種色雲彌覆虛空，種種佛興演種種法；如是等事，各各不同。又見普賢於一一世界海中，出一切佛剎微塵數佛化身雲，周遍十方一切世界，教化眾生，令向阿耨多羅三藐三菩提。時，善財童子又見自身在普賢身內十方一切諸世界中教化眾生。

又，善財童子親近佛刹微塵數諸善知識所得善根、智慧光明，比見普賢菩薩所得善根，百分不及一，千分不及一，百千分不及一，百千億分乃至算數譬論亦不能及。是善財童子從初發心，乃至得見普賢菩薩，於其中間所入一切諸佛刹海，今於普賢一毛孔中一念所入諸佛刹海，過前不可說不可說佛刹微塵數倍；如一毛孔，一切毛孔悉亦如是。

善財童子於普賢菩薩毛孔刹中行一步，過不可說不可說佛刹微塵數世界；如是而行，盡 jìn 未來劫猶不能知一毛孔中刹海次第、刹海藏、刹海差別、刹海普入、刹海成、刹海壞 huài、刹海莊嚴所有邊際；亦不能知佛海次第、佛海藏、佛海差別、佛海普入、佛海生、佛海滅 miè 所有邊際；亦不能知菩薩眾海次第、菩薩眾海藏、菩薩眾海差別、菩薩眾海普入、菩薩眾海集、菩薩眾海散所有邊際；亦不能知入眾生界、知眾生根、教化調伏諸眾生智、菩薩所住甚深自在、菩薩所入諸地諸道，如是等海所有邊際。善財童子於普賢菩薩毛孔刹中，或於一刹經於一劫如是而行，乃至或有經不可說不可說佛刹微塵數劫如是而行，亦不於此刹沒 mò、於彼刹現，念念周遍無邊刹海，教化眾生，令向阿耨多羅三藐三菩提。

當是之時，善財童子則次第得普賢菩薩諸行願海，與普賢等，與諸佛等，一身充滿一切世界，刹等、行等、正覺等、神通等、法輪等、辯才等、言辭 cí 等、音聲等、力無畏等、佛所住等、大慈悲等、不可思議解脫自在悉皆同等。

爾時，普賢菩薩摩訶薩即說頌言：

「汝等應除諸惑垢，	一心不亂而諦聽 tīng；
我說如來具諸度，	一切解脫真實道。
出世調柔勝丈夫，	其心清淨如虛空，
恒放智日大光明，	普使群生滅癡暗。

如來難可得見聞， 無量億劫今乃值，
如優曇華時一現， 是故應聽佛功德。
隨順世間諸所作， 譬如幻士現眾業 yè，
但為悅可眾生心， 未曾分別起想念。」

爾時諸菩薩聞此說已，一心渴仰，唯願得聞如來世尊真實功德，咸作是念：「普賢菩薩具修諸行，體 tǐ 性清淨，所有言說皆悉不虛，一切如來共所稱歎 tàn。」作是念已，深生渴仰。

爾時，普賢菩薩功德智慧具足莊嚴，猶如蓮華不著三界一切塵 chén 垢，告諸菩薩言：「汝等諦聽，我今欲說佛功德海一滴之相。」即說頌言：

「佛智廣大同虛空， 普遍一切眾生心，
悉了世間諸妄想， 不起種種異分別。
一念悉知三世法， 亦了一切眾生根，
譬如善巧大幻師， 念念示現無邊事。
隨眾生心種種行， 往昔諸業 yè 誓願力，
令其所見各不同， 而佛本來無動念。
或有處處見佛坐， 充滿十方諸世界，
或有其心不清淨， 無量劫中不見佛。
或有信解離憍 jiāo 慢，發意即得見如來；
或有諂 chǎn 誑不淨心，億劫尋求莫值遇。
或一切處聞佛音， 其音美妙令心悅；
或有百千萬億劫， 心不淨故不聞者。
或見清淨大菩薩， 充滿三千大千界，
皆已具足普賢行， 如來於中儼 yǎn 然坐。
或見此界妙無比， 佛無量劫所嚴淨；
毘盧遮那最勝尊， 於中覺悟成菩提。
或見蓮華勝妙剎， 賢首如來住在中，

無量菩薩眾圍遶， 皆悉勤修普賢行。
或有見佛無量壽 shòu， 觀自在等所圍遶，
悉已住於灌頂地， 充滿十方諸世界。
或有見此三千界， 種種莊嚴如妙喜，
阿閼 chù 如來住在中， 及如香象諸菩薩。
或見月覺大名稱， 與金剛幢菩薩等，
住如圓鏡妙莊嚴， 普遍十方清淨刹。
或見日藏世所尊， 住善光明清淨土，
及與灌頂諸菩薩， 充遍十方而說法。
或見金剛大焰佛， 而與智幢菩薩俱，
周行一切廣大刹， 說法除滅眾生翳 yì。
一一毛端不可說， 諸佛具相三十二，
菩薩眷屬共圍遶， 種種說法度眾生。
或有觀見一毛孔， 具足莊嚴廣大刹，
無量如來悉在中， 清淨佛子皆充滿。
或有見一微塵 chén 內， 具有恒沙佛國土，
無量菩薩悉充滿， 不可說劫修諸行。
或有見一毛端處， 無量塵沙諸刹海，
種種業 yè 起各差別， 毘盧遮那轉法輪。
或見世界不清淨， 或見清淨寶所成，
如來住壽無量時， 乃至涅槃諸所現。
普遍十方諸世界， 種種示現不思議，
隨諸眾生心智業 yè， 摩 mǐ 不化度令清淨。
如是無上大導 dǎo 師， 充滿十方諸國土，
示現種種神通力， 我說少分汝當聽 tīng。
或見釋迦成佛道， 已經不可思議劫；
或見今始為菩薩， 十方利益諸眾生。

或有見此釋師子，供養諸佛修行道；
或見人中最勝尊，現種種力神通事。
或見布施或持戒，或忍或進或諸禪，
般若方便願力智，隨眾生心皆示現。
或見究竟波羅蜜，或見安住於諸地，
總 zǒng 持三昧神通智，如是悉現無不盡 jìn。
或現修行無量劫，住於菩薩堪忍位；
或現住於不退地，或現法水灌其頂。
或現梵釋護 hù 世身，或現刹利婆羅門，
種種色相所莊嚴，猶如幻師現眾像。
或現兜率始降神，或見宮中受嬪 pín 御，
或見棄 qì 捨諸榮樂，出家離俗行學道。
或見始生或見滅，或見出家學異 yì 行，
或見坐於菩提樹，降伏魔軍成正覺。
或有見佛始涅槃，或見起塔遍世間，
或見塔中立佛像，以知時故如是現。
或見如來無量壽，與諸菩薩授尊記，
而成無上大導 dǎo 師，次補 bǔ 住於安樂刹。
或見無量億千劫，作佛事已入涅槃；
或見今始成菩提，或見正修諸妙行。
或見如來清淨月，在於梵世及魔宮，
自在天宮化樂宮，示現種種諸神變 biàn。
或見在於兜率宮，無量諸天共圍遶，
為彼說法令歡喜，悉共發心供養佛。
或見住在夜摩天，忉利護 hù 世龍神處，
如是一切諸宮殿，莫不於中現其像。
於彼然燈世尊所，散華布髮為供養，

從是了知深妙法，
或有見佛久涅槃，
或有住於無量劫，
身相光明與壽命，
眾會所化威儀聲，
或現其身極 jí 廣大，
或見跏趺不動搖，
或見圓光一尋量，
或見照於無量土，
或見佛壽八十年，
或住不可思議劫，
佛智通達 dá 淨無礙，
皆從心識 shí 因緣起，
於一剎中成正覺，
一切入一一亦爾，
如來住於無上道，
具足智慧無所礙，
了知苦集及滅道，
法義樂說辭 cí 無礙，
諸法無我無有相，
一切遠 yuǎn 離如虛空，
如來如是轉法輪，
宮殿山河悉搖動，
如來普演廣大音，
悉使發心除惑垢，
或聞施戒忍精進，
或聞慈悲及喜捨，
恒以此道化群生。
或見初始成菩提；
或見須臾 yú 即滅 miè 度。
智慧菩提及涅槃，
如是一一皆無數。
譬如須彌大寶山；
充滿無邊諸世界。
或見千萬億由旬，
或見充滿一切剎。
或壽百千萬億歲 suì，
如是展轉倍過此。
一念普知三世法，
生滅 miè 無常無自性。
一切剎處悉亦成，
隨眾生心皆示現。
成就十力四無畏；
轉於十二行法輪。
分別十二因緣法；
以是四辯廣開演。
業 yè 性不起亦無失，
佛以方便而分別。
普震十方諸國土，
不使眾生有驚怖。
隨其根欲皆令解，
而佛未始生心念。
禪定般若方便智，
種種音辭 cí 各差別。

或聞四念四正勤，神足根力及覺道，
諸念神通止觀等，無量方便諸法門。
龍神八部人非人，梵釋護 hù 世諸天眾，
佛以一音為說法，隨其品類皆令解。
若有貪欲瞋恚 huì 癡，忿覆慳嫉及憍 jiāo 諂 chǎn，
八萬四千煩惱異，皆令聞說彼治法。
若未具修白淨法，令其聞說十戒行；
已能布施調伏人，令聞寂滅涅槃音。
若人志劣無慈愍，厭惡生死自求離；
令其聞說三脫門，使得出苦涅槃樂。
若有自性少諸欲，厭背三有求寂靜；
令其聞說諸緣起，依獨覺乘而出離。
若有清淨廣大心，具足施戒諸功德，
親近如來具慈愍，令其聞說大乘音。
或有國土聞一乘，或二或三或四五，
如是乃至無有量，悉是如來方便力。
涅槃寂靜未曾異 yì，智行勝 shèng 劣有差別；
譬如虛空體 tǐ 性一，鳥飛遠 yuǎn 近各不同。
佛體音聲亦如是，普遍一切虛空界，
隨諸眾生心智殊，所聞所見各差別。
佛以過去修諸行，能隨所樂演妙音，
無心計念此與彼，我為誰說誰不說。
如來面門放大光，具足八萬四千數；
所說法門亦如是，普照世界除煩惱。
具足清淨功德智，而常隨順三世間，
譬如虛空無染著，為眾生故而出現。
示有生老病死苦，亦示住壽處於世；

雖順世間如是現，體 tǐ 性清淨同虛空。
一切國土無有邊，眾生根欲亦無量；
如來智眼皆明見，隨所應化示佛道。
究竟虛空十方界，所有人天大眾中，
隨其形相各不同，佛現其身亦如是。
若在沙門大眾會，鬚 tì 除鬚髮服袈裟，
執 zhí 持衣鉢護 hù 諸根，令其歡喜息煩惱。
若時親近婆羅門，即為示現羸 léi 瘦身，
執杖持瓶恒潔 jié 淨，具足智慧巧談說。
吐故納新自充飽，吸風飲露無異 yì 食，
若坐若立不動搖，現斯苦行摧異 yì 道。
或持彼戒為世師，善達 dá 醫方等諸論，
書 shū 數天文地眾相，及身体咎 jiù 無不了。
深入諸禪及解脫，三昧神通智慧行，
言談諷詠共嬉戲 xì，方便皆令住佛道。
或現上服以嚴身，首戴華冠蔭 yìn 高蓋 gài，
四兵前後共圍遶，警眾宣威伏小王。
或為聽 tīng 訟斷獄官，善解世間諸法務 wù，
所有與奪 duó 皆明審 shěn，令其一切悉欣伏。
或作大臣專 zhuān 弼 bì 輔，善用諸王治政法，
十方利益皆周遍，一切眾生莫了知。
或為粟 sù 散諸小王，或作飛行轉輪帝，
令諸王子采女眾，悉皆受化無能測。
或作護 hù 世四天王，統領諸龍夜叉等，
為其眾會而說法，一切皆令大欣慶 qìng。
或為忉利大天王，住善法堂歡喜園，
首戴華冠說妙法，諸天覲 jìn 仰莫能測。

或住夜摩兜率天，
居處摩尼寶宮殿，
或至梵天眾會中，
普令歡喜便捨去，
或至阿迦尼吒天，
及餘無量聖功德，
如來無礙智所見，
悉以無邊方便門，
譬如幻師善幻術，
佛化眾生亦如是，
譬如淨月在虛空，
一切河池現影像，
如來智月出世間，
菩薩心水現其影，
譬如大海寶充滿，
四洲所有諸眾生，
佛身功德海亦爾，
乃至法界諸眾生，
譬如淨日放千光，
佛日光明亦如是，
譬如龍王降大雨，
而能霑 zhān 洽 qià 悉周遍，
滌 dí 除炎熱使清涼。
如來法雨亦復然，
而能開悟一切眾，
如來清淨妙法身，
以出世間言語道，
雖無所依無不住，
化樂自在魔王所，
說真實行令調伏。
說四無量諸禪道，
而莫知其往來相。
為說覺分諸寶華，
然後捨去無知者。
其中一切諸眾生，
種種教化令成熟。
現作種種諸幻事；
為其示現種種身。
令世眾生見增減，
所有星宿奪 duó 光色。
亦以方便示增減，
聲聞星宿無光色。
清淨無濁無有量；
一切於中現其像。
無垢無濁無邊際；
靡不於中現其影。
不動本處照十方；
無去無來除世暗。
不從身出及心出，
不從於佛身心出，
普使滅除三毒火。
一切三界無倫匹；
其性非有非無故。
雖無不至而不去；

如空中畫 huà 夢所見，當於佛體 tǐ 如是觀。
三界有無一切法，不能與佛為譬論；
譬如山林鳥獸等，無有依空而住者。
大海摩尼無量色，佛身差別亦復然；
如來非色非非色，隨應 yìng 而現無所住。
虛空真如及實際，涅槃法性寂滅等；
唯有如是真實法，可以顯 xiǎn 示於如來。
剎塵 chén 心念可數知，大海中水可飲盡 jìn，
虛空可量風可繫 xì，無能盡說佛功德。
若有聞斯功德海，而生歡喜信解心，
如所稱揚悉當獲 huò，慎勿於此懷 huái 疑念。」

大方廣佛華嚴經卷第八十

恭敬法宝 开智慧眼 深入经藏 智慧如海



愿以此功德
消除宿现业
增长诸福慧
圆成胜善根
所有刀兵劫
及与饥谨等
悉皆尽灭除
人各习礼让
一切助印者
展转流通者
现眷咸安乐
先亡获超升
风雨常调顺
人民悉康宁
法界诸含识
同证无上道

普为助印及读诵受持辗转
流通各佛经者回向偈

